




استغفر الله العظيم
 كاتنام فتح محمد اول ولد الوصي
 لغزای سلطان محمد اول ولد الوصي
 محمد علی کدغلی بیگ و سلمی شرفا بیگم

بو کتاب حافظ
حمد افند نکر



وقفه

10 R. 20

111

١	٢	٣
٤	٥	٦
٧	٨	٩
١٠	١١	١٢
١٣	١٤	١٥
١٦	١٧	١٨
١٩	٢٠	٢١
٢٢	٢٣	٢٤
٢٥	٢٦	٢٧
٢٨	٢٩	٣٠
٣١	٣٢	٣٣
٣٤	٣٥	٣٦
٣٧	٣٨	٣٩
٤٠	٤١	٤٢
٤٣	٤٤	٤٥
٤٦	٤٧	٤٨
٤٩	٥٠	٥١
٥٢	٥٣	٥٤
٥٥	٥٦	٥٧
٥٨	٥٩	٦٠
٦١	٦٢	٦٣
٦٤	٦٥	٦٦
٦٧	٦٨	٦٩
٧٠	٧١	٧٢
٧٣	٧٤	٧٥
٧٦	٧٧	٧٨
٧٩	٨٠	٨١
٨٢	٨٣	٨٤
٨٥	٨٦	٨٧
٨٨	٨٩	٩٠
٩١	٩٢	٩٣
٩٤	٩٥	٩٦
٩٧	٩٨	٩٩
١٠٠	١٠١	١٠٢

* * فهرست آمنت * *		
فصل تعداد مقامات	فصل اول شرط وجوب ایمان	فصل اختلافات بدیهی ونظری
۶	۱۱	۱۳
فصل ایمان مقید	فصل حقیقت وماهیت	فصل کاشفات ومخلوقات
۱۵	۱۸	۲۱
فصل صفات قدسیه	صفات معنویه	اسماء حسنی
۳۴	۴۱	۴۸
اسم ذوالجلال	مقام ثانی فی ملائکه	فصل نوع ملائکه
۵۴	۷۵	۷۷
فصل امام فخرالدین	فصل جبرائیل علیه السلام	فصل هاروت وماروت
۷۹	۸۲	۹۳
فصل مقام ثالث ایمان بالکتاب	فصل قرآن سوره وآیات	مقام رابع ایمان بالرسول
۹۴	۹۶	۹۸

احکام شریعت شریفه	فصل اوصاف پیغمبران	فصل پیغمبران ذکر قرآن
۱۰۱	۱۰۶	۱۱۰
فصل خوارق عادات	فصل خصائص شریفه علیه السلام	فصل نزول جبرائیل علیه السلام
۱۲۰	۱۲۳	۱۵۴
فصل انبیاء کرام علیهم السلام	انبیا ومرسلین ماعداء جمیع ناسک افضلی ابوبکر در	الخلافه بعدی ثلثون سنه
۱۵۸	۱۶۳	۱۶۵
عشره مبشره بالجنه	فصل مقام خامس ایمان باليوم الآخر	سؤال منکر ونکیر
۱۶۷	۱۷۴	۱۷۸
فصل الانبیاء احیاء فی قبورهم	فصل اختلاف روح	ملاقات الارواح
۱۸۴	۱۸۵	۱۹۵
فصل علامات قیامت	حشر اجزاء اصلیه	تدنوا الشمس يوم القيمة
۲۰۱	۲۲۷	۲۳۱

SOLEYMAN E.

Kıtâbı

Seyyid Nagîf ef.

Yeni Kayıt No.

Eski Kayıt No.

30

Tasnif No.

297.3

40

فصل شفاعت	فصل امم سالقه	سؤال حضرت
کبری	۲۴۱	رب العالمین
۲۳۴		۲۴۴

ملائکة مؤکل	فصل کوچک صبیانان	فصل میدان
۲۴۷	ودوشوکارک شفاعت لری	۲۶۷
	۲۶۶	

تمثیل	فصل اختلاف	فصل اصحاب
وارشاد	مکان جهنم	۳۰۶
۲۷۹	۲۸۷	

فصل مجرد دخول	فصل جنتک	فصل درجه
جنت	ارمقلری	جنت
۳۱۰	۳۱۵	۳۴۰

فصل رفعت	فصل ضیافه	مقام سادس ایمان
درجه جنت	الله	بالقضا والقدر
۳۳۰	۳۳۴	۳۴۵

فصل قدر	فصل قدر	مقدوره
۳۴۸		

ترسانه حکیم بابی السید موسی



***** فرائد الفوائد ***** فی بیان العقائد *****

***** بسم الله الرحمن الرحيم *****

جمع محامد بی عد و ثنای لایعد و شکر بی حساب و بی حد
اول خلاق متعال و قدیر بی مثال و حی قیوم بی زوال مالک الملک
و الملکوت رب العزة و الجبروت مقدر الاکوان و الازمان علیم
اسرار الانس و الجن مذکور بکل لسان مشکور بکل ارکان
و جنان معبود فی کل وقت و زمان علام احوال و اطوار بصیر ضمائر
اسرار اولان رب الارباب و مالک الرقاب تلاً لبوارق آیاته
علی صفاح المحدثات و اشرق شوارق صفاته علی الواح
المبدعات حضرتته اولسونکه کافه کاشانی مآثری فی خلق
الرحمن من تفاوت فار جمع البصر هل تری من فطور ثم ارجع
البصر کرتین ینقلب الیک البصر خاسئاً و هو حسیر فخوا سنج
نظام بدیع اوزرینه ابداع و عامه مصنوعات اسلوب منیع اوزره
اختراع ایدوب هر برینک کمال ثانوی سنی مقتضای حکمت ربویدت
برله اوزرلرینه اجرا و ترتیب ایلدی و نسخه آدمی خامه قدرتیله

لوح

نظیف افندیك و فقید سید سید

لوح وجوده تحریر و صورت انسانی احسن تقویمیه تصویر
ایدوب جواهر عقل و ادراک ایلله مزین و اسکان اماکن مکونات
ایلله معین و مسالك معاشی تعلیم و مناهج معادی تفهیم ایدوب
جمله عبادی و الله یدعو الی دار السلام کلام منزل لیلله دار سلامته
دعوت و مظهر ازلیه اولنلری دین اسلام اولان صراط مستقیمه
هدایت ایلله ممتاز ایلدی و جواهر صلوات متواصلات و زواهر
تحیات متوالیات و لاکی تسلیمات متالیات اولاشرف موجودات
و اکل مخلوقات شمس فلک سعادت و سیادت و فلک عالم نبوت
و رسالت افضل افاضل انبیاء و مرسلین و مقتدای اولین و آخرین
حبیب رب العالمین حضرت ابی القاسم اول و آخر حاشر توصیف
انک لعلی خلق عظیم ایلله موصوف و تعریف و ما ارسلناک الارحة
للعالمین ایلله معروف و نتیجه ان الله اصطفی اعنی حضرت
محمد مصطفی علیه من اکمل الصلوات ما هو الا کفی و ازکی
التحیات ما هو الا جلی و الاصفی و من اطیب التسلیمات ما هو
الاولی و الاو فی حضرتلرینک روضه رضیه لرینه ایشار و نثار
اولسونکه بدر منیر لیلله زمین زمان منور و شمس شرع مطهر لیلله
کون مکان مستضی و مطهر ایدوب امتنی مهلکه شفا جرف
هار فانهار به فی نار جهنم دن انقاذ و اخراج ایلدوب و الرسول
یدعوکم فی اخریکم و انک لتهدی الی صراط مستقیم مصداق بجه
سیره حسنه به و طریقه مستقیمه به ارشاد روضه رضوان و جوار
رحمن اولان درجات کلستان جنان جنات عدن تجری من تحتها
الانهار خصوصاً رضای اکبر و لقای کبریایه نبل و وصول
ایلله امتنی سلطان ایلدی رضا و رحمت و غفران حضرت اولاد

وآل واصحاب اما جدل زينه اولسونكه هر برى طريق حقه
نجوم الاهتدا وسبيل توفيقده امام مقتدا ودين اسلامك اعوان
وانصاري اولوب سيف وسان ايله اعداي قهر ايدوب
شريعت محمدية بي جمله آفاقه اشاعه و معارف بقيه بي ارباب
كاله افاضه ايتد يار اما بعد بو عبد فقير حفي استانبولى المولد
احمد بن محمد امين حشرهما الله تعالى يوم التناد مع الامتين
دير كه عقائد اهل سنت وجا عنده ضرورات دينيه واكا
ملحق اولان مسائل جمله مكلفله مؤمنين مؤمنات مسلمين
مسلماته بيلري واعتقاد ايتلري فرض عين وعين فرض اولوب
وامنت بالله مضمون حديث شريفى اجمالا عقائدى جامع
اولد يغندن اخوان دينه خدمت وطلب مغفرت ورحمت
ايچون نوعا تفصيل ايلدم تاكه اخوان دين وخلان مخلصين
مطالعه ايتد كده مستفيد اوله لر بحمد الله تعالى وحسن توفيقه
مشمئل اولديغى مسائل نفيسه قره عين العقلا ونتيجه افكار
الفضلا اولوق حسبيله عين رضا وچشم انصافله نظر ايدن
اخوانه آسمان علوم دينيه دن وسپهر معارف يقينيه دن هر بر
مسئله سى كوكب در يلكي ضيا و يروب ظلمات مشكلات
قليبه بي تنوير ايدر بر مقدمه والى مقامى حاوى اولوب مقام
اول ايمان بالله تعالى مقام ثانى ايمان بالملائكه مقام ثالث ايمان
بالكتب مقام رابع ايمان بالرسول مقام خامس ايمان باليوم الآخر
مقام سادس ايمان بالقضاء والقدر پيا ننده در فرائد الفوائد
في بيان العقائد تسميه ايلدم حق سبحانه وتعالى دن نياز و اضرع
ايدر مكه بونك ايله اخوان دينه نفع اخروى وسعادت ابدية

ويروب وانلرك انتفاعلري مقدار نجه بو عبد فقيره نفع اخرويه
احسان ايله واجعل لي لسان صدق في الاخرين واجعلني
من ورثة جنة النعيم آمين يا ارحم الراحمين مقدمه معلوم اوله كه
الله تبارك وتعالى حضرت آدم عليه السلامك ظهور ندى جميع
ذرياتى قبيله قبيله صنف صنف دن ياده كي ترتيب اوزره
بابلري اصلا بندين وانه لري ترابنندن اخراج ايليوب انلري
عقلا و فاعل مختار قيلدى بعده الست بر بكم يعنى بن سزرك
ربكز دكليم ديو خطاب ايتد كده جمله سى بلى يعنى سن بزم
ربمزن ديديلر بو تصديق واقرار انلره ايمان فطرى اولدى
وحضرت آدم عليه السلام جمله سنى كورردى الله تعالى انلره
ايمانله امر ايلدى كفر و شر كدن نهى ايلدى عالم دن ياده ايمان
كسب ايليوب مؤمن اولنلر عهده موافقت ايليوب ايمان فطرى
اوزرينه دائم وثابت اولورلر كفر كسب ايليوب ايمان فطرى تبديل
وتغير ايليوب عهده مخالفت ايدرلر نعوذ بالله من ذلك حضرت
عمر بن الخطاب رضى الله عنه الست بر بكم آيت كريمه سندن
سؤال اولنلر قدده جواب ويروب يورديكه رسول اكرم صلى
الله عليه وسلم دن ايشتمدم الله تعالى آدم عايه السلامك
ظهور ندى ذرياتى استخراج ايلدى ديو يورديلردى واجله
تابعيندن سعيد بن جبير رضى الله تعالى عنهما دن نقل ايلدى
واذ اخذ ربك من بنى آدم من ظهورهم ذريتهم واشهدهم على
انفسهم الست بر بكم قالوا بلى قول شريفده آدمك ذريتنى
على الترتيب المذكور ظهور ندى اخراج ايليوب جمله سى
الله تعالى نك ربو ييتنى ووحدا ييتنى تصديق واقرار ايلد يار

وحضرت ابوحنيفه رضی الله عنه مذهبده بودر تشکیم فقه
 اکبرده ذکر ایلدی دخی الله تعالی انبیا علیهم السلامدن عهد
 اخذ ایلدی که عالم دنیاده تبایغ دین وتعلیم شرایع ایده لر
 امتلرینه اصلاکتیم ایتدیر وانلراویله ایتدیر واملر پیغمبرلرینه ایمان
 کتورب امرینه مخالفت ایتدیر علماء تفسیر بیور مشرکه
 الله تعالی نیک عهدی اوج قسمدر بری جیع بنی آدمدن اخذ
 ایلدی الله تعالی نیک وحدانیتی ور بویتنی دار دنیاده تصدیق
 واقرار ایده لر بری دخی انبیا عظام علیهم السلامدن اخذ
 ایلدی عالم دنیاده امتلرینی دینه دعوت ایلوب شرایع تعلیم
 ایده لر وبری دخی علمای کرامدن اخذ ایلدی خلقه دینی
 وشریعت تعلیم ایلوب حتی بیان ایدیر وسائر خلق علماء کرامک
 قولیه عمل ایده بو عهد تفسیر بیضاویده وتفسیر ابو السعودده
 وسائر زنده مذکور در * فصل * معلوم اولسونکه
 خلاق علیم وفتاح حکیم عز وجل بنی آدمی دنیاده قرنا بعد
 قرن خلق ایلوب هر مکلف جهت علیه وجهت علیه لر بنی
 تکمیل ایلوب جوار الله تعالی اولان جنات عالیاته دخوله قابلیت
 کسب ایتدیر ایچون هر طائفه به پیغمبر ارسال ایلدی کینه
 کتاب انزال ایتدی وکینه ایتدی زمان آخر اولنج حضرت
 رسول که اثبات و مفخر موجودات علیه افضل التحیات
 واکمل التسلیات حضرتلرینی ارسال ایلوب اکا قرآن کریم
 انزال ایلدی وقت سعادت تلرنده اصحاب رضوان الله علیهم اول
 اسلام اولوب اهل ایمان قلیل اولد پیچون جهاد غزایله
 مشغول اولدیلر ورسول اکرم صلی الله تعالی علیه وسلمک

شرف

معلوم اولسونکه عهد
 میاق حقیقه اولان
 نصوص قرآنیه وآیات
 فرقانیه که ملاحق تعالی نیک
 الست بریکم نظم شریفی
 کبی وحضرت خاتم صلعم
 ان الله خلق آدم ثم مسح
 ظهره فاستخرج منه ذریته
 الی آخره حدیث شریفی
 کیلرده اقوال متکثره
 ومذاهب متوافقه وآرای
 متافقه وثأویلات متواتره
 اولوب مدارک عقلمدن
 اولدیغی اجلدن اقدام
 افهام عقلا مترزل وآرای
 فحول فضلا مضطرب
 اولشدر از جمله اصحاب
 نظر واریاب عقول عندنده

شرف صحبیه مشرف اولد قلیچون عقائدلری صافی
 وعملری خالص اولوب اختلافات ومنازعات اولدیغی اجلدن
 تدوین علوم وتصنیف کتابدن مستغنی اولدیلر حضرت رسول
 اعظم صلی الله تعالی علیه وسلم دار دنیادن دار آخرته تشریف
 ایلد کدن صکره مجتهد لر قتنده واهل ایمان ارا سنده فتنه
 واقع اولوب کونا کون اختلافات ومنازعات ظهور ایتدی
 بدعت واهوا جانبنه میل حادث اولدی مهمات مسائله
 علمایه مراجعت حوق اولدیغیچون اول وقتک علمای اجتهد
 ایله مشغول وتمهید قواعد شریعت محمدیه وتأسيس اصول
 وترتیب ابواب وتالیف کتاب وتصنیف فصول ایتدیلر
 هر مسئله بی دلیلله وهر سوالی جوابیله ذکر ایتدیلر اوضاع
 مسائل واصطلاحات تعیین ایلوب مذاهب واختلافاتی
 بیان ایتدیلر بواصتنک علمای بنی اسرائیل پیغمبرلری کبی
 اولدیغی ظاهر وباهر اولدی عملیاته متعلق اولان علم شریفه
 علم الفقه واعتقادیاته متعلق اولان علم شریفه علم الکلام وعلم
 التوحید والصفات تسمیه ایتدیلر ائمه حدیثدن امام ترمذی
 رحمه الله تعالی حضرتلرینک تخریج ایلدیکی حدیث شریف که
 رسول اکرم صلی الله علیه وسلم بیوردی ستفترق امتی ثلثا وسبعین
 فرقه بنم اتم قریبا البتده یمش اوج فرقه اولور علماء حدیث
 امتی امة اجابته حل ایتدیلر واختلافی عقائدده اختلافه
 حل ایتدیلر کلها فی النار الا واحدة اول فرقه لک کلوسی
 بحیمه کرسه کرکدر الا بر فرقه ناجیه اولسه کرکدر قبل سوال
 اولندی من هم یارسول الله اول نجاه یولان فرقه کیلر در

مذهب بودر که حق تعالی
 اولاصلایدن نظم فی
 اخراج ایلوب ارحامه
 ادخال ایتدی بعده خلقه
 ایتدی بعده مضغه ایتدی
 بعده هر اعضا تام اولدقه
 روح نفخ ایتدی بعده
 علم السبل یسر مضمونجه
 عالم دنیا به اخراج تبارک
 الذی خلق من الماء بشرا
 فجعله نسبا وصهرا
 فیه یقیجه انلری بشر
 سوی قیلوب عقلا ایتدی
 آیات افاقیه نک شواهد
 ربوبیه سنی مشاهده
 ودلائل انفسیه نک براهین
 الوهیه سنی معاینه ایدوب
 توحید ربوبیت وتقرید
 الوهیت ایلک جمله سنک

ای الله تعالیٰ رسول قال جوابنده بیوردی الذین هم علی ما انا
 علیه واصحابی اول فرقه اول طائفه در ککه انرا اول اعتقاد
 اوزرینه در که بن و بنم اصحاب اول اعتقاد اوزرینه در بو فرقه
 عقائده اصحابه موافق اولد یغیچون اهل السنه والجماعه
 تسمیه اولندی بحسب الاعتقاد عذاب مستحق اولد یغیچون
 فرقه ناجیه تسمیه اولندی اما اهل سنتک عاصیری معذب
 اولد یغی عجلده قصور ومعصیت ایند کیری اجلد ندر اعتقاد
 حسیله دکلدر اما سائر فرقه لکه معتزله روافض خوارج
 شیعه امامیه اسماعیلیه وغیر یلرکی بونلرک اعتقاد لری باطل
 اولمق حسیله معذب اولورلر معصیت ایند کابندن ایچون مغذب
 اولد یغندن ماعداد بو محلی ابوجه تأمل اولمیلدر وحدیث
 شریفک فحوا سنجه افضل تابعیندن شیخ حسن بصری
 رجه الله علیه حضر تلمیذک درسنه حاضر اولنلردن
 واصل بن عطا نام کسه برکون درسدن عزلت ایلوب بر مذهب
 احداثه شروع ایلدی مرتکب کبیره مؤمن دکل کافر
 دیوب ایمانله کفر اراسنده واسطه اثبات ایدردی حسن بصری
 مرحوم قد اعترل واصل بن عطا واصل بن عطا بزدن
 اعترال ایلدی دیو بیوردقده اسملری معتزله اولدی برکروه
 سفها کندویه اتباع ایلوب اصحاب عقائده مخالفت ایدردی
 الله تعالیٰ صفات حقیقه سنی انکار ایند کلمچون کندولرینه
 اهل توحید تسمیه ایند یلر مطیع اولنلره ثواب و یرمک و مرتکب
 کبیره اولوب توبه سز آخرته کید نلره ابدی عقاب ایلک الله
 تعالیٰ اوزرینه واجبدردید کلمچون کندولره اهل عدل

تسمیه

شانرندن اولد یغیچون
 کویالسان حالدن الست
 بر بکم خطایله مخاطب
 اولوب یلر دیش ککی
 اولد یلر بیضاوی دخی
 اولد یلر اختیار ایلدی
 بو قول اختیار عندنده
 واهل اعترال کرمدر
 مختار بودر آیات کریمه
 بومغایه حمل اولمق
 واجبدردیوب تمیلات
 قرآنیه دن عدل ایدیلرکن
 علماء اهل سنت و جماعتک
 اکثری وائمه تک کباری
 واهل تفسیرک قد ماسی
 از جمله حضرت سلطان
 المفسرین عبد الله بن عباس
 رضی الله عنهما روایه صحیح
 ایلد مروی و تفسیر تبیین

تسمیه ایند یلر بغداد معتزله سنی دینده و دنیاده قوللره انفع
 اولانی و یرمک الله تعالیٰ اوزرینه واجبدردید یلر بصره
 معتزله سنی انجق دینده انفع اولانی و یرمک واجبدردید یلر
 حاشا الله تعالیٰ عن ذلك قبرده میت حیات بولوب منکر و نکیر
 کله سنی انکار ایند یلر و آخرتده کی حسابی و سؤالی و شفاعتی
 و صراطی و میرانی انکار ایند یلر و شمدیکی حالده جنت و جهنم
 موجود اولد یغنی انکار ایدوب محسوسده خلق اولنور دیرلر
 و شرور معاصی مقدر اولور و الله تعالیٰ خلق ایند و کنی
 انکار ایدوب شروری و معصیتلری نفس اماره خلق ایدردید یلر
 بواجلدن قدریه تسمیه اولندیلر و جنتده کی رؤیه الله تعالیٰ بی
 انکار ایند یلر و کرامت اولیای انکار ایند یلر بونلرک مذهب
 باطللری بین الناس مشهور اولدی بونلرک رئیس لرندن ابو علی
 الجبائینک شیخی ابو الحسن الاشعری حضرتلری مجلسنه الزام
 ایچون حاضر اولدی مباحثه اثنا سنده سؤال بیورب اوج قرن داش
 بری مطیع و بری عاصی و بری صغیر ایکن آخرته کنسه لر سنک
 مذهبکده نیجه حکم اولنور دیدی ابو علی الجبائی جواب و یروب
 مطیع ثواب و عاصی به عقاب ایتک الله تعالیٰ به واجبدرد
 و صغیره ثواب و عقاب اولماز دیدی شیخ حضرتلری یننه
 سؤال ایلوب اگر صغیر سؤال ایدوب یارب بکا عمر و یروب
 مطیع قرن داشم کی اطاعت ایدیدم ثوابه نائل اولوردم دیسه
 نه کونه جواب و یرردیدی ابو علی الجبائی جواب و یروب
 الله تعالیٰ جوابنده بیورد اگر سن کبیر اولسک عاصی اولوردک
 سکا کوره صغیر اولمک انفع و اصلحدر دیر دیدی و یننه شیخ

صاحبی دخی اختیار ایدوب
 بعض تصنیفاتنده بیان
 ایند یکی حضرت تاج الاممه
 ابو حنیفه رضی الله عنه
 حضر تلمیذک مذهب
 بودر که فی نفس الامسه
 حق سبحانه و تعالیٰ آدم علیه
 السلامی خلق ایند کدن
 صکره قدر نیله آدمک
 طهرندن جمیع ذریای
 اخراج ایلدی و انلره عقل
 و ادراک و یروب خطاب
 ایلدی ایمانیله امر ایلدی
 و کفرندن نهی ایلدی لکن
 علماء متأخرین امر یله
 تفصیل ایلدیلر که الله تعالیٰ
 اولاد آدم علیه السلامدن
 کندن اولادنی اخراج
 ایلدی و انلرک اولادنی

حضرتلری سؤال ایلدیوب اگر عاصی سؤال ایدوب یارب چونکه
عاصی اولمقدن صغیر ایکن اولمک انفع واصلح ایدی یانیچون
بی صغیر قزنداشم کی صغیر ایکن روحی قبض ایلدک دیسه
نه کونه جواب ویردیدکده ابوعلی الجبائی مبهوت اولدی شیخ
حضرتلری امام شافعی رحمه الله حضرتلرینک طقوزنجی یاخود
اوننجی مرتبه ده تلیذی ایدی و ابوحنیفه رضی الله تعالی عنه
حضرتلرینک دور دنجی یاخود بشنجی مرتبه ده تلیذی ایدی
شیخ ابو منصور ماتریدی دیمک ايله مشهور بو ایکی شیخان
جلیلان اهل سنت و جماعت اعتقادنده غایتده سعی و اجتهاد
ایللیوب عقائد حتی اظهار ایتدیلر و مذهب باطله بی براهین
قاطعه ايله ابطال ایتدیلر حنفیه نک اکثری شافعیه و مالکیه
وحنبلیه نک اکثری عقائد ده شیخ ابوالحسن الاشعری به اقتدا
ایتدیلر پس ایمدی اعتقادده مذهب اهل سنت ایکی اولدی
بونلره مخالف مذهبلر تقدیر وار ایسه جمله سی باطلدر
و عملده اولان مذهبلر که امام اعظم و امام مالک و امام
شافعی و امام احمد بن حنبل رحمهم الله تعالی بونلر اتفاق
ایتدکلری حکملر حقدر اختلاف ایتدکلری حکملر خطایه و صوابه
احتمالی واردر هر کس تابع اولدیغی امامک قولنی صواب
اعتقاد ایتک لازمدر که تقلیدی صحیح اوله خطا اعتقاد ایدرسه
تقلیدی جائز دکدر زیرا جمله مجتهدلر کاه ثواب و کاه خطا
ایدر خطا ایتدوکی وقتده ینه مأجوردر و خطاسی کندویه معلوم
اولدجه معذور و تابع اولان دخی مأجوردر دخی بو اماملرک
شاگردلری اکثر مسئله ده موافقت ایتدکلر یچون بشقه

انلردن اخراج ایلدی
باباری اصلا بنیدن
وامهاتلری ترانیدن بوم
القیامته و ازجه تقدیر انسان
اوله حق ایسه جمله سی
دنیاده کی ترتیب اوزره طبقه
طبقه روحلر و جسدلر یله
یله ندره کی سیاه آدمک
اولوب کمسی سیاه آدمک
صول جاننده و کمسی بیاض
آدمک صاغ جاننده و کفردن
اولدیلر ایماندن و کفردن
خال ایدیلر بعدده حق تعالی
انلره خطاب ایللیوب الست
بر بکم دیدی و انلر جمله سی
بلی دیدی ایمانله امر ایلدی
کفر و شرکدن نهی ایلدی
اول و قسده و حدانینی
و رؤیننی تصدیق ایتدکلری

مذهب عد اولدی بوجهله مذهبلر هدایت اوزره در * فصل
معلوم اولسونکده ایمانک وجوبنک شرطی و سببی ماتریدی به
عندنده انجق عقل میزددر بلوغک مدخلی یوقدر و اشاعره
عندنده عقل ايله بلوغک مجبوعیدر ابوحنیفه رضی الله عنه
حضرتلرین روایت اولنور عاقل صبی اوزرینه معرفه الله تعالی
فرضدر دیو یور مش و علماء حنفیه و اکثر مشایخ عراق
عندنده بویه در زیر بالغ اوزرینه ایمان واجب اولدیغی عقل
اعتباریله در عقل موجود اولدقدن صکره ایمان واجب
اولور بالغ اولسون اولسون دیمشلسر نیکم فقه اکبر شرحنده
علی القاری ذکر ایلدی اما بین الناس ایمانک شرطی بش
مشهور اولدیغی رانک فحیمله شرطدن غلطدر علامت معناسنه
جمعی اشراط کلور اشراط الساعه صکی رانک سکونیهله
شرطک جمعی شروط کلور شروط الصلوة کی عقل میز
صاحبی اولان اوزرینه اوله معرفه الله تحصیل ایچون شرعا
نظر واجب اولور نظر صحیح ايله معرفت حاصل اولور اسماعیلیه
طائفه سنک نظر صحیح معرفت افاده ایتلیوب امام معصوم
ارشاد ینه محتاجدر دیدکلری باطلدر معرفندن مراد الله تعالی
حضرتلرینک وجودنی وصفات سلویه و ثبوتیه سنی یسلوب
تصدیق ایلکدر اما کنیهله بیلکده اختلاف واردر جمهور
متکلمین کنهی معلوم اولق نمکندر دیدیلر وقوعنده اختلاف
ایتدیلر بعض محققین دنیاده واقع اولماز اما آخرنده اولور
دیدیلر و بعض محققین اصلا واقع اولماز دیدیلر بوقیر عندنده
بودر که یالکر عقل مجرد ايله معلوم اولق محالدر یا عجباً عبد مخلوق

ایمان فطری اولدی نیکم
حق جل و تعالی یورد
واقع وجهک للدين حنیفا
فطرة الله التي فطر الناس
عليها لا یبدیل خلق الله
ذلك الدين القيم ولكن
اکثر الناس لا یعلمون
وحضرت رسول السلام
عليه الصلوة والسلام
یورر کل مولود یولد علی
فطرة الاسلام الحديث
مذهب صحیح بو در بالاده
نیکر اولنان اقوالک
صاحبلری نور بصیرت ايله
صدرلری منشرح اولدوب
حوصله لری ضیق اولدیغی
ایچون تاویله تصدی

کند و نفسی کنهیه ادراک ایتمه که عاجز وقاصر و بر مخلوق
کنهی بیلک محال اولد بقی وقتده خلاق عالم و معبود ابدی
وازی صفات کبریا ایله ازلا موصوف اولان رب العالمینک حقیقه
ازلیه سنی بیلک نوجهله ممکن اولور حال بوکه افضل الانبیا
وقاب قوسین او ادنی مقامنک صاحبی علیه افضل الصلوة
والنسلم سبحانک ما عرفناک حق معرفتک بیور مشلر آنک
ایچون امام حجة الاسلام و امام الحرمین و طائفه صوفیه دن
برنفر کسه لر محالدر دیمشدر ابو بکر الصدیق رضی الله عنه
سبحان من لم یجعل خلقه سیلا الی معرفته الا بالعجز بیور مشلر
یعنی میزهدر اول الله تعالی که قولر ایچون کند و معرفته
طریق قیلدی الا انجیق معرفندن عجز ایله طریق قیلدی یعنی
هر کس حقیقتی بیلکدن عاجز وقاصر و متحیردر وینه
بیور مشلر در که العجز عن درک الادراک ادراک یعنی بیلکدن عاجز
اولق بیلکدر زیرا عاجز اولوب عقلیه برشی ادراک ایتسه
اول کسه الله تعالی بی بیله مشدر بیلدیکی بشقه شیدر آنک
ایچون حضرت علی رضی الله عنه بیور مشلر العجز عن درک
الادراک ادراک والبحث عن سر ذات الله اشراک یعنی
بیلکدن عاجز اولق بیلکدر والله تعالینک ذاتی سرندن بحث
ایدوب تقبش ایلک شرک ایلکدر آنک ایچون رسول اکرم
صلی الله علیه وسلم بیور مشلر که تفکروا فی آلاء الله ولا تفکروا
فی ذاته فانکم لن تقدروا یعنی سر الله تعالینک نعمترنده تفکر
ایک ذاتنده ایتک زیرا تحقیق والبت قادر اولماز سر والخاصل
کل ما خطر ببالک فالله غیر ذلک هر نه که خاطر یکه خطوط

ایتدیلر و بالفعل و فوعنی
محال عد ایتدیلر و عقول
قاصر لر نه تعین ایدوب
آیات واحادی ظاهرندن
صرف ایتدیلر و کارا صحابه
مخالفت ایتدیلر نعوذ بالله
تعالی من ذلک و بعض
عقلا دخی بو بایده اذیک
فلا سغه به تشبث ایدوب
ظاهر شرع شریقی ترک
ایتدیلر عقل رعین و ادراک
متین ادعا ایتدیلر بو بایده
عقلارک حکمی باطل
مضمحل اولوب منسابه
دخی حل ایتدوب نتیجه
تاویل صور تباه انکار
ایدلر و نو جهله بوقدر
آیات قرآنی واحادیث
نبویه بی تمثیله حل
طریقله ظاهر لرندن

ایتسه الله تعالینک ذاتی و کنهی آنک غیریدر لکن شرایع
حقه ایله نهذب نفس ایدوب کدورات بشریه دن و عوایق
جسمانیسه دن مجرد اولان کاملره علی طریق فیض معلوم
اولق ممکندر لکن نظر و تفکر طریقله دکل دیمش جلال دوانی
لکن بالاده ذکر اولنان بوقوله دخی منافیدر تأمل ایله ظاهر
اولور ابو حنیفه رضی الله عنه فقه اکبرده بیورر نعرف الله
حق معرفته کا وصف نفسه فی کتابه بجمیع صفاته یعنی الله تعالی
قرآن کریمده کندی ذاتی جمیع صفاتیه وصف ایتدیکی وجه
اوزره الله تعالی بی یلورز و لبس یقدر احد ان یعبد الله حق
عبادته و برکسه الله تعالی به لایق عبادتله عبادت ایتمه قادر
دکلدن ولکنه یعبده بامر کا امره لکن الله تعالی امر یله امر
ایتدوکی اجلدن عبادت ایدر دیو ذکر ایلدی یعنی الله تعالینک
الوهیته لایق عبادت ایتمه کسه ده قدرت یوقدر امرینه بنشاء
عبادت ایدر اما قرآن کریمده کندی وارلغنی و صفات کمالیه
موصوف اولدیغنی خبر و یردیکی وجه اوزره بیلک الله تعالی بی
لایق بیلکدر و معرفتک کالی بودر * فصل * الله تعالینک
وارلغنی بدیمیدر نظریمیدر اختلاف ایتدیلر اما حجة الاسلام
وامام فخرالدین عندنده بدیهیدر عاقل ترتیب مقدماته محتاج
اولوب اول امر دن یلور جلال دوانی و کاتب اولدر عندنده
نظریدر ترتیب مقدماته توقف ایدر قوه قدسیه و نفوس
زکیه صاحبی اوللره اجلی بدیهیاندن اولوب اول امر دن یلور
حضرت ابراهیم علیه السلام سلسله ممکنات و ترتیب مقدمات
ایلدیکی قومی ایچوندن تنکم الله تبارک و تعالی بیورر

صرف ایدر حال بوکه
خلیقه و شیخ ثانی آسمان
اسلامده بدر منور اعنی
حضرت عمر رضی
عنه دن البت بریکم آیت
کریمه می سوال اولدند
بن حضرت رسول اکرم دن
استماع ایتدیم بیوردر
الله تعالی آدمی خلق
ایدوب ظاهرندن ذریبنی
ایخراج ایلدی الی آخره
بویله بیوردریدی وینه
سعد بن جبر بویله روایت
ایدن ابن عباس رضی الله
تعالی عنه و اول دخی
حضرت سید کائنات علیه
افضل الصلوات و اکمل

وتلك حجتنا آياتنا ابراهيم علي قومه عقول غيبه صاحبزاده كوره
ترتيب مقدمه توقيف ابتدائي ظاهر در اگر جاهل صبت
اسلامی استماع ایدوب ترتیب مقدمه ایده جك قدر معمر اولسه
سعی ایدوب انفس وفاقه نظرایله الله تعالینك وارلغنی بطسه
یاخود ترتیب مقدمه ده خطا ایدوب خلافی اتساج اینسه
كافردر معذور دكلدر ابوحنیفه عندنده كرك معاند اولسون
وكر ك مقصر اولسون زیرا الله تعالینك ان فی خلق السموات
والارض واختلاف الليل والنهار لا یات الا بالیة یوریدی
معذور اولمق حقه ظاهر در معنای شریفی تحقیق یدی قات
كوكلری ویدی قات بری هیچ یوق ایكن وار ایتمكده وکیچه
ایله كوند وز بی بری عقینده كلوب كاه قصیر وكاه طویل
اوله رق اختلاف ایتمه لنده عاقللر ایچون علامات عظیمه لر
واردر ودلیللر واردر كه هر بری الله تعالینك وارلغنه وكال
صفا تلینه دلالت قطعیه وعقلیه ایله دلالت ایدرلر وبوآیت
كریمه لك امثالی چوقدر وبر حدیث شریفه وارد اولشدر
بوآیتی تلاوت ایدوب مخلوقاته تفكر ایلمین كسه عذاب الیه
مستحقدر یورمش والحاصل عذر وبهانه یوقدر واكر جاهل
صبت اسلامی استماع ایتموب اگر نظرایله معرفت صحیحه
تحصیل ایدر سه حقیقه مؤمن اولوب اهل جنت اولور واكر
ایمانندن وكفردن برینی تحصیل ایتمز سه معذور اولوب حكما
مؤمن قبلنوب اهل جنت اولور واكر كفر ایدر سه معذور اولماز
كافر اولور اهل جهنم اولور زیرا اهلیت تامه سی اولد یغی
ظاهر در اكثر علما ابوحنیفه مذهبی بویه بیان ایتمد بلر

وبعضی

التحیات دنكه آیت کریمه بی
اوله تفسیر ایدیلر
الله تعالی ظهر آدمین
مباق اخذ ایدوب ذرینتی
اخراج ایددی الی آخره
وسائر احادیث شریفه
بو بایده چوقدر بری برینی
ناید ایدوب تاویل ایدنلر
ناید ایدوب ابطال ایدر
ناید ایدوب ابطال ایدر
وسكا شفه صحیحه
صاحبزاده دخی مذهب
ابی حنیفه مقبولدر
ابن حنیفه موافق اولشدر
وكتفلی موافق بر كسه بی
لكن الله تعالی بر كسه بی
معتبر ایتمك مس ایدكده
اك عقلتی وجه صوابه
ارشاد ایتمز صدهزار رحمت
مواظف ابوحنیفه لك

وبعضی امام اعظم عندنده صبت اسلامی استماع ایتموب كفر
وایمان ایلمین كسه معذور اولد یغی كبی استماع ایدوب ترتیب
مقدمه خطا ایدوب كافر اولان دخی معذور اولور دیدیلر
الله اعلم بالصواب اشاعره عندنده صبت اسلامی استماع ایلمین
كافردخی اولسه معذوردر واهل جنتدر وما كذا معذین حتی
نبعث رسولا آیت کریمه سنی حجت چكدیلر حنیفه جانندن
احكام شرعیه حقه در ایمان ومعرفت حقه دكلدر دیو
جواب ویردیلر بوذكر اولنان اختلافات عاقل ممیز حقه در
اما كفارك صبیانلری كه عاقل ممیز اولیانلر حقه اختلاف
اولندی بعض اهل سنت وجهور معزله عندلنده اهل جنتك
خادملریدر وبعض اهل سنت توقيف ایتمدیلر وبعض اهل سنت
عندنده اول صبیانكه علم الهیده بالغ اولد یغی تقدیر جه ایمانه
كله جك ایدی اول اهل جنتدر وبالف اولد یغی تقدیر جه
كافر اوله جقلری اهل جهنمدر یا عجبا صبی اوله عاقل ممیز
اولیه كفر وعصیان شانندن اولیه وبرشی ایله مأمور اولیه
نه سبیدن اهل جهنم اولور وبابالینك كفرنندن اولاد
صغاره وكاره نه ضرر واردر وایمان فطریلری اهل جنت
اولده كفايت ایتمز می بالغ اولد یغی تقدیر جه كفر یاخود
ایمان ایتمك اعتبار اولماز زیرا بلوغه یتشدیلر وبر فعل كفر
كسب ایتمدیلر ایمان فطرایله مؤمن ایكن آخرته كتدیلر حقلرنده
اختلاف ایتمك مناسب دكلدر جمله سی اهل جنتدر والله اعلم
بالصواب والیه المرجع والمآب * فصل * معلوم اولسونكه
مقلدك ایماننك صحتی حقه اختلاف واردر ومعلوم اوله كه

روح رفوخته اولسونكه
ان هذا القرآن یهدی
اللی هی اقوم سرنه مظهر
اولوب مذهبی طریق
قرآن موافق ایدوب كبار
صحابه به اقتدا ایدوب
هدایت خاصه ایله مؤید
اولشدر صد هزار حیف
اول بیچاره كه عقل
فاصلی ادراك قاتره موافق
ایدوب بو مثالو ادراك
عقلدن منز اولان طور
معالیده كسی اودیجه
وبوادی ضلالت دوشمش
وكسی تاویلات مزیفه
ایدوب تبه وهدیه تائه وواله
اولش وكسی تمثیله حل
ایله طریق حاقده تجدید

مسائل اعتقادیه بی اعتقاد ایلوب هر مسئله نك دليلی بیلوب
 مباحثه وقتنده استدلاله قادر اولنره مستدل دیولر و مسائل
 اعتقادیه بی اعتقاد ایدوب و دلیلی بیلوب مباحثه وقتنده
 استدلاله قادر اولیا نلره مقلد دیولر اهل اعتزال عندنده
 و حضرت ابی الحسن الاشعری نك برقولنده مقلدك ایمانی صحیح
 دکلدر و دلیللری بودر که زیرا ایمان تصدیقك اسمیدر
 و تصدیق مطلق علمدن برقمیدر و تقلید علمه منافیدر زیرا
 تقلید علمك عدیلدر و علمه یقین لازمدر تقلید ده ایسه یقین
 یوقدر دیدیلر وینه اهل اعتزال مذهبنده ایمانك صحتك شرطی
 هر مسئله اعتقادیه ضروریه ده دلیل تفصیلی به وترتیب مقدمانه
 و مجادله خصمه و شبهه لری دفعه قادر اولقدر لکن ابوحنیفه
 و سفیان الثوری و امام مالک و الاوزاعی و الشافعی و احمد
 و عامة الفقهاء و اهل الحدیث و سایر علماء اهل سنت عندنده
 مقلدك ایمانی صحیح اولوب جنات عالیاته مشاب اولور و لکن
 استدلالی ترك ایتد یکچون عاصیلردن و کاهکارلردن
 و عذابه مستحقلردن زیرا دغدغه دنیاده لقلقه جهالتله نازنین
 عمرلری و سرمایه عقللری تلف و ضایع ایلین مسرفلر و احقرلر
 انواع علوم دینییه و معارف یقینییه تحصیل ایلین عقلا و فضلا
 ایله هیچ بری اولور ما العز الا لاهل العلم عزت دکل الانجق
 اهل علم ایچوندن انهم زیرا تحقیق آملر علی الهدی لمن استهدی
 ادلاء هدايت طلب ایدنلره دلیللردن و ماعدا هم فاشباح مصورة
 اهل علمك ماعداسی شیخ مصورلدرکی یعنی انسان صورتنده
 شخصلردن ادراکلری یوقدر حیث لاعقل لهم ولا رأی زیرا

آنلرك

ضلالت انباش و کسی
 فلاسفه بی دین ذیلنه
 تشبث ایدوب تدریجیه
 طریق اسلامدن خروج
 عصمت الله
 قریب اولش
 تعالی و المسلمین عن هذه
 الغاوة والعودة وثبتا علی
 مذهب اهل السنة و مشرب
 جماعة الصحابة و بو
 جاعته الصحابه و بو
 عهده ایخذ ایله نك
 حکمی بودر که حق تعالی
 یوم قیامتده خلق بو عهد
 جعله الزام ایله جکدر
 العباد بالله تعالی عهده
 ایمنلره ایمان
 نقص
 فطر بکزی
 ابتد بکن اول فطر سلبیه
 صیغه بی نیچون تعجب

آنلرك عقل کامللری یوقدر و رأیلری دخی یوقدر ویل لهم
 اللهم لاتجعلنا معهم مقلدك ایمانی صحیحدر لکن کاهکارلردن
 دینلرك دلیللری بودر که زیرا ایمان تصدیقك اسمیدر تصدیق
 مطلق علمك قسمندن اعددر ایمانده و صحتنده دلیل داخل
 و شرط دکلدر کیف لارسول اکرم صلی الله علیه وسلم و سایر
 اصحاب رضوان الله تعالی علیهم اجمعین و یوم قیامت و ارنجه
 علما و امرا قلیح التنده اسلامه کئلرك اسلامنی قبول ایدوب
 اول حالده دلیل طلب ایتوب اوزرلرینه اهل ایمان احکامنی
 اجرا و اهل اسلام معامله سی ایتد ککری مقلدك ایمانك
 صحتنه و مقبولیتنه دلیل باهر در شرح مقاصد ده علامه ربانی
 و محقق صمدانی حضرت سعدالدین التفتازانی علیه رجه الهادی
 برقولنده اول کسه لکه مملکت اسلامیه ده ساکن اولورلر و شعائر
 اسلامی مشاهده ایدرلر و محاسن ایمانی عمل ایدرلر اوقات
 خمس ده اذان محمدی و اقامت احمدی بی استماع ایدوب نماز
 ادا ایدرلر مقلد دکلردن هر بریسی استدلاله قادرلردن لکن
 تعبیر ایله مزل هر برینك ذهندن بر دلیل وارد و لو اجمالیه
 اولسون خصوصاً عجایب مخلوقات و غرایب مصنوعاتده
 تفکر ایدوب ربنا ما خلقت هذا باطلا سبحانك فقنا عذاب النار
 دیرلر دیو یوردی و علی القاری علیه رجه الباری بو کاموافق
 ایتدی اما اول مقلد که حق ایسه ایمان ایتدم دکل ایسه انا نم
 دیه انك کافر اولد یقنده هیچ شک یوقدر زیرا انك ایمانی
 و اعتقادی یوقدر زیرا ایمان تصدیقك اسمیدر و تصدیقه
 شك اولماز نقدر دلیلله قادر اولماز سه دخی تصدیقنده شك

و نه بل ابتد بکن دیسه
 کر کدر بعده جهنمه
 ادخال ایله حکم اینسه
 کر کدر و اگر سوال
 اولور سه که بو عهد
 عالم دنیاده برکتنك
 خاطر نده یوقدر و نقدر
 تقاد اینسه لره در خاطر
 ایله مزل بالکله عهده
 اونو عشاردر بویه اولجه
 الزام نوجمله اولور جواب
 بودر که انبیاء کرام علیهم
 الصلاة والسلام امتلرینه
 العهد و میاق احوالی بیان
 ایتدیلر و کتب سماویه
 ایچنده ذکر اولدی خلق
 بو طریقله بیلدیلر و هم

ایتمک لازمدر اگر ضرورات دینیه دن اولان بر مسئله ده شک
ایدرسه یاخود توقف ایدوب فی الحال برعالمه سؤال ایدوب
شکنی و توقفی رفع وازاله ایتمزه ابو حنیفه رضی الله عنه
حضر تلمینک فقه اکبر آخرنده بیوردیغه بناء کافر اولور
معذور اولماز **ا**کم فی الحال برعالم بولسه عند الله حق
وصواب اولانی اعتقاد ایتمد دیوب برعالم بولغه سعی ایلیه
هیچ تأخیر ایتمیه والله اعلم * فصل * معلوم اولسویکه حقیقت
وما هیت اوج قسمدر بری واجب الوجود بالذاتدر یعنی
وارلغی ذاتنک مقتضای اولوب انفکاک محالدر وارلغنک
اولی و آخری یوقدر که انجق الله تعالی در اندن غیر ذی ذات
واجب الوجود بالذات یوقدر بری دخی بمنع الوجود بالذاتدر
یعنی وارلغی محالدر دائما یوقدر والله تعالینک قدرتی اکا تعلق
ایلمک محالدر حق تعالینک شریکی کی وایکی ضدک برآنده
بر محله جمع اولسی کی و سائر محالدر کی و بری دخی ممکن
الوجود در وارلغی و یوق اولغی قابلدر الله تعالی بو ممکناتک
دیلدیکنی و اراید و دیلدیکنی یوق ایدر و جمیع ممکنات صکره دن
خلق اولمشدر انک ایچون بر حالدن بر حاله متبدل و منغیر
اولورلر بو ممکنات دخی اوج قسمدر بری مخلوق و موجود
اولمشدر کوکلر و برلر و سائر مخلوقلر کی و بر دخی شمدیدن
کیرو وجوده کلمه کرکدر صکره خلق اوله جقلر کی و بری دخی
الله تعالی مراد و خلق ایتمدیکی ایچون هیچ وجوده کلمشدر
و شمدیدن کیروینه کلز الله تعالینک قدرتی اکا تعلق ایتمک
ممکندر محال دکلدر لکن مراد ایتمز مثلا بر دریا که صوبی

اوتمق عذری مانع دکلند
زیرا ابتدکاری عملاری دخی
اونودرل لکن یوم قیامتده
صحنای اعماللرین هرکس
قرآت ایتمدیکی وقتده
معلوماتی اولور ان خبرا
فغیر وان شرا ففسر
هرکس مجازات اولنور
واما من اوتی کلامه بمنیه
فسوف بحاسب حسابا
یسیرا وینقلب الی اهله
مسرورا معلوم اوله که
حضرت سبحانه و تعالینک
ذات جلیله سنک ادراکی
حقیقده عقلا و علما
و مشایخ اختلاف ایلدی
جواهر اهل انکلام امکانه
زاهب اولوب وقوعنده
اختلاف ایتمدی بر بعض

مسک و عنبر اوله و ایچنده لعل و جواهر و زبرجد و یاقوت
و انجودن بالقلر اوله و اوزرنده آکتوندن و کشدن سفینه ل اوله
مثلا نیجه یسک بو کوکلر کی کوکلر و نیجه بو برلر کی برلر و نیجه
جنتلر کی جنتلر و نیجه جهنملر کی جهنملر و وجوده کلک
و خلق اولتمق ممکندر و اکا الله تعالینک قدرتی تعلق ایتمک
ممکندر لکن مراد ایتمز و ایجاد ایلز و بو ممکنات معدومات
ایچون نفس الامرده اصلا ثبوت یوقدر معتزله نک نفس امرده
معدومات ممکنات ثابتدر دیدکاری باطلدر و ممکناتک وجوده
کلنلری بونلدر که بیان اولنور ممکن موجود اگر بالذات
متخیر ایسه جوهر دیرلر اگر جوهر ایله قائم ایسه عرض دیرلر
و متخیر بالذات دخی هیچ قسمت قبول ایتمزه جوهر فرد دینور
اگر منقسم اولوب یا کلز طولاً قسمت قبول ایدر سه خط جوهری
دیرلر و اگر طولاً و عرضاً و عمقا قسمت قبول ایدر سه جسم
دیرلر و بو جسم دخی ایکی قسمدر اگر سهولتله تشکلات
مختلفه و صور متوعه یی قبول ایدر سه جسم لطیف دیرلر ذی روح
اولیان هوا کی و ذی روح اولانده شهوت و تناسخ اولمازه
ملائکه دیرلر و اگر اولور سه جن دیرلر و اگر جسم سهولتله
اشکال مختلفه و صور متوعه یی قبول ایتمزه جسم کشیف دیرلر
اگر ذی روح و نامی دکل ایسه جماد دیرلر داخل و طاشلر و برلر
کی عقول و نفوس فلکیه یی انکار ایدنلره کوره کوکلر
و یلدر و شمس و قمر جمله سی جماد دندر و اگر نامی اولوب
ساقی و ارایسه اشجار دیرلر اگر ساقی یوق ایسه نباتات دیرلر
اگر جسم کشیف ذی روح ایسه حیوان دیرلر حیوان دخی عاقل

محققین اصلا واقع اولماز
دیدیلر و بعضیلر بو عالم
فانیده واقع اولماز لکن
نشأه اخروییه واقع اولور
زیرا ارواح ایداندن
مفارقن ایدوب عالم قدسده
قوت قدسیه کتساب
ایابوب قویه و کامله و انوار
اعلاء علیین ایله نور
اولدینی حالده ایدانه اعاده
اولوب بعده ادراک ایدر
علی الخصوص روضات
الجنانه و حضائر قدسه
شرف مشاهده رانیه ایله
مشرف اولدقدقه قوه دراکه
مکمله اولوب بو وجهله
ادراک ایدر دیدیلر لکن

و متفکرایسه انسان دیرل دکل ایسه بهایم وانعام دیرل کرک
 دریاده اولسون و کرک قره ده اولسون قول صحیحده ارواح
 اجسام لطیفه دندر جوهر ایله قائم اولان عرض اکر جوهر
 انسز بولنر سه کون دیرل مکانده حصول معناسنه و اکر
 عدم اصلی عقینده ایسه کون اول و اکر کون اقل مرتبه
 بر مکانده ایکی لحظه مقرر اولور سه سکون دیرل و اکر کون
 بر مکاندن بر مکانه انتقال ایدر سه حرکت دیرل و اکر عرض
 حواس خمسہ ظاهره نک بر سیله معلوم اولوب اکر قوت باصره ایله
 محسوس اولور سه الوان دیرل بعضینک عندنده لونک اصلی
 ایکیدر بیاض سیاه معتزله عندنده اصلی بشدر بیاض سیاه
 حرت صفرت خضرت بعضینک عندنده جمله الوان اصلدر
 و اکر عرض سامعه ایله محسوس اولور سه صوت دیرل حرف
 صوتک کیفیاتیدر و اکر عرض قوت ذائقه ایله محسوس اولور سه
 طعوم دیرل آجی و طاتلو و غیر یلرکی و اکر عرض قوت شامه ایله
 محسوس اولور سه رواج دیرل رایحه طیه و رایحه کریهه کی
 و اکر عرض قوت لامسه ایله محسوس اولور سه ملموسات دیرل
 خفت و ثقلت و حرارت و برودت و رطوبت و بیوست کی و اکر
 عرض بدن حیوان آنسز اولوب اول عرض زائل اولد قده
 حیوانیت زائل اولور سه حیوت دیرل و اکر عرض ایله حیوان
 مقاومت ایدوب عضو مخصوصده اولماز سه قدرت دیرل و اکر
 عرض قلبده اولوب اکر بر شئی جذبه میل ایدر سه ارادت
 و محبت دیرل و اکر بر شئی دفعه میل اینسه کراحت دیرل
 و اکر عرض قلبی بر شئیک وجودنی تحصیله توجه اینر سه

نفرت

کبره اصحاب طریقت
 و عظماء ارباب حقیقتدن
 اولان حجة الاسلام شیخ
 امام غزالی رحمه الرب
 المتعالی و فاضل علمادین
 امام الحرمین علیه رحمة
 العین و سایر اکابر مشایخ
 صوفیه عندنده متمتع
 و متعذر در زیر حضرت
 ذات جلیله جل اسمع اسرار
 الالهوت و حقایق صفات
 الذات ایله محتجبه در
 وصفات الذات استار
 جبروت و صفات افعال
 محتجبه در وصفات افعال
 اسکوان ایله محتجبه در
 پس امدی حضرت ذات
 جلیله عز اسمه غیب القیید
 هنوز کنه الصفات ادراکی

نفرت دیرل و اکر عرض بر شئیک اولد یسه نفی و اثبات ایله
 حکمی طلب ایدر سه نظر و تفکر دیرل و اکر عرض نفس
 حکم اولوب نظر و تفکره توقف ایدر سه حکم نظری دیرل
 اینر سه بدیهی دیرل و اکر سبب موجبدن حاصل اولوب
 جازم ایسه اعتقاد دیرل و اکر مطابقی ایسه اعتقاد حق
 دکل ایسه اعتقاد باطل و جهل مرکب دیرل و اکر حکم جازم
 اولوب راجح ایسه غالب طرفه ظن مغلوب طرفه وهم دیرل
 اکر ایکی طرفه مساوی ایسه شک دیرل و اکر حکم سبب
 موجبدن حاصل اولد یسه تقلید دیرل و اکر حکم امور باطنیه دن
 ایسه حکم وجدانی دیرل اجلق و صوسزلق و الم و غصه
 و خوف و حزن و فرح و سرور کی بونلر مخلوقاتک اقسامیدر
 جمالا ذکر اولندی بصیرت ککشاد اولسون دیو و السلام
 فصل * معلوم اولسونکه بو کائنات و بو مخلوقات الله تعالینک
 وجودینه و وحدانیتیه و سایر صفات کامله سنه حجت
 و دلیل و علامات عظیمه اولد یغیچون عالمین تسبیحه اولندی
 و هر بر نوع مخلوق بر عالمدر بلکه بو کائناتدن بر ذره و در بار دن
 هر بر قطره نفوس صاحبی اولان اولوالالبابه بر علامت عظمی
 و برایت کبرا در که اندن خلاق علیم حکیم جلت عظمتیه
 و بهرت آیاته نک کالاتی مطالعده ایدوب جناب الله الواحد
 الصمد عز شانه وجل برهانه به تسبیحات و تقدیسات و تمجیدات
 و تحمیدات ایدرل آیات القرآن الکریم آیات ندوینیه اولد یغی
 کی بو کائنات دخی آیات نکوینیه در و ایکی قسمه منقسمه در
 آیات آفاقیه و آیات انفسیه و آیات آفاقیه دخی ایکی قسمه

متعذر در و فی نفس الامر
 چشم انصافله نظر اولسه
 بر مخلوقک کنهی ادراک
 ایلک عقل ایچون میلددر
 همان عقل آکوانه نظر
 ایدوب معرفت صفات
 الافعال و اندن معرفت
 صفات الذات و تحصیل
 وجود الذات تحصیل
 ایلک کمال معرفت بودر
 بوندن بو قروسی مقام
 حیرتدر تنکم بر حدیث
 شریفده اللهم زدنی فیک
 تحیرا یعنی یا الله کند و ذالک
 ملاحظه سنه بکا حیرت
 زیاده ایله دیو وارد اولد یغی
 دلیل الامتناعدر و
 روایتده دخی ان الله تعالی

منقسمه در علویات و سفلیات جمله سی اوج صنف اولوب
 صنف اول علویاتدر که سموات وما فیها در پس امدی عاقل
 بو مخلوقات خالق عز وجل و سائر صفاتی معرفت تحصیل
 ایچون افلا که نظر اینسه عجایب ملکوت سمواتی مشاهده
 ایدوب الله القیوم جل و علا نک وجودنی و وحدانیتنی و کمال
 قدرتی تصدیق ایدر زیرا بویدی فات کوکلری بری
 اوزرینه ترتیب اولوب هر بریسی بر جرم عظیم و مخلوق
 کیردر که بالضرورة خالق تعالینک کمال قدرت و نهایت قوته
 دلیل ظاهر در وجهله اوزرینه کرسی وضع اولمش و انک
 اوزرینه دخی جمله مخلوقات پیوکی اولان عرش عظیم ترتیب
 اولمش و هر بریسی بر جرم عظیمدر که خلاق حکیم جل شانہ
 هیچ یوق ایکن خلق و ایجاد ایلوب کند و وارافنه و وحدانیتنه
 و کمال صفاترینه دلیل قیلسدر و آسمان دنیایی نیچه بلندزل
 ایله مزین ایلوب کیچه لده یروزینه چراغ نور ایتلریله
 ضیا و یروب انلرایله مسافر بول بولورل علی الخصوص
 انفجار فجر صاد قد نصکره جمله جهانہ خد متکار تعین
 اولسان نیراعظم اولان شمس جانب مشرقدن طلوع ایدوب
 تدریج ایله ارتفاع ایلوب جمله جهان ظلمتده ایکن غایتده
 روشن و پرنور اولور وقت زوالده غایت ارتفاعی تمام
 اولوب تدریج ایله انحطاطه شروع ایلوب بر لحظه ده
 غروب ایدر بو کائنات خلق اولوب خراب اولجیه دک
 بو منوال اوزره بهر یوم بر کره طلوع و بر کره غروب
 ایدوب نظام واحد اوزره اولور پس امدی بوشمس علی

الاستقلال

تحقیق الله تبارک و تعالی
 اخچیب
 بصیرترین مخچیب و مخفی
 اولدی کا اخچیب عن
 الا بصار بصرل دن
 مستر اولدیغی تحقیق
 وان الملائع علی بطلونه
 ملائکه قد سبه بطلونه
 هویة الهیه بی بیک استر
 کا بطلونه اتم سز بیک
 استه دیکلر کی وحضرت
 ابی تراب علی رضی الله تعالی
 عنه بیور شرکه ان العقل
 لا قاندر سم العبودیه تحقیق
 عقل مر اسم عبودی
 اقامت ایچوندر بو خسه
 لا ادراک ال بو بیدر بو بیت
 ادراک ایچون دکادر
 وحضرت امام شافعی

الاستقلال بر آیت کبری در که حق تعالینک وجودینه و وحدانیتنه
 و سائر کمال صفاترینه دلالت عقلیه قطعیه ایله دلالت ایدر
 وغروب ایند کد نصکره خلق بالکلبه ظلمتده قالمسون ایچون
 شمس خلیفه نصب اولسان قر منیر طلوع ایلوب جهانہ
 نور یله خدمت ایدر ناس معامله لنده تعین ایتدکری و قتلری
 و حج موسمی معلوم اولسون و سنین و شهر و عید دی
 معلوم اولسون ایچون قر کاه هلال اولوب غره اولور
 و کاه بدرا ولوب وسط الشهر اولور و کاه منسلخ اولوب
 آخر الشهر اولور جهانک اولندن آخرینه وار نیچه بو منوال
 اوزره طلوع وغروب ایتدیکی الله القدیم القیوم جل شانہ نک
 وجودنه و وحدانیتنه و صفات کامله سنه دلالت عقلیه قطعیه ایله
 دلالت ایدر بر آیت کبری در و سائر تدبیرات سماویه
 و علایم علویه تقدر وار ایسه مثلاً رعد و برق و شهاب کی
 هر بریسی حق تعالینک قدرتنه و سائر صفاترینه دلالت
 اید یچی آیتلردر و دخی عاقل زمینه نظر اینسه احوال عجیبه
 و کیفیات غریبه مشاهده ایدر و تدبیرات بدیعه و تصرفات
 و تبدلات و تغیرات معاینه ایدوب حضرت خالق الکل جل
 شانہ نک کمال علم و نهایت حکمت و غایت قدرتنه ایمان ایدرلر
 قبش وقتنده زمین مبت کی اولوب بر نبات حاصل اولماز
 اول بهار اولدقده کویا زمین حیوت بولوب کونا کون چچکلر
 و نباتلر حاصل اولور اغا جالر کونا کون چچکلر و پراقلر ایله
 مزین اولوب و نیچه در لرمیوه ل حاصل اولور انسان و سائر
 حیوان بو نباتلر و میوه لرایله تعیش ایدرلر دنیانک اولندن

رحمة الله تعالی علیه
 بیور شرکه من انقض
 لطلب مدبره کند و نک
 مدبری اولان الله تعالی بی
 بیک طلبی ایچون اجتهاد
 وسی بلیغ ایسه فان
 اطمان الی موجود بنهوی
 الیه فکر اگر عقل قاصرک
 فکر و ادراک فازی بر
 موجوده منتهی اولوب
 موجد بلدم و بودر زعمیه
 خالق اولوب بویله اعتقاد
 مطمئن اولوب و شبه اولکسه
 ایسه فهو شبه اولکسه
 خالق مخلوقه تشبیه
 اید مجبدر تعالی الله
 عن ذلک وان اطمان الی نقی
 محض و کدر نقی محض

آخرینه وارنجه نظام واحد اوزره بو مثللو تصرفات عجیبه حضرت حکیم علیم و قیوم رزاق عظمت آلاؤه و بهریت ایاته نک وجودنه و وحدانیتنه و کمال علمنه و حکمت عجیبه سنه و قدره تامه سنه و اراده کامله سنه و رزاق اولدیغنه دلالة عقلیه قطعیه ایله دلالت ایدر و ملا حظسه ایلین لیب عاقل جناب القدوس عز شانه یه جد و ثنا و ذکر و عبادت ایدر و اگر عاقل کند و نفسنه نظر ایدوب عقلایکی ملا حظسه ایتسه کند و خلقتنه امور بدیهه و احوال عجیبه و کیفیات غریبه مشاهده ایلوب کند و سنک تدبیر ایدیچی خالق و ار اولدیغنه تصدیق ایلوب اول خالق مدبر تعالی شانه نک کمال صنع و تمام قدرته شهادت ایدر زیرا کند و سنک ماده اصلیه سی بر قطره منیدن انا رجنه واقع اولوب رجنه حاصل اولان قان ایله و منی ایله مختلط اولوب بر مدت اویشمش قان اولور بر مدت نصکره بر قطعه ملائمت اولور ککله و سکرل و طمرل معلوم و متعین اولور و سائر اعضا و باش و انده اولنرال و یاق و ذکر و قرج و غیر یلرکی مخلقه و غیر مخلقه ایجاد اولنوب جان و یریلور بعده عالم دنیا یه طلوع ایدر کند و طبیعتنه مناسب غذا که سد ایله بر مدت تعیش ایدر عالم طفولیتده بو حال ایله اولور و پرشی ادرالک ایده مز بعده عالم صباوت حاصل اولوب حالی متبدل اولور همان حظوظ نفسانیه سنی تحصیلیه سعی ایدوب هوایی اولور و عبث نسنه لایله مشغول اولور بر مدت نصکره عالم شبابت عارض اولوب حالی متبدل اولور کسب معیشت و تحصیل متاع دنیا و اجرای غرض نفسانی و قوه شهوانیه سنه اتباع و سائر

و انکاره ذاهب اولوب بوق
اعتقاد ایدر سه فهو معطل
اول معطل و زندیقیدر
و خالق تعالی بی انکار ایدر
نعوذ بالله تعالی عن ذلك
وان اطمان الی موجود
و اعترف بالجز عن ادراک
و اگر موجود واجب الوجود
عن اسمه اعتقاد ایلوب
ذات جلیله سنی ادراکدن
عجز اعتراف ایدر سه فهو
موجد اول مؤمن موجد
اولور تعطیل و تشبیه
و اثبات کدن خلاص
اولشدر و صوفیه دن در شیخ
علی المرصفی رجه الله تعالی
پور مشکره معرفت ایلکی
فصلدر بر بسی عقل و فکر

احوال ایله مشغول اولور بر مدت نصکره عالم کهولت عارض اولوب قوه شهوانیه و قوه غضبیه سنه بر مقدار ضعف حاصل اولور دنیایی اکلوب بر مقدار ساکن اولوب بعض امورنده طرغویله رغبت ایدر بر مدت نصکره عالم شیخوخت عارض اولوب و حالی متبدل اولور قوتلرینه زیاده ضعف عارض اولوب مقدما قادر اولدیغنی امور دن عاجز اولور اشدیکی افعال قبیحه یه نادم و یشیمان اولوب رب العالمین جل جلاله یه عذرل عرض ایدوب توبه و استغفار ایدر بعده عنه عارض اولور صبر لکی اولور ادراک و شعور قلماس و سائر احوالکه صاخ اولمق و خسته اولمق و مفهوم اولمق و مسرور اولمق کی و بعده عالم الموت عارض اولوب عالم دنیا دن عالم آخرته بالاضطرار انتقال وارنحال ایدر و دخی داخل بدنده اولان اشیا که مثلا لحم و شحم و عروق و اعصاب و قوه غازییه و قوه نامیه و قوه هاضمه کی هر بری بدن انسانده تدبیر و تصرفه آلت اولشدر عاقل بصیرت کوز یله کند و سنه نظر ایدوب تفکر ایتسه کند و سنی بر آیت کبر ایلوب رب العالمین عظمت قدرته و عمت نعمته نک وحدانیت و فردانیت و غایت حکمتی و کمال قدرتی و سائر صفات دانیه ازلیه و نعوت جبروتی و اذعان و تصدیق و اقرار ایلوب آمنت بالله تعالی دیوب اهل توحید و ارباب تفریدین اولور پس امدی مؤمن به اولان مسائل علی وجه الایجاز الی مقامده ذکر اولنور بتوفیق الله تعالی مقام اول ایمان بالله تعالی پساننده اولو جیدر اولان معلوم اولسونکه ایمان لغتده مخبرک خبرنی تصدیق و اذعان و قبول ایتکدر و اول

ایله حاصل اولور بوکا
معرفه الاسماء والصفات
دنیور و بر بسی دخی
بر حالتدر که عارفدن
سررینه وارد اولور هنگام
تفریقه سلطان التجلی
و غلبات الکشف واقع
اولوب اول حالده مضجیل
وسالک منجی اولور بو
معرفتدر که تعبیرنده
عبارات قاصره و تلمیحندن
اشارات فائز در بو ایکی
معرفه عارف بالله اولور
و بو معرفت ادراک عقولدن
منزه در و تصور و همدن
مبدر در بو ذکر ایلدیکی
نهایت کشف و غایت
سلو کدر بو وجهله دخی

مخبری صادق قلیقدر مثلاً بر کسه سکا قائمدر دینه سن دخی
اول کسه بی تکذیب ایتوب قیامک زیده ثبوتی قلبک ایله قبول
ایدوب قیام ایله زیده حکم ایتسک اول کسه بی تصدیق و خبرینه
ایمان ایتس اولور سون اما مجردیلوب تصدیق و عقلیه اذعان
وقبول ایتسه ایمان دیمزل ثلاثیسی علم یعلم بایندن امن یا امن امانا کلور
بعده اکرم بابنه نقل اولنوب همزه تابه ساکنه و ماقبلی مفتوح
اولغله الفه قلب اولنوب آمن دینور امین قیلدی معناسنه در
زیرا مخبر خبر و برد کده مخاطبک تکذیبندن خوف ایدر و مخالفتندن
احتراز ایدر مخاطب مخبری تصدیق ایتد کده خوف و احتراز
ایتدیکی نسنه دن امین ایتدیکی ایچون مؤمن تسمیه اولور
و مفعوله کاه بالذات متعدی اولور کفوله تعالی و آمنهم من خوف
و کاه لام ایله متعدی اولور کفوله تعالی و ما انت بمؤمن لنا و کاه با ایله
متعدی اولور کفوله تعالی انهم فتنه امنوا برهم وز دنا هم هدی
و ایمانک لغت معنا سندن فارسیجه کرویدن ایله تعیر اولور
دخی اسلام لغتده استسلام و تسلیم معناسنه در که مخالفت
ایتوب انقیاد ایتکدر تکم اسلم زید لربه دینور زید ربسنه
انقیاد ایتدی معناسنه غایب لام ایله صله لنور کفوله تعالی
اذ قال له ربه اسلم قال اسلمت لرب العالمین اما شریعت
مطهره ده ایمان و اسلام بر در هر بر مؤمن مسلد هر بر مسلم
مؤندر و الحاصل بری برندن منفک اولماز معناسی جهور
علما عندندن و شیخ العلماء تقی الدین برکوی علیهم رجه العزیز
القوی عندنده نبی مختار اولان حضرت رسول کائنات علیه
و علی آله افضل النبیات و اکمل التسلیمات حضرت تارینک الله

عجز حاصل اولور کتب لا
حضرت سید الکائنات
علیه و علی آله افضل
الصلوات و اکمل التسلیمات
جله مقررک سیدیدر
وجه عارفک اعلیدر
معدن عرفاندر و منع ایتاندر
مع هذا لیله معاجده
مع مستوده مقام قاب
عالم مستودا که نهایت
قوسین اودا نا که نهایت
تعبیر سابقین و لاحقیندن
بر فرد ایچون بر مقام قالمیوب
الا انی رسول اکرم صلی الله
تعالی علیه و سلم سبقت ایتس
ایکین به سبجاک ماعرفاک
حق معرفتک یورد قاری
امناع حقانده دلیل کافی
و شاهد و ایدر بویحلی

الا حد عز شانه و جل برهانه ولا اله غیره جانب اقد سندر
تبلیغ ایلدیکی احکام آلهیه بی کاهی قلب ایله تصدیق و اذعان
وقبول ایدوب بلاریب ولا تردد لسان ایله اعتراف و اقرار
ایتکدر و بعض محققین عندنده و حضرت شیخ منصور
مازیدی و شیخ اشعریدن دخی نقل اولور که ایمان انجیق
تصدیق و اذعان ایتکدر اما اقرار عالم دنیاده اهل ایمان
معامله سی اولغله که تروج و ترویج ایتک و قتلدن خلاص اولق
و سلام و یرمک و مؤمنلرحله سنده ساکن اولق و مؤمن اوزرینه
شهادتی مقبول اولق و مؤمن اسملریله ندا اولنق و اولدیکی
وقتده غسل مسنون ایله غسل اولنوب اوزرینه نماز قیلنق
و جنازه سنه تبعیت ایدوب مؤمنلر قبورینه دفن اولنق و سائر
احکام شرعیه نک اجرا سنک شرطیدر حقیقت ایمانندن جزء
دکدر مثلاً بر کسه تبلیغ اولسان احکامی قلبیه تصدیق و قبول
ایتسه اما لسانیه هیچ اقرار ایتسه و سائر مؤمنلر انک مؤمن
اولدیغنی بیلوب اهل اسلام معامله سی ایتسه ل اول کسه
عند الله تعالی مؤمندر و اهل جنتدر و بویکی قوله نظرا اعمال
صالحه کرک فرض اولسون و کرک واجب و کرک سائر نوافل
شرعیه اولسون حقیقت ایماندر خارجدر مثلاً بر کسه قلبیه
تصدیق و لسانیه اقرار ایتسه اما هیچ فرضندن و یا واجبندن
برینی عمل ایتسه فرضلری و واجبلری انکار ایتکسزین اول
کسه مؤمندر و اهل جنتدر لکن فاسق و ظالمدر و عذاب الیمه
مستحقدر و دخی احکام الهیه نک عددی زیاده و نقصان
قبول ایتدیکی اجلدن ایمان زیاده و نقصان قبول ایتز

احسن وجه و اکمل فهم
اوزره حفظ ایندیر السلام
معارفنددر سکا خوف
علومنددر اولور و خوف
مشکل قبح اولور و حبس
اوقاتده نزعات ایلین
و ساس طائفه شیطاندن
نجات بولور سن بنایه
الله تعالی معلوم اولسونکه
حضرت ابراهیم علیه
السلام وقت حد آتیشده
و ایام مساهقتده آزر
و غیرت پرستری آلهیه
باطله نک عبادات
فاسده سندن منع و زجر
و نهی شدید ایدوب نیکم
و ایمانه دعوت ایلدی نیکم
حق سبحانه نقل پیور

دینور و اما ایمانک کالنه نظر ایله اهل ایمان انده متفا وتدر
 اعمال صالحه ده متفاوت اولدقلری اجلدن زرا انبیاء عظام
 و رسول کرام علیهم الصلوٰۃ والسلام حضرتلرینک ایمانلرینک کالیه
 سائر اهل ایمانک ایمانک کالی برد کلدن تکم بر حدیث شریفده
 اگر ابو بکرک ایمانیه سائر اهل ایمانک ایمانی وزن اولنسه اییدی
 ابو بکرک ایمانی راجح و اگر اولوردی بیور مشدر علم الیقین
 عین الیقین کی دکلدر و بوا یکبسی حق الیقین کی دکلدر
 و دخی ایمان صحیح و مقبول و شرعا مقبر اولغه شرطلر واردر
 بری دوام و ثباتدر زرا بر مؤمن ایمانده موامده نیت ایتمیوب
 برمدند نصکره کافر اولقی مراد ایتسه همان فی الحال کافر
 اولوب تصدیق و اقرار لغو اولوب ایمانی باطل اولور و کفر
 حکمیه کافر اولور حفظ الله تعالی المؤمنین عن هذه البلیة
 و بریسی دخی جزم و حکمدن زرا مؤمن ضروریات دینییه دن
 اولان بر مسئله ده شک و تردد ایتسه قلبنده کی تصدیق زائل
 اولوب دائرة ایماندن خارج اولور جهل سببیه بریسی دخی
 اعتقاد اهل سنت و جماعت اعلى الله تعالی کلتهم الی قیامة
 الساعة اعتقادنه مطابق اولمقدنر که نفس الامر موافق اوله
 زرا بر مؤمن اعتقادنی اهل سنت اعتقادنه تطبیق ایتمسه
 مذهب حقندن خارج اولور دائرة کفره بالغ اولورسه بلاریب
 کافر اولور و اگر فرقه ضاله نک بریسنه موافق اولورسه انلردن
 اولور و اگر خالی الذهن ایتسه یته کافر در جهالت سببیه
 و بریسی دخی خوف ایله رجا اراسینده اولمقدنر زرا بر مؤمن
 کوکلر و برلر طاقت کتور میحک قهار جبار شدید العقاب

و ان قال ابراهیم لایه ازر
 اتخذ اصناما الهة انی
 اریک وقومک فی ضلال مبین
 و برجلده واذ کرفی الکتاب
 ابراهیم انه کان صدیقاً نبیا
 از قال لایه یا ابت لم تعبد
 الا لیسمع و لا یبصر و لا ینفخ
 عنک شیاً و برجلده دخی
 ماهذه التماثل التي اتهم لها
 ما کفون و غیر مواضع
 متعدده ده ذکر اولور
 و حضرت ابراهیم علیه
 السلام منعی و توحید
 حقه دعوت ایتدو کی
 مشرکک کو جنبه کلوب
 و یکی بزه اعلام ایله دیدیلر
 حق سبحانه و تعالی حضرت
 خلیل علیه السلامه عجب

عزیز ذو انتقام اولان الله تعالینک عقاب و عذابندن خوف
 ایتمسه ده امین اولسه مؤمن دکلدر فرعون و عمرود کی کافرلردندر
 و اگر ارحم الراحمین و اکرم الاکرمین رحمن رحیم رؤف عفو
 غفور غفار ستار اولان الله تعالی و تبارک نک رجندن
 و فضل کرمدن جله مخلوقات رجا و طمع مأمول ایدوب رحمت
 بی نهایت و نعمت بی غایه سنه نائل اولور ایکن و سکیسان یللق
 کافرک کفرنی بر شهادت سببیه عفو و لطف و کرم ایدر ایکن
 اول کسه امیدن قطع ایدوب مأیوس اولسه همان ابلیس کی
 کافر اولوب تصدیق و اقراری لغو و باطل اولور ربنا ارجنا
 و اغفر لنا فی الدنیا و الاخرة پس امدی الله تعالینک عقاب
 و عذابندن خوف و رحمت و فضل و کرمی رجا و طمع ایتمک فرض
 اولدی سیئاتی حسنا تندن چوق اولورسه خوفی غالب اوله
 و اگر برابر اولورسه خوف ایله رجا برابر اوله و اگر حسناقی چوق
 اولورسه رجا سی غالب اوله امن و امان بولجیه دك اللهم ربنا
 آمنّا بما نخاف و بریسی دخی روح غرغره به بالغ اولدن ایمان
 ایتمک زرا غرغره وقتنده امور آخرت مشاهده اولور و کافرلر
 دخی ایمان ایدر اما مقبول دکلدر زرا ایمان غیبی و برهانیدر
 شهودی و عیانی دکلدر کشف و مشاهده دینصره ایمان
 نفع و یرمز و بریسی دخی کوشش مغربدن طلوع ایتمدن اول
 اولمقدنر زرا مغربدن طلوع ایتدکده باب توبه مسدود اولوب
 بر کسه نک ایمان و توبه سی مقبول اولماز و بریسی دخی
 ضرورتسز قصد ایله علامت تکذیب و اماره کفر و الفاظ کفر
 صادر اولمق زرا بر مؤمن مثلاً ضرورتسز زنا رشد ایتسه یا خود

عقلیه تعلیم ایلدیکه آنک
 ایله وحدانیتی اظهار
 و اوصاف امکاندن
 حق تعالی تقدیس ایله
 تکم حق تعالی بیور
 و كذلك زرا ابراهیم ملکوت
 السموات و الارض و لیکن
 من الموقنین بعده مشرکک
 شرکا اعتقاد ایلدیکه
 آلهه سفلیه دن رغبتلرینی
 و محبتلرینی اسقاط ایچون
 و اشراق ممکنات اولان
 کو کباری و خمس و قی
 اجرام تورانیه و مکارری
 صفع اولغله بیله انلرده
 دخی الوهیت انجیق اله
 واحد و تبدل و تغیر آنک
 حقنه محالدر و هر شی

شبهه و یا کافره مخصوص بر ثوب کبسه و یا خود صلیبه و اصنامه
 تعظیم اینسه و یا خود کوزل ایلدک د یسه و یا خود شرعا واجب
 التعظیم و لازم التوقیر والتکریم اولان اشیا ی مبار که نک بر یسنی
 تحفیر اینسه مثلا بر عالمی و یا طالب علی هجو واستهزا اینسه
 یا خود کتب اسلامیه دن بر یسنی تحفیر اینسه و الحاصل
 تحفیری واجب اولانی تعظیم و تعظیمی واجب اولانی تحفیر
 اینسه همان د اثره ایمانندن خارج اولوب دین اسلام دشمنی
 اولان کافر لدن اولور و بر یسی دخی اعتقادی شریعة غرا
 و ملت بیضادن اخذ ایتمک اگر شریعتدن اخذ اولنسه اول
 اعتقاده اعتبار اولنماز پس امدی بر عاقلده بو شرطلر ایله
 ایمان صحیح حاصل اولسه اول کسه حقا مؤمندر و کندوسی
 دخی مؤمنم حقا دیه ان شاء الله دیمیه مکر تبرک ایچون یا خود
 عاقبة الامر وخاتمة العمر معلوم اولد یغیچون اوله یا خود ایمانک
 منافیاتی چوق اولد یغیچون مشیت ربانیه به تفویض مراد ایله
 ایماننده شکی اولمق سزین و دخی بو ایمانک فائده سی ایکی
 نوعدر دنیویسی عالم دنیاده قتل و جزیه دن واسیر اولمقدن
 و حقارتدن خلاص بولوب احکام اسلام اوزرینه اجرا اولنور
 مثلا مؤمنلر مملکتده ساکن اولق و مؤمنلر اسلملر یله تسمیه اولنق
 و مؤمنات تزوج ایتمک و مؤمنلر اوزرینه مقبول الشهاده اولق
 و خلفنده نماز قلمق و عزت اسلامیه ایله عزیز و شرافت ایمان
 ایله شریف اولق و اولد کده غسل مسنون ایله غسل اولنق
 و کفن مسنون ایله مکفون اولق و اوزرینه صلوة الجنائزه قلمق
 و مؤمنلر مقابر نه دفن اولنق و سؤال قبرده جوابه موفق اولق

وسائر

متبدل و متغیر اولور اول
 مخلوق و عا جز در همان
 صراط مستقیم و نهج قویم
 توحید و ایمان اولد یغی
 اثبات ایچون کیمجه ایچنده
 بر کوب که زهره یا خود
 مشنری اوله ظاهر اولدی
 و حضرت ابراهیم علیه
 السلام انی کوروب علی وجه
 الفرض و خصمک زعمه
 کوزه نظر ایله شور بیدر
 دیدی قال الله تعالی فلما جن
 علیه اللیل رای کوبا قال
 هذا ربی کئی خصمک
 دعاوی باطل منی تقریر
 حضرت ابراهیم علیه
 السلام غائب اولدی سوم
 دیدی قال الله تعالی فلما افل

وسائر احکام جزئییه لر کبی وفائده اخرویه سی میدان عرصائده
 کافر لر ایله بیله حشر اولوب اهل ایمان ایله جمع اولق
 و مخلد فی النار اولمقدن خلاص اولق و جنات عالیاته سعادت
 ابدیه و نعمت سرمدیه به ظفر بولق و مشاهده ربانیه ایله
 مشرف اولوب رضوان اکبر ایله سلطان اولق و دخی علماء
 حدیث عندنده و امام شافعیدن و امام مالکدن دخی منقولدر
 رحمهما الله تعالی ایمان قلیله تصدیق و لسان ایله اقرار
 و ارکان ایله عملدر لکن اعمال صالحه ایمانک کمالینک شرطدر
 و حقیقت ایمانندن جزء د کلدن مثلا بر کسه احکام تبلیغیه بی
 تصدیق و اقرار ایله و فرائض و واجبات و سنت مؤکده لر ایله
 وسائر قربات شرعیه ایله عمل اینسه انک ایمانی درجه کماله
 بالغ اولوب مؤمن کامل اولور و اما تصدیق و اقرار ایلیوب اعمال
 صالحه ده قصور اینسه ایمان و اسلامدن چقمز لکن ایمان درجه
 کالدن ساقطدر و کندوسی مؤمندر اما کامل د کلدن بو کامذهب
 سلف صالحین و محدثین تسمیه اولنور رضی الله تعالی عنهم و بو ایمان
 کاملک فائده سی سرعتله دعا سی مستجاب اولق و قلبنده
 لدت علیه و خلاوت عملیه حاصل و فراست صاحبی اولق
 و علی وجه الکرامه النده خوارق عاده صادره اولق و حسن خاتمه
 و ایمان کامل منجی ایله ختم اولق و قبری روح و روح و جنت نعیم
 اولق و قبردن صحراء عرصاته براقه بنوب ظل عرشده ولواء الحمد
 تحتنده نیلر و صدیقلر و شهیدلر و صالحلر ایله حشر اولوب
 قتی چوق اهل عصاته شفاعت مقبوله ایلمک جنت عدنه داخل
 اولوب اعلی مقامه و ملک کیره مالک اولق و وصال دائم شرفیه

قال لا احب الا فین ذریا
 بر حالدن بر حاله انتقال ایتمک
 دلیل امکاندر الوهیت
 منافقیدر بعده کوبلردن
 زیاده نورانی و بیوک اولان
 قی طلوع ایدر کن
 حضرت ابراهیم علیه
 السلام کوردی به خصمک
 زعمه نظر ایله شور بیدر
 دیدی قال الله تعالی فلما رای
 القمر باز غا قال هذا ربی
 القمر غائب اولدی اظهار
 حق و اثبات وحدانیت
 اینکده استعانت ایلیوب
 و توحید ربوبیت اینجق
 توفیق و ارشاد ایله حاصل
 اولد یغی بیان و الهه
 باطله عبادت ایلیوب

مشرف اولق اللهم اجعلنا منهم اما اهل اعترالك مذهبه
اعمال صالحه حقيقت ايمانندن جزء اصليدر که ماده ايمان
اوج اجزادن مرکب اولور قبله تصديق ولسان ايله
اقرار واعمال صالحه در کيمده که بواوچی جمع اولسه مؤمن
اولور اگر بریسی اولسه ايمانندن چقار بر جزئی یاخود ایکی
جزئی باقی اولغله کافر اولوب ايمان ايله کفر اراستده قالور
واکافاسق دیرل وجهنده مخلص اولور دیرل ومذهب خوارج
بودر که اعمال صالحه ماده ايمانندن جزء اصلی اولوب اگر عمل
اولسه ايمان یوق اولور دیرل بواجلندن مرکب کیره ویاخود
صغیره کافر اولور دیرل * فائده * احکام تبلیغه که قرآن عظیم
وحديث شریفندن بر قسمی اعتقاد یاتدر که اصول اجمالسی
التي نوع اولور الهیات و ملکیات و تنزیلیات و نبویات و تقدیریات
واخرویات که علامات الساعة واحوال البرزخ یساننده اولان
احکام انده داخل اعتبار اولور نتکم احوال دارالعقاب ودار
الثواب داخل اعتبار اولندیغی کی بواحکام اعتقاده متعلقدر
ابوحنیفه رضی الله تعالی عنه مذهبه دین اسلام وملت یضا
تسمیه اولنور جمیع انبیاء عظام علیهم الصلوٰة والسلام آنده
متفقدر زیا دین بردر ونسخ وتبدیلدن منزهدر و بوکاستعلق
مذاهب متعدده واردر مذهب اهل سنتدن ماعداسی باطلدر
واهل سنت ایکی فرقه اولشدر ماتریده واشاعره وبوایکی
فرقه هدایت اوزره در ودخی بر قسمی عملیاتدر که فرض واجب
سنت مستحب مندوب مباح مکروه حرام یساننده اولو جیدر
بونلره احکام ثنائیه دینور عاقل و بالغ اولنلرک افعالی بونلردن

خالی

شركا اتخاذ ايمانك وانلری
ارباب اعتقاد ايمانك عين
ضلالت وسمت طغيان
وطريق فسق وغياب
عصيان اولديغنی بیان
ایچون اگر بریم بکاهدایت
ایتمه ضالین دن اولوردم
ایتمه قال الله تعالی فلما اقل
دیدی لم یهدنی ربی
قال لئن لم یهدنی ربی
لا کون من القوم الضالین
بعده قردن زیاده نورانی
اولان شمس طلوع ایتدکه
حضرت ابراهیم علیه
السلام آتی کوروب نیسه
السلام آتی کوروب نیسه
خلصک دعوی باطنی
تقریر و بطلانی اظهار
ظرفیبله شوریدر
وجه دن بونلر دیدی

خالی دکلدر بونلره شریعت تسمیه اولنور انبیاء علیهم السلام
شریعتده موافق دکلدر بر بعضی بعضی شریعتی
نسخ ایشدر انواع اجمالسی اوچدر عبادات ومعاملات
ونعقوبات بونده مذاهب کلیه دویته قرار بولشدر ابوحنیفه
امام اعظم امام مالک امام شافعی امام احمد بن حنبل مذهبیدر
جمله سی هدایت اوزره در ودخی بر قسمی احوال قلوبه متعلقه
احکامدر که اخلاق حیده و اخلاق ذمییه یساننده اولو جیدر
علم الاخلاق و علم احوال القلوب و علم تصوف تسمیه اولنور
وطب روحانیده دینور قوه القلوب ومدخل واحیاء علوم الدین
وطریقت محمدیه آدلو کابلرزه بیان اولنور و بر قسمی عبرته متعلقه
اولان احکامدر که ام سالفه نك احوالی یساننده اولو جیدر
عبرت ایچون وسائلره جواب ایچوندر و بر قسمی دخی قصص
انبیاء علیهم السلام یساننده اولو جیدر حضرت رسول اکرم
صلی الله تعالی علیه وسلم مبارك خاطر شریفنی تسلیه ایچون
وسائلره جواب ایچوندر و بر قسمی دخی موعظه حسنه در که
باقیات صالحات وانواع قربات تحصیلنه ترغیب وذنوب
ومعاصینک کبیر وصغیرندن زجر وعذابدن ترهیب ایچوندر
و بر قسمی دخی نصایح شریفه در که اعمال صالحه و اخلاق
جمله وامور حسنه واحوال شریفه نك دوامنی وزیاده سنی مراد
ایتمک * تنبیہ * بواحکام تبلیغه نك کلبسنده کاهیجه دین
اسلام دینور و ملت حنیفه و سمد سهله دینور و شریعت غراء محمدیه
و شرع شریفده دینور و بعض محققلر دین و ملت و شرع
و شریعت بردر احکام تبلیغه نك اعتقادیه و عملیه سنک اسمیدر

حون وادخی غائب اولدی
بعده ندا ایدوب سی قوم
سن اشراک ایتد بیککن
اجرام محدثه دن بن بریم
دیدی مالی بودر که چون
کوکب و قمر و شمس اجرام
علویه ونورانیه اولغله یله
انلرده دخی الوهیت بوقلدر
فائده قالدی اجسام
سفلیه که نیسه کندولر
الارلیه وضع ایلدیلر قال
الله تعالی فلما رای الشمس
بازغنه قال هذا اکبر فلما
اقلت قال یا قوم انی برئ
عما تشرکون ایلدی سفلیات
استدلال ایلدی اثبات
وعلویاتک حدوتی اثبات
ایلدی بعده کندولر

دیدیلردین ایله شریعتی فرق ایتمدیلر اما ایمان احکام تبلیغه نیک
 جبعسنی اعتقادیه و عملیه و سائر قسملرینی قلبه تصدیق که
 حق تعالی طرفندن رسول اکرم صلی الله علیه وسلم تبلیغ ایلدیکنی
 وجهه سنک صدق اولدیغنی اینسانوب لسان ایله اقرار ایتمکدر
 تفصیلا معلوم اولانی تفصیلا واجمالا معلوم اولانی اجمالا
 تصدیق ایدرسه ایمان تفصیلی دینور **اکر** تفصیلا بتلویوب
 حضرت رسول اکرم صلی الله علیه وسلم الله تبارک و تعالی
 جانبندن هر نه تبلیغ ایتدیه اینساندم حقدر و صادقدر دیرسه
 ایمان اجمالی دینور و مؤمن اولمقده کافیدر تأمل اولنسه الله تعالی
 اعلم بحقیقه الحال و الیه المرجع و المأب * فصل * صفات
 قدسیه نیک بر قسمی معنویه و بر قسمی معانییه و بر قسمی افعالییه در
 وصفات معنویه التیدر بریسی وجود و اولمق معانییه در
 الله تعالینک وجودی از لیدر و وجودی ذاتندن منفک اولمق
 محالدر زیرا واجب الوجود در بو وجود صفتیه صفت نفسیه
 دینور بشینه دخی صفات سلویه دینور زیرا هر برینک مفهومی
 سلب و نفی معناسنی متضمندر تسبیح و تقدیس **کبی** قدم
 معناسی اولی و ابتداسی اولماق الله تعالی قدیمدر یعنی اولی
 و ابتداسی یوقدر وارلغی از لیدر بو کائنات از لده یوق ایدی
 جمله سی صکره دن خلق اولندی و بونلرک یوقلغینک اولی
 اولدیغنی **کبی** حق سبحانه و تعالینک وارلغینک اولی یوقدر
 بقا معناسی آخری و انتهایسی المامق صکره دن یوق اولمقندن
 مزهدر و یوقلق محالدر شریکی وار اولمق محال اولدیغنی کبی
 و الحاصل حق سبحانه و تعالینک وارلغی از لیدر ایدیر سر سیددر

حاشا

توحیدنی وجهه ممکناتدن
 نیری ایدوب توجهنی الحق
 حضرت واجب الوجود
 الواحد القیوم خالق کل
 شیء اولان الله تعالی و تبارک
 ایدیکنی اظهار ایلوب
 بیوردی تنکم حق سبحانه
 و تعالی حکایت یورر
 انی وجهت وجهی للذی
 فی السماوات و الارض
 فطرتا و ما نانا من الشریکین
 خفیفا و ما نانا من الحدوث
 تغیر و تبدل دلیل عندله
 اولدیغنی جمله عقلا عندله
 مسلمدر و خصمانک
 دعوا سنک اطلانی اوزریتیه
 اعتیاج ایتمکده برهان
 قاطع اولوب شبهه رینی
 دفع و مشککترین حل

حاشا ثم حاشا کائناتک وارلغی **کبی** صکره دن اولمه دکدر
 وارلغی ذات جلیله سنک صفتیدر واجب الوجوددر صکره دن
 یوق اولمق محالدر قیام بالذات معناسی مکانه محتاج اولمقدر
 الله سبحانه و تعالی قیام بنفسه ایله موصوفدر یعنی مکانه محتاج
 دکدر زیرا احتیاجدن مزهدر بو کائناتی خلق ایتمزدن اول که
 ذات جلیله سی نیجه ایهینه ایدر اوله در حاشا ثم حاشا مخلوقات
کبی بر حالدن بر حاله و بر شانندن بر شانه و بر صفتدن بر صفته
 انتقال ایتمکدن و سائر تبدلات و تحولات و تغیراتدن مزهدر
 و بونسنه ل الله الحی القیوم عز شانه و جل بر هانه حقنده محالدر
 وحدانیت و فردانیت معناسی ذاتنده و صفاتنده و افعالنده نظیری
 و شریکی اولمق والوهیت و صفات الهیه **اکا** مختصه در
 آندن غیریده یوقدر و اولمق دخی محالدر لاله الا الله وحده
 لا نظیره ولا شریک له لغوای شریفیدر بو وحدت ایکی معنایی
 مشتملدر بری وحدت ذاتیه عامه در که ذات جلیله سی اجزادن
 مرکب دکدر کل اولمقندن مزهدر و حقنده محالدر و ذات
 جلیله سی برشیدن جزء دکدر و ذات شریفی بر ذاته قیاس اولمقندن
 بریدر الله تعالی احددر واحدی الذات بودیمک اولور و الله اعلم
 و بریسی وحدت و صفتیه خاصه در که صفات الوهیت و خواص
 ربوبیت **اکا** مخصوصدر اوله صفات بر ذاته دخی یوقدر و اولمق
 دخی محالدر مثلا واجب الوجود بالذات اولمق الله تعالی دن غیریده
 یوقدر و انک علمی کبی علم و انک قدرتی کبی قدرت و انک حیاتی کبی
 حیات و انک ارادتی کبی و سمعی و بصری و کلامی و تکوینی کبی
 صفاتلر بر ذاته یوقدر و اولمق دخی محالدر زیرا الله تعالی به

و معضلدرنی
 و کشف ایتمکده داخلدر
 بناء علیه بو طریقه الزم
 الخصم و اثبات وحده الحق
 ایتمدیلر قال الله تعالی
 و انک حقنا آیتها ابراهیم
 علی قومه زرفع در جات
 من نشاء ای فی العلم الحکمه
 ان ربک حکیم بجال من
 و حفظه علیم بجال من
 بر فعه و استعداد له سعد
 الالبینک بو قوائمه کوره همان
 مقلد طاغیر باشند اولان
 قریه اهل البی و دیار کفارده
 منوطن اولان مؤمنلر که
 شعائر الاسلام وارکان
 الدین مشاهده ایتموب
 مجالس العلماء و محافل

مخصوص صدر دیمك اولور وجوب الوجود و معبودیت و خالقیت
 اكا مخصوص و مقصور در آندن غیری معبود یوقدر آندن غیری
 خالق یوق دیمك اولور والله تعالی واحد در و واحد الصفات
 معنایی بودر که توحید تسمیه اولور بونی اعتقاد ایلین موحد
 اولور لا اله الا الله وحده لا شریک له ولا نظیره کله طیبه سنک
 معنایی بودر والله اعلم مخالفت الحوادث معنایی مخلوقات اصل
 مشابهتی اولمق الله سبحانه و تعالینک ذات جلیله سی بر ذات بکره من
 وصفات عظیمه لری بر صفاته بکره من اوصاف ممکنات و احوال
 مخلوقاتدن مزهدر بعض معتزله نک مذهب مردود لری بودر که
 ذات جلیله سائر ذاتلر کیدر احوال ایله ممتاز اولور که واجبیت
 حیثیت عالمیت قادریتدر و ابوهاشم معتزلی زعم ایتدی که
 الوهیت ایله ممتاز اولور دیدیلر حق سبحانه و تعالی مخالفت
 الحوادث ایله موصوفدر دیمك بوکائناتدن بر شیه بکره من و بر
 وصفده مشابه دکلدر دیمك اولور مثلا مکانده وجهته و زمانده
 اولمقدن مزهدر حرکت و سکون آنک حقنده محالدر و صورتدنکه
 مثلا بر کسه بر شیه نظر ایتدکه آنک هیئتیه نظر ایتدکه نک ذهنده
 حاصل اولور اول شیک غیبوتند نصکره اول کسه نک ذهنده
 مستخفی اولور اکا صورت دینور الله القدوس عز شانه و جل
 برهانه آندن مزهدر آنک ایچون اهل جنت مشاهده ایتدکه
 بلا کیف ولا ادراک ولا ذکر مثال مشاهده ایدرلر بوشکلدن
 مزهدر که مدور یا خود مربع یا خود طویل و یا قصیر
 و غیر کی هیئت خارجیه دن مزهدر و رنگدن مزهدر بیاض
 و صاری و قرمز و غیر کی و یاش و قوری و یومشاق و فتی

وطاتلو

الاولیة فظین معاینه و تعالیه
 العلم و تفهیم الدین محالدر
 حاضر اولیا نلدر لکن
 صحیح مقدم اندر اولیادین
 زیر بفرقه به خالی الذهن
 تسمیه اولور که بولرد
 حقیقه الایمان موجود
 اولر یعنی ظاهر الحالدر
 کیف لا افواه علمان
 مستفید اولوب و اهل ایمان
 اراسته متداول و متکدر
 اولان شعار لری مشاهده
 و استماع ایمان کسه لردن
 نوجله ایمان تحصیل
 ایدرلر و مؤمن به اولان
 عقایدی کلردن خبر اولور
 مجرد الله تعالینک و ارفع
 تصدیق ایتک مؤمن

وطاتلو و آجی کی نسنلر مخلوقات صفتدر الله سبحانه و تعالی
 حقنده محالدر و بر شیه حلول ایتکدن و قریب و بعید اولمقدن
 و اتصالدن و انفصالدن و سائر ممکناتک احوالندن مزهدر جمع
 صفات کامله سی از ایدر و ایدر صکره دن اوله دکلدر موجوددر
 یعنی وارددر یوقلق حقنده محالدر قدیمدر یعنی اولی و ابتدایی
 یوقدر باقیدر یعنی آخری و انتهای یوقدر حاشاشم حاشا فانی
 دکلدر قائم بالذات یعنی مکانه و غیر نسنه به محتاج دکلدر واحددر
 یعنی ذاتنده و صفاتنده و اسماسنده نظیری و شریکی و آدائی
 یوقدر مخالف الحوادثدر یعنی بوکائنات مشابه دکلدر و مثلی
 یوقدر لا اله الا الله وحده لا شریک له ولا نظیره بودیمك
 اولور الفضل بید الله یؤتیه من یشاء والله ذوالفضل العظیم
 تحمید و تعجید صفات معاینه حضرت شیخ ابو منصور ماتریدی
 مذهبنده سکر در حیات الله تعالی حیات ایله حیدر و صفت
 حقیقه موجوددر و بر نسنه به تعلق ایتمز و حیاتک ضدی
 موتدر الله الحی تعالی حقنده محالدر هو الحی الذی لا یموت علم
 صفت حقیقه در و علمیه عالمدر از لده جمله به علمی تعلق ایتدی
 لایزالده بولسانلره ینه بواندقلری وقتنده تعلق ایدر و از لده
 بیلدیکی کی اولور خلاف اولمق محالدر الله تعالی کند و ذات
 جلیله سنی یلور و صفت علیاسنی و اسماء حسنا سنی یلور و جمع
 مخلوقات نفصیلا یلور یرلده اولنلری و وکلرده اولنلری
 و عرش عظیمه اولنلری و جنتلرده اولنلری و جهنمه اولنلری
 بر بر تفصیلا یلور در یالری قطره قطره طبر اقلری ذره ذره
 و قوملری دانه دانه جمله سنی یلور و صیار و اوله جملری

اولقده کفایت ایتمز مع هند
 بو تصدیق دخی محالدر
 حضرت علی رضی الله عنه
 بیور منلر زیر صفات
 نقصانندن تنزیه و تقدیس
 ایدر منلر بلکه صفت نقصان
 ایله و صفار قنده قادری
 سائر عقایدی و بالجملة
 بوملار و خالی الذهن اولنلری
 اهل اسلامدن عد ایتک
 الله اعلم مجرد حسن ظنه
 منیدر بو خسه بولرد
 ایمان اجمال بولمق محال
 قریبدر زیر اجهل مطلق
 ضمنده تصدیق نه طریقله
 بولور زیر ایمان اجمالینک
 زیاده ادنی سینه سی الله

واولیه جعفری و محال اولتری یلور انسانک ایتدیکی عملارینی شرفی
 و خیرنی یلور جزئیات مادیه بی یلور فلاسفه نك جزئیات
 مادیه بی کلیا یلور دیدکاری باطلدر و کفر در و علمک ضدی
 جهلدر الله تعالی حقنده محالدر و کلیاتی یلور علام الغیو بدر
 و عالم السر و الخفیات در سمع صفت حقیقه در سمع صفتیه
 ایشیدر و بوصفت لایزالده اصواته تعلق ایدر عرش عظیمده
 اولان ملائکه نك تسبیحارینی و سائر ذکری ایشیدر
 و کوکلرده اولان ملائکه نك تسبیحارینی و ذکر لینی ایشیدر و بر
 یوزنده اولان آواز لری و صوتلری ایشیدریدی قات برالتنده
 یورون قرنجده نك ایاغی شمه سنی ایشیدر قره کو کیجه ده
 اغا جلردن دوکیلن بیراقلرک صداسنی ایشیدرند کلو یاب یاب
 سوله سک الله السمع عزاسمه آتی ایشیدر سمع صفتک ضدی
 صمم در الله تعالی حقنده محالدر بصر صفت حقیقه در لایزالده
 الوانه واضواء اشکاله تعلق ایدر الله سبحانه و تعالی جلاله
 مخلوقانی کورر و برشی اکا کزلو دکلدن برکسه یدی قات
 برالتنده برکاه ایتسه حق تعالی اتی هم یلور وهم کورر وهم
 سوزنی ایشیدر برسیاه ذره قره کو کیجه ده درین قویو ایچینه
 دوشسه الله تعالی اتی کورر جتده اولنلری وجهنده
 اولنلری کورر بصرك ضدی عی در الله السمع البصیر عزشانه
 حقنده محالدر ارادت صفت حقیقه در ازلده تعلق ایتدیکی
 جمیع ممکناته که لایزالده وجوده کله جکری وجوده تخصیص
 و وجوده کلیه جکری عدمه تخصیص ایدر بعضیلر عندنده لایزالده
 تعلق ایدر وقت حدوثده وجودی ترجیح ایدر و وقت عدمده

تعالی به واندن کان نسندر
 ایناندم و رسول الاله وانك
 کتوردیکی نسندر ایناندم
 کلامنی قلبیه تصدیق
 و قبوله دیر بو طاعتده ایسه
 عمر زنده بو ملاو کلام
 قلبینه کلمشدر و یلور
 و هر بریسی نیجه درلو
 مشغله ایله قلبلری مشغولدر
 حاللرین بیلن یلور
 ضرورات دنییه
 ضرورتانی سائر اهل
 دیرلر که ایلا نهم
 مال دخی بیله حرام
 شرع محمدیه و نصاری
 اولدیفنی یهود و انض
 دخی یلورلر فرائض
 متواتر که بش وقت نماز
 و حج و زکات و سائر

عدمی ترجیح ایدر حق تعالی مراد ایتدیکنی برادر هر نسنه که
 اولور آنک ارادتیله در اراده سندن خارج نسنه اولماز وجوده
 کلنلرک وجودنی دیله مشدر وجوده کلنلرک کله مسنی دیلشدر
 اهل خیرک خیرنی و اهل شرک شرک شرفی دیلشدر اهل اعزالک
 شری مراد ایتزدیدکاری باطلدر الله تعالی خیری دیلر و سور
 و راضی اولور و برادر و شری دیلر و برادر لکن سومز و راضی اولماز
 پر ذره حرکت ایده مز الله تعالی دیلمینجه و کافک کفرنی و فاسقک
 فسقنی یلور و دیلر و خلق ایدر لکن محبت ایتز و راضی اولماز
 غضب ایدر و عقوبت ایدر و صالحک صلاحنی یلور و دیلر
 و خلق ایدر و محبت ایدر و راضی اولور سبحان من لایجری فی ملکده
 الامایشاه ارادت صفتک ضدی اضطرار و جبر و اکراهدر
 الله تعالی حقنده محالدر قدرت صفت حقیقه در اکثر محققین
 عندنده لایزالده ممکناته تعلق ایدر حدوثلری و قنده وجوده
 کله جکری وجوده تقریب و عدمه کیده جکری عدمه تقریب
 ایدر الله تعالی قادر در جمیع ممکنات آنک قدرتمده برادر
 هیچ برشی اکا کوچ کلز نیجه بو کوکلرکی کوکلر و برلرکی
 برلر بر ذره ایله قدرتمده برادر طاعلره و طاشلره جان و برمه
 و سویلتمکه قادر در و کوکلری اشاغی و برلری یوقاری ایتکه
 قادر در برکسه بی بر لحظه ده یدی قات کوکلره و عرش عظیمه
 و جنات عالیاته کوزوب کنور مکه قادر در در یالری هوا یورینه
 اقمغه و مسک و عنبر ایتکه و التوندن و زبر جددن موجدلر خلق
 ایتکه قادر در و یوجه طاعلری هوا یوزنده قوشلرکی او جورمغه
 و او جرکن توز ایتکه قادر در و جله موتالری بر لحظه ده

ضروریات کبی که حقنده
 شک و تردید اولنغنی قبول
 ایتز اما سائر تکلیف که
 صلوة الجنائزه و صلوة
 العیدین و سائر فروض
 کفایه و واجبات و سنت
 مؤکده کبی که اهل اسلامک
 نیجه لری بیلر ایچق تفصیل
 ملت خنیفه سمعه سهله
 و مباحث شریعت بیضا
 تقیه به عارف و عالم اولنلر
 یلور اندر ده دقایق
 شرعیه و حقایق حکمیه
 دینلور شرعیاتک مأمور بها
 اولنلرینه الزام الهی
 و تکلیف شرعیه نسبه
 اولنور فعلنده فضیلت
 و زکی لایس اولان نوافل

دیر نمکه و کبر و اولاد مکه و کبر و دیر نمکه قادر در و آتشی
 صوغوق ایدب قارلری صیحق ایتمکه قادر در الله تعالینک
 قدرته برشی ثقیل و بیوک و زحتلی کلز قدرتنک ضدی عجز در
 الله تعالی حقنه محالدر له الخلق والامر تگوبن صفت حقیقه
 در اکثر محققین عنده لایزالده ممکناتک ماهیتلرینه تعلق ایدر
 حد و ثلری وقتنه ممکناتده تأثیر ایدوب بالفعل وجود ویرر
 الله تعالی براد یجیدر آندن غیری برادی یوقدر وجهه کائناتی
 یوق ایکن وار ایلین بالذات اودر واسطه سز خالقدر فلاسفه نک
 واسطه اثبات ایتدکاری باطلدر و شرکدر و حق تعالی خلاق
 علیمدر و انسانک و سائر حیوانک ایشلرینی و حرکتلرینی
 و سکناتلرینی و خیرلرینی و شرلرینی و فائدهلرینی و ضررلرینی برادن
 الله تعالیدر کسینک قلبنه کله فی برادن اودر هر کس کند
 فعلنک خالقیدر دیمک معتزله مذهبیدر باطلدر بخمس ملتته
 موافق بر اعتقاددر العباد بالله تعالی هر نسنه که موجود اولور
 انی برادن حق تعالیدر برادی اولمق الله تعالی حقنه محالدر
 وهو الخلاق العلیم کلام صفت حقیقه در لایزالده الفاظ قرآن
 معانی قرآنه موافق ترتیبه تعلق ایدر الله متکلمدر سویلر
 کک و کدن نازل اولان کابلر آنک کلامیدر و حضرت رسول
 اکرم صلی الله علیه وسلم لیلته معراجده واسطه سز سویلشد
 و حضرت موسی علیه السلامه طور طاغنده واسطه سز
 سویلشد بر سکر صفات علیایه معانی حقیقه و صفات ثبوتیه
 و ذاتیه دینور حضرت شیخ ابوالحسن الاشعری مذهبنده سمع
 و بصر علمده داخل و تگوبن قدرته داخل اولوب صفات

ثبوتیه

شرعیه فی عبد کرد و
 نوراد ایدنسه التزام
 عبادت تسبیح اولور لکن
 سن مؤکده التزام قسمنده
 مندرجه در زیر ترکنده
 بآس شدید و حرمان
 شفاعت و عتاب واردر
 اللهم اجعلنا من العاملين
 بسنة حبیبک بحرمة طه
 و یسین عقل ملا خطه
 ایدوب اگر وجود ذاتنه
 لازم و عدم محالدر دیو
 حکم ایدر سه اکا واجب
 الوجود دینلور و اگر
 بوحکم ذاتندن نشأت
 ایدر سه واجب بالغیردر
 اگر وجود و عدم اوزاک
 حقنه مساوی ایسه ممکن

ثبوتیه بش اولور جمهور اشاعره عنده سمع و بصر علمده
 داخل دیکلدر لکن تگوبن قدرته داخل اولوب صفات
 حقیقه یدی اولور اکثر معتزله بوصفانلری انکار ایتدیلر معلوم
 اولسونکه صفات معنویه مجرد اعتباریه عقلیه اولدیغیچون
 قدیم دینلر اما صفات ثبوتیه فی نفس الامر صفات حقیقه
 موجوده اولدیغیچون قدیم دینور الله تبارک و تعالینک ذات
 جلیله سی صفات ثبوتیه سیله قدیملدر و ایدیلدر ماتریدیه مذهبنده
 بر ذات جلیله و سکر صفات حقیقه طقوز قدیم اولور شیخ
 اشعری نک عنده بر ذات جلیله و بش صفات حقیقه الی قدیم اولور
 و جمهور اشاعره عنده بر ذات جلیله و یدی صفات حقیقه سکر
 قدیم اولور بونلردن ماعد اقدیم یوقدر والحاصل ذات قدیم بردر
 بونلر صفاتلدر ذاتن منفک اولمق محالدر اهل اعتزالک تعدد
 قدما لازم کلور دید کلری مجرد هذیاندر زیرا بونلر ذوات قدیمه
 متغایره دکلردر بر ذات قدیمه در و آنک صفات ثبوتیه سی که
 ذاتن منفک اولمسی محالدر بو وجهله محذور لازم کلز
 مقام معلومدر و حق ظاهر در دشمن کلامی باطل و عداوتی
 بمعنادر بو محله انلری رد ایله مشغول اولمسوب مفصلانده
 مقام تحقیق اولمشدر * و دخی بو صفات ثبوتیه یه لازمه
 اعتباریه دینور حیاته لازم کلن حی اولمق حییت و کونه حیایله ده
 تعیر اولور معناده فرق یوقدر علمه عالم اولمق یا عالمیت یا کونه
 عالما لازم کلور ماعداسی بو کاقیاس اولته پس امدی ماتریدیه
 عنده مجموعه صفات بکرمی ایکی اولدی وجود قدم بقا قیام
 بنفسه وحدانیت مخالفه لحوادث و سکرزی ثبوتیه حیات علم سمع

دینلور و اگر وجودی
 محال ایسه متمنع دینور
 بالذات ایسه بالذات بالغیر
 ایسه بالغیر دینور تقدر
 بعض انواع واصناف
 تقسیده علی حده ذکر
 اولمسوب اقسام منحصره
 اولدی ایسه ده لکن
 جنس عالی و متوسط و تحتی
 داخل و مندرج اولدیغی
 کافی و وافیدر زیرا
 بو مختصرک علی وجه
 التحقیق تفصیله و علی
 قصد التدقیق یانه تحلیلی
 یوقدر حضرت واجب
 الوجود جلیل الشان
 و عظیم البرهان عز شأنه نک
 جمیع عوالمده نصر فاتی

بصر ارادت قدرت كلام تكوين وسكر دخی بونلرك لازمی
 كونه حیا كونه علما كونه سمیعا كونه بصیرا كونه مریدا كونه
 قدیرا كونه متكلمیا شیخ اشعری عندنده اون التی اولور سمع
 ایله بصر علمده داخل كونه سمیعا كونه بصیرا كونه علیماده
 داخل اولور و تكوین قدرتده داخل كونه مكونا كونه قدیرا ده
 داخل اولور وجهور اشاعره عندنده یكر مسد زبرا تكوین
 قدرتده داخل كونه مكونا كونه قدیرا ده داخل اولور دیدیلر
 تأمل اولنه * معلوم اوله كه صفات ثبوتیه اولان تكوینیه لازم
 كلن خلق و ایجاد وانواعنه كه حق تعالیك تكوینی تعلق
 ایلیوب مخلوقلری ایجاد ایتسنه صفت فعلیه دینور انواعی تخلق
 تزییق احیاءاته تضییق توسیع افنا بقا و غیر یلركی بونلرك
 جمله سی صفت تكوینیه راجعدر قدیم و حادث دینلر زیر اصفا
 اعتباریه در پس امدی حق تعالی اشیا یی ایجاد ایدر بوكاشانی
 یوق ایكن ایجاد و موجود قیلدیغی كبی یا خود اشیا یی برز مانند
 برز مانه نقل ایدر مخلوقاتی مثلا بر نسنه دن بر نسنه یه نقل كبی
 یا خود برمكادن ر مكانه نقل ایدر مثلا انسانی و سائر حیوانی
 دنیا دن آخرته نقل كبی یا خود بر حالدن بر حاله نقل ایدر مثلا
 انسانی حیات حالندن ممات حالنه نقل كبی یا خود وارا یكن
 یوق ایدر زمان سابقده موجود اولوب شمدیكی زمانده یوق
 اولنركی و عقلا یه حیرت و عجز ویره جاك نسنه ر خلق ایدر
 مثلا دیكنلوا انا جدن كول خلق ایدر و سككدن عسل خلق
 ایدر و میتدن حی و حیدن میت خلق ایدر بر قطره منیدن عاقل
 و كامل انسان خلق ایدر و مؤمن بلندن كافر و كافر بلندن

مؤمن

مشاهده ایلیوب بالضرور
 فسبحان الذی بیده ملكوت
 كل شیء ما خلقت هذا
 باطلا سبحانه الله احسن
 النصار قنارك الله وسائر
 الخالقین دیمكه وسائر
 تسبیحات و تقدیسات
 ایدر نلر ایدر اولو الالباب
 آیات آفاقیه در س عرمان
 قرأت ایدر در اولو الابصار
 دیده جانه نور عبادتله
 صیقل و بریلدر
 نظم
 همه ذرات جهان مطلع
 عبرتدر هب اهل ادراك
 اولانه لمح اشارتدر هب
 لوح ظاهرده عیان جمله
 علوم و عرفان كل شیء
 مرشداریاب بصیرتدر هب

مؤمن خلق ایدر و بردانه دن یدی سنبله و هر بر سنبله دن یوز دانه
 خلق ایدر و بر قوری اغاجه صو و یروب آندن نیچه یراق
 و مبارك قوقولی چچكلر و انلردن لذیذ و كونا كونا مبهول
 خلق ایدر و یاش یشل انا جدن آتش خلق ایدر و نجس ایله
 قان ارا سندن خالص سود خلق ایدر و بردریاده اوزری
 آجی و ایچی طاتلو صو خلق ایدر و قامش ایچنده شكر
 خلق ایدر و نیچه دورلو صورتلو حیوانلر خلق ایدر كی ایکی ایاغیله
 یورر و كی درت ایاغیله یورر و كی قناده ایله اوچرودخی نیچه
 ایاقسز قرنی اوزرینه یورر و كی قناده ایله اوچرودخی نیچه
 عجایب و غرایب خلق ایدر كه عاقللر حیران اولور و حكمتی
 ادراك ایتكدن عاجز اولور و الله تعالیك هر برایشنده
 مصلحتلر و فائده ل و ادر در حاشا ثم حاشا فائده سز نسنه خلق
 ایتكدن مزهدر مثلا یلانده بر ضرر و اریسه نیچه دور او
 فائده ل و ادر در كه عقل آنی ادر ا كدن قاصر در و دخی الله
 تعالی ظلم ایتكدن مزهدر زیرا ظلمك معناسی غیرینك ملكنده
 بلا اذن تصرف ایلكدر و جمله ملك الله تعالیكدر اذن عیری
 مالك یوقدر یا خود بر شیتی محلكك غیری محله وضع و تعیین
 ایتكدر بومعنا دخی الله تعالی حقدده محالدر زیر اعلم و حكیمدر
 هر نسنه یی حكمتله ایشلر هر نسنه یی بر محله تعیین ایلسه اول
 محل اونسنه یه قیاس ایله سائر محالدر دن اعلی و انسب و احسندر
 زیرا حكمت الهیه ایله تعیین اولنشددر یا خود تعذیب الخیوان
 بلا فائده معناسنه در بومعنا دخی الله الحكیم العلیم نزنه شانه حقدده
 محالدر زیرا هر ایشی فائده و مصلحت و حكمت ایله ایشلر و دخی

ای افسندی نظر ایتكل
 شو جهانی اكله مضهر
 علم ازل مطلع حكیمدر هب
 حكمت و عبرت و ایم و اشارت
 نه كه وار هب خدا دن
 سكا تعلیم هدا ایدر هب
 ای قنایی یوری وار روحی
 نجر دایله سوزی جانیه
 كوش ایله نصیحتدر هب
 اولو الایدی والاخبار
 والمصطفین الاخیار
 وسائر الابرا افعال
 و سائر الاحوال غیر
 غیر مناسبه و احوال غیر
 لایقه و شهوات حیوانیه دن
 وقوه نطقیه وقوه غضبیه
 وقوه شهوانیه دن افراط
 و تفریط جانلر دن مزهدر
 حاشا ثم حاشا انلر عوام كی
 و كلكلر در

الله تعالینک هرایشی بالاتفاق کوزلدر حاشا ثم حاشا
 قبیح و مناسبت سر نسبه ایتمکدن مزهدر * تنیه * الله تعالی
 حیات ذاتیه ازلیه ایله حیدر و علم ذاتی ازلی ایله علیدر و سمع
 ذاتی ازلی ایله سمیدر و بصر ذاتی ازلی ایله بصیردر و ارادت
 ذاتیه ازلیه ایله مریددر و شاییدر و قدرت ذاتیه ازلیه ایله
 قدیردر و تکوین ذاتی ازلی ایله مکوندرو کلام ذاتی ازلی
 ایله متکلمدر حق تعالینک ارادتی علمیه موافق تعلق ایدر
 و اکا موافق عقینده قدرت تعلق ایدر بلا مهله و اکا موافق
 عقینده بلا مهله تکوین تعلق ایدر فی الحال مراد حاصل
 اولور نتکم حق تبارک و تعالی پیورر انما امرنا لشیء اذا اردناه
 ان نقول له کن فیکون یعنی بن الله عظیم الشان بر شیشک
 وجودنی مراد ابتدیکمز و قدسه انجیق امریمز اول دیمکدر
 فی الحال عقینده بلا مهله اراده علیه به موافق موجود اولور
 بعضیلر دیدیلر که حق تعالی بر شیشی خلق ایدر کن اکا اول دیو
 خطاب ایدر عادت خلایقه بویه جاری اولمشدر دیدیلر
 و بعضیلر دخی اول خطابی سرعت ایجاد دن کایه در یوخسه
 اول دیو خطاب اتمز دیدیلر هذا و انما العلم عند الله عز وجل
 و دخی کلام ازلی ذاتی حرف و صوت و حرکات و سکانات ایله
 دکادر و بو کلام ازلینک لازمی کلام لفظی که وحی و تنزیل
 اولمشدر و لغات مختلفه ایله تلاوت اولنور و اصوات و حروف
 ایله تعلیم و تعلم اولنور انک مخلوق اولدیغنده اختلاف و توقف
 اولنمق لایقدر و مذهب صحیح و مختار بودر تنکم علامه ثانی
 سعد الدین التفازانی و ملا خیالی چلبی بویه تحقیق ایتدیلر

اما بر حدیث شریفکه القرآن کلام الله تعالی غیر مخلوق
 ومن قال انه مخلوق فهو کافر بالله العظیم بویه روایت اولنور
 صحیح تسلیم اولنسه مراد کلام ذاتی ازلی قدیمدر قرآنی
 کلام الله ایله و صغلق مراد کلام ازلی اولدیغنه شاهددر
 بو تقدیر چه کفر اولدیغنده اشباه یوقدر زیر اصفات الوهیتک
 جمله سی قدیمدر از لیدر ابدیدر حاشا ثم حاشا کرامیه
 طائفه سی کی بر صفتک حدوتی تجویز ایلک ذات قدسیه
 جلیله به محل حوادث اولغی تجویز و شائنده تبدل و تغیری جائز
 کور مک اولور تعالی الله عن ذلك علوا کیرا و بو کلام
 لفظی تلاوت ایدنلر ایله قائم اولور اول ذات جلیله بیچون ایله
 قائم اولان انجیق کلام ازلی ذاتیدر حرف و صوت و لفظ
 و حرکات و سکانات و سایر لوازم اصواتدن مزهدر کتب
 مزله الله تعالی به اضافت اولنور وانک کلامیدر دینور
 مخلوق تصنیفی دکل معناسنه و کلام ازلی ذاته اضافت اولنور الله
 تعالینک صفت ذاتیه ازلیه سی دیمک معناسنه و دخی صفات
 الهیه نک کنهی ادراک اولنمق محالدر بر عاقل کامل تقدر جد
 و سعی ایلدوب ادراک ایتک مراد ایتسه انک عقلی درجه فهمدن
 ساقط اولوب عاجز و متحیر اولور و سمیک قائده سندن خائب
 و خاسر اولور هذا والله عنده علم الغیب لا یعلمه الا هو قائده
 جلیله * معلوم اولسونکه وعد یعنی اعمال صالحه و سایر حسنات
 حقه اجر جزیل و ثواب جمیل خبر و یومکده بالاتفاق خلف
 یوقدر اما و عید که اعمال سینه حقه عقاب الیم و عذاب
 عظیم خبر و یومکده خلفک جوازی حقه اختلاف اولندی

بعض علماء رحمهم الله تعالى وعبدته خلف ايتك جائز در
ديديلر تفسير وسيط صاحبي امام واحدي بو كذا هب اولدي
وبر حديث شريف نقل ايتديلر انس بن مالك رضي الله عنه
روايتيله كه حضرت رسول اكرم صلى الله عليه وسلم من
وعده الله علي عمله ثوابا فهو منجز له ومن اوعده علي عمله عقابا
فهو بالخيار بيوردي يعني حق تعالى بر مؤمنك عملي اوزرينه
ثواب وعد ايلسه اعطا ايدر حاشا ثم حاشا خلف ايتز اما
بر مؤمنك عمل قبيحه عقاب ايدر وديلر سه فضليه عفو ومغفرت ايدر
ديلر سه عدليه عقاب ايدر وديلر سه فضليه عفو ومغفرت ايدر
ديك اولور زيرا وعبدته خلفي عين مغفرت وعين عفو در
ديديلر ويحيي بن معاذ رحمهما الله تعالى بومذهبه اشارت ايلدي
ديدي الوعد والوعيد حق فالوعد حق لعاد علي الله اذ عنين
لهم انهم اذا فعلوا ذلك ان يعطيهم كذا ومن اولي بالوفاء من الله
لهم والوعيد حقه اذا قال لا تفعلوا كذا فاعذبكم ففعلوا ان شاء
عفا وان شاء اخذ لانه حقه واو لا هما العفو والكرم لانه عفو وعفور
رحيم انتهى كلامه يعني وعد ووعد حقدر ووعد عبادك الله
تعالى اوزرنده حقيدر زيرا الله تعالى مؤمن قولرينه عمل صالح
ايتد كده ثواب ويرمكه ضامن اولمشدر الله تعالى بدن زياده وعده
وقا ايدر كده بو قدر وعده نه بناء البته اعطا ايدر ووعد
حق تعالىنك قولرينه يعني مؤمنرا اوزرنده حقيدر زيرا شومثلاو
سپشاني ارتكابه ايتك ديمشدر انر سپشاني ارتكابه ايتسه
ديلر سه عفو ايدر وديلر سه عقاب ايدر كه زيرا حقيدر اولاسي
عفو وكرمدر زيرا عفو رحيم ديك اولور وعلماء محققين

وعبدته خلف منصور دكلدر زيرا تبديل القول لازم كلور بو
ايسه محالدر زيرا حق تعالى ما يبدل القول لدي يعني حضرت
عاليه معنويه مده قول و كلام تبديل اولماز ديويوردي
ديديلر آيات الوعيد انشاء التهديد ايله تاويل يا خود عومات
الوعيد دن دلائل مفصله ايله مذهب مغفوري تخصيص يا خود
آيات الوعيد موعده به اولان عقابك استحقاقه جل اولور
بو تقدير جه بالفعل وقوعي مراد اولماز خلف لازم كلز شكتم
ومن قتل مؤمنا متعمدا فجزاؤه جهنم خالد فيها آيت كريمه سنده
بو كا اشارت وار در ديديلر * تذييل * الله سبحانه وتعالىنك
اوزرينه هيچ برنسنه لازم و واجب دكلدر اهل طاعتك
طاعتلري مقابله شده ثواب ويرمك انك فضل واحسانيدر
حاشا وكلا طاعتلرينه عوض دكلدر **كجف** بر ساعتك
نعمته بيك يللق عبادت عوض اولماز زيرا طاعت الله
تعالىنك خلقيله وتوفيقيه در بر خطه نعمتك شكرى اصلا
ادا اولماز و اهل عصيان نه عقاب عدليه در زيرا برنسنه اكا
واجب دكلدر وجهه اشيا انك ملكيدر نيجه مراد اينسه اويله
تصرف ايدر اهل ايماني جنة ادخال و اهل كفري ابدى جهنم
ادخال انك وعدى ووعيديدر بو كابناء ادخال ايدر سه يوقسه
حاشا وكلا اوزرينه واجب اولق طريقيله دكلدر ودخي
حق تعالى جد وشكره وسائر عبادات و اطاعاته بالذات للذات
مستحقدر حيد ومحمود در كرك جد ايتسونلر وكرك ايتسونلر
منتفع اولمقدن ومتضرر اولمقدن متر هدر جميع كمالات
ربانيه سي وصفات صمدانيه سي ازليات و ابدياتدر زياده

و یا خود نقصان او لمقدن مر هدر ودخی حق تعالی قوللرینه
 طاقنی قدرایله امر ونهی ایتشددر طاقتدن خارج تکلیف ایتشددر
 عاقل و بالغ اولوردن تکلیف و امر ونهی ساقط اولماز * فصل
 معلوم اولسونکه حق سبحانه و تعالیٰ اسماء حسنا سی واردر
 وانلرایله دعا ایتکی امر ایله دی قرآن کریمده ولله الاسماء
 الحسنی فادعوه بها دیو بیوردی یعنی الله تعالی ایچون اسماء
 حسنی واردر جناب حضرت الله تعالی درگاه اقدسنه انلر
 ایله دعا ایدیگوز دیمک اولور تمهید مقدمه دعا لغتده عبادت
 معنا سنه در تنکم حضرت سید کائنات علیه الصلوة والسلام
 بر حدیث شریفده الدعاء هو العبادۃ دیو بیوردی دعا عبادتدر
 دیمک اولور و نمازه لغتده دعا دیمک بوندن مأخوذ در اما دعا
 شریعت مصطفویه ده حق سبحانه و تعالی به تضرع ایله
 یلوارب مراد طلب ایتکدر و دعائک فضائلی چوقدر حضرت
 سید احمد الحامدین و محمد المحمودین علیه الصلوة والسلام
 بیوردیلر که لبس شیء اکرم علی الله من الدعاء یعنی
 حق تبارک و تعالی عندنده دعا دن زیاده مکرم و سوکلو نسنه
 یوقدر معنا سنی مفیددر و بر حدیث شریفده من لم یسئل الله
 یغضب علیه بر روایتده من لم یدع الله یغضب علیه بوا یکی
 حدیث شریف هر کیمکه جناب حضرت مجیب الدعوات
 و قاضی الحاجات اولان رب الارض و السموات دن سلامه
 الدارین و سعاده الکوین و سائر مراد خیر طلب ایتسه
 و هر کیمکه حق تعالی به دعا اوقومیه حق تعالی اکا غضب
 و خشم ایدر مفهوم منیفنی متضمندر و بر حدیث شریفده

لا تعجزوا فی الدعاء فانه لن یهلك مع الدعاء احد یعنی دعا
 ایتکده عاجز اولیکوز زیرا تحقیق اول کسه هلاک اولماز
 دعا ایله و بر حدیث شریفده الدعاء سلاح المؤمن و عماد الدین
 و نور السموات و الارض یعنی دعا مؤمن اولان کسه نک
 سلاحیدر و دین اسلامک طیا غیدر و سموات ایله ارضک نور
 و چراغیدر و بر حدیث شریفده لا ینفع حذر من قدر و الدعاء
 ینفع مما نزل و مما لم یزل یكشفه و ما لم یزل یخیه یعنی
 الله تعالیٰ تقدیردن صافتمق فائده و یرمز اما دعانا نزل اولمش
 و اولمش بلا ی و مصیبتی دفع و فائده و یرر نازل و واقع اولمش
 مصیبتی کشف و دفع ایدر و هنوز نازل اولمینی دفع ایدر
 دیمک معناسنی افاده ایدر و الله القیوم عز شانه و جل برهانه قرآن
 عظیم و کتاب حکیمنده و قال ربکم ادعونی استجب لکم
 بیورر یعنی ای قوللر ربکم بیورر دیکه سز بکا دعا ایدیگوز بن سزه
 استجابت ایده رم و اهل تفسیر و قال ربکم ادعونی استجب
 لکم ان الذین یتکبرون عن عبادتی سیدخلون جهنم داخرین
 نظم جلیلنده بیورر دیلر بونده دعادن مراد عبادتدر بوندن
 معلوم اولدیکه دعا اوقق عبادتدر نماز قلنی اوج طوتمق
 عبادت اولدیغی کی بو آیت کریمه نک معنای شریفی ای قوللر
 ربکم بیورر دیکه سز بکا دعا ایدیگوز بن سزه استجابت ایدرم
 تحقیق اول کسه ل که بکا عبادت ایتکدن استکبار ایدر ل آلر
 آخرتده ذلیل و خور و حقیر اولوب جهنمه داخل اولورلر و دخی
 دعا نک فضیلتی حقهده نیجه آیت کریمه ل و حدیث شریفدر
 واردر و الجملة اطباق انبیاء کرام و رسل عظام علیهم

الصلوة والسلام واتفاق اوليا وصالحين واجماع علماء راسخين
واطلاع حكماء متبحرين وسائر عقلاء اولي الالباب بونك اوزرينه
درکه حضرت حکیم مطلق و قیوم خلاق عزت کالات صفاته
و بهرت سبحات آیاته دعایی دفع مضرت و جلب منفعت ایچون
سبب ایلشدر عاقل اولان دعانک فائده سنی انکار ایتمز مکرکیم
کافر اوله نعوذ بالله تعالی * اگر سؤال اولنورسه که
حق تعالی هر اولوب اوله جفی یلور و تقدیر ایلشدر دعا
اوقومنک نه فائده سی اولور * جواب بونلردر که اودا اگر چه
حق تعالی هر نسنه بی تقدیر ایلشدر اما هر نسنه ایچون
نیچه سبیلر قلمشدر و هر شئی سبیلرینه بغلشدر مثلا یغموری
نیات تمسنه و آتشی آتش بتمسنه و جماعی ولد حصوله سبب
بغلشدر **کذلك** دعایی مصلحت تمسنه سبب ایلشدر
انک ایچون انبیاء کرام علیهم الصلوة والسلام دعا ایتدیلر
و حضرت رسول انس و جان و نبی آخر الزمان علیه افضل
الصلوات و اکمل التسلیماتدن نیچه دعای صادر اولشدر و امته
دعا اوقومنی ترغیب ایلشدر لکن دعانک شرطری وارد اولکی
بودر که اولاجیع کاهلرینه ندامت و توبه ایلوب من بعد گاه
ایتمه مکه عزیمت و نیت ایلیم بویله اولیحق طیب و طاهر اولور
طاهر اولان کسه نیک دعایی البته مقبولدر ایکیجی بودر که
دعا دن اول صدقه ویره یا خود برخیر ایش ایشلیه او چنجی
بودر که اعتقادنی محکم ایدوب دعایی صدق و اخلاص ایلیم
اوقویه دردنجی بودر که کنندده قصور تصور ایتمیه همتی
عالی ایده بشنجی بودر که آبدست آلوب عظیم هیبتلو پادشاهلر

حضورنده

حضورنده اولور کبی دیز اوسننه اوتورب استقبال قبله ایلیم
التجی دعانک اولنده جد و ثنا ایدوب و صلوات شریفه
کتوره و آخرنده آمین دیوب صلوات شریفه ایلیم ختم ایلیم
یدنجی دعایی تکرار اوقویه حاصلی اوجدن اکسک اولیمه
سکزنجی بر حرام نسنه ایچون یا خود حاصل اولمش نسنه ایچون
اوقومیه طقوزنجی عجله ایلیم دعا قبول اولمدی دیمه یه
و اعتقادنی بوز محبوب مراد حاصل اولنجیم چالشه اونونجی
دعایی اوقودینی و قنده غیری سوز سو یلمیه نماز قنار کبی
سکونت و خشوع و خضوع اوزره اولوب صاغنه و صولنه
بقیه اون برنجی اغزی طاهر اوله یا عجبالسانندن کونا کون
کفریات و قبیحیات و ترهات و سائر غیبت و اغویات صادر اولان
کسنه لر اغز لرنی توبه ایلیم یا ک ایلیم حضرت الله القدوس
رب العالمین جل جلاله و عز شانه و تعا ظمت آلاؤه و تبارکت
اسماؤه نیک اسم شریفی نیچه ذکر ایلیم که جسارت
ایدرلر و حضرت قدسیه ده نوجهله مراد طلب ایدرلر
حال بودر که اغنیادن برکسه نیک حضورنه وارمق مراد ایلیم
کندیسنی تنظیف و تطهیر ایلیم و لباس جدید ایلیم کندی یه
تزیین و کلامنی ادب ایلیم ادا ایدر اون ایکنجی اغزی مسواک
ایلیم رایحه کریمه دن تطهیر ایلیم دعا اوقویه جق مکان طاهر
وتنها اوله اون اوچنجی دعایی یواشجه یواشجه بلواری بلواری
اوقویه اگر قادر اولور سه اغلیه مزار حقوری قراکغنی
و قیامت شدتی و جان اجپسنی یاد ایلیم و کناهلرینی فکر
ایدوب اغلیه غایت جهر ایتمیه و غایت اخفا ایتمیه بین بین اوله

اون دردنجی دائما اوقومغه مشغول اولدقده تمامه اوقیوب
برمقدارینی ناقص برقیه اون بشخی اولاحضرت رسول اکرم
صلی الله علیه وسلمدن منقول ویاخود سلف صالحیندن منقول
اولان دعاری اوقویه ~~مکندی~~ یانندن قائمیه واصلی ومعناسی
بلنمیان نسنه اوقومیه مثلا آهیاشرایا کبی که معناسی معلوم
دکلدر اون التجی دعا اوقورکن اللرین یوقاریه قالدیروب
تمامنده اللرین یوزینه سوره علامات قبول مشایخ صالحین
رضوان الله تعالی علیهم اجمعین شویله یوررلر که قچان دعا
اوقویان کسه دعاده ایکن یاخود دعادنصکره اختیارسز
خشوعه کلسه ویاخود اغلیواغلیودوشسه یاخود آخسرسه
ویاخود آغرلنسه ویاخود اعضاسنه لرزه دوشسه ویاذرلسه
ویاوشوسه ویاقررسه ویاخود راحت اولوب یولک التندن
چقمش ~~کبی~~ خفت بولسه اول کسه نک دعاسی قبول
اولش اولور بونک کبی حال واقع اولیحق حق سبحانه وتعالییه
چوق شکر ایلوب الحمد لله الذی بنعمته تم الصالحات دیمک کرک
زیرا بر حدیث شریفده بویله درکه قچان بریکر دعا
اوقوسه ده کوکلنده اجابت اکلاسه بودعایی اوقیه یوردی
دعاسی مستجاب اولنر عادل پادشاهلر ومظلوم اولان کسند
فاجر وکافر اولورسه ده دعاسی رد اولنماز ومضطرب اولنر
وصالحلر ومسافرلر وافطار وقتنده صائمک دعاسی واناسنه
واتاسنه ازار واذایمین کسنه وبابانک دعاسی اوغلونه
علی الخصوص علیه نه اولیحق غایتله قبول اولنور هنوز توبه
ایلش یاخود هنوز اسلامه کلش کسه وبرمسلمان برمسلمانه

خبری یوغیکن غائبانه دعا ایلسه البته مستجاب اولور
وبرکسه یه احسان ایلیه نک خصوصاً استاد لک دعاسی
وبد دعاسی سرعتله مستجاب اولور دیمشله وخسته اولان
کسه نک دعاسی غایت مقبول اولور دیمشله اوقات اجابت
مبارک رجبک اولکی کیجه سی مبارک شعبانک نصفی کیجه سی
وعرفه ~~مکونی~~ وجعه کیجه سی وکوندوزی خصوصاً که جمعه
کوننده خطیب منبر اوستنده ایکی خطبه اراسنده اوتوردیغی
وقتده تائماز قلنججه ده نک بعضیلر عیننده ایکنیدین غروب
دکین غایت دعاقبول اوله جق زماندر وهر کیجه نک ثلث
اخیری واذان واقامت اولنور ایکن خصوصاً حی علی الفلاح
دید کدنصکره مصیبتده اولان کسه ایچون دعاستجاب اوله جق
زماندر ووقتا فی سبیل الله زمانده وهر نمازک آردنجه وتلاوت
قرآنندن صکره وهر سجده ده وخروس اوتدیکی زمانده وجاعت
مسلمین بریرده جمع اولدیغی زمانده ومجلس ذکرده وینمور
یغدیغی وقتده ونمازده امام جهرایله فاتحه اوقیوب ولا الضالین
دیدوکی زمانده وکعبه مکرمه بی کوردیکی زمانده وآب زمزم
ایچدیکی زمانده اماکن الاجابة شریف مکانلرده حسن بصری
رحمه الله تعالی اهل مکه یه بررساله ارسال ایلدیکه کعبه مکرمه ده
اون بش محله دعاستجابدر دیدی طوافده وملتزمده ومیراب
الذهب تحتنده ویت مکرم ایچینده وزمزم یاننده وصفاده
ومروهده وسعی ده ومقام خنقیده وعرفانده ومزدلفهده وجرات
ثلث محالرنده تمام اولدی حضرت رسول اکرم صلی الله تعالی
علیه وسلم مواجهه شریفه سنده ومسجد شریفنده وسائر عید

مبارك و مكان شريفه مستجاب اولور و معلوم اواسونكه
حق سبحانه و تعالينك اسم شريفلى چوقدر كى عربى و كى
فارسى و كى عبرانى و كى سريانى ذكر اولتور و نيجه لغتلى
وارد كه معلوم دكلدر ملائكه و جن لغتلى كى و نيجه اسم
شريفلى وارد كه كسه به يلدرد ممشدر لكن قول صحيحده
اسماء الهيه توقيفيه در كه شرع شريفده بمقدار معلوم
اولديسه انرايله دعا و التليلدر صحيح بخارى و صحيح مسلمده
ابوهريره رضى الله عنه روايتله كه رسول اكرم صلى الله عليه
وسلم بيوردي ان الله تسعة وتسعين اسمائة الواحدة من
احصاها دخل الجنة و بر روايت صحيحده من حفظها
دخل الجنة وارد اولشدر يعنى الله تبارك و تعالى ايچون يوزدن
براكسك طقسان طقوز اسم شريف وارد هر كيم انلى احصا
ايدرسه جنته دخول اول يا خود دخول معظم ايله داخل اولورديمكدر
بعضيلر احصا انلى ضبط ايدوب و تعداد و حصر و معنای
شريفلى بى بىك و تصديق ايلك و حقوقى ادا ايلمكدر ديديلر
لكن بعضيلر انلى حفظ ايدوب تبركا كلمه به كلمه تجويد اوزره
قراءت ايلمكدر ديديلر و بعضيلر معناسنى دخی ايلمكدر ديديلر
من حفظها روايتى بوكا شاهد در ديديلر اسماء شريفه نك
صحیحنده تعيين يوقدر لكن امام ترمذى و امام يهقى تعيين
ايتديلر ان شاء الله تعالى ذكر اولتور لكن بعض اسماء شريفه
وارد اولديكه ذكر اولنه جفته يوقدر نكتم قرآن كريمده
المولى النصير الغالب القاهر القريب الرب الناصر الاعلى الاكرم
احسن الخالقين ارحم الراحمين ذى الطول ذى القوة ذى المعارج

وغير يلى

وغير يلى كى و حديث شريفده الحنان المنان الدائم الجميل
وسبوح كى و ابن ماجه روايتده بعض اسماء شريفه وارد كه
روايت مشهورده يوقدر القائم القدير الوتر الشديد الكافى الابد كى
مشايخ رحمهم الله تعالى بيورديلر كه اسماء الهيه چوق ايكن
طقسان طقوز اسم شريف ذكر اولنديغنك وجهى
بودر كه ساثر اسم شريفلىك معنالى بونلرده جمع اولشدر
بونلى اوقويان كسه جمله اسماء الهيه يى اوقومش كى اولور
و بعضيلر بيورديلر كه بومبارك اسملى يوزدرجه در امام رسول اكرم
صلى الله عليه وسلم برينى خلقه اظهار ايلدى كندوبه
مخصوص اولديغيجون زيرا جنتك درجه لى يوزدر انلك
اعلاسى وسيله درجه سيدر كه رسول اكرم صلى الله عليه
وسلم حضرتلرينه مخصوصدر و بواسم شريفلك هر بريسى
بردرجه به ايرشديرو كندى به مخصوص اولان درجه نك اسمنى
اظهار ايلدى غير يلى اظهار ايلدى خلق حفظ ايدوب درجه لرينه
واصل اوله لاما مبارك اسم اعظم اعلى الله تعالى قدره وزاده
شرفا و طقسان طقوز اسماء الهيه نك ايچنده ميدرد كليمدر
اختلاف اولندى بونلرده اولقى ظن غالبدر اول مبارك اسم
شريفلى بونلردر بسم الله الرحمن الرحيم هو الله الذى لا اله الا هو
معناسى شول ذات اجل اعلاى اقدسدر كه اندن غيرى اله يوقدر
بوراده اسم شريف همان الله عز شانه در جميع فضلا و زمرة
عرفا حقيقت الهيه ده متخير اولدقلى كى بواسم جلالده دخی
متخير اولديلر سريانى ميدرد عربى ميدرد اسم جامد ميدرد صفت
مشتقه ميدروندن مشتقدرو اصلى ندر علم ميدرد كل ميدرد اوتوزقدر

اقوال ذکر ایلدیلر امام سیوطی تفسیر بیضاوی حاشیه سنده
بعضیلر اصلی اله در معبود یا تحیر فیہ یا مسکون الیه یا مفزوع
یا ملجأ الیه معناسنه در دیدیلر بعضیلر اصلی ولاه در تحیر فیہ
معناسنه در دیدیلر بعضیلر اصلی لاه در ارتفاع معناسنه در دیدیلر
لکن مذهب مختار فضلا عنده بودر که عریدر ذات
واجب الوجوده مخصوص اسمدر معناسی همان ذات الله تعالی
دیمکدر بر صفت دلالتی یوقدر انکیچون بعض مشایخ اسم اعظم
بودر دیمش حق تعالینک هل تعلمه سمیا نظم عزیزنده صاحب
الکشاف اصلا وایدا الله اسمیله خالق تعالیدن غیر برشی
تسمیه اولندی دیو تفسیر ایلدی و امام فخرالدین رازی موجودانده
خالق تعالیدن غیر برشی لفظه جلال الیه تسمیه اولندی دیدی
عوامک بواسطه شریفدن حصه سی خشیت و تعظیم الیه لسانلریله
چوق ذکر ایلکدر و خواصک حصه سی معناسنی تأمل
ایلوب صفات الوهیت الیه موصوف و نعوت ربوبیت الیه منعوت
اولان واجب الوجودک اسمدر و معناسی انجق شوصفات علی الیه
موصوف اولان عبادته مستحقدر آندن غیر معبود یوق ایدیکنی
یقینا ایلکدر و اخص خواصک حصه سی بودر که قلبلری
ملاحظه ربانیه به مستغرق اولوب اندن ماعدایه التفات ایتمکدر
خوف ورجایی آنجق اکا ایلکدر الرحمن عز اسمدر جتدن مشتق
اولوب مبالغه ایچون بناقلمشدر رحمت لغتده قلبک رفته دیرلر
تفضل و احسان اقتضا ایدر بو معنار الله تعالی حقنده محالدر
قرآن عظیمده و حدیث شریفده الله تعالی به نسبت اولنان
نسبه لکه مثلا یدوجیه رحمت غضب استواء العرش و غیریلر

کبی که بونلرک لغت معناری الله تعالی حقنده محالدر سلف
صالحین رضوان الله تعالی علیهم اجمعین عنده الله تبارک
و تعالی حقنده لغت معناری مراد دکلدر هر برینک الوهیت
لایق معنای صحیحلری واردر حقیقتی ینه الله تعالی ییلور اصلی
معلوم قطعا ککیفنی مجهولدر دیمک اولور بو کاطریق
اسم دینور و خلف علما رحمهم الله عنده لوازم و غایات الیه
تأویل اولور ظنا مثلا رحته انعام و احسان لازم کلور بونک
الیه تأویل ایدرلر رحن دیمک انعام و احسان ایدیچی دیمک
اولور و غضب انتقام و ید قدرت و نعمت و وجه حقیقت و ذات
و استواء استیلاء و محافظ الیه تأویل ایتدیلر بو کاسبیل احکم
دینور امدی رجانده اولان مبالغه عدد اعتباریله تفسیر اولنور
ایسه عالم دنیایه حل اولنور یعنی دنیاده مؤمنلره و کافرلره
نعمت و یریچی دیمک اولور الرحیم عزشانه عالم آخرته حل
اولنور یعنی آخرنده مؤمنلره علی درجاتهم نعمت و یریچی دیمک
اولور واکر رحن کیفیت اعتباریله تفسیر اولنور ایسه
ایکی جهانه شامل اولور و رحیمه اولان مبالغه اندن قلیلدر
و دنیا ناک نعمتلری ایکی قسمدر حقیر و عظیم ناقص و تام امدار
آخرتک نعمتلرینک جمله سی حد ذاتنده تام و کاملدر صاحبی
احتیاجدن منع ایدوب کفایت ایدر انکیچون دار آخرتک
نعمتلرینک کلبسی عظیمدر دینور و رحن و رحیم ایکی جهانه
شامل اعتبار اولنور یار جانده که مبالغه زیاده ملاحظه اولنور
دنیا ناک و آخرتک عظیم نعمتلرینی و یریچی و رحیم دنیا ناک
و آخرتک صغیر نعمتلرینی و یریچی دیمکله تفسیر اولنور آخرتک

نعمتاری حد ذاتنده تام و کاملدر امانی برینه نظر ایله تفاوت
 کثیر وارد در زیر انبیاء کرام علیهم الصلوٰۃ والسلام ایله ولیلر
 بردکدر بونلر ایله سائر اهل ایمان بردکدر بومعنی اعتبار ایله بعض
 دعالده رجن الدنیا و الاخرة و رحیمها صادر اولمشرد
 بوا یکی اسم شریفدن عاقلاره حصه بودر که بالکلیه حضرت
 جناب القدوسه عزشانه و جل برهانه و لاله غیره توجه تام
 و توکل کامل و دنیا و آخرت امورنده اکالتجا ایلمکدر زیر
 دنیاک و آخرتک نعمتربنی و درجه لربنی و یرن اولدر و دخی
 مؤمنلره مرحمت و شفقت ایلیوب مظلومک حقنی ظالمدن المقدر
 وناس بیننده ظلمی و فتنه لری طریق احسن و سبیل انساب ایله
 دفع ایلمکدر و غافل اولنلری رجن رحیم رحمته نائل ایده جک
 طاعاته ارشاد ایلمکدر و ککندوسی قادر اولدبجه عصیاندن
 اجتناب ایلیوب اهل عصیاندن دخی عصیانی ازاله ایتمکه
 سعی ایتمکدر * امدی بوا یکی اسم شریف نعمت و یریمی
 معناسنجه صفت افعالدن اولور و نعمت و یرمکی اراده معناسنجه
 صفت ذاتیه دن اولور اولکی ظاهر در الملک عزاسمه معناسی
 اشیایی ایجاد ایتمکه قادر دیمکدر بو تقدیرجه اسماء صفاتدن اولور
 قادر کبی که صفت قدرته راجعدر و بعضیلر ایجاد و ابداع
 و احیا و امانه ایله اشیاده متصرف معناسنی و یردیله بو تقدیرجه
 اسماء افعالدن اولور خالق اسمی کبی که صفت فعلیه اولور بواسم
 شریفدن حصه بودر که عاقل یقینا ایله که حق سبحانه و تعالی
 ذاتنده وصفاتنده جمیع شیلردن مستغنی و جمیع کائنات وجودلرنده
 و بقالرنده انک فقراسی و محتاج لریدر وانک حکمت قدسیه سنه

وقضاسنه مسخر لردر بویله اولدیغنی یلیوب تصدیق ایتدکده
 کندوسی دخی خلقدن مستغنی اولوب همان خوف و رجاسنی
 اکایدوب اندن غیری یه تذلل ایتمیوب هر امور دنیویه
 و اخروییه سنی اکاتفویض ایلمکدر زیر جمیع کائناتده متصرف
 بالذات انجیق اودر و ککندی قلبنی و جسدنی ایکی جهان
 سعادتنده استعمال ایلمکدر القدوس عزشانه قدسدن مشتق
 فعل و زننده مبالغه ایچوندر معناسی مبالغه ایله ذات جلیله سی
 وصفات علیاسی عیبندن و نقصانندن و حدوئندن منزّه و عقل
 و خیال ایله تصور و تخیل اولنقدن مرادیمک اولور اسماء تنزیهیه دندر
 بواسم شریفدن حصه بودر که عاقل یقینا ایله که کاهلردن
 کندوی تطهیر ایدوب عقلنی و قلبنی امور محسوسه تصورندن
 و حظوظ حیوانیه دن ولذا نذ جسمانیه دن تطهیر ایلیوب علوم
 نافعیه ایله انواع قربات تحصیل ایدوب بالکلیه درجات قربات
 و مراتب ولایت جائنده سعی بلیغ ایتدکدن صکره مقامات و فریقین
 و طبقات صدیقینه نائل اولور بعده همتنی انجیق معارف الهیهیه
 قصر ایدوب دائمالقاسنه شوق و هوشیده کالنی مطالعه ایلیه
 بعده جناب العز و بمجوحه القدسه واصل اولور اللهم حققنا
 مقام المحققین بحرمة سید المحققین السلام عزشانه و تبارک اسمه
 معناسی نقصان صفاتلردن سلیمدر یا خود ذات جلیله سی
 حدوث و عیبندن و صفات علیاسی نقصانندن و افعال جلیله سی
 شرحضدن سالمدر دیمک اولور و اما اول شرور و معاصی که
 خلق اولور آنلرک ضمننده خیر کلی واردر بو خیر اولسه ایدی
 اول شرور دخی زیاده اولور ایدی و فی الحقیقه مقضی و معقول

بالذات انجق خير در شرور قضا تحتسده بالتبع داخل او اور
 بو معناجه اسماء تزييه دن او لور و بعضيلر عندنده قوللري
 مخوف ومهلكه لردن سالم قتلوق معنا سنده در بو معناجه صفات
 ذاتيه راجع او لور يا خود جنانده مؤمنلره سلام ويريجي
 معنا سنده در نكتم قرآن عظيمده سلام قوللا من رب رحيم
 آيت كريمه سي بو معني ايله تفسير او نور بو معناجه صفت كلامه راجع
 او لور بو اسم مبارك كن حصه بودر كه عاقل قلبي حقد و حسد
 ور يا وساثر اخلاق ذميه دن و شرور و معاصي قصد ايتك كن
 سالم قلوب و جسدني محرمات ارتكابندن و سيئات و مكروهات دن
 سالم ايتكدر اهل اسلام اوللره ملاقي اولدوقده سلام ويرمكدر
 و آنلردن مضرتي دفع ايدوب و منفعتيه سوق ايتكدر المؤمن
 عزشانه و علا معنا سي انبيا عليهم السلامري تصديق ايديجي
 كلاميله دينورسه صفت كلامه راجعدر اكر معجزات خلق
 ايتككه دينورسه صفت فعليه او لور بعضيلر عندنده شويله در كه
 قوللر امين اولدي امن و امان يرا تيق ايله و مخوف و مهلكه
 و آفاتلري قوللردن دفع ايتك سبيله بو معناجه صفت فعليه
 او لور و بعضيلر عندنده بو اسم شريفك معنا سي بودر كه
 يوم قيامتد خواص قوللريني فرع اكبردن امين ايديجي
 با كلاميله كه نكتم قرآن كريمده يور مشدر الاتخافوا ولا تحزنوا
 و ابشروا بالجنة التي كنتم توعدون و برآيت كريمه ده ان الذين
 سبقتم لهم من الحسني اولئك عنها مبعدون لا يسمعون حسبها
 وهم فيما اشتهت انفسهم خالدون لا يحزنهم الفزع الاكبر و تلقاهم
 الملائكة هذا يومكم الذي كنتم توعدون بو صورتده صفت

كلامه

كلامه راجعدر يا خود آنلرده امن و امان خلق ايدوب انلري
 مطمئن ايدر بو معناجه صفت فعليه او لور زيرا صحراء عرصانده
 متقبلدخي ذوق و راحت ايدوب ذره قدر آنلره غبار كلز
 الا ان اولياء الله لا خوف عليهم ولا هم يحزنون الذين آمنوا وكانوا
 يتقون لهم البشري في الحياة الدنيا وفي الآخرة و سائر آيت قرآنيه
 و احاديث نبويه چو قدر كه جمله سي دلالت قطعيه ايله دلالت
 ايدر كه اهل تقوى و اهل صلاح اوللر ايچون ميدان عرصانده
 دورلو صفال واردر و انلر نعمتلر و لذتلر و ذوقلرده او لور لر
 بو اسم شريفدن حصه بودر كه عاقل حقي تصديق ايده و ناس
 آنك شرنندن امين اوله و ايماننده قوت و متانت تحصيل ايليه
 المهيم عزشانه معناي شريفي زياده سيله مراقبه و حفظ
 ايديجي ل كن الرقيب اسم شريفندن زياده مبالغه ليدر
 بعضيلر عندنده شاهد معنا سنده در يعني عالمدر كه علمندن
 مثقال ذره خارج دكلدر بو تقدير جه صفت علمه راجعدر
 يا خود هر كسك كسب اينديكي عمللره شاهد معنا سنده در
 بو معناجه صفت كلامه راجعدر و بعضيلر
 عندند امين صادق معنا سنده در و بعضيلر عندنده
 خلقك اعمال و ارزاق و آجالي ايله انلرك اوزرينه قائم معنا سنده در
 بو صورتده صفت قدرته راجعدر بو اسم شريفدن حصه
 بودر كه عاقل قلبيله مراقبه ايليه و احوال شريفه سني محافظه
 و قلبي ذكردن منع ايدن اموردن كند و سني حفظ ايليه
 العزيز جل اسمه معنا سي غالب ديمكدر صفت قدرته راجعدر
 بعضيلر عندنده عديم المثل معنا سنده در بو صورتده تنزيه دن

اولور حصه بودر که عاقل کند و سنی عزیز ایدوب دنیا طبعیه
ذلیل ایتیمه و علوم دینیه و معارف الهیه ایله عزیز اوله که سائر
خلق اسکادین اسلامده محتاج اوله الجبار عز شانه مبالغه
وزنده در جبر دن مشتقد اصلندن جبر بر شیبی زور ایله
اصلاحه دیرل ایدی بعده مجرد اصلاحه اطلاق اولندی
کاهیجه حضرت علی رضی الله عنه یا جابر کل کسیر و سهیل
کل عسیر دیر ایدی اصلاح مجرد معنا سنه و کاهیجه قهر
مجرد معنا سنه کلور لا جبر ولا تفویض کی و کاهیجه علی طریق
المجاز مجرد علو معنا سنه کلور غایتده یوکسک که برکسه نک
الی یتیمه خرمایا غایتده نخلة جبارة دینور عالی معنا سنه
بعضیلر عندنده خلقک مصلحتلرینی اصلاح ایدیچی معنا سنه در
بو صورتده صفت فعلیه اولور و بعضیلر عندنده کند
مرادی اوزرینه قوللری حل ایدیچی معنا سنه در بو تقدیر چه
ینه صفت فعلیه اولور و بعضیلر عندنده کاندلرک کیدندن و ما کرلرک
مکرندن و قاصدرک قصدندن متعالی دیمک معنا سنه در
تقدیس و تنزیهه راجعدر بو اسم مبارکدن حصه بودر که
عاقل کند و سنی نقا تصدن اصلاح ایدوب مکارم اخلاق
و فضا ئل اعمالله تکمیل ایلیه و تقوایه ملازمت و طاعتیه مداومت
ایلیه و ریاضات شرعیه ایله هوای نفس و شهواتی کسر ایلیه
ماسوایه التفاتدن مرتفع اولوب سکینت و وقار حلیه سیله
متزین اولوب تتابع حوادث و تعاقب مصائب کند و یه تأثیر
ایلیه بلکه دخی زیاده کالده مترقی اوله التکبر عز شانه وجل
کبریاؤه معناسی عظمت و کبریا ایله متوحد در که ماعداسی

انک نظر نده ذره قدر یو قدر کبر صفتی انجق اکا مخصوص صدر
بر حدیث قدسیده شویله در که عظمت و کبریا بکا مخصوص
صفتلر در هر کیمکه بونلرده بنله نزاع و شرکت زعم ایلسه
بن انی نار جهنمه القا ایدرم و بر روایتده هلاک ایده رم
وارد اولمشدر بو اسم شریفدن حصه بودر که عاقل شهواته
و دنیا به میل ایتکدن تکبر ایدوب سائر حیوانات شهواتلرینه
تابع اولدقلری کی و کفار متناع دنیا به شره اولدقلری کی
عاقل بونلره مشا بهتده تعظم ایلوب غایتده اجتناب ایلیه
همان نظر نده و ملا حظده سنده رضای ربانی اولوب سعادت
ایدیه به جد و سعی ایلیه الخالق عز اسمه معناسی عن اصل
و ماده شیبی ایجاد ایدیچی دیمک اولور خلق السموات والارض
نظمی کی که کاهیجه بر ماده دن برنسنه تکوین ایتک معنا سنه
کلور خلق الانسان من نطفة و خلق الجن من مارج من نار
نظم عزیزی کی الباری عز اسمه برؤدن مأخوذ در
لغته برشی برنسنه دن خلاص اولغه دیرلر علی طریق
التفصی نتکم بری فلان من مرضه فلان مرضندن بری اولدی
و بری المدیون من دینه مدیون دینندن بری اولدی دینور
خلاص اولدی معنا سنه یا خود علی سبیل الانشادر نتکم
بری الله زیدا دینور بلا عیب خلق ایلدی معنا سنه در
ماتری فی خلق الرحمن من تفاوت معناسی ملحوظ اولنور
نتکم بعضیلر نظام کامله ایله خللدن بری مخلوقات خلق ایتدی
دیمکدر دیدیلر المصور عز شانه کاشاتک صورتلرینی ایجاد
ایدیچی و هر مخلوقه بر صورت خاصه و یریمی او مخلوق

غیر یلردن اوصورتله متمیز اولور بواج اسم شریفدن حاصل معنی بودر که الله تعالی تقدیر ایدیجی وخلق ایدیجی بلاماده یا ماده ایلله و حکمت الهیه اقتضا سنجه و کلمه ربانیه استدعا سنجه بلا تفاوت ولا اختلال نظام کامله ایلله خللدن بری ایجاد ایدیجی وهر شبنک خواصنی انک اوزرینه ترتیب ایدر وکمالی انک ایلله تمام اولور صورت خاصه ویریجی و بواج اسم شریف صفات افعال دندر والله اعلم بونلردن حصه بودر که عاقل بر مخلوق کورد **دکده** خالق تعالینک کمال قدرتی مطالعه ایلله وتمام صنع و تدبیرنی تأمل ایدوب دائماً ملاحظه عالم القدس ایلله بر مرتبه ده که هر نه به نظر ایتسه آندن اول خالق تعالینک کمالی ملاحظه ایلله الغفار عز شانه معناسی بالمبالغه ذنوب و سبقاتی مغفرت ایدیجی عالم دنیاده ستر و عالم آخرتده مؤاخذه و عقوباتی ترک ایدیجی دیمک اولور صفت فعلیه دندر بوندن حصه بودر که عاقل مؤمن قرندا شدن ستری واجب اولان فیجیه بی ستر ایدوب وامور حسنه سنی اظهار ایلله و تقصیراتلرینی ممکن اولد بجه عفو ایدوب عذرلرینی قبول ایده صفح جیل و انعام ایلله معامله ایلله القهار عز اسمه بالمبالغه قهر و غلبه ایدیجی جمیع کائنات تحت قدر تنده مقهور و حکمنه مسخر و قبضه قدر تنده ذره قدر دکدر صفت قدرته را جعدر بوندن حصه بودر که عاقل نفس اماره سنی قهر ایدوب نفس مطمئنه به تابع قیله شهواتی کسر ایلله الوهاب عز اسمه بلا عوض نعمتلر ویریجی دائماً اعطا ایدیجی معنا سنی مفید در صفت فعلیه اولور بوندن

حصه بودر که عاقل لطفی و احسانی حق تعالیدن انتظار و توقع ایده خالصا لوجهه الکریم جمیع ماملکنی طریق رضایه صرف ایده حتی روحنی رضا سیچون بذل ایدوب بر فردن جزا و مکافات طلب ایتیه الرزاق عز وجل رزق لخلق ایدیجی دیمکدر فی الاصل رزق کندی ایلله انتفاع اولنان نسنه در کرک مباح اولسون کرک حرام اولسون اهل اعتزال رزق ملک معنایسته در و حرام رزق دکدر دید کلری فاسددر زیرا حیوانات ایچون رزق واردر واکمالک دکدر و جمیع کائنات الله تعالینک ملکیدر رزق دکدر و حرام اکل ایدن مرزوق اولمش اولور اهل اعتزالک مذهب لری منجلاج و مذذب اولور قنقی مسئله ده اهل سننه مخالفت ایتسه کارلری کساد و ربخلری ضرر اولور ربنا لا تجعلننا مع القوم الظالمین بومبارک اسم شریفدن حصه بودر که عاقل انجیق رزقی الله تعالیدن انتظار ایلدوب غیریدن طمع ایتیه زیر رزاق الله تعالیدر و خلقتک رزقنه وسیله اوله اجر جزیل و ثواب جیلله طمع ایچون الفتاح عز شانه بین العباد حکم ایدیجی معنایسته کلور تنکم ربنا افتح بیننا و بین قومنا بالحق نظم عزیزی حکم ایلله تفسیر اولندی صفت کلامه را جعدر بعضیلر عندنده خزائن رحمتی فتح ایدیجی دیمکدر تنکم ما یفتح الله للناس من رحمة فلا تمسک لها نظم عزیزی بونی مفید در بوندن حصه بودر که فصل خصوصتده عدالت ایلله حکم ایدوب مظلومک حقنی ظالمدن آلیور مکدر و مشکلاتی فتح ایدوب عسیرلری یسیر ایتکدر ابواب قربات و در جات

ولايتك فتحه سعي ايلكدر العليم عز شانه بالمبالغه جميع
معلوماتي على وجه التفصيل بيليچي صفت علمه را جعددر
بوندن حصه عاقل امور دينيه تحصيله حريص اولمقدر
لا سيما معارف الهيه تحصيله كه الله تعالى لك ذات جليله
وصفات عليا واسماء حسنى سندن بحث ايدر ومبدأ ومعاد
احوالندن خبر ويرر و برو جهله جاهلكه راضى اولمقدر
زيرا حارصفتيدر القابض عز وجل قبض ايد بيجي يعنى بعض
قوللرينه رزق ضيق ايد بيجي يا خود ممت وقتنده روحلى
قبض ايد بيجي الباسط جل شانه بعض قوللرينه رزقلى
واسع ايد بيجي يا خود حشر وقتنده روحلى جسدلرينه
نشر ايد بيجي بوايكسى صفت فعليه اولور بونلردن حصه
عاقل قبضى وبسطى الله تعالى ليدن بيله قبضى عدالت بيلوب
صبر ايده وبسطى فضل بياوب شكر ايده وكندى قلبنده
قبض وبسط تحصيل ايدوب اسرار الهيه بي اهل اوليانندن
قبض و اهل اولانه بسط ايده الخافض عز اسمه خفض
رفعك ضديدر مثلا ككفارى عقوبتله خفض ايد بيجي
الرافع عز شانه رفع ايد بيجي اهل ايمانى عزت وسعادتله
بونلردن حصه بودر كه عاقل باطل خفض وحقى رفع ايده
اعداء دينه عداوت و اهل اسلامه موالات ايليه المعز عز
شانه مراد ايتديكي قوللرينه عزت ويريجي المذل عز اسمه
بعض قوللرينه ذلت ويريجي فى الحقيقه اعزاز كشي بي مذلت
احتياجندن تخلص وشهوانه تابع قتلقدن خلاص وكندى
نفسنه غالب وامورينه مالك قتلقدن واذلال بونلرك ضديدر

وبوندن

وبوندن حصه عاقل اهل حق اعزاز و اهل باطل اذلال ايده
ودنياده و آخرتده مذلت وحقارت ويره جك جهالت وذنوب
كبي نسنه لردن اجتناب ايليه السميع عز و علا اصواتى
ايشيد بيجي البصير عز و علا مبصراتى كور بيجي صفت
ذاتله لردن بونلردن حصه بودر كه عاقل تفكر ايده كه حق تعالى
انى كورر نه محلده ايسه ونه زمانده ايسه وسوزنى اشيدر نقدر
فسلدى ايدر ايسه ده بويله اعتقاد ايتد كده مؤدب اولوب
دائما استقامت ايليه هر كيمكه خلعندن كور مسونلردن
احتراز ايلديكي كاهى خالى مكانده كسه كور مزعجه بيله
ارتكاب ايتسه الله تعالى لك نظرنى استهاننت ايتش اولور
بركسه الله تعالى لك بلديكى وكورديكى اعتقاد ايدر كن
معصيت ارتكاب ايتسه نه عجب جسارت وجرأت ايتش اولور
واكر بيلز وكور مز اعتقاد ايتسه نه عجب ككافراولور
رب اعوذ بك من همزات الشياطين واعوذ بك رب ان يحضرون
الحكم عز شانه حكم ايد بيجي قضا سنه معارض يوق حقله
باطلى فرق ايد بيجي بوتقدير جه صفت كلامه را جعددر يا خود
سعدايى سعادتله واشقيايى عقوبتله تميز ايد بيجي ديمك اولور
بعضيلر عنندنه فى الاصل حكم و حكمت منع معنا سنه در بعده
علوم حكمتله تسميه اولندى صاحبى جاهلار احوالندن
وافعالندن منع ايتديكى همچون بوضورنده صفت علمه را جعددر
بوندن حصه بودر كه قوللر امرينه انقياد و حكمنه استسلام
وقضا سنه رضا ايليه العدل تعالى شانه بالمبالغه عدالت
ايد بيجي هرايشى مصلحت وفائده ايله ايشليچي وملكننده

تصرف ایدیحی و هر شبی محذره و زمانده ایشیجی دیمک
اولور بوندن وظیفه بودر که عاقل تصرفات الوهیت و تدبیرات
ربوبیتیه اعتراض ایتیموب هر شبی عدالت و حکمت بیله
و کندوسی امورنده استقامت و عدالت ایلیمه اللطیف
عز شانه لطف و احسان ایدیحی دیمک اولور صفت فعلیه در
یا خود خفیات اموری بیلیمی دیمک اولور صفت علمه را جعدر
وظیفه عبد بودر که اهل ایمانه لطف و رفق ایلیمه الخیر
عز اسم بواطن اشیایی بیلیمی خبردن مشتقد در خفایای
باطنه به علم معنا سنه در وظیفه عاقل بواطن احوالندن تغافل
ایتموب ظواهر و بواطنی اصلاح ایلیمه الخلیم جل شانه
عقوبت و اخذ انتقامه بحمله ایتیموب عجله دن تنزیه صفتیدر
وظیفه عاقل کظم غیظ ایدوب نارغضنی حلیله اطفای ایلیمه
العظیم عز شانه مراتب عظمتک نهایتیه بالغ دیمک اولور اولکه
عقل تصور دن عاجز و بصیرت کنهی ادراکدن قاصر و اور صفت
تنزیه اولور حصه بودر که عاقل نفسنی تحقیر ایدوب انک امرینه
انقیاد ایلیموب و رضا سنه سعی ایلیمه الغفور عز اسم بالمبالغه کاهلری
مغفرت ایدیحی الغفار ایلیمونک فرقی غفار تدریجه بالمبالغه ایلیمه
مغفرت ایدیحی غفور دفعه جله کاهی مغفرت ایدیحی دیمکدر
حصه معلومدر الشکور عز شانه عمل قلیل مقابله سنده اجر جزیل
و ثواب جیل و سعادت ابدیه و یریمچی یا خود اهل طاعتیه ثنائیدیحی
معنا سنه در صفت فعلیه یا خود کلامه را جعدر حصه بودر که
عاقل نعمتله مقابله سنده شکر ایدوب مواجب شکره مراعات
ایلیمه و ناسک احسانتی بیلیموب آنلره دخی شکر و ثنا ایلیمه

ناسک احساننه شکر ایتیمین حق تعالی به شکر ایتیمز العلی
عز اسم فعل و زننده علودن مأخوذ در معناسی علوم مرتبه سنک
نهایتیه بالغدر جمله اعلالر آندن ادنی در نصیب العبد
بودر که طاعتیه نفسنی ذلیل و حقیر ایلیمه و بذل مقدور ایدوب علم
و عملده و سائر کمالاته فائق اولوب غیرینک مرتبه لری آندن
ادنی اوله الکبیر عز شانه صغیرک ضدیدر یعنی قدیمدر
واجب الوجود در کمالات ازلیه و ابدیه ایلیمه موصوفدر جمیع
مکونات انک ذلیللری و حقیر لری در حصه بودر که عاقل نفسنی
علمده و عملده تکمیله سعی ایلیموب اکابر سعد ادن اوله
حضرت عیسی علیه السلام علیه عمل ایدنلر ملکوت سمواتده
بین الملائکه عظیم تسمیه اولنور پیور مش زهی سعادت اول
عاقله که سمواتده اسمی عظیم اوله الحفیظ عز شانه بالمبالغه
حفظ ایدیحی مخلوقاتی خالندن و نظام ککاملی اختلالدن
و سمواتی سقوطدن حفظ ایدیحی معنا سنه در حصه بودر که
عاقل نفسنی مضراتدن و مفاسد دن و فجار ایلیمه رفیق اولمقدن
کندوسی حفظ ایلیمه المقیت عز شانه قوتلری خلق
ایدیحی صفت فعلیه در قریش لغتده مقتدر معنا سنه دیمشدر
و بعضیلر شاهد و مطلع معنا سنه در دیمشدر صفت ذاتیه دن
اولور حصه بودر که فقرا به تصدق ایده و غافلری ارشاد
ایلیمه و عاجزله یاردم ایده الحسب عز شانه هر اموره
کفایت ایدیحی حسب مطلق انحق اولدر زیر هر اموره
کفایت اندن حاصل اولور بعضیلر عندنده یوم قیامتده قوللره
حساب ایدیحی معنا سنه در حصه بودر که عاقل خلقتک

حاجت رینی اتمام ایل به و کندی نفسنه محاسبه ایل به الجلیل
 عز اسمه صفات جلال ایل به موصوفه در قدوس و غنی صفات لری
 کبی که صفات تنزیهیه زدر حصه بودر که عاقل کندوسنی
 عقاید باطله و خیالات زائقه و اخلاق ذمیه و افعال رذیله دن
 تنزیه ایل به الکریم عز شانه طلبسز و وسیله سز عطا ایدیچی
 و بعضی علقیده استقصا ایدیچی معناسند در دیمشله و قدوس
 معناسند ده دیمشله وظیفه بودر که عاقل بلا طلب خلقه کرم
 ایل به بخلدن اجتناب ایده مفسد و مضراتدن احتراز ایل به
 الرقیب عز شانه حفظ ایدیچی که جمیع اشیای مراقبه ایدر
 سموات و ارضه مثقال ذره علمندن خارج د کلد و وظیفه
 بودر که عاقل کندی احوالی مراقبه اید و ب آخرتده ضرر
 ویره جگ نسنه زدن اعراض و اجتناب ایل به المحیب عز اسمه
 دعا لری قبول ایدیچی و مراد لری قولرینه اطفله جواب
 ویریچی حصه معلومدر الواسع عز اسمه جمیع معلوماته
 علمی شاملدر موجودات و معدوماتی بیلجیدر حصه بودر که
 معارف و علوم تحصیلنه سعی ایده ز و اعمال صالحه ایل به
 سعادت ابدیه ده وسعت تحصیل ایده ز الحکیم عز اسمه
 حکمت صاحبی علی کمال و فعلی احسن و محکم شیری
 خلق ایدیچی و قولرارا سنده حکم ایدیچی معنایینه کلور
 حصه بودر که عاقل قوه نظریه و قوه علمی لری تکمیل و محکم
 ایل به الودود عز اسمه خیر لری سوییچی و خیر ایدلره احسان
 ایدیچی دیمکدر حصه بودر که عاقل کندویه قصد ایتدیکنی
 مؤمنلره قصد ایل به و دائماً خیره مشغول اوله المجید عز اسمه

کرمی واسع حصه معلومدر الباعث عز شانه موتا لری بعث
 ایدیچی ان الله یبعث من فی القبور معنا سنده در یا خود پیغمبری
 بعث ایدیچی صفت فعلیه در حصه بودر که بومعنا لره
 ایمان ایدوب بعده مواجب شرع شریف ایل به عمل ایتکدر
 الشهید عز اسمه معناسی حاضر دیمکدر لکن عالم معناسند
 و خیر و نظر ایدیچی معناسند و خلقک عملرینه شهادت ایدیچی
 معناسند و حصه معلومدر الحق عز شانه ثابت و موجود
 معناسند در حتی اظهار ایدیچی معناسند ده کلور ایجاد ایدیچی
 معناسنده و یرمشار حصه بودر که عاقل الله تعالی بی موجود
 اعتقاد ایدوب کائناتی مضمحل کوره کل شیء هالک الا وجهه
 معناسی تأمل اولنه الوکیل عز اسمه خلقک امورینی
 بتورب لوازم لری تحصیل ایدیچی و یاردم ایدیچی معنایینه
 مفیددر و حصه اکانوکل ایل به القوی عز اسمه قوت صاحبی
 المتین عز اسمه شدت و استحکام صاحبی کمال قدرت مرجعیدر
 الولی عز اسمه محب و ناصر معناسند در و بعضی خلقک امورینی
 اتمام ایدیچی دیمشله حصه معلومدر الحمید عز شانه محمود
 و ثنایه مستحق دیمکدر وان من شیء الا یسبح بحمده معناسی
 ملاحظه اولنه بوندن حصه عاقل کندوسنی قبا بچدن
 تطهیر ایلوب ممد و حلدن اوله المحصى عز شانه جمیع معلوماتی
 علی حده صایچی حصه سیئاتدن صافتنق المبدی عز شانه
 خلق ایدیچی و اظهار ایدیچی المعید عز شانه اعاده ایدیچی
 المحیی عز اسمه احیا ایدیچی الممیت عز اسمه اماته ایدیچی معنایینه
 و حصه لظاهر و معلومدر الحی عز اسمه حیات ایل به موصوفدر

علم و ارادت و قدرت و سایر صفات حقیقیه نك صحتی افاده ایدن
 صفته حیات تسمیه اول نور القیوم عزشانه معناسی بالذات قائم که
 مکانه محتاج دکل و مخلوقات مکارنده و وجود لرنده قائم ایدیچی
 بوا یکی اسم شریفی اسم اعظم در دیمشرو بوا اسم شریفک مفهوم
 شریفی انجق حق سبحانه و تعالی به مخصوص صدر زیر قائم بالذات
 انجق اودر جمیع کائنات و مخلوقات وجودی و دوامی انک قدرتیله
 و امساکیه در و معناسی نفوت جلال و صفات افعالدن مرکبدر
 حصه بودر که عاقل ماسوادن استغنا و اغیاردن انقطاعی
 مقدار نجه نصیب حاصل اولور الواجد عزاسمه طلب ایتدیکنی
 بواوچی ورشی آندن فرار و اختفایده من مفهوم شریفی مفیددر
 الماجد عزشانه واسع الکرم و کثیر الفضل معناسه در لکن المجید
 بوندن مبالغه لیدر الواحد عزاسمه ذاتنده و صفاتنده و افعالنده
 نظیری و شریکی یوقدر الاحد عزاسمه ذات جلیله سی تجزی
 و انقسام قبول ایتدیکنن منزه در الصمد عزشانه معناسی حاجاتده
 اکا احتیاج اولنان سید دیمکدر مهمات اموره کندویه احتیاج
 اولنان عاقل لایچون بوا اسم شریفدن حظ وافر و درر القادر
 جل شانه قدرت کامله صاحبدر المقدر عزاسمه قادرک مبالغه سیندر
 المقدم عزشانه بعض کائناتی بعض کائنات اوزرینه تقدیم ایدیچی
 زمانده و مکانده و رتبهده و شرفده المؤخر عزشانه بحسب الحکمة
 الالهیه بعض اشیا بی تأخیر ایدیچیدر زمانده و مکانده و رتبهده
 و شرفده الاول عزشانه ازلی الوجود بلا ابتداء معناسه الاخر عزاسمه
 ابدی الوجود بلا انتها معناسه الظاهر عزاسمه ایات آفاقه و دلائل
 انفسیه ایل و وجودی ظاهر در الباطن عزشانه عقلک نظرندن

و تصورندن

و تصورندن حجاب کبریا ایل و محجب و اشارتدن متعالیه در
 الوالی عزشانه مخلوقاتک امورینه متولی و مالکدر المتعالی عزاسمه
 عظمت و علیانک نهایتنه بالغدر البر عزشانه احسان ایدیچیدر
 الثواب عزاسمه طاعتی ملتزم اولان مذنب تا تبک توبه سنی
 قبول ایدوب رحمتله رجوع ایدیچی مبالغه معناسی ملحوظدر
 بعضیلر عندنده مذنبه توبه اسبابی تیسیر و توبه به توفیق و نوم
 غفلتدن تنبیه و عواقب ذلالتک عقابنه مطلع ایدیچی معناسه در
 لغتده توبه رجوع دیمکدر اصطلاحده الله تعالیدن خوف ایچون
 معصیتنه ندامت ایدوب فی الحال ترك ایدوب قادر اولدیچی و قتده
 ایما مکده عزیمت ایلکدر و صالحلرک توبه سی غفلتی ترك ایتکدر
 اکا اوبه دینور صلوة اواین بوندن مأخوذ در اخشام ایل یاتسو
 ارا سنده قبلتان نمازک استمیدر انه کان للاوا این غفورا
 آیت کریمه سی غفلتدن توبه ایدن صالحلر حقتده در دیمشرو
 بوا اسم مبارکدن حصه بودر که عاقل توبه ایتدکده قولنده
 اعتماد ایدوب رجعتدن مأیوس اولیه اکا تقصیرات ایدن بحرملرک
 عذر لرینی قبول ایدرسه اکا بوا اسم شریفدن نصیب وافر و اور
 المنتقم عزشانه اعدایه انتقام ایدیچی و مکروهات افعالی کریمه
 کوروب عصیان اوزرینه عقوبت ایدیچیدر حصه بودر که
 عاقل نفس اماره سند مخالفت ایدوب ریاضات شرعیله ایل
 عقوبت ایلله زیرانفس اماره یتش بیک شیطاندن اشد در دیمشرو
 المنفوع عزشانه سبئاتی محو ایدیچی و معاصیدن تجاوز ایدیچی دیمکدر
 غفور دن ابلغدر زیر غفران ستر معناسی اشعار ایدر عنو محو
 معناسی افاده ایدر حصه معلومدر الرؤف عزشانه شدت رحمت

صاحبی دیمکردر رحیمدن ابلغدر مالک الملک جل اسمه حکمنی
 و اراده سنی ملکندہ تنفیذ ایدی اصل اقضاسنه معارض یوقدر
 جمع کائنات حکمنه مسخر در ذوالجلال والا کرام عز شانه
 جلالت و عظمت و شرف و کمال و اکرام صاحبیدر
 و اکامخصوصدر المقسط جل شانه مظلوم ملک حقلمرینی
 ظالمردن البور یحیدر الجامع عز شانه حقایق مختلفه بی
 و امور متضاده بی فی الانفس والآفاق مجاورت و امتزاجده
 جمع ایدی هر کیمکه علم ایلہ عملی و کمالات روحانیہ ایلہ آداب
 جسمانیہ بی جمع ایدر سه اکابو اسم شریفدن حصه واردر
 المغنی عز اسمه ذاتندہ و صفاتندہ کامل و ما عدادن مستغنی المغنی
 عز شانه حکمت ربانیہ مقتضاسنجه هر شئک حوائجی توفیر و تمیم
 و فضلیله اغنا ایدی دیمک اولور بوندن حصه بودر که عاقل خلقدن
 طبعی قطع ایدہ و انلردن انتظار ایمده همان حاجتی الله القدوس
 عز شانه به عرض ایلده بعض روایتده المعطی وارد اولمشدر
 اعطا ایدی معنا سنه در المانع عز اسمه ابداندن واد یاندن
 هلاک و نقصان اسبابی دفع ایدی فساد و هلاکی منع ایدی
 الضار عز شانه النافع عز اسمه ضرر و نفع شر و خیر اندر
 زیرا خالق کل شبدر النور عز شانه بنانه ظاهر در و غیر یلری
 اظهرا ایدی بیدر الهادی عز شانه صراط مستقیم دلالت
 و ارشاد ایدی بوندن حصه بودر که خلق صراط مستقیم دلالت
 و حقه دعوت ایتکدر انبیاء کرام علیهم الصلوٰۃ والسلام
 و علماء دین الاسلام علیهم رحمة الرحمن بواسطه شریفدن چوق
 حصه الدیلر البدیع عز اسمه مسبوق بالمثل اولیان شیلری

ایجاد ایدی یا خود لا شریک له و لا نظیره معنا سنه در الباقی
 عز اسمه ابدی الوجود و دائم الذات بلانهایه الوارث عز شانه
 عباد قانی اولدقدن صکره اول باقی ملکرفانی اولدقدن صکره
 ملک بالکلیه اکا راجع دیمکردر الرشید عز شانه طریق سداد
 اوزره تدبیراتی غایبانه سوق ایدی استشاره به و ارشاده محتاج
 دکلدر یا خود ارشاد ایدی معنا سنه در عاقل رشید اکا دیر که
 تدبیر صائب ایلہ مقاصد الدین و شرایف الآخرة مظفر اولوب
 سائر خلقی مهمما مکن سمت استقامته ارشاد ایلده الصبور عز شانه
 اهل عصیان مؤاخذه و مذبذبری معاقبه ده استعجال ایدی آخرتده
 عقاب ایلکی مشعردر اما حلیم عفوی و مغفرتی اشعار ایدر
 ایکسی ماینندہ فرق یوقدر عاقل نفسی معاصیدن منع ایدوب
 طاعات اوزرینه حبس ایدوب و مداومت ایدر سه بواسطه شریفدن
 نصیب وافرہ ظفر بولور والله عنده اجر عظیم مقام ثانی ایمان
 بالملائکة بیاننده اولوجیدر معلوم اوله که حق تعالینک ملکری
 وارد راتلر جسم لطیفلردر اشکال مختلفه ایلہ مشکل اولغسه
 قادرلدر کی یکی قنادل وکی اوج قنادل وکی دخی زیاده قنادلدر
 جمهور اهل سنت عندندہ ملائکه حقندہ اوج صفات بیلک
 واجبد راولکسی ایماندر یعنی جمیع ملائکه مؤمنلدر حاشا و کلا
 آنلر کفردن و شرکدن منزهلدر و ایکنجیسی اوامر ربانیہ به
 اتباع و منهیاتدن اجتنابدر که جمله سی مطیعلدر اصلا عامی
 اولمازلر و اوچنجیسی خصائص انسانیہ دن منزهلدر مثلا یمکدن
 و ایچمکدن ارککلکدن و دیشیلکدن و طوغمقدن و طغورمقدن
 منزهلدر المدن و کدردن و نکاسلدن و یورلمقدن و اویمخودن

وسا تر لوازم بشریه دن منزله در و دخی ملائکه نک مقرر بلری
وافضل لری وارد در جبرائیل علیه السلام ملک مقرر بدر تبلیغ الوحی
والقاء العلومه مؤکدر حضرت رسول اکرم صلی الله علیه وسلم
لیله معراجده آتی الی یوز قنادایله کور مشدر حق تعالی جبرائیل
عظیم قوت و یر مشدر قنادینک بر تو ییله یوجه طاغری قالد بر
وطا عیدر و صیحه سبله بر بلده نک اهل بسنی هلاک ایدر و زمان
قلیلده یدی قات کوکدن یره اینزوهر شکله کیرمه قادر در
اصحاب رضوان الله تعالی علیهم اجمعین حضرت تهرینک احسن
الوجه اولن لرندن د حبه بن خلیفه الکلبی رضی الله تعالی عنه
شکنه کیروب کاه بکاه اویله حضور رسول اکرم صلی الله تعالی
علیه وسلم کلور ایدی و کاهیمجه بیاض لباس کب و ب کلور ایدی
پیغمبر لردن غیری به وحی کتورمز میکائیل علیه السلام رزقلر
تعیننه مؤکدر و اسرافیل علیه السلام صور نفخ اینه که مؤکدر
عزرائیل علیه السلام جان آلمغه مؤکدر و یونلر الله تعالی نک
اولو ملکلر یدر و پیغمبر لردن اهل سنتک عندنده انسانک پیغمبر لری
ملائکه نک پیغمبر لردن افضلدر و ملائکه نک پیغمبر لری عامه
بشردن افضلدر و بشرک خواصی ملائکه نک خواصندن
افضلدر و عوام بشرک صلیحی ملائکه نک عوامندن افضلدر
یومذ کور جه و راهل سنت مذهبنده ربوتقدیر جه ابلیس
ملائکه جنسندن دکلر سلطان المفسرین اولان ابن عباس
رضی الله عنهما عندنده ملائکه دن بر صنف وارد در که اکاجن دیرلر
و شیطان اول طائفه دندر و انرا ککل و شرب و جماع ایدرلر
و طوغرلر و طغورلر و عصیان ایدرلر محقق بیضاوی رحمه الله

بورواتی فسجد الملائکه کلهم اجمعون الا ابلیس آیت کریمه سنده
نقل و تصریح و اختیار ایلدی * فصل * معلوم اولسونکه
نوع ملائکه سائر انواع مخلوقاتدن چوقدر امام فخر الدین
رحمه الله تعالی علیه شویله یور دیکه حق تعالی نک کلامنده
و رسول اللهک علیه الصلوة والسلام حدیثندن ماعدا ملائکه
وصفنده حضرت امیر المؤمنین علی بن ابی طالب کرم الله وجهه
ورضی الله تعالی عنهم کلامندن اعلی و احلی و اجلی کلام
منقول دکلر احیانا اثناء خطبه ده یورردی ان الله تعالی فتق
ما بین السماء العلی فلا هن اطوارا من الملائکه یعنی حق سبحانه
و تعالی آسمان مایدنی فتق ایدوب اطوار ملائکه بی اسکان ایلدی
منهم سجود لایر کمون بعض ملائکه ساجد اولوب سجده
حالتندن رکوع حانه انتقال ایتزل و رکوع لایسجدون و لاینصبون
و بعضیلر اکر لردر که حالت رکوع دن سجده و قیام حالنه
انتقال ایتزل و صافون لایتر ایلون و بعضی صیف اولمشدر
اصلا متر ایل اولمازلر و یسجدون لایسأمون دائما تسبیح ایدرلر
اوصا نمازلر لایغشاهم نوم العیون انلره نوم احاطه و عارض
اولمازلر و لایسأم العقول و لافتره الابدان و لا غفلة النسیان انلره
ضعف عقول و فترت ابدان و غفلت نسیان عارض اولمازلر و منهم
الامناء علی وحی الله و یبلغونه الی رساله و بعضیلری دخی امین
الوحی او اوب انبیاء کرام علیهم الصلوة والسلامه مبلغلردر
و منهم السارعون لقضاء الله و امره و بعضی قضاء الهی و امین
ربانی خدمتنده سعی ایدی مجلردر و منهم الحفظة لعباده و ملائکه نک
بعضی قوللر اوزرینه حفظه در بعضی عملا عندنده هر مؤمن

قائده بش ملك واردر بریسی صاغ جاننده حسنت كابت ايدر
و بریسی صول جاننده سبثات كابت ایدرو بریسی مواجهه سنده
خیرات و عبادات تلقین ایدرو بریسی خلفنده مضراتی دفع ایدرو
و بریسی ناصیه سنده صلوات شریفه کتور د کده رسول اکرم
صلی الله علیه و سلم تبلیغ ایدرو بعض علما عندنده هر بر مؤمن قائنده
الشمس ملك واردر و بعضك عندنده یوز الشمس ملك واردر و سائر
اختلافات دخی واردر و حفظه ملائكة سی كفار قائنده دخی واردر
قول صحیحده و منهم الخزنة لابیواب الجنات و ملائكة دن
بعضی جنات عالیات خازنریدر رئیسری رضواند ر و جهنم
اوزرینه مؤکل اولان ملائكة یه زبانیه دینوراون طقوز ملکر ر
بعضیلر بونلر و سادر توابعی قتی چوقدر دیمش بونلرک رئیسری
مالکدر فقیهم الثابتة فی الارضین السفلی والبارقة من السماء العلی
اکافهم ملائكة جنسندن شویله عظیم ملکر واردر که ایاقلری
یرالتنده و اموزری آسمان اوسننده بتلفون بجثة اجنتهم
قنادر لیه تستر ایدرلر و من دونهم حجب العزة و استار القدرة
لایسوهمون ربهم بالتصویر و بوملائكة ورا سنده بحجاب العزة
و استار القدرة واردر و عرش اعلانك سراد قاتی واردر و انلر
رب تعالی بی تصویر ایلر توهم ایتمزلر و لایجوزون علیه صفات
المصنوعین صفات محدثات و احوال کائنات دن تنزیه ایدرلر
و لایشیرون بالنظار و حق تعالی بی شرکا و نظائر دن تقدیس
ایدرلر و لایجدونه بالاماکن الله تبارک و تعالی بی مکانات دن تنزیه
ایدرلر فعلیهم السلام سلام اولسون ملائكة اوزرینه حق تعالی
و تبارک ملائكة حقنده پیور راعوذ بالله من الشیطان الرجیم

ومن عنده لا یستکبرون عن عبادته ولا یستکسرون یسبحون اللیل
والنهار لایفترون یخافون ربهم من فوقهم و یفعلون ما یؤمرون
وقال بل عباد مکرمون لایسبقونه بالقول وهم بامرہ یعملون
لایعصون الله ما امرهم و یفعلون ما یؤمرون الذین یحملون العرش
ومن حوله یسبحون بحمد ربهم و یؤمنون به و تری الملائكة حافین
من حول العرش یسبحون بحمد ربهم * فصل * امام فخر الدین
رحمه الله تعالی شویله ذکر ایلدی که بنی آدم جن طائفه سنك
عشریدر ربوا یکسی قرده اولان حیواناتك عشریدر ربونلرک
جمله سی دریا رده اولان حیواناتك عشریدر ربونلرک کلبسی
بنی آدمه مؤکل اولان ملائكة سنك عشریدر ربونلرک کلبسی
دنیا کوکنك ملائكة سنك عشریدر ربونلرک کلبسی ایکنجی
قات سما نك ملائكة سنك عشریدر ربونلرک قات کوکه وارنجه
بوترتیب اوزره در بعده بونلرک جمله سی بر سر اقدده اولان
ملائكة سنك عشریدر عرش عظیمك یوز یسك سراد قی واردر
بر سر اقدق جمیع سموات وارض و ما فیهما و ما بینهما مقابل
اولونسه برشی قلیل مقدارنجه اولور بوسر اقد قاتك هر محلنده
ملکر واردر که کی سا جد کی راکع کی قائم صوت حسن ایلر
حق سبحانه و تعالی یه تقدیس و تسبیح ایدرلر و بونلرک جمله سی
عرش عظیمده و حولنده اولنلر قیاس ایلر دریایه نسبت قطره
ککیدر بعده اوح محفوظه مؤکل اولان ملائكة لکه انلرک
رئیسری اسرافیل علیه السلام در بعض روایتده اسرافیل
علیه السلامک اون ایکی یسك قنادی واردر رب العزة علاشانه
وجل برهانه و لاله غیره ایلر انك مایینده یش شهاب نورانی واردر

لوح محفوظ انك منظر يد رسا ملائكة به باذن الله تعالى امر
ونهي ايد رشتكم كتب حدیث شده مذکور در مفصلا اسرافیل
علیه السلام بوقدر اولولغیله الله سبحانه وتعالینک خوفندن
سرجه قوشی قدرجه اولور بوجه ملائکه مالک الملک والملکوت
ومعبود لایزال واحد وصمد اولان الله عظیم الشان وعزیز البرهان
تبارک اسمه وتعالی وجل جلاله به انواع طاعات واصناف تقدیسات
واقسام تسبیحات وتمجیدات ایدرلر دائما لسانلری ذکر الله
عز اسمه ایلر رطب اولوب اصلا انلر قنور کلز یسبحون اللیل
والنهار لایفزون ای عاقل نظرایت ملکوت سمواتی حق تعالی
ملائکه کرام ایلر مزین ایدوب دائما وایدا مقام عبادتده
طرفه العین منفک اولمازلر بر حدیث شریفده شویله درکه
اطت السماء وحق لها ان تظ مافیهام موضع قدم الاوفیه
ملک سناجد اورا کع اوقائم الی آخره یعنی آسمان بخرددی
ویقرده مقاکلا لایق اولدی آسمانده بر قدم موضعی بوقدر آند
بر ملک وارد ریا سجده ایدیچی یارکوع ایدیچی یا قیام ایدیچیدر
بعض روایتده شویله درکه مخلوقات ارا سنده ملائکه دن چوق
مخلوق بوقدر هرشی که خلق اولنور اکا موکل واردر که ائده
وارد اولدی یعمور قطره لیلر بنی آدم واولاد ابللسدن چوق
ملک نازل اولوب قطره لری مکا نلرینه تعیین ایدرلر وانلردن
حاصل اولان رزقی صاحبده تبلیغ ایدرلر علماء حدیثین بر جماعت
تخریج ایلدیلر که رسول اکرم صلی الله علیه وسلم بیوردی
ان الله ملائکه ترعد فرائضهم من مخافته تحقیق الله تبارک
وتعالینک نیجه ملائکه سی واردر که خوف ریا نیه دن ناشی

طهر لری

طهر لری واعضالری مرتعش اولور مامنهم من ملک یقطر
من عینیه د معة الا وقعت ملکا یسبح یعنی اول ملائکه دن
بر یسنت کوزندن یا ش طمله سه فی الحال ملک اولوب تسبیحه
مشغول اولور وملائکه سجود بر صنف ملائکه ساجد لردر
منذ خلق السموات والارض خلاقی عز اسمه آسمانی وزمینی
ایجاد ایدر لیدن برو لم یرفعوا رؤسهم سجده دن باش قالدر مدیلر
ولا یرفعونها الی یوم القیمة وشدن کیرو یوم القیامته وار نیجه
باشلرینی سجده دن قالدر مزلر وصفوف لم یصرفوا
عن مصافهم وملائکه دن بر صنف دخی صف صف
اولوب صف اولد قنلری محلدن منصرف اولدیلر
ولا یصرفون عنها الی یوم القیمة یوم قیامته وار نیجه
منصرف اولمازلر فاذا کان یوم القیمة قیامت اولدقده
تجلی لهم ربهم رب العزه جل شانہ تجلی ایدر فنظر و الیه
انلر نظر اندوب کوردکده وقالوا سبحانک ما عبدناک
کما یبغی لک سنی سکا لایق اولمیان نسنه لردن تنزیه ایدرر
وسکا لایق عبادت ایدر مدک امام طبرانی حدیثنده شویله
دیدیکه مافی السموات السبع موضع قدم ولا شبر ولا کف الا
وفیه ملک قائم او ملک ساجد یدی قات کو کلرده بر قدم
موضعی وبرقارش و برال اناسی مقصداری خالی بر یوقدر الا
آند بر ملک واردر که یا قائم یا ساجد در فاذا کان یوم القیمة
قالوا جیعا قیامت کونی اولدقده جمله سی دیرلر که سبحانک
ما عبدناک حق عبادتک سکا لایق عبادتله عبادت ایدر مدک
الا انالمر شرک بک شبنا لکن بر سنک الوهیتکده شرک

اعتقاد ایتند که همان توحید مزسکا لایقدر بعض روایتده
 جبرائیل علیه السلام کونده برکه کوثره انعامس ایدر و هر بر
 قطره سندن بر ملک خلق اولنور کعب الاخبار رضی الله عنه دن
 منقولدر که روی زمینده ایکنه مقداری محل خالی دکلدر
 الا کا بر ملک مؤکل اولمشدر ابن المنذر رحمه الله تعالی تخریج
 ایتدیکی حدیث شریفده شویله در که بیت المعموره هر کون
 یتیمش بیک ملک نماز قلا بردخی عودت ایتکه نوبت کلز
 وملائکه کرویین که ملائکه نیک ساداتیدر بسجودن اللیل
 والنهار لایفترون صفتیله موصوفدر سائر ملائکه نک
 طقوز اعشاریدر وعشر باقی اشیا حراسته مؤکلدر و روایت
 صحیحده شویله در که سدره المنتهی ده شولقدرد ملائکه
 وارددر که عددنی انجی الله تعالی یلور وجبرائیل علیه السلام
 مقامی سدره المنتهی ده در والله تعالی اعلم * فصل * معلوم
 اولسونکه حق سبحانه وتعالینک یوم یقوم الروح والملائکه
 صفاتنزل الملائکه والروح کی آیت کریمه سنده ذکر اولنان
 روحده روایات کثیره واقوال وافرده وارددر اما طبعی علیه الرحه
 جبرائیل علیه السلام ایله تفسیر ایلدی بعضیلر عندنده
 ملائکه دن برصنفدر که اناره روح نسیمه اولنور و بعضیلر
 عندنده بر ملک عظیمدر که یالکز برصنف اولور علامده ابن حجر
 علیه الرحه عندنده دخی جبرائیل علیه السلامدر نزل به الروح
 الامین علی قلبک لتکون من المنذرین بلسان عربی مبین آیت
 کریمه سنی حجت چکدی ابن عباس رضی الله تعالی عنهما دن
 منقولدر که روح ملائکه نک اعظمندن بر عظیم ملکدر که

یوم قیامنده الله تعالینک حضور مغویسنده قائم اولور
 شولقدردر بیکدر که اگر اغزنی اچسه جمیع ملائکه اکا برلقمه
 کی اوله خوفلندن یوقاری باقه مزلر بعضیلر عندنده بر ملکدر که
 آنک یتیمش بیک یوزی وارددر و هر بر یوزنده یتیمش بیک لسانی
 وارددر و هر بر لسانیله یتیمش بیک لغت تکلم ایدر و بولغتلرک
 جله سبیلله الله تبارک و تعالی به تسبیح ایدر و خلاق علیم
 جل شانیه و عز برهانه اول تسبیحلردن ملائکه خلق ایدر
 وانلردخی تسبیح ایدر لر یوم قیامته دک بور وایت حضرت علی
 رضی الله عنه دن سند ضعیف ایله منقولدر ابن عباس رضی الله
 تعالی عنهما دن روایت اولنور که یومذ کوزر روح بر ملکدر که
 آنک اون ایکی بیک قنادی وارددر او قنادلردن ایکسی مغرب ایله
 مشرق اراسنده در و آنک بیک یوزی وارددر و هر بر یوزنده
 بیک لسانی وایکی کوزی وایکی طوداغی وارددر یوم قیامته وارنجیه
 تسبیح ایدر و بعضیلر عندنده بر ملکدر که سائر ملائکه نک اشرفی
 ومقر بیدر و بعضیلر عندنده بر ملکدر که دور دنجی فات کوکده
 اولور سمواتدن وسائر ملائکه دن اعظمدر و هر یوم اون ایکی
 بیک تسبیح ایدر و هر بر تسبیحدن بر ملک خلق اولنور یوم قیامنده
 بر صنف اولور بور وایتی ابن جریر ابن مسعود رضی الله عنه دن
 تخریج و روایت ایلدی ابن عباس رضی الله تعالی عنهما دن
 روایت اولندیکه مذکور روح مخلوقاندن بر نوعدر بنی آدم
 صورتنده در و مجاهد رضی الله تعالی عنه دن بویله نقل اولندی
 ونه بونلردن شویله روایت اولندیکه مذکور روح بر نوعدر که
 اکل و شرب ایدر لر آنلرک الیری وایاقلری وباشلری وارددر

و ملائکه جفتند د کلدرد وینه ابن عباس رضی الله عنهما دن
منقولدر که کو کدن بر ملک نازل اولسه انک ایله بیه روحدن
برسی نازل اولور وینه ابن عباس رضی الله تعالی عنهما دن
اول دخی رسول الله صلی الله تعالی علیه وسلم دنکه بیوردیلر
الروح چند من جنود الله روح الله تعالی نیک مخلوقا تند
وعسکر لند بر عسکر و طائفه در لبسوا بملائکه آنر ملائکه
جنسندن د کلدرد لهم رؤس واید وارجل آنرک باشلری
واللری وایاقلری وارد ثم قرأ یوم یقوم الروح والملائکه صفا
بعده رسول کائنات علیه افضل التحیات واشرف الصلوات
الوافیات وازکی التسلیات بوآیت کریمه بی تلاوت ایلدی
عبدالله بن بریده رضی الله تعالی عنه دن تخریج اولندیکه
انس و جن و ملائکه و شیاطین بوجه سی روح نو عنک عشره
بالغ اولماز دیدی ابو الشیخ رحمه الله تعالی سلمان رضی الله
تعالی عنه دن تخریج ایلدی که انسان جنک عشریدر و جن
ملائکه نک عشریدر و ملائکه روح نو عنک عشریدر
و روح کرویینک عشریدر و بعض روایتده روح صنفی
ملائکه اوزرینه حفظه در مجاهد دن نقل اولور که روح
طائفه سی ملائکه جنسندن در آکن ملائکه انلری کورمز لر
بوجه اقوالی مشکات مصابیح شرحنده علی القاری رحمه الله
تعالی ذکر ایلدی الله اعلم و احکم * فضلی * معلوم اولسونکه
حق سبحانه و تعالی عزرائیل علیه السلامی جان المغه مؤکل
قتلدر شویله وارد اولمشدر که عزرائیل علیه السلامک توابعی
وارد رخان بر مؤ من محضر اولسه اکا ملائکه حاضر اولور لر

و سلام و بر لر و جنت ایله تبشیر ایدر لر حدیث صحیحده
شویله در که من احب لقاء الله احب الله لقاءه و من کره
لقاء الله کره الله لقاءه هر کیمکه حق تعالی به ملاقات اینککه
محببت ایدر سه الله سبحانه و تعالی انک لقاسنی سور و هر کیمکه
لقاسنی کره کو و سه حق تعالی دخی انک لقاسنی کره قبلر
امام بخاری روایتده هشام طریقه زباده ایتدی قتاده دن
اول دخی عایشه صدیقہ دن باخود بعض از واج طاهرا تدن
رضی الله تعالی عنهن معرض سؤالده دیدیلر که انالکره الموت
یعنی هر کس موتدن استکراه ایدر رسول اکرم صلی الله تعالی
علیه وسلم جوابده بیوردیلر که لبس ذلك یعنی مراد موتی
کره کورمک دکل ولكن المؤمن اذا حضره الموت لکن مؤمنه
موت حاضر اولدقدہ یشیر برضوان الله و کرامته الله تعالی نیک
رضاسی و کرامتی ایله تبشیر اولور فلبس شی احب الیه مما امامه
اکا آخرته کتمکدن زیاده سوکلو نسنه اولماز فانه احب لقاء الله
بس امدی اول مؤ من لقاء الله محبت ایدر فاحب الله لقاءه
الله تعالی ده انک لقاسنه محبت ایدر وان اکا فر اذا حضره
تحقیق کافره اولوم حاضر اولدقدہ یشیر بعذاب الله و عقوبته
اکا حق تعالی نیک حاضر ایتدیکی عذاب و عقوبت خبر ویریلور
فلبس شی اکره الیه مما امامه اول کافره آخرته کتمکدن زیاده
استکراه ایتدیکی نسنه اولماز فانه کره لقاء الله فکره الله لقاءه
اول لقاسنی کره صلوات الله تعالی ده انک لقاسنی استکراه ایدر
بو حدیث شریفی بخاری و مسلم و ترمذی و نسائی تخریج ایتدیلر
رحمهم الله تعالی و بو معناده حدیث شریف چوقدر عمر

ابن عبد العزیز رضی اللہ تعالیٰ عنہ کلامندہ شویله در که بر مؤمنه
موت حاضر اولسه دورت ملک قبض روحه مباشرت ایدر بریسی
صاغ ایا غندن جذب لیدر و بریسی صول ایا غندن جذب ایدر
و بریسی صاغ قولندن جذب ایدر و بریسی صول قولندن
جذب ایدر چنان روح حلقومه بالغ اولسه بالذات ملک الموت
اولان عزرا ثیل علیه السلام روحی قبض ایدر امام و کعب
رحمه الله تعالى حق تعالینک تنزل علیهم الملائکة الاتخافوا
ولا تحزنوا و ابشروا بالجنة التي کنتم توعدون کلام شریفندہ
ذکر اولان تبشیر اوج محاده اولسه کر کدر دیدی بری اولوم
وقتندہ و بری قبرده و بری بعثده امام عطا رحمه الله تعالى
لهم البشرى فی الحیوة الدنیا آیت کریمه سنده دیدیکه
موت وقتندہ مؤمنله رحمت ملائکه سی کلوب حق تعالینک
رحمتی و کرمنی مژده ایدر لر و امام ازهری وقتاده رضی الله عنهما
بو آیت کریمه ده کی بشارتی موت وقتندہ اولان بشارتدر دیدیلر
و امام ضحاک رضی الله تعالیٰ عنہ بو بشارت اولدر که مؤمن
روح تسلیم ایتمزدن اولجه کندی قننی درجه به نائل اوله بحق
ایسه خبر و برلر دیدی ابن عباس رضی الله عنهما اوله روایت
ایلدیکه حضرت ابراهیم علیه السلامک بر عبادت خانه سی
وارایدی اکا کندودن غیریکه کیرمز ایدی برکون کوردیکه
بر کسه عبادت خانه سنده طورر ابراهیم علیه السلام سنی
بو خانه به کیم ادخال ایتدی دیدی اول دخی بونک مالکی
ادخال ایتدی دید ~~صکده~~ سوال ایدوب سن کیمسک دیدی
اول دخی بن ملک الموت دیدی ابراهیم علیه السلام مؤمنلر ارواحی

قبضه کلدیکک صورتی بکا کوستر دیدی اول دخی بندن اعراض
ایت دیدی بعده التفات ایتدکده کور دیکه احسن صورتده
ساب امرد شکندہ غایت حسن و جمال صاحبی اولمش لباس
فاخر ایله مزین اولمش مبارک رایحه طویه ایله عبادت خانه
طولدی بعده حضرت ابراهیم علیه السلام کافر لک ارواحی
قبضه کلدیکک صورتی کوستر دیدی اول دخی نعم دیوب
بندن اعراض ایت بعده نظر ایت دیدی بوند نصکره نظر ایدوب
کوردیکه سیاه کسه اولمش کریمه المنظر رایحه کریمه صاحبی
آغزی ایچندن و بور نندن آتش علوی هجوم ایدر العیاذ
بالله تعالیٰ ابراهیم علیه السلام استکراه ایلوب ملک الموت
فی الحال کندو صورتده دوندی ابوهریره رضی الله تعالیٰ عنہ
روایت ایلدی رسول اکرم صلی الله علیه و سلم پیوردی
اذا حضر المؤمن الموت مؤمنه موت حاضر اولدیغی وقتندہ
اتنه ملائکه الرحمة بحریره بیضاء اکا جنت ملائکه سی
جنت حر پرلندن بریاض حر پر کتورر روحی اکا صارب
مقامنه کتورر لر عالم دنیاده جسده کفن صار دقلری کی
فیقولون ملائکه دیرلر اخرجی ای روح پاک جسده پاکدن
عالم علوی به رجوع ایت راضیه حق تعالینک سکا حاضر
ایتدیکی ثوابدن و درجاتدن راضی اولدیغک حالده و مرضاتک
سن دخی الله سبحانه و تعالینک رضاسنه مظهر اولدیغک حالده
الی روح الله راتک فتحیله راحت و رحمت و کرامت بی نهایت سنه
رجوع ایت جسددن جیق و دنیا ظلماتدن و غموم و همومدن
خلاص اول و ریحان ای رزق کریم و شوم عظیمه رجوع ایت

و رب غیر غضبان سکا غضب ایتیموب رؤف رحیم اولان رب
عظیم الشانه ملاقی اولغه رجوع ایت قنخرج پس ایمی
روح مؤمن ملائکه دن بومثلو بشارتی و دعوتی استماع ایتد کده
عزت و سعادتله و فرح عظیم و سرور صافی و ذوق و راحتله
جسد دن چقار کا طیب ریح المسک مبالغه قحولی مسک کبی
حتی انه شولقدر مبارک رایحه طیبه سی واردر که اورو حی
لینا وله بعضهم بعضا اورو حی ملائکه نک بعضی بعضیسته
ویرر اکا نغظیا و تکریم و انک رایحه سنی شم ایچون که
هر بریسی قحولق ایچون حتی یا تو ابواب السماء تاکه ملائکه
اورو حی کولق قبولرینه کنوررلر فبقولون کول ملکری بری
برینه دیرلر غایت اول رایحه طیبه دن نجب ایتد کلری ایچون
ما طیب هذه الريح التي جاءكم من قبل الارض برجا بندن سیزه
واصل اولان قحونه عجب کوزل قحو فیأ تون به ملائکه
اورو حی کنوررلر ارواح المؤمنین ساار ارواح مؤمنین اولان
محله کنوررلر ان شاء الله تعالی بو محل احوال برزخ بیان اولنان
مقامده تفصیل اولنور فلهم اشد فرحا فاتعقیبه لام ابتداء به
ضمیرار واحه راجعدر یعنی ارواح مؤمنین زیاده فرحلوردر
به اول روحک کلدیکنه ارواح مؤمنین فرحی نه مرتبه اولدیغنی
بیان ایچون رسول کائنات علیه و علی آله و صحبه افضل التحاب
و التسلیات بیور دیرلر که من احدکم بغائبه یقدم علیه
ای بنم اصحابم و اتم سیردن بریکزک غائب مسافر ی کلد کده
نقدر فرح و سرور ایدر سه که اندن زیاده ارواح مؤمنین
اورو حک کلدیکنه فرح و سرور اولورلر فبئالونه ارواح

مؤمنین

مؤمنین اورو حه سؤال ایدرلر ماذا فعل فلان و ماذا فعل فلان
فلان کسه و فلان کسه نه اشلدی حیاته میدریوخسه اولدیمی
دیوسؤال ایدرلر فبقولون ارواح مؤمنین برپرلرینه دیرلر که
دعوه بوشمدی کلان روحه سؤال ایله ثقلت ویرمیکوز
فانه فی غم الدنيا تحقیق اوکلان روح دنیا غمده ایدی ظاهر
بودر که انلر اول روحده نوعا یور غنلق مشاهده ایدرلر انک ایچون
سؤالی قطع ایدوب بر مقدار استراحت ایتسون دیو آرام ایدرلر
فبقول کلان روح جوابنده دیرلر قد مات یعنی سؤال
ایتدیکیز فلان کسه اولدی ایدی اما انکم سیزه کلدیمی دیر
فبقولون ارواح مؤمنین دیرلر که قد ذهب به الی امه الهاویة
اگر اول کسه مؤمن اولمش اولسه بزه کنوررلر ایدی چونکه
کلدی اتی هاویه جهنمه کنور مشلردر العذاب الله تعالی نه الحق
مرتبه در ونه مردار مقامدر دیرلر وان الکافر اذا احتضر
تحقیق کافر محتضر اولدیغنی وقتده اتم ملائکه العذاب بمسح
میک کسریله پلاس معنانه در یعنی کافر عذاب ملائکه سی
اسکی پلاس کنوررلر روحی اکا صار مغه فبقولون ملائکه
دیرلر اخریجی ساخطه ای روح کافر جسد خبیث کدن
طشره چیق کریه اولوب واصل اوله جنک عذابدن راضی
اولدیغک حالده مسخوطا علیک ایدا الله تعالی نک غضبی
سنک اوزریکه دائم اولدیغنی حالده الی عذاب الله تعالی
الله تعالی نک عذابنه رجوع ایت عز شول خداوند که عزیز
و غالبدر آنک عذابنه یرلر و کوکلر تحمل ایده مزلر و جل اول
پروردگار در که جلالت و عظمت انک صفتدر و قضا و قدری

جميع كاشانه نافذ و جاريدرو جميع ما كان وما يكون انك حكمنه
 مسخر و فرمانه مطيعلدر قهرج اورو كافر ملائكه انك
 بومثلو عذاب و عقوبته دعوتی اشبدوب يك ندامت واستكراه
 حسرت والم و غصه و غم له جسد دن چيقار كائن ريح جيفة
 شول مردار لاشه نك رايحه كريهه سندن زياده بد و مردار
 قخور ايله كه اول ملائكه اكا لغت ايدرلر ياتون باب الارض
 برقبوسنه كتوررل فيقولون ير ملائكه سي ديرل مانتن
 هذه الريح شو قخونه زياده مردار در حتى ياتون به ارواح
 الكفار نه مردار قخوديه ديه سائر كفارلك ارواح خبيثه لينه
 كتوررل بعض حديث شريفدره شويله در كه خان عبد مؤمن
 دنيان انقطاع و آخرته اقبال وقتي كلكده كو كدن ملائكه
 نازل اولور آنلك يوزلري بياض و منوردر كه كوش كبي جنت
 كفارندن كفن كتوررل و جنت حنوط و طيلرندن حنوط
 و طيب كتوررل اول مؤمنه قريب كال ادب ايله اوتوررل و بو
 ملائكه نك رئيسي آنك باشي قتنده اوتورب ديرل ك يا ايها النفس
 المطمئنة الاية اي نفس مطمئنه كه عالم دنياده عقائدك و عمل صالح ايله
 جسد كي تعمير و تنوير ايدرلك بوكون دعوت اولندك حق تعالينك
 مغفرتنه و رضا سته و نيجه درلو سعادت و نعمت لينه جسد پاكدن
 چقوب كل ربكه ملاقي اول ديرل اول مبارك روح مؤمن بويله
 لطفله بومثلو بشارت و دعوتی اشيد نيجه شول قربه دن صو
 طمله سي افار كي سهولت ايله چقوب ملك الموت آلور و سائر
 ملائكه بربرل بنه الورل و يررل و انك رايحه طيبه سني قخورلر
 كو كره كتوررل ملائكه جاعندن قنغي جاعنه مرور ايتسه

اكا مر حبا ايدوب مدح و ثنا و انك سوكلو اسميله ندا ايدرلر و ديرلر كه
 بوروح كيمدر ياننده اولان ملائكه جواب و يروب فلان بن
 فلاندر ديرلر جمله كوكلر قبولي اكا اچيلور هر كو كده اولان
 مقرب ملكلر اول روحه تشبيع و استقبال ايدرلر تا كه يدنجي كو كه
 وارد قده كه عرش الرحمن يا خود سدره المنتهي به واصل اولد قده
 الله سبحانه و تعالی ملائكه به امر ايدوب بيوررلر كه بوقولك كتابي
 غليبنده يازك مؤمنلر ديوانه و ابرارلر دفترينه كابت ايديكرو بوروح
 ير يوزينه كتورك ديوا مر ايدر تا كه قبرده جواب ويره و اكا صالح عمل
 رفیق اولور و دعا ايدرلر كه يارب قيامت كوني تير اولسون تا كه جنته
 و ارب اهل و عيال ايله قاوشه م اما عبد كافر دنيان انقطاع و آخرته
 اقبال وقتي قريب اولد قده اكا ملائكه كلوب يوزلري سياه
 و مخوف و هيتلو و اسكي پلاس كتوررلر اكا قريب اوتورب اول
 روحك چقمه سته انتظار ايدرلر بونلك رئيسلري ملك الموت
 كلوب باشي او چونه اوتورر و ديرلر كه اي روح خبيث طشره
 چيق سكا حق تعالينك غضبي و عقوبتي حاضر در شول
 ديكنلو اغاج طار محلدن چكلور كي انك روحني ملكلر نزع
 ايدوب مردار قخورلر ايله چقوب ملائكه اول پلاس ايجينه
 قورلر اتی رسواي ايتك ايجون ملائكه جاعتلرينك يانندن
 كچوررلر ملكلر بوروح خبيث كيمكدر ديوسوال ايدرلر قبض
 ايدن ملكلر جواب و يررلر كه بو فلان كافر بن فلانك روح
 خبيثيد رديوب اقبج اسميله ندا ايدرلر تا كه سماء دنيابه كتورب
 قيوبي دق ايدرلر و قيو اچلمز رسول الله صلى الله عليه وسلم
 بو آيت كريمه بي بونك يساننده او قودي لا تقح لهم ابواب

السماء ولا يدخلون الجنة حتى يلج الجمل في سم الخياط بعده
حق تعالى پیور که بونک کابی سجینده یازیکز صکره انک روحی
یوقا رودن اشاغی شد تله انارلر العیاذ بالله تعالی * ودخی
بومعاده حدیث شریفلر چوقدر مشکات مصابیحده وغیریده
مذکور در حق سبحانه و تعالینک والنازعات غرقا والناشطات
نشطا آیت کریمه سنده حضرت علی وابن عباس رضی الله
عنهما ارواح قبضنه مؤکل اولان ملائکه در دیدیلر زیرانازعات
کافرلرک روحی قبض ایدن ملائکه در که شدت ایله نزع ایدرلر
یوزلرینه وارقه لرینه ضرب ایدرلر تنکم فکیف اذاتو فتهم الملائکه
یضربون وجوههم و ادبارهم نظم شریفی ملاحظه اولنه
واما ناشطات یننه ابن عباس رضی الله عنهما دن شویله مؤمنلرک
روحلرینی نشاط ایله قبض ایدن ملائکه در زیر بر مؤمن جام
عماتی نوش ایده جک وقتی کلد کده قبل الموت اکاجنت عرض
اولنور کندویه عطیه واحسان اولنه جق حور عین و غلمان
کندویه کورینور وانلر اول مؤمنی کندولری جائینه دعوت
ایدرلر اول مؤمن نشاط ایله انلره میل ایدوب تسلیم روح ایدر
ودخی ملائکه وجن و سائر حیوانات روحلرینی دخی ملک الموت
قبض ایدر والله الموفق نعم المولی ونعم النصیر * فصل * قرآن
عظیمده ذکر اولنان هاروت وماروت قصه سی حقنده روایات
چوقدر لکن عنداکابر المحققین روایت مقبوله بودر که
ابوالعاس احمد بن تیمیه ذکر ایلدی بر زمان بین الناس سحر
چوق اولدی عاده مخالف امور غریبه چوق اولوب دعواوی
نیوت ایدنلر شایع اولدی پیغمبر ایله ساحری فرق

ایده منزل

ایده منزل ایدی حق تعالی کو کدن ایکی ملک ارسال ایلدی بری
هاروت وبری ماروت بوملکر کلوب اول وقتک کسه لرینه سحر
تعلیم ایتدیلر تا که خلق سحر نه ایدیکنی بیلوب ساحر ایله
پیغمبری فرق ایده لر وما انزل علی الملکین بیابل هاروت
وماروت وما یعلمان من احد حتی یقولا انما نحن فتنة فلا تکفر
آیت کریمه سی بوروایت موافقه در تأمل ایله معلوم اولور
وبعضیلر عندنده هاروت وماروت بنی آدم ملوکندن ایکی
رجل در صلاح وتقوالری اولدیغیچون ملک تسخیه اولندی تنکم
علی الملکین لامک کسریله قرأت اولمشق یونی تأیید ایدر
اما شول حکایت که جا هالیر مایینده نقل اولنور ملائکه نک
زیاده متقی وزاهدلرندن ایکی ملکی حق تعالی پره انزال ایلدی
وانلری ابتلا ایچون بنی آدم کی انلرده شهوت ونفس خلق ایتدی
بعده انلری شرک کردن و قتلدن و شرب خردن نهی ایلدی
واول وقتده بر فاجره عورت وار ایدی اسمی زهره ایدی اول
ملکر اول عورتله زنا ایتدیلر وخر ایچدیلر و قتل نفس ایتدیلر
ویوت پرست اولدیلر و انلر اسم اعظمی یسلورلر ایدی اول
فاجره به تعلیم ایتدیلر اول فاجره اسم اعظمی اوقیوب کو که
چقدی وحق تعالی اتی معهود زهره یلدزی ایلدی واول
ملکر کو که صعود ایده مدیلر وحق تعالی انلره عذاب ایلدی
دیو نقل اولنور العیاذ بالله تعالی ملائکه حقنده افترا در ویهود
طائفه سندن منقوله حکایت مردوده در تنکم عبده اصنام
ملائکه الله تعالینک قزلیدر دید کلری کی کذب اولدیغی
تأمل ایدن عاقلره آشکاره در معلومدر که ملائکه اصلا

عصیان اتمزل و قرآن کریمه نیجه محلا رده حق تعالی ملائکه فی
صفات مادحه ابله ذکر ایشدر و کمال طاعات و انقیاد رینی
بیان ایشدر و حضرت آدم علیه السلام قصه سنده
ذکر اولمان انجیل فیها من یفسد فیها ویسفک الدماء ونحن
نسیج بحمدک و تقدس لک آیت کریمه سنده اولان ملائکه نک
سوالی شبهه عرض ایلک طریقله در حاشا اعتراض و جدال
دکدر افساد و سفک دمای ذکر ایلک غیبت دکدر رؤیا اول
وقته آدم و ذریقی هنوز یوق ایدی نسیج و تقدیس کندورینه
نسبت ایلک حاشا ترکیبه نفس و عجب و تکبر قیلندن دکدر
بلکه تمه سوال دندر صقین ای عاقل افراط و تفریط ایتمه طریق
عدل اوزره ثابت قدم اول یا مقلب القلوب ثبت قلوبنا علی
دینک * مقام ثالث ایمان بالکتاب بیاننده اولیجیدر * معلوم
اوله که الله تبارک و تعالی یر یوزنده اولان پیغمبر لک بعضینه
کو کدن کتاب ایندر مشدر توریة حضرت موسی علیه
السلامه و زبور حضرت داود علیه السلامه و انجیل حضرت
عیسی علیه السلامه و قرآن حضرت سید الکائنات محمد
مصطفی علیه و علی آله و صحبه الصلوٰة و السلامه اینشدر
بویله اعتقاد ایتک فرض عیندر زیر ضرورات دینیه دندر
و بونلر مدون کابلرد و بعض روایتلرده یوز دورتر دور دی
بومذ کورلدر یوزی دخی صحفدر که صحیفه لردن عبارتدر
نتکم ابوذر رضی الله عنه روایتنده شویله در که اون صحف
حضرت آدم علیه السلامه و الی صحف شبت علیه السلامه
واوتوز صحف ادریس علیه السلامه و اون صحف حضرت

ابراهیم علیه السلامه اینشدر لکن اولی اولان توقفدر و بونلر
جمله سی کو کدن ایندیکی منوال اوزره صادقدر و حق
ناطقدر و الله تعالینک کلامیدر نظمی و ترتیبی الله تعالی دندر
مخلوق ترتیبی دکدر و جبرائیل علیه السلام واسطه سیله
نازل اولشدر و قرآن عظیم زاده الله تعالی شرفا جمله دنصکره
بارل اولشدر حکمت استدعا ایندیکه و مصلحت اقتضا ایندیکه
مقتضای حاله موافق آرزو حی اولشدر حضرت رسول کبریا
صلی الله علیه و سلم آخرته تشریفله تمام اولشدر جمله
معجزاتک اعظمی قرآن کریمدر اقصر سوره سبتک نظیرین
کتور مکدن جمیع فصحا و بلغا عاجز اولدیلر نکم حق تعالی
بیورد و ان کتم فی ریب مما نزلنا علی عبدنا فأتوا بسورة
من مثله وادعوا شهداءکم من دون الله ان کتم صادقین
فان لم تفعلوا ولن تفعلوا فاتقوا النار الی و قودها الناس و الحجاره
اعدت للکافرین و بر محله دخی قل لئن اجتمعت الانس و الجن
علی ان یاتوا بمثل هذا القرآن لایأتون بمثله ولو کان بعضهم
لبعض ظهیرا وجه اعجاز بودر که بعض اهل سنت عندنده نظم
عربیدر که مطا لعنده و مقاطعنده و مخاتمنده عرب عندنده
متعارف اولان نظمه غایتده مخالفدر حتی عرب عربا بونلرده
بیله عاجز اولدیلر و بعض اهل سنت عندنده دقایق علوی
و قنون حکمتی و مصالح دینیه و دنیویه بی اشتمالیدر و بعض
اهل سنت عندنده اختلاف و تناقضدن عالی اولدیغیدر و بعض
معتزله و شیعه عندنده صرف ذهن ایله در یعنی عرب عربا
نظیر کتور مکده قادر لایدی لکن الله تعالی انلرک عقل رینی

صرف و منع ایتدیکچون کتور مدیلر دیدیلر بو مذهب قرآنه مخالف قدر
و باطلدر و الحاصل قرآن عظیم جمله معجزاتدن اعظم و افضلدر
حق سبحانه و تعالی مدح و ثنا یورمشدر و مبارک اسملرایله
نسمیه ایلشددر * کلام الله * کتاب الله * قرآن عظیم * قرآن
عربی * فرقان * هدی المتقین * حبل الله * کتاب مبین * کتاب
مبارک * نور * الذکر * موعظه * شفاء * رحمة * تبیان لكل
شیء * بشری * قیم غیر ذی عوج * الذکر الحکیم * قرآن
حکیم * قرآن کریم * تنزیل العزیز الرحیم * قرآن مجید * ذکر
للعالمین قول فصل * احسن الحدیث * کتابا من مشابها * مثانی
کتاب عزیز و بونلرکی اسملر و وصفلرایله مدح ایلشددر و رسول
اکرم صلی الله علیه و سلم حدیثلرنده قرآن کریمی مدح ایلشددر
شافع * مشفع * ماحی مصدق * مآذبه الله * حبل الله المتین
نور مبین * شفاء * نافع * عصمة نجات * الذکر الحکیم
صراط مستقیم * کتاب الله * خیر الحدیث و غیریلرکی اسماء
شریفه تک کثری مسماک کثرت فضائله دلالت ایدر و دخی
سائر معجزات دائم اولدی لکن قرآن کریم یوم القیامتده دیک
دائمدر نیکم حق تعالی یوردر انا نحن نزلنا الذکر و اناله لحافظون
فصل * معلوم اولسونکه قرآن کریمک آیتلرینک و سوره لرینک
ترتیبی توقیفیدر برآیت کریمه نازل اولدقده رسول الله صلی الله
علیه و سلم اصحابه امر ایدوب بو آیتی فلان سوره یه و فلان آیتک
عقبنه کاتب ایدیکز دیر ایدی حتی جمله دن صکره نازل اولان
آیت کریمه و اتقوا یوما ترجعون فيه الی الله آیت کریمه سیدر
جبرائیل علیه السلام امر ایدوب آیه الر بالیه آیه المذینیه اراستنده

وضع ایتدیلر و سوره لک ترتیبی دخی الله تعالینک امر یله در بسمله
شریفه فصل سوره ایچون نازل اولمشدر و نزولی مکده در
ابو داود و حاکم رحمهما الله ابن عباس رضی الله عنهما دن
تخریج و تصحیح ایتدکلری حدیث شریفده مصر حدیث شرح
مشکات مصابحه مذکوردر امام طیبی نقل ایتدیکده اصحابدن
برجاعت حضرت رسول اکرم صلی الله علیه و سلمک زمان
شعادتلرنده قرآنک جمله سنی حفظ ایتدیلر ابی بن کعب و معاذ بن
جبل و زید بن ثابت و ابی الدرداء رضی الله تعالی عنهم کیلر
لکن قرآن کریم اول وقتده بر مصحف جمع اولوب رکس
بر مقدار یازمش ایدی بعده حضرت ابو بکر رضی الله عنه خلافتده
حضرت عمر رضی الله عنه ایله مشورت ایدوب بر مصحف جمع اولسنی
خیر لو کور دیلر بعده زید بن ثابت رضی الله عنه ابو بکرک امر یله
صحیفه لردن و حافظلردن اخذ ایدوب بر مصحف یازدی بعده حضرت
عثمان رضی الله عنه خلافتده کار صحابه دن زید بن ثابت و عبد الله
ابن الزبیر و سعید بن العاص و عبد الله بن الحارث بن هشام
رضی الله تعالی عنهم انلره امر ایدوب بر روایتده یدی مصحف
یازدیلر و جمع صحابه رضی الله تعالی عنهم اول مصحف او زینه
اجماع ایتدیلر بر یسنی مدینه منوره ده البقیوب و بر یسنی مکه یه
و بر یسنی بحرین جانبنه و بر یسنی شام جانبنه و بر یسنی کوفه یه
و بر یسنی یمن جانبنه و بر یسنی بصره جانبنه ارسال ایدی انکیچون
حضرت عثمان رضی الله عنه حضرتلرینه جامع القرآن دینلدی جمله
اصحاب رضوان الله علیهم حضرت عثمان رضی الله عنهمک رأینیه
اجماع ایدوب تواترایله قرنا بعد قرن روایت اولندیغی بالاتفاق حکم

شویله در که دفتین بیننده اولان کلام الله در هر کجکه زیاده
ونقصان اعتقاد اینسه کافر اولور وفتنا لما یرضی من الاقوال
والعقائد والاعمال ورزقنا تلاوته آناه اللیل واطراف النهار
بحسن الحال ووصلی الله علیه وعلی آله وصحبه وسلم بما هو اهل
فی الحال والمآل وحشرنا معهم تحت لواء الحمد ذی الفضائل
والاقبال آمین * مقام رابع ایمان بالرسال بیاتنده اولجیدر
علیهم السلام * معلوم اولسونکه نوع انسان پیغمبرله
وشر یعتلرینه هم امور دنیاده وهم امور آخرتده محتاجدر
وارسال رسل واتزال کتب کونینک اصلا حتی وسعادتی
مشمولدر اما امور دنیاده احتیاج شو وجهله در که البته
انسان بالضرورة بربرینه محتاجدر مثلاً کبسی حوائج ما کولات
وکبسی مشروبات وبناء مساکن ووضع اساس اماکن وکبسی
عمل ملبوسات وسائر ضرورات انسانییه ولوازم بشریه الیه
مشغول اولوب هر بریسی برصنعت الیه اشتغال وبری برلینک
حاجتدرینی دفع ایتک ضرور یدر بعده ینسلرنده معاملات
واقعه او اور مثلاً یع وشراکی معاوضه ککه مثلاً اخذ واعطا
ومناکحات ومعارضه ومخاصمه جاری اولور بوتقدیرجه بونلرک
شوامور مذکوره صحیحه وسالمه اولمقده وواقع اولان اختلال
ومشاجره بی دفع وفصل خصومت واصلاح ذات البین وحقی
مستحققه ایصال ودفع مظالم عباد ومنع ظلمه وسیاست مدینه
وانتظام امور حسنیه وسعادات دنیویه ومطالب مستحسنیه
ومقاصد شریفه وقهر اعداء اهل عدل وسائر امور لازمه نیک
حصولی ونظام واحد اوزره اجتماعی والی نهاییه الزمان بقاسی

بین العباد قیام عدالت ودوام استقامته موقوفدر وبوعدا لت
واستقامت دخی احکام کلیه وقوانین مسلمه ککه اصلاً اندن
شائبه ظلم وراحمه غدر اولمقی وجهه اوزره بوطرز احکام
وقوانینک وجودینه موقوفدر که بین الناس واقعه اولان حوادث
متکثره وقضایای جزئییه اول احکام کلیه دن استنباط اولنوب
بین العباد اجراولنه پس امدی اول احکام کلیه وقوانین مؤسسه
عدل حکیم علی الاطلاق علام الغیوب حی قیوم رؤف رحیم
مالک الملک والملکوت عزشانه وجل برهانه ولا اله غیره نیک
جانب اقدس متعالیسندن اولمقی لازمدر که حتی جمله عباد
تسلیم ایدوب راضی ومنقاد اوله لریس سیرت عدالتی وطریقت
استقامتی مشتمله ومینه اولان احکام کلیه شر یعتلردر من عندالله
العدل الحکیم العظیم الرحیم علی طریق الوحی احسان اولنمشدر
پس امدی من طرف الله العلی الاعلی عزوجل وحی اولنان شرابی
وضع وتعیین ایتکه برامین معصوم عاقل وامور دنیاتک حسن انتظام
واصلاح امور عبادطریقته عارف وهر وجهله اخلاق ذمیمه دن
وافعال اثیمه دن مبراسائر اغراض فاسده دن ونبات کاسده دن
معراذات شریف الخصال وعالم نظیف الاحوال ولطیف الاقوال
لازمدر که حتی اولا کندوسی بالفعل اجرای احکام بین العباد
ایدوب فصل خصومت ودفع مشاجره وحقی صاحبیه وبرمک
نه طریقله در وقصاص ومقاصه نه وجهله اولور واهل بغی وفساده
وارباب کفر وعناده نه کیفیتله قتال وجهاد اوله جفنی علی حده
علی حده قولاً وفعلاً خلقه بیان ایده که انلر انبیاء کرامدر علیهم
الصلوة والسلام واما نوع انسانک امور آخرتده انبیایه وشر یعتلره

احتیاجی شویله در که دنیایک فناسنی بیاندنصکره دار آخرتک
دار الخلد و ملک الابد اولوب انده اهل ایمان وارباب صلاح
واصحاب طاعات اولنره رؤف غفور رحیم شکور اولان الله
عظیم الشان و جلیل البرهان عز وجل عندنده فضلا و کرما
من غیر وجوب ولا ایجاب ثواب عظیم باقی و درجات جنات
عالیات و نعمت ابدیه مهیا اولدیغنی اخبار و اهل کفر وارباب فسق
و طغیان و اصحاب مشائم فجور وارباب خباثت عصیان اولنره
عزیز ذواتقام شدید العقاب قهار جبار قوی و قدیر غنی
عن العالمین علام الغیوب اولان الله الکبیر المتعال جل جلاله
ولا اله غیره عندنده عقوبة و انتقام و نکالا عذاب شدید
و عقاب الیم و جهنم ابدی الوجود و سرمدی العذاب حاضر
اولدیغنی اعلام و کفریات و محرمات منہیات و منکرات
مکروهات لاجرم طریق جهنم اولوب سلاسل و اغلال و انکال
و انواع عذاب و گرفتار عقوبات و همدم شیاطین و عقارب
و حیات و حیم و غسلین و غساق و سائر عصاره اهل النار
و بیس الشراب اولنلری نوش ایتمکه سبب قوی و باعث
مفضی و میوه عذاب اولان ثمره زقوم که شاننده * ان شجرة
الزقوم طعام الاثیم انها شجرة تخرج فی اصل الجحیم طلعتها
کانه رؤس الشیاطین * نازل اولشدر آتشدن و قطراندن
لبا سار و طعام عقوبت اولان ضریع که * لبس لهم طعام
الامن ضریع * شاننده نازل اولشدر اکل و بلع ایتمکه
باعث قوی اولدیغنی بیان و ایمان و انواع صالحات و اصناف
طاعات مقبولات و وجوه خیرات و مبرات قولیه و مالیه و سائر

قربات بلا ازیاب طریق جنات عالیات ابدی الوجود اولوب
جوار الله و مشاهده و رضوان اکبر و درجات کاستان جنات
و ملک الخلد فی دار الخلود و مقامات رفیعه بهیه و نازنین
زوجات مطهره و حور عین کما مثال اللؤلؤ المکنون
و غلمان مخلصون و لباس سندس و استبرق و دیباج
حریر و تاج مزین * و لکم فیها ما تشتهیه الانفس
و تلذ الاعین ذوقه و وصول و اتم فیها خالدون خطابنه
مخاطب اولمغه و همدم انبیا و مرسلین و سائر مجالس علماء فاضلین
و شهدا و صالحین و نوش شراب کا فور و زنجبیل و شراب
طهور و انهار من غسل مصفی و ابن و خمر لذیذ و ماء صافی
و ریحیق مخموم خنامه مسک و سائر عیون و سلسبیل و اکل
ضیافات اصحاب الجنة خصوصا ضیافت رب العالمین ایله مشرف
اولمغه سبب قوی شریف باعث مفضی اولدیغنی بیان و اخبار
ایدوب شریعت مطهره نک امور آخرته متعلقه اولان احکام
اعتقادیه و عملیه سنی بیان ایتمک اهم و الزم اولدیغنی معلوم
اولدیه * وینه معلوم اولسونکه اول احکام شریعت شریفه در
و تأسیس احکام الهیه ایدنلر انبیا علیهم السلام حضر تکرید
پس امدی صلاح معاش و معاد شرعه و رساله موقوف
اولدیغنی ثابت و ظاهر اولدی حق سبحانه و تعالینک پیغمبر
کوند رب و کتابلر کوند رمه سنده نیجه حکمت بالغه و مصالح
عظیمة دنیویه و اخرویة وارد و مقصود بالذات تحصیل
معرفت و تکمیل مراتب و نیل درجات در بوفصلده بونلرک
جله سنه اشارت اولندی تأمل اولته معلوم اولسونکه رسول

لغنه واسطه به و برجا نیدن برجا نبه کوندر یلن کسه به دیرل
 فمول وزنده در اکرم بابنک اسم مفعولی معناسنه در که هر سل
 دیمکدر و نبی نبأیناً نبأدن فتح یفتح بابندن کلور فعل وزنده
 اسم فاعل معناسنه خبر ویریجی دیمکدر و شر یعنده تعریفی
 انسان بعنه الله تعالی الی الخلق لتبلغ ما وحي الیه یعنی رسول
 انساندراقی الله تعالی سائر خلقه کوندر را کا وحي استدیکی
 احکامی و شر یعنی خلقه تبلیغ ایچون پس امدی انسان دیمک ایله
 مالک و جن خارج قالدی زیرا رسول شرعی نوع انسانه
 مخصوص صدر اما ملائکه اربعه که جبرائیل اسرافیل عزرائیل
 میکائیل بونلر لغت معنا سنجه پیغمبر لر در و جنده دخی معنای
 شرعیجه رسول یوقدر انجق معنای شرعی اوزره پیغمبر
 انساندن اولور وینه انسانه کوندر یاورد ~~کن~~ رسول الله
 محمد مصطفی صلی الله علیه وسلم جمله انسه و جنه رسول اولمشدر
 صحیح مسلم حدیث لرندن جابر بن عبد الله الانصاری رضی الله
 تعالی عنه روایت ایلدی رسول اکرم صلی الله تعالی علیه وسلم
 یوردی دیدی اعطیت خصالم یعطهن نبی قبلی یعنی بکا
 بش نسنه اعطا اولندی بندن اول کلان پیغمبر له اعطا
 اولمادی کان کل نبی یبعث الی قومه خاصه یعنی هر پیغمبر
 مخصوصا کندی قومه کوندر لدی و بعثت الی کل احر
 واسود دخی بن هر بر احره واسوده بعث اولندم امام مجاهد
 رحمه الله احر جندر واسود انسدردیدی یعنی بن جنه و انسه
 کوندر لدیمکدر و احملت لی الغنایم دخی بنم ایچون اموال
 غنایم حلال اولندی ولم تحل لاحد قبلی بندن اول کلان

پیغمبر لرک بریسنه حلال اولمادی انلر اموال غنائمی احراق بالنار
 ایدر لر ایدی و جعلت لی الارض مسجدا و طهورا و دخی
 بنم ایچون یر مسجد و طهور قلندی قای مارجل ادر کته الصلوة
 قتی رجل که اکا وقت صلات ایشه صلی حیث کان اولدیغی
 محله نمازی قیلار یعنی جمله یر مسجد قلندی هر یرده نماز قیلق
 جائز اولدی و نصرت بالزعبین یدی مسیره شهر و دخی
 بن منصور اولدم اعدایه خوف حاصل اولغله برآیلق یولدن
 اعدایه خوف واقع اولوب قلبلری متفرق و خائف اولور
 واعطیت الشفاعة بکا شفاعت کبری و یرلدی بروایتده
 واعطیت جوامع الکلم وارد اولمشدر یعنی لفظ شریفی قلیل
 معنای شریفی کثیر کلام بکا و یرلدی رسول اکرم صلی الله
 تعالی علیه وسلم بویه تکلم ایدردی ابوهریره رضی الله تعالی عنه
 روایتده و بعثت الی الخلق كافة و ختم فی النبیون وارد اولمشدر
 یعنی جمیع خلقه بعث اولندم و بنم ایله پیغمبر لر ختم اولندی
 بو مثللو حدیث صحیح شریف لر دلالت ایدر که سائر پیغمبر لر
 بر طائفه یه کوندر لمشدر و جنه پیغمبر اولمشدر حضرت سلمان
 پیغمبر صلوات الله علی نبینا وعلیه و سلمه جنله حکومت
 ایتدیکی سلطنت حسبله در نبوت جهتیه دکلدر الله سبحانه
 و تعالی نیک یا معشر الجن والانس الم یا تکم رسل منکم الایة
 نظم عزیزنده اهل تفسیر شویله یوردیلر که رسل فریقین
 جنسندن دکلدر زیرا رسل نوع انساندنر منکم خطابنده
 تغلیب واردر چونکه رسول آخر الزمان صلی الله علیه وسلم
 ثقلین بلکه جمله کائناته رسول اولد بیچون بو آیت کریمه ده

انفس جنه تغليب اولنوب جنس واحد حکمنده اعتبار اولندی
تکلیفده اتحاد و ذاتده تفاوت اولدیغیچون یا خود بو آیت کریمه ده
رسل تعیم اولنوب رسل رساله عام و شامل مراد اولندی زیرا
ثابتدر که جن طائفه سندن بر نفر کلوب قرآن کریمی استماع ایدوب
سائر قومارینه تبلیغ و انذار ایتدی یلرنتکم حق تعالی بیورر
واذ صرفنا الیک نفراسن الجن یستمعون القرآن فلما حضروه
قالوا انصتوا فلما قضی ولوا الی قومهم منذرین قالوا یا قومنا
انا سمعنا کابا انزل من بعد موسی مصداقالمابین یدیه یهدی الی الحق
والی طریق مستقیم یا قومنا اجیبوا داعی الله و آمنوا به یغفر لکم
من ذنوبکم ویجركم من عذاب الیم جن طائفه سندن
قرآن کریمی استماع ایلین طائفه که شو آیت **کریمه** ده
ذکر اولندی ایدی ایلر قوملرینه کیدوب تبلیغ ایتدکلی ایلدن
واسطه اولدیلر ولغت معناسیجه رسل اولدیلر عبدالله بن عباس
رضی الله عنهما دخی بویله دیدی و امام مجاهد رحمه الله دخی
بویله دیدی دخی تفسیر ابو السعود ده مذکوردر و امام قرطبی
تفسیرنده ذکر ایلدی و کلان هر پیغمبرک کلبسنتک هم جنه وهم
انسه پیغمبر اولمشدر در دیدیکی باطلدر بو حدیث شریف انی
رد ایدردیو امام قرطبی **یا معشر الجن والانس** آیتنی تفسیرده
بیان ایلدی قطعا معلوم اولدیکه هم انسانه وهم جنه پیغمبر
اولیق انجیق آخر زمان پیغمبری محمد مصطفی صلی الله علیه
وسلمه مخصوصدر بر پیغمبر جنه پیغمبر اولمشدر و بر پیغمبر
بر قومیه بعث اولندقدده اول قوم آنک امتی اولور ایمان ایدلره
امت اجابت دیرلر ایمان ایتوب کافر اوللره امت دعوت دیرلر

چونکه

چونکه آخر زمان پیغمبری جنه انسه وجهه مبعوثدر جنه انسان
وجن اکا امت اولمشدر ایمان ایدوب مؤمن و مسلم اوللره
امت اجابت دینور اسلامی قبول ایتدیکی ایچون ایمان
کنور میوب کافر اوللره امت دعوت دینور انلر اسلامه دعوت
اولنوب اجابت ایتدی یلر دعوتده قالد قلی ایلدن پس تقدیر
یهود و نصاری و مجوسی و سائر کافرلر واریسه جنه امت
محمددن اولوب دعوتده قالدیلر و انلره امت دعوت دیرلر
جن طائفه سنک مؤمنلری امت اجابت کافرلری امت دعوتدر
بو یلجه اعتقاد ایلک فرض عیندر فی زماننا جهالت شایع
اولدیغیچون اکثر ناس نصاری عیسی پیغمبرک امتی یهود
طائفه سنی موسی پیغمبرک امتی ظن ایدرلر حاشا بویله ظن ایلک
حضرت محمد مصطفی صلی الله علیه وسلمک جمیع انسانه
پیغمبر اولدی یعنی انکار ایتدکدر بویله ظن ایسه **کفر**در
نعوذ بالله تعالی عن ذلک و دخی شیخنر امام ابو منصور ما تریدی
رحمه الله تعالی عندنده شویله در که جمیع پیغمبرلر رجالدندر
خاتونلردن پیغمبر کلمشدر نتکم حق تعالیکن و ما ارسلنا
من قبلك الا رجالا کبی آیت کریمه لرده بو کادلیل واردر
ودخی پیغمبرلر امتلریله غزایه کتمک کرکدر و آشکاره رجاله تبلیغ
احکام ایتک لازمدر بو ایسه رجال خانددر خاتونلر بو حالدن
ممنوعدر خصوصاً نمازده امام اولیق و غسل میت ایتک
و کاهیجه بالذات الینه سلاح الوب میدانده کفار ایله جهاد ایتک
بواموردن خاتونلر مجبوره در حضرت شیخ ابو الحسن الاشعری
رضی الله عنه عندنده رجولیت شرط دسکدر انکیچون

دورت خاتونك پیغمبر لکنده اختلاف ابتدی و امام قرطبی بوکا
 موافقت ابتدی مریم و آسیه و ساره و هاجرہ علامہ سراج الدین
 متقی ابن الملحق حوایی و حضرت موسی علیه السلام
 والدہ سنی بونلرہ الحاق ابتدی بزم شیخ من حضرت امام ابو منصور
 ماتریدی عندندہ بوخاتونلر صالحاندر انبیادند دکلردر
والله اعلم و احکم * فصل پیغمبرلرک اوصاف جمیلہ لری بونلردر
 ایمان تفصیلی هر پیغمبرک ایمانی تفصیلیدر و علوم دینیہ
 و شرعیہ لری تفصیلا معلومدر بعض احکامہ اجتہاد لری
 ثابتدر اجتہاد دہ خطا اتمک نقص دکلدر پیغمبرلرہ الله تعالی
 جابنندن علی الفور خبر کلور یا جبرائیل ایلہ یا خود الہام ایلہ
 خطا اوزرہ قیلازلر اما سائر مجتہد لرہ طرف حقندن خیر کلیوب
 خطا اوزرہ قالورلر لکن کا ہیجہ انلردہ الہام ایلہ تنبیہ اولنور
 لکن خطا معفو و کندولری اصابت ابتدیکی حکمدہ ایکی قات
 مأجور خطا ابتد کلری مادہ دہ بر اجر ایلہ مأجور لردر امانت
 هر پیغمبر امیندر انلرہ عرض یا خود اموال امانت اولنسنہ حفظ
 وصیانت ایدرلر حاشا ثم حاشا خیانت نظرندن منزہلردر
 الله تعالی طرفندن امر اولندقلری احکامی تبلیغ ایدوب بعث
 اولندقلری قومہ تعلیم و تفہیم ایدرلر کتم ایتکدن منزہلردر
 صدق احکام شرعیہ دہ و غیر بسندہ صادقلردر اصلا
 انلردن کذب صادر اولناز عدالت پیغمبرلر عادللردر تنکم
 قرآن عظیمہ ذکر اولنور و جعلناہم ائمة یمدون بامرنا
 حاشا ظلمدن و مداهنہ دن منزہلردر فكيف انبياء الھدن
 نیچہ لری حق سویلوب عدالت و استقامت ایدوب کثرت اعدادن

قور قیوب امر حق یرینہ کتور مکدن اوتوری جام ممانی جهت
 شهادتدن نوش ایتدیلر حاشا الله عن ذلك کہ حق تعالی ظالم
 و کاذب و مداهن پیغمبر کوندردمدی عصمت جمیلہ انبیاء
 علیہم السلام جیع کبار و صغائر خسیسہ لردن منزہلردر
 قبل النبوة و بعد النبوة بونلردن جمیلہ سی معصوملر و محفوظلردر
 علماء اهل سنتک اکثری قبل النبوة و بعد النبوة سہو طریق ایلہ
 بعض کیرہ نک صدورنی تحت امکانہ کوردیلر لکن بعضیلر
 قبل النبوة کیرہ بی قصد یلہ ممکن کوردیلر لکن بالاتفاق
 کفردن و شرکدن و کذبدن و علنا فسقندن منزہلردر ملازنا
 ولواطہ و سائر بین الناس مذموم و خسیس اولان نسند لردن
 و خلقک نفرت ایلدیکی امور دن انبیاء کرام علیہم السلام
 منزہلردر قصص انبیادہ ذکر اولنسان بعض ذنوب صورتندہ
 نسند لر کرک قرآن کریمدہ اولسون و کرک احادیث صحیحہ دہ
 اولسون تأویل اولنوب محمل صحیحہ حل اولنور نسیان ایلہ
 یا خود قبل الوحی در دیمک ایلہ یا خود مقاصد حسنہ بہ نظر ایلہ
 اول نسند ذنب کیدردیمکله و سائر طریق حسن ایلہ امام معتزلہ
 طائفہ سی عندندہ کاتراصلا قبل النبوة و بعد النبوة عمد او سہوا
 جائزد کلدر زرا انلرک ہیبتلرینک انعدامنی و رتبہ لرینک
 انحطاطنی ایجاب ایدوب خلقک انلردن نفرتی و عدم اتباع لرینی
 اقتضا ایدردیدیلر نصوص قرآنیہ و احادیث نبویہ دن غافل
 و جاہل اولنور و مفرط متعصب اولان کسہ جکر معتزلہ
 مذهبنی صواب کورب بو بایدہ مذهب اهل سنتی ترک ایتدیلر
 انبیاء کرام علیہم السلامی تنزیہ زعمیلہ ہیہات ہیہات حکمت

الهمیه واسرار غیبیه دن بالکلیه غفلت ایتدیلر صورت طاهر دن
کالات باطنیه انتقال ایده مدیلر امن العزل هر بر پیغمبر
منصب نبوتدن هیچ عزل اولمازلر فی الدنیا والآخره پیغمبرلر در
شر یعتلرینک بعض احکامی منسوخ اولمقدن عزل لازم کلز
جمله سی دنیا ده و آخرته پیغمبرلر در وعاد لر در علیهم السلام
ودخی جمهور علماء کرام رحهم الله عندنده رسول ایله نی بیننده
فرق وارددر یاننده کاب منزل اولانه رسول دیدیلر کرک اولا
اکا نازل اولسون و کرک آندن مقدم اولان پیغمبره نازل اولسون
وامانی یاننده کاب اولمق لارم دکلدر و رسول یاننده شرع جدید
اولمق شرط دکلدر تنکم حضرت اسمعیل علیه السلام رسولدن در
شرع جدیدی یوقدر تنکم حق تعالی بیورر واذ کر فی الکتاب
اسمعیل انه کان صادق الوعد وکان رسولا نبیا و محقق بیضاوی
تصریح ایتدی بو تقدیر جه رسول ایله نی بیننده عموم و خصوص
مطلق وار در هر رسول نبیدر و هر نبی رسول دکلدر رسل
او حیوز اون اوچدر دیدیلر تنکم بعض روایتده بویه وارد اولدی
بعض علماء عندنده رسول ایله نی مساویدر هر رسول نبی و هر نبی
رسولدر دیدیلر و الله تعالی اعلم و احکم و دخی رسلدن اولو العزم
واولوا الثبات هر سالار وار محقق بیضاوی شویله ذکر ایلدیکه
اولوا العزم شول پیغمبرلر دیرلر که شر یعتلرینی تأسیسده جد
وسعی ایدوب تبلیغ و تقریرنده اجتهاد ایده لر و مشقت کثیره به
تحمل اوزره صبر ایده لر مشهور اولنلر نوح و ابراهیم و موسی
و عبسی و محمد صلوات الله علی نبینا وعلیهم و سلامه
حضرتلریدر و بعضیلر دیدیلر که زیاده صبر و تحمل ایدنلر در

حضرت نوح طقوز یوز الی یل قومک اذا سینه صبر ایتدی
و حضرت ابراهیم غرود آتینه صبر ایتدی و اوغلونی ذبح ایتکه
صبر و تحمل ایلدی و حضرت یعقوب سوکلی اوغلی یوسفدن
ایر یلوب صبر ایلدی و حضرت یوسف قیویه دوشید یکنه
صبر ایلدی و حضرت ایوب بونجه زمان خسته لکه صبر ایلدی
لکن قورد حکایه سی عند المحققین مر دوده در و حضرت موسی
بونجه زمان فرعونله و قومیلر اشتغال ایدوب صبر ایلدی
و حضرت داود قرق سینه بکا ایلدی لکن اوریاقصه سی
مر دوده در نقل ایلینلره تعزیر شدید اولنور زیرا انبیاء کرام
خلقک طبیعتلری نفرت ایلدیکی نسنه لردن و مذموم اولان
امور دن مزه لدر و حضرت عبسی برطاشی برطاش اوزرینه
قومادی و دخی انبیاء کرام علیهم السلام حضرتلرک نیجه لری
فقدار لکن فقر لری اختیاریدر حاشا سائر فقر کی اضطراری
دکلدر و نیجه لری اغنیادر بلکه ملوکدر حضرت داود و سلیمان
و یوسف علیهم السلام کی لکن دنیا به محبت طریقیله دکلدر
خلق اراستنده اجرای عدالت و ظالم لری منع و مال ایله دخی
عبادت ایتک و فقرایه بذل و سائر نیسات صادق ایچوندر زیرا
جمله انبیاء علیهم السلام اخلاق حیده ایله موصوفدر اخلاق
ذمیمه دن و افعال لثیمه دن معصوملر در و محفوظلر در و احتلام
اولمقدن مزه لدر و سائر مایعیندن و طبیعت انسانییه نک
نفرت ایتد یکنندن مبرا و معزالدر مثلا اعی اولمق کی و سائر
قصور و عیبار کی و خلقک عندنده معتبر اولنیاء جلوسدن
پیغمبر کلمشدر زیرا پیغمبرلرک سلسله سی معتبر نسبدن

کوله دن و طاغرده و بیسان پرزده متمکن اولان اترک و حیواناته
بکزر کسه لر دن انبیا ظهور ایتمشدر زیرا پیغمبر لر فطانت
و ذکا و کمال عقل و حسن ادراک صاحب لر حسب
و نسب لر در خسته اولق مانع و عیب و کلدن و سایر ضرورات
انسانیه که اکل و شرب و نوم و اضطجاع و بعضی نسندهی و نوتوق
و تزوج و کسب و تجارت و غیر یلر کی که اندن نوع انسان
منفک اولماز و اشراف خلق اتی تعاضطی و تعامل ایدر لر بو مثالو
نسنه لر عیب و کلدن بلکه فی الحقیقه کمالدن و عدالتدن
و حسن خلقندن * فصل * قرآن عظیمده اسمی ذکر اولنان
پیغمبر لر دن بریسی حضرت آدم علیه السلام در جمله انسانک
اولیدر اندن اول انسان یوقدر ابوالبشر در اتی الله تبارک
و تعالی قدر تبیله فرومش چامور دن خلق ایتمشدر تنکم قرآن
عظیمده ذکر اولنور و لقد خلقنا الانسان من صلصال من حمأ
مسنون یعنی بز انسانک اصلنی صویه کثرت مجاورت و شدت
اتصال ایله قرومش و انسان صورتیه مهور اولمش و او زرنده
نیجه یلر مرور ایتمش که زیاده قرومش دو قند قده اندن
صوت حاصل اولور بالحقندن براتدق و بر محله دخی خلق الانسان
من صلصال کالفخار دیو ذکر اولمشدر بوندن معلوم اولدیکه
آدمک باباسی و اناسی یوقدر حوادخی بویله در زیر آدمک صول
جانبک ایکو کوکوندن برادلمشدر حق سبحانه و تعالی حضرت
آدمی خلق ایتک مراد ایتدکده بدن بر قبضه طبراق الدی
طاغردن و دوزلردن و اتی قدر تبیله بالحق بو غردی انک ایچون
اولادی کونا کون ظهور ایدر کی سیاه و کی بیاض و کی خشن

وکی

وکی لطیف وکی خبیث وکی طیب تنکم بعض حدیث
شریفلر ده مذکور در و منقبه سی چوقدر و صورت انسانده
اولدقدن صکره مکة مکرمه ایله طائف ارا سنده قرق ییل یاندی
جانسر بعض روا یتده بویله در و بعض توار یخده امام السدی
آدم علیه السلام دنیاده خلق اولندی دیدی و منذر بن سعید
و علمادن بر جماعت دنیا باعجه لر ندن بر باعجه ده خلق اولندی دیدی
بهجة النفوس صاحبی جمهور علما دن نقل ایدوب جنت
عدنده خلق اولنوب صکره ایندی دیدی جمعه کوننده ایدی
الشمس ارشون بوی و ارایدی قرق سنه دن صکره حق تعالی
اکا جان و یردی جمیع اسمایی اکا تعلیم ایدوب یا امر الله تعالی
ملائکة به خبر و یردی صکره الله تعالی ملائکة به سجده ایدیکر
آدمه دیمشدر تنکم قرآنده ذکر اولنور و اذ قلنا للملائکة
اسجدوا لادم فسجدوا الا ابلیس یعنی یا محمد صلی الله علیه
وسلم ذکر ایت شول و فنی که بزیدیک ملائکة به آدم ایچون سجده
ایدیکر فی الحال سجده ایتدیلر الا ابلیس سجده دن ابا و امتناع
ایلدی و بر محله فسجد للملائکة کلهم اجعون الا ابلیس
ذکر اولمشدر مالی بر در و بعض علما سجده ایله امر اولنان
سماده کی ملائکة لر در دیدی و بعض علما یر یوزنده کی ملائکة
در دیدی و بعضی لر ابلیس ایله جس محاربه سنده اولان ملائکة در
دیدی سجده ده اختلاف ایتدیلر بعضی لر سجده دن مراد نمازده کی
کبی یوزی بره قودیلر لکن بو صورتده سجده حق تعالی به در
آدم علیه السلام شانه تعظیم ایچون آدم قبله اولدی
و بعضی لر سجده لغتده تواضع دیمکدر مراد تواضع ایتکدر

چونکه آدم علیه السلام علی وفضل ومرتبه علیا سی ظاهر
اولجه حق تعالی امر ایدوب آدمه تحیه و تعظیم ایچون تواضع
ایدیکزدیو امر ایلدی والله تعالی اعلم * تمه * چونکه ابلیس
حق تعالی نیک سجده ایله امر ایدیکدی بیدکده بو امری مناسب
کورمدی ویدیکدی بنی سن آتشدن خلق ایتدک و آدمی
طیندن خلق ایتدک امدی آتش علوی و خفیدر طین ایسه
سغلی و تقیدر پس بن علویدن خلق اولندم اول سفلیدن خلق
اولندی بن اندن خیرلیم و افضلم دیدی زعم ایتدیکه حکمت بویه
اقتضا ایتمز بلکه اول نیک تواضع ایتمک امر ایتسک مناسب
و حکمت موافق اولوردی زعمیله الله تعالی نیک بوموال اوزره
امر نی مناسب کورمدی پس آنک ایچون حق تعالی سؤال
ایدوب یا ابلیس مامعک ان تسجد اذ امر تک یعنی یا ابلیس سکا
سجده ایت دیو امر ایتدیکده سجده ایتمکدن سنی نه شی منع
ایتدی بیوردقده ابلیس جواب و یروب دیدیکه انا خیرمه خلقتنی
من نار و خلقتنه من طین یعنی بن اندن خیرلیم زیرانی آتشدن
خلق ایتدک و آتی طیندن خلق ایتدک دیدکده پس ابلیس
بو اعتقاد فاسد و زعم کاسد ایله سجده بی ترک ایدوب حضرت
الهیة ده بو طرز جواب باطل اظهارینه جسارت و ابراز حجت فاسده
جرات ایتدیکه خوش اولیوب بی ادب و سوء حرکت و مخالفت
امر الهی ایتدیکچون جانب حق تعالی دن لعنته مظهر اولوب
قال فاخرج منها فانک رجیم وان علیک لعنتی الیوم الدین خطایله
مخاطب اولوب کورکدر و جتشدن و ملکر زمره سندن
اخراج اولندی چونکه بومثلو لعنتدن خلاص و نجات بوله جغندن

ما یوس اولدی و تمی و دعا ایدوب رب فانظرنی الیوم یعنون
یعنی یا رب یوم بعثه ک بکامهلت و یریدی حق تعالی مهلت آنک
حقنده مقدر اولدیفنی خبر و یروب قال فانک من المنظرین الیوم
الوقت المعلوم دیدی تحقیق سن وقت معلومه دک مهلت
و یریلردنسک دیدی وقت معلوم حقنده اختلاف اولندی
بعضیلر یوم قیامتدر دیدی و بعضیلر قنجه اولادر دیدیلر
و بعضیلر دابة الارض خروج ایتدیکه و قندر دیدیلر ابلیس
بومهلت خبرنی اشدکده آدمه و اولادینه اظهار عداوت
ایدوب عین ایلوب و لاضلنهم و لامننهم و لامر نهم الایة
دیدی یعنی والله بنی آدمی اضلال ایده رم صراط مستقیمدن
چقدر و طریق جهنمه ایلیرم و انلره درلودر و امانیه و وسوسه لر
ایده رم و انلره معصیتلر ایله امر ایده رم محرمات و منهیاتی انلره
مزین کوستروب سیئاتی لذتلی و کوزل کوستیرم دیدی
بعده و لاتجد اکثرهم شا کرین یعنی بنی آدمک چوغنی شا کرین
بولمازسک دیدکده حق تعالی ان عبادی ابس لك علیهم سلطان
الامن اتبعک من الغاوین دیو یوردی یعنی یا ابلیس تحقیق بنم
قوللرم سنک ایچون آنلرک اوزرلرینه تسلط و قوت غلبه یوقدر مکر
ازغینلرندن سکا اتباع ایده لر انلره مسلط اولورسک و اضلال
ایدرسک دیمکدر بر محله فبعتک لاغوینهم اجمعین الاعدادک
منهم المخلصین ابلیس دیدیکه سنک عزتک حقیچون بنی آدمک جمله سنی
اغوا و اضلال ایده رم الاسنک بنی آدم اراستده مخلص قوللریکی
اضلال ایده مم دیدی بو مخلصلر انبیاء علیهم السلام و انلره اتباع ایدن
اهل ایمان و اهل طاعت اولنلر در زیر انبیاء معصوملر در و اتباعی

موفق گردد بونلرده شیطان ایچون نصیب یوقدر الله تعالی ابلیسه
چوق اولاد ویردی بی آدمک اوزرینه مسلط اولدیلر انسانک
ایچینه کیروب قان طمرده آقرکی ایچروسنده کزیر قلبک
صول قولاغندن وسوسه ایدر لر و قلبک صاغ قولاغنده بر ملک
مؤکل اولوب خیرلی نسنه لر الهام ایدر کشی ذکر الله ایتدکده
شیطان خار ایتزسه قلبی برلقمه کی اغزنه آکوب غایت وسوسه
ایدر لر کوجله برکسه بی کافر و عاصی ایده مزلر نصیحت
قصه دن مطلوب انجق حصه در وعقلایه اولامعلوم اولسونکه
آدم علیه السلام تواضع ایتدی حق تعالی سؤال ایدوب یا آدم
سنی کیم خلق ایتدی دیدی یارب سن خلق ایتدک دیدی
و حق تعالیدن رحمت و مغفرت طلب ایتدی ربنا ظلمنا انفسنا
وان لم تغفرک ورحمتک لکن من الله سرس دیدی حوالله بیه
و حق تعالینک قتلای آدم من ربه طاعت قناب علیه کلامک
سرینه مظهر اولوب ثم اجنبیه ربه سعادتیه محل اولدی
پس عاقل دخی کندی تفصیراتی اعتراف ایدوب دائم تضرع
و نیاز ده اوله که سر اجنبیه نائل اوله و ابلیس استکبار ایدوب
حضرت آدمک ظاهرینه نظر ایدوب کندندن ادنی
عدایتدی الناس صنادیق مقفله مفاصلها التجاریب فحوا سنجه
بیلدیکه حضرت آدمک قلبی معارف الهیه خزینه سیدر
و حق تعالی قلبه نظر ایدر و آنک عقلی علوی کلیه و جزئیة مخزنیدر
عاقل بوحانه نظر ایدر کندندن صفت کبری ازاله ایدوب
تواضع کسب ایلیه زیرا کبر شیطان صفتیدر تواضع اید و اصقبا
و اتقیا صفتیدر و بر نسنه نک ظاهرینه نظر ایتیه زیر اظاهره

نظر ایتک حماقت علامتیدر و شیطان نظر ایدر و مخاطر دن خالی
دکدر زیرا چوق کسه لر واردر که ظاهر حالی کوزل کور بنور
باطنی شیطان کییدر و چوق کسه لر واردر که ظاهری ادانیدر
اما باطنی ملک کییدر انسان قبایل و صندیفه بکزر تجربه صادق
آنک مفتاحیدر حقیقت حاله نظر ایتک عقلا حالیدر و کمال عقل
علامتیدر و دخی عاقل شیطان کندویه دشمن یلوب
من کل الوجوه مخالفت ایلده بوکا جهاد اکبر دیر لر حق تعالی بیورر
ان الشیطان لکم عدو فاتخذوه عدوا یعنی تحقیق شیطان سزک
ایچون دشمندر آتی دشمن طوتو کز هر کسک حاله کوره وسوسه
ایدر صالح کسه لره صورت صلاحده نسنه لر امر ایدر اما امرادی
یا افضلی ترک ایتدر مکدر یار یا و عجب یا کبر و غیره اخلاق ذمیه بی
خوی ایتدر مکدر امدی هر حالده مخالفت ایتک لازمدر تنکم
قصیده برده ده ذکر اولنور بیت * و خالف النفس و الشیطان
واعصهما * و انهما محضانک النصیح فاتهم * یعنی نفس اماره یه
و شیطانه مخالفت ایت انلره عصیان ایت نقدر سکا نصیحت
ایدر لرسه ده سن انلری متهم ایت زیرا دشمنان نصیحت طوتمق
غایت حماقتدر و الحاصل نفس و شیطان بیوک دشمناندر بصیرت
اوزره اولوب آنلره مخالفت لازم و شر لرندن احتراز کر کدر
نعوذ بالله تعالی من شرور انفسنا و شر الشیطان و الله اعلم و احکم
قرآن عظیمده ذکر اولناتک بریسی دخی نوح علیه السلامدر
بعض توارینجده ذکر اولندیکه اسمی شا کرایدی چوق بکا
و نوحه ایتدی کیچون نوح تسمید او اندی طوفاند نصکره سائر
خلقک ذریقی قالمدی انجق نوح علیه السلامک اوج او غلی

قالدي بریسی سام عرب و فارس بونك نسلنددر و بریسی حام
حبش و سسند و هند بونك نسلنددر و بریسی یافت با جوج
و ما جوج و سقلاب و ترك بونك نسلنددر حق تعالیك وجعلنا
ذریته هم الباقین كلامی بونك اجل ایتدیلر و بونك ایچون
نوح علیه السلامه آدم ثانی تسمیه اولندی بریسی دخی هود
پیغمبردر و ادریس و صالح و ابراهیم شیخ الانبیاء و لوط و اسمعیل
و اسحق و یعقوب و یوسف و موسی و هارون عمران اوغللری
و شعیب خطیب الانبیاء و زکریا و یحیی و عیسی بن مریم
و داود و سلیمان علیهم السلام تفسیر ابی السعود ده ذکر
اولندیکه شول حکایتله بلقا غزاشدن اور یا نامنده کسه نك
برجه سله خانونی و ارایدی حضرت داود کوردی و میل ایتدی
اور یایی ایکی یا اوج دفعه محاربه یه کوندردی آخر الامر شهید اولدی
حضرت داود نو عا فرح جنوب خانوتی نکاح ایلدی دیوسو یلتور افك
و افترا درو بدعت مکر و هه در و مکر مخترع در طبیعتلر بو حکایتدن
نفرت ایدر و قوت سامعه رد ایدر خسران بونی احداث ایده نه
وهلاك بونی شایع قیلانه حتی حضرت علی رضی الله عنه
یور شلرکه هر کیمکه شو حکایتی نقل اینسه اکایوز التمش دکنك
اورردم پیغمبرلره بهتان ایده نك حد تعزیری بودر دیدی و غیري
تفسیرلرده دخی مذکوردر و سلیمان و الباس و البسع
و ذوالکفل و ایوب قورد حکایتی کذبدر ایچق بر قاج زمان خسته
اولدی رب انی مسنی الضر و انت ارحم الراحمین دیو دعا ایتدی
ضرردن مراد حی کبی ثقیل خسته لکدر دیمشله و یونس
و محمد خاتم النبیین علیه و علیهم السلام بونلر بالاتفاق پیغمبرلر در

اما ذوالقرنین اسمی اسکندر در حضرت ابراهیم علیه السلام
و قشده در و عزیر و لقمان بو اوچنده اختلاف واردر بعضیلر
انبیادندر دیدیلر بونك جمله سی یگری سکزدر قرآن عظیمده
مذکوردر بيلمه سی و اعتقاد ایتمه سی لازمدر * و دخی تبع
نبوتده اختلاف اولندی و خضرده دخی اختلاف واردر
بعضیلر پیغمبردر دیمش و بعضیلر رسولدر دیمش و بعضیلر اولدر
دیمش و الله اعلم عظماء علمادن نیجه لری شویله دیمشله که انبیادن
دوردی حیاته در بری خضر و بری الباس یرده در و بری
ادریس و بری عیسی کوکده در دیمشله و جمله انبیاءك آخری
محمد مصطفی صلی الله علیه و سلمه کالجه چوق پیغمبرلر کلددر
عددینی الله تعالی بیلور برروايشد = یوز یگری دورت یسك
و بررواينده ایکیوز یگری دورت یسك لکن عدد تعیین اولمق لازمدر
و بو پیغمبرلر هر بریسی بر طائفیه کونددر لمشدر و بزم
پیغمبرلر آخر زمان پیغمبری محمد مصطفی صلی الله علیه و سلمدر
نکتم حق تعالی پیورر ما کان محمد اباحد من رجالکم و لکن
رسول الله و خاتم النبیین و حدیث شریفلرده و ختم النبیین یعنی
پیغمبرلر بخله ختم اولوب نبوت تمام اولدی و اجاع جمیع امت
بونك اوزریته منعقد اولمشدر انسانه و جنه پیغمبردر و بلکه
جمله کائناته رسولدر حق تعالی پیورر و ما ارسلناك
الارحمة للعالمین یعنی یا محمد صلی الله علیه و سلم بزنی کوندردمك
الاجله عالملره رحمت کوندردك و بر مجلده و اذا خدا الله میثاق
النبیین لما آتینکم من کتاب و حکمة ثم جاءکم رسول مصدق لما معکم
لتؤمنن به و لننصرنه قال ءاقررتم و اخذتم علی ذلکم اصری قالوا

اقرارنا قال فاشهدوا وانا معكم من الشاهدين بآيت كريمه دن
مفهوم بودر که رسول آخر الزمان سائر انبياء دخی رسولدر
دیدیلر حتی ليله معراجده ارواح مرسلینه امام اولدیغی وامتیرینه
آخر الزمان پیغمبرینی خبر ویردکاری آنلره رسول اولمقده دلیل
کافیدر دیدیلر جمله انبیاء علیهم السلام وصف نبوته مساویلدر
ولکن بعض فضائلده بری برلندن افضلدر مثلاً حضرت
ابراهیم خلیلیت مرتبه سنه واردی و حضرت موسی کلیمیت
مرتبه سنه واردی و سائر فضیلتلری بوسیله قیاس ایله رسول
اکرم صلی الله علیه وسلم جمله دن افضلدر و فضائلی بی حسابدر
نتکم قصیده برده ده ذکر اولنور * فان فضل رسول الله
لبس له * حدیث عرب عنه ناطق بقم * یعنی تحقیق حضرت
رسول کائنات صلی الله علیه وسلم حضرت تالریک فضلی ایچون
حدیث قدر که حتی ناطق اولان اوحدیتی خبر ویره * فبلغ العلم
فیه انه بشر * وانه خیر خلق الله کلهم * حضرت سید کائنات
صلی الله علیه وسلم حقده مبلغ العلم بویه در که اول انساندر
و خیر خلق الله در جیعا بوندن زیاده بیلنم زبیرا حقیقتلری
و فضیلتلری الله یلور دیمکدر و بر محله دخی ذکر اولنور
* فانه شمس فضل هم کواکبها * یظهرن انوارها للناس
فی الظلم * یعنی حضرت حبیب صلی الله علیه وسلم آسمان
فضائلک کونشیدر و سائر مرسلر کواکبلریدر که طلوع شمس
اولمقدن مقدم ناسه نور اظهار ایتدیلر ایدی و ظلمات کفری
کندی امتلرندن ازاله ایتدیلر ایدی بوندن معلومدر که جمله
کواکبی کونشه قیاس ونسبت اینسک برابر و بلکه نصفی

اولماز فکذلک رسول اعظم و حبیب معظم صلی الله علیه وسلم
حضرت تالریک جاه عظیم منزلتیلری بر مرتبه در که سائر انبیاء
و مرسلین حضرت تالریک مراتب و مقاملری اکانسبت کونش
نورینه نسبتله کواکب انواری کیدر قصیده همزیه ده
ذکر اولنور * کف ترقی فی رقبک الانبیاء باسماء * ما طاولتها
سماء * یعنی ای رسول انس و جان سنک بالغ و واصل اولدیغک
جاه عالی منزلته سائر انبیاء نیجه مرتقی و نائل اولور زیرا ای فلک
جناب سن برفلک الافلاک سنکه سکا بر آسمان دخی یقشمز و قصیده
برده ده ذکر اولنور * محمد سید الکونین و الثقلین * و الفریقین
من عرب و من عجم * و حدیث شریفده انا اکرم الاولین و الاخرین
عند الله و لا تخروا در اولمدر یعنی بن اولین و آخرینک اکرمی
مرادم افتخار دکلدر و اتعی بیساندر و حق تعالیدر و عقائد
حقه بی تبلیغدر دیمکدر زیرا بویلمجه اعتقاد لازمدر و دخی
بومثلوا حدیث شریفه چوقدر و اجاع بوتک اوزرینه منعقد
اولمدر زیاده کشف براهین عقاید و حجج قاطعه نقلیه ایله ثابت
اولدیکه رسول الثقلین صلی الله علیه وسلمک عند الله درجات
عظیمه سی و مراتب علیه سی و مقامات رفیعیه سی وار در خصوصا
وسیله درجه سی که آنک فوقنده بر درجه دخی بوقدر و دخی
شریعنی قیامتده ک باقیدر و سائر شریعتلردن انفع و ابسر
و احسندر و احسن کلام و ابلغ نظام اولان قرآن عظیم
الشان اکانازل اولمدر و اعظم المعجزاتدر فکیف فی زماننا تاریخ
بیک یوزالتش درت سنهیه بالغ کویا هنوز نازل اولمش کی جمله
لطافتی و حلاوتی موجوده در هر کره استماع اولمقدن درلو

حلاوت ظهور ایدر وهر دفعه ملاحظه و مطالعه اولند قد
کونا کون معانی لطیفه ظهور ایدر تفسیریدن علماء اعلام رحهم
الله تعالی قائدی بونجه آثار شریفه سی و خواص لطیفه سی
وارد رکه بی حسابدر * ودخی رسول اکرم صلی الله علیه وسلم
امتی سائر امتلردن خیر لیدر و جوقدر زیر قیامت و ارنجه جله
انسن و من اکامندر حق تعالی پیور رکنم خیرامه یعنی سزل
سائر امتلرک خیر لسی اولدیکن و علمای امتی سائر امتلرک علماسندن
افضلدر و جوقدر فکیف هر بر وقتده بونجه علم اولندیکه
هر بریسی حقایق و دقائق بیان ایدوب شبهه صاحبزینک
شبهه لرینی حل ایدوب حق کونش کبی اظهار ایتدیلر
و آثار جیله لر نفی صورتده دل قالوب اسملری و منقبه شریفه لر
لسانلرده ذکر اولندی و هر بریسی عصر نده انبیاء
بنی اسرائیل کبی مقام تبلیغه اولوب جیع دنیا خلقنه تعلیم
شریعت غرا و تفهیم ملت بیضا ایتدیلر خصوصاً اصحاب اجتهاد
اولان اماملرحهم الله تعالی ک قیامتده ک مذهب شریفلرینه
اقتدا اولنوب اقواللری بین الانام قنوی و حجت اولشدر شومثللو
فضائل انجق امت محمدیه به مخصوصه در امتک فضائلی جوق
اولمق پیغمبرک افضلکننددر فصل * معلوم اولسونکه خوارق
عادات التیدر معجزه * ارهاص * کرامت * معونت *
استدراج * اهانت * پیغمبرک بدند نبوت وقتده دعوی
نبوت ایله ظاهر اولورسه اکامعجزه دیرلر سائر خلق انک کبی
ایتمکدن عاجز اولدیغیچون و انبیای دعوی نبوته تصدیق
ایچون حق تعالی انلره معجزه خلق ایدر اگر قبل النبوة دعوی

نبوتدن اول ظاهر اولورسه اکا ارهاص دیرلر اول ذاتک پیغمبر
اولسنه علامت معناسنه در معجزه ایله ارهاص انبیایه مخصوصدر
اولیادن ظاهر اولسه کرامت دیرلر عوام اهل اسلامک صالحلردن
ظاهر اولسه معونت دیرلر فسقه و فجره دن ظاهر اولوب مرادنه
موافق ایسه استدراج دیرلر واکر مخالف ایسه اهانت دیرلر
نتکم مسئله الکذایدن نقل اولنورکه برکوزی شاشی کسنده دعا
ایتدی کوزی صحیح اولسون صحیح کوزی دخی شاشی اولدی اهانت
ایچون و معلوم اوله که معجزه نک یدی شرطی وار در اولکبسی
حق تعالی نک فعلی یا خود فعل مقامنه قائم نسنه اوله ایکنی
عاده مخالف اوله اوچنکی اکامعارضه ایتک محال اوله مثلاً شق قر
بردخی کبلره مبسر اولور دور دینی معارضه طلبنه مقارن اوله
تصریح دعوی شرط دکدر بلکه قرائن احوال کافیدر
بشکی دعویاه موافق اوله مثلاً پیغمبرک دعواسی ایدندن معجزه
طلب اولسنه اول دخی شو حیوان بنم نبوتی تصدیق ایدر دیسه
حیوان نطق ایدوب شومدعی کاذبدر دیسه دعوا ده صدق
معلوم اولماز بلکه کذب احتمالی قوت بولور اما اول مدعی نبوت
شومینی احبایتمک بنم معجزه مدر دیسه و میت صاغ اولوب شوکسه
کا دیدر دیسه ضرر ویرمزیرا آنک صاغ اولسنی معجزه در
صاغ اولدقدن صکره فاعل مختار در دیلرسه تکذیب ایدر و دیلرسه
تصدیق ایدر التبی دعوی نبوت بدینی معجزه دعوی تکذیب
ایتمه و کرامت دعوی نبوته مقارن اولمق حسبیه معجزه دن فرق
اولنور تعریف الخوارق المعجزه امر خارق للعادة مقرون بدعوی
النبوة بخلقه الله تعالی لرسوله والارهاص امر خارق للعادة مقدم

على النبوة يخلقه الله تعالى علامة لنبوة من سيكون نبيا والكرامة
امر خارق للعادة غير مقرون بدعوى النبوة ولا يتقدم عليه يخلقه
الله تعالى على يد المؤمن المتق العارف بالله تعالى وصفاته اكرامه
واشعار الرتبة العالية والمعونة امر خارق للعادة غير مقرون بدعوى
النبوة يخلقه الله تعالى على يد بعض صالح المؤمنين تخلصه
عن المحن والمكاره والاستدراج امر خارق للعادة يخلقه الله تعالى
على يد العصاة او الكافر زيادة واستدراجا جاني غبه وضلاله
والاهانة امر خارق للعادة يخلقه الله تعالى على يد العصاة
او الكافر على خلاف مراده تكذيبه واهانة حق سبحانه وتعالى
بغيره معجزه لو يرشد رنا كه دعوى نبوته امتلار اسنده
صدق لري ظاهر اولوب امتلار آنلك نبوت لري اعتقاد ايدوب اتباع
ايد ل وهر بر بغيرك معجزه سي امتلار ينك عندنده مرغوب
ومستحسن اولان نسنه له مشاهد ر مثلا حضرت عيسى وقتنده
طب ايله امر اضي دفع وصحت تحصيل ايتسك مرغوب ايدى
حق تعالى عيسى عليه السلامه شويله نسنه خلق ايتدى كه
نفسه خسته لر شفا بولوردي وميتلري احيا ايدردى وحضرت
موسى عليه السلام وقتنده سحر مرغوب اولوب آنك ايله امور
عجيبه وآثار غريبه اظهار ايدرد لرايدى حق تعالى موسى عليه
السلامه عصا و يروب اذدر اولوب اعجب العجايب اولوردي
وحضرت سليمان وقتنده ملك وسلطنت وزباده سكردر
آنله بلك مرغوب ايدى حق تعالى سليمان عليه السلامه بتون
دنيا ملكنى و يروب سلطنت كبرى ويردى وجله وحوش طيور
وانس وجنى اكا مسخر ايدوب روز كاري اكبند ايتدى وحضرت

سيد المرسلين صلوات الله وسلامه عليه وعليهم اجمعين
حضرت تارينك وقت سعادتلر ننده جله بلغا و فصحا عندنده مرغوب
فصاحت و بلاغت ايله كلام نظم ونثر ايدوب بين البلغا مشار اليه
اولمق ايدى حق تعالى رسول اكرمه كندى كلامنى ويرديكه جله
عالم خلق انس وجن وملائكة جمع اولسه نظيرين كتوره منزل
وقادر دكلردر * ومعلوم اولسونكه حضرت رسول كائنات
صلى الله عليه وسلمك معجزاتي چوقدر فكيف الله تعالى مواد
كائناتي مسخر ايتدى واولدخى حاجت اولدجه حاجت قدر
اظهار ايتدى ان شاء الله تعالى بر مقدارى ذكر اولنور قصيده
برده ده ذكر اولنور * وكل آي اتى الرسل الكرام بها * فانما اتصلت
من نوره بهم * يعنى رسل كرام عليهم السلامك هكتورب
اظهار ايتسد كلرى آيات معجزات انجق انسلره نور محمد بن نور
متصل اولدى ايدى اول سيدن آيات معجزات اظهار ايتديلد بكمدر
فصل * رسول الله صلى الله عليه وسلمك خصايص شريفه
سندندر كه حق تعالى رسول اكرمك ثنا وفضائلنى اسماء نبويه
مندرج ومضمون ايتدى وسائر انبيا ومرسلين عليهم السلامى
كندى اسملريه ندا ايدرد مثلا يا آدم يا نوح يا صالح يا ابراهيم يا موسى
يا عيسى وغير بلر كى اما رسول كائنات صلى الله عليه وسلمى
اوصاف جليله سيله ذكر وندا ايدرد تكريما وتفضيلا يا ايها النبي
يا ايها الرسول كى بعض محققين رسول الله صلى الله عليه وسلمك
بيك اسم شريفى وارد رديدلرو بعضيلرايكي بيسك بكرمى اسم
شريفى وارد رديدلرو بالمله هراهل تحقيق ادر اكي قدر استخراج
ايتدى جميع اسماء شريفه نك اشهرى محمد در جدى شيخ مكه

مکره عبدالمطلب رضی الله عنه تسمیه ایتشدر بعضی سؤال
ایدوب یچون محمد تسمیه ایتدک اجداد کده بواسم یوقدر دید کده
جواب باصواب ایدوب دیدیکه رجا بودر که اهل سما و اهل ارض
اکا جد و ثنا ایله دیدی زیرا محمد معناسی کند و به چوق جد
و ثنا و لشمس دیمکدر بعضی علما شویله بیان ایتشدر که عبدالمطلب
حضرتلری رؤیاده کندی ارقه سندن کومشدن برزنجیر ظهور
ایتدی برطرفی سمایه بالغ و برطرفی بره متصل و برطرفی مشرقه
منتهی و برطرفی مغربه واصل بعده برشجر عظیم اولدی سدره
المنتهی کی هر بر پیراغی اوزرنده بر نور عظیم لمعان ایدر جمع اهل
مشرق و مغرب اول شجره به تشبیه ایدر لر صکره بور و یایی تعبیر
ایدوب دیدیلر که سنک نسلکدن بر ذات شریف ظهور ایتسه
کر کدر که جمع مشرق و مغرب آنک ملتته تشبیه ایدر لر و جمع
اهل سما و ارض اکا جد و ثنا ایدر لر دیدیلر والده سی امینه
حضرتلرینه ندا کلوب سنک اوغلاک سید کا ثنا در وضع حل
ایتدکد نصکره محمد تسمیه ایت دیدیلر و برد فعه دخی رؤیاده
امر اولنوب احد تسمیه ایت دیدیلر احد اسمنده بر احد یوق ایدی
اما محمد اسمنده ولادت وقتنه قریب اون بش قدر کسه محمد
تسمیه اولندی نبوت مأمولی ایچون زیر ابلورلر ایدی آخر زمان
پیغمبرینک اسم شریفی محمد اولدیغنی الله اعلم حيث يجعل رسالته
حق تبارک و تعالی آدم علیه السلامی خلق ایتزدن اول بلکه جمله
خلق خلق ایتزدن ایکی ییک اول رسولنه محمد تسمیه ایلدی
بر حدیث شریفده ان اول ما خلق الله نوری و بر روایتده دخی
وارد اولمشدر ابوسله و ابوهریره رضی الله عنهما دن روایت

اولنور بعض اصحاب رضوان الله تعالى عليهم اجمعین سؤال
ایدوب دیدیلر که یا رسول الله منی وجبت لك النبوة یعنی یا رسول الله
صلی الله علیه وسلم سکا نبوت نه زمان ثابته اولدی قال جوابنده
یوردی کنت نبیا و آدم بین الروح والجسد یعنی بن پیغمبر اولدم
دخی آدم روح ایله جسد پیئنده ایدی یعنی روح جسدینه کیرممش
ایدی زیرا رسول الله صلی الله علیه وسلم اول مخلوقاتدر بو حدیث
شریفدن معلوم اولدیکه رسول الله صلی الله علیه وسلم عالم دنیایه
نبوتله ییله کلمشدر قرق یاشنده بعثت اولمشدر و خلقی حقه دعوت
ایله مأمور اولمشدر و بر حدیث شریفده بویله در که ان الله اصطفی
من ولد آدم اسمعیل حق تعالی ولد آدم دن حضرت اسمعیلی
اصطفا و اختیار ایتدی و اصطافی من ولد اسمعیل بنی کانه
ولد اسمعیل دن بنی کانه بنی اصطفا ایتدی و اصطافی من بنی کانه
قریشا بنی کانه دن قریشی اختیار و اصطفا ایتدی و اصطافی
من قریش بنی هاشم قریشدن بنی هاشمی اختیار ایتدی
و اصطفانی من بنی هاشم بنی بنی هاشمدن اختیار و اصطفا
ایتدی رسول اکرم صلی الله علیه وسلم بر اسم شریفی دخی
مصطفی اولدیغنی ثابتدر و معناسی بو حدیث شریفدن منقهم
اولور و بر حدیث شریفده انا دعوة ابراهیم و بشارة عبسی وارد
اولمشدر یعنی بن ابراهیم علیه السلامک دعا ایتدیکی و عبسی
علیه السلامک مرده ایتدیکی پیغمبرم دیمکدر حضرت ابراهیم
علیه السلام دعا ایدوب ربنا و ابعت فیهم رسولا الیه رسول الله
صلی الله علیه وسلم قومه خبر و برمشدر و حضرت عبسی علیه
السلام قومه مرده ایتشدر تکم قرآن کریمده ذکر اولنور و اذ قال

عيسى ابن مريم يا بني اسرائيل اني رسول الله اليكم مصداقا لما بين
يدي من التوريه ومبشرا برسول يأتي من بعدي اسمه احمد
بر حديث شريفه شويله در كه قرآنده اسم محمد در انجيلده احمد در
توراتده احمد در همزه نك فتحی حاك سكونی ياك فتحيله نار جهنمی
امتدن صرف ومنع ايتديكچون توراتده احمد تسميه اولندي
شويله روايت اولتور كه حضرت داود دعا ايدوب دير ابدی
اللهم ابعث لنا يعني ناس ايجون ديمشلمقيم السنة يعني حضرت
محمد صلى الله عليه وسلم بعد الفتره وتوراتده ذكر اولمشدر كه
ولن يقبضه الله تعالى حتى يقيم به الملة العوجاء بان يقولوا
لا اله الا الله حبير بن مطعم رضی الله عنه ديديكه رسول الله
صلى الله تعالى عليه وسلم يوردي بنم بش اسم وارد ر بن محمد
واحد م وماحي يم بنم ايله حق تعالى كفری محو ايد ر بن حاشرم
ناس بنم قد ملرم اوزرينه حشر اولتور بن عاقم كه بند نصكره
پيغمبر كلز ناس آنك ملتی اوزرينه حشر اولتور معنا سنه در قدم
اوزرينه حشر اولتور ديمك يا خود خلق بنم او كومه حشر
اولتور ديمكدر وغيری معناری وارد بر اسم شريفی دخی داعيد
خلق الله تعالى نيك رضا سنه دعوت ايدیچی معنا سنه وداعيا الى الله
باذنه ادع الى سبيل ربك قل هذه سبيلي ادعوا الى الله وغيری
آيتلردن مفهومدر علی بن ابی طالب رضی الله تعالى عنه شويله
تحقيق وبيان ايتديكه حق سبحانه وتعالى جميع خلايقي دحو
ارض ورفع سعادن اول تقدير ايدوب و بريهي ذره ومبدع اتی
ابداع ايتدی وخلقك ماهياتی صورت نصب ايتدی ملكوتنده
منفرد وجبروتنده متوحد ايكن كندی نورندن بر نور اظهار ايتدی

آنك ضيا سندن بر قبس لمعان ايدوب ساطع اولدی بعده اول نور صور
خفيه مذكوره نك وسطنده مجتمع اولوب حضرت محمد صلى الله
عليه وسلم صورت شريفه سنه موافق اولدی بعده حق تعالى
يوردي سن مختار سلك و منتخب سلك و بنم نورم سنك عند كده
مستودع در و كنوز هدايتم سنده در سنك اجلك ايجون بطحا ي
مسطوح ايدو رم وصوي سنك ايجون تخریج ايدو رم و سماي سنك
ايجون رفع ايدو رم ثوابی وعقابی جنتی وناری سنك ايجون
قيلا رم ديدی بعده خليفه مذكوره بي عالم غيبده اخفا ايدوب
مكنون علمنده تغيب ايتدی صكره عوالمی نصب وزماني بسط
وماني مزج ايدوب عرشي صواو زرینه وضع وارضي وجه ماء
اوزرينه سطح ايتدی بعده حق تعالى ابداع ايتديكي انوار دن
ملائكه بي ايجاد ايتدی كندی توحيدنی محمد صلى الله تعالى
عليه وسلم نبوته مقارن قلدی يعني لا اله الا الله كله سنه
محمد رسول الله كله سني مقارن ايدوب بعثدن اول كوكلرده
نبوت محمد صلى الله عليه وسلم مشهور اولدی وقتا كه حق تعالى
آدمی خلق ايدوب آنك فضلی ملائكه يه ظاهر اولدی وملائكه يه
حق تعالى اراءت ايتدی آدمه خاص اولان سابقه علمد نكه اسماء
اشياي استنبا وقتنده ملائكه يه تعريف ايلدی وحق تعالى آدمی
محراب وكعبه وباب وقبله قلوب اكابراری وروحانيتي وانواری
اسجاد ايتدی بعده حق تعالى آدمه وديعه اولان نور اعظمی
تنبيه ايدوب آدمه متين عليه اولان نورك عظمتنی كشف ايتدی
ملائكه عندنده آدم امام تسميه اولند قد نصكره وحق سبحانه
وتعالى اول نور معظمی اخفا ايدردی اصلا ب طاهر يندن ازحام

طاهراته انتقال ایدوب تا که حضرت محمد صلی الله تعالی علیه
وسلم عالم دنیایه ظاهر اولدی پس جله خلق ظاهرا و باطنا
دعوت ایتدی و سراو علنا داعی اولدی اول نور متقد مدن
کسه ره که برقبسه موافق اولد یسه اول هدایت بولدی و هر
کسه که غفلته ملتبس اولد یسه سخت و غضبه مستحق اولدی
دیمک معنا سنی افاده ایتدی شیخ ابو محمد عبد الحلیل بیور دیکه
بو تحقیق مدن معلومد که رسول الله صلی الله علیه وسلم جمیع
مخلوقات دن مقد مدر خلق روح و بدأ انوار عندنده دعوت خلق
الی الحق ایتمشد ر جسد شریفی ایله وقت سعا دتنده دعوت
ایتدی کی **کبی** پس حق تعالی نیک و اذا خدا لله میثاق النبیین
الایة نظم شریفی عالم ارواحه محمولد ر جمیع خلق اکا ایمان
کتور مشدروا بالارواحدر حضرت آدم ابوالاجساد اولدی
کبی ملاحظه ایت حق تعالی بیورر تبارک الذی زل الفرقان
علی عبده لیكون للعالمین نذیرا عالمین جمیع خلایق دیمکدر و جله
عوالمی انذار ایتدی و کلبسی اکا ایمان کتور دی اولنده و آخرنده
اول نور مکرم اصلا ب طاهریندن ارحام طاهراته انتقال ایده رک
آخر زمانده عالم دنیایه کلوب ختم نبوت ایتدی و شیخ تقی الدین
السبکی شویله دیدیکه بوندن ظاهر اولدی ایکی حدیث شریفک
معناسی بری بعثت الی الناس كافة بولک معناسی بو تحقیقه بناء جمیع
نوع انسانه بعث اولندم دیمکدر اولوا و آخرایکنی کنت نبیا و آدم
بین الروح والجسد و بولک معناسی بو تقدیر حه بن پیغمبر اولدم
خلقه آدم ترتیب اولمزدن نیجه زمان اول دیمک اولور شیخ فرغانی
شویله ذکر ایلدیکه فی الحقیقه اولدن آخره وار نیجه داعی الی الله

انجیق شو حقیقت احدیه در که اصل جمیع انبیا در و انبیا آنک
اجزاسی و تفاصیلی کیدر انبیا و رسلاک دعوتی من حیث الجزئیة در
و حق تعالی نیک و ما ارسلناک الا کافة للناس کلام شریفنده بولک
اشارت وارد ر بالا صاله داعی اولد رکیف انبیا و رسل و جمیع امم
متقد مین و متأخرین کافه ناسده داخلدر بالا صاله داعی اولدر
و جمیع انبیا و رسل آنک خلیفدر ید ر دینی بوندن ملاحظه ایت
شونک معناسی * و کل آی اتی الرسل الکرام بها * فانما اتصلت
من نوره بهم * فانه شمس فضل هم کواکبها * یظهرن انوارها
للناس فی الظلم * برام شریفی نوردر و شاهد و بشیر و نذیر و سراج
و مشیردر و بواسطه شریفه قرآن کریمده مذکورده در حق تعالی
بیورر بالیهما النبی انارسلناک شاهدا تحقیق بر سنی امتک تصدیقنه
و تکذیبنه و نجاتنه و ضلالتنه شاهد کوند ردک و مبشرا تصدیق
و اقرار ایدنلره جنتله تبشیر ایدیمی و نذیر تکذیب ایدنلره عذاب
جهنم ایله انذار ایدیمی کوندردک و داعیا الی الله باذنه خلقی توحید
و ایمان و رضاء الله دعوت ایدیمی کوندردک باذن الله تعالی
و سراجا منیرا سراج منیرکی کفر و جهالتی مخواید و ب نور ایله
و شریعتله جله جهانی نور ایمان و ضیاء معارف و علوم ایله
تنویر ایدیمی کوندردک و بشر المؤمنین بان لهم من الله فضلا کبیرا
و مرده ایت مؤمنلره که تحقیق انلرا یحیون من عند الله فضل کبیر
وارد ر ابوهریره رضی الله عنه دیدیکه رسول اکرم صلی الله علیه
وسلمدن احسن نسنه کوردم مبارک وجه مقدسی اوستنده
کونش جریان ایدرکی وجه شریفی اناره و اضواء ایدردی
ثابتد که رسول الله صلی الله علیه وسلم کیجه رده ازواج مطهره

رضی الله تعالی عنهن بیوت سعادتمندانه کونش کی تنویر ایدوب
 اول نورایله ثوب خیاطه ایدر لردی وثابتسد رکه بر مکانده جالس
 اولوب اثناء مکالمه ده تبسم اینسه لر مبارک فم مقدسی منفتح اولسه
 کویا کونش طلوع ایدر کی نور ظاهر اولوردی قهقهه وضحک
 صادر اولمازدی الاتبسم چوق ظاهر اولوردی ونیجه راویار
 روایت صحیحهایله روایت ایتدی لر که حضرت فخر عالم صلی الله
 تعالی علیه وسلم مبعوث اولمزدن اول مبارک رأس اکبر سعادتمندی
 اوزره بر قطعه بلوت که سجابه بیضا یا خود رقیقه یا خود مطلقا
 علی اختلاف الاقوال سایبان اولوردی ارهاص و تأسیس نبوت
 ایچون بعد البعثة روایت اولمندی الامبارک جسد مقدسک ظلی
 زمین اوزره واقع اولماز ایدی زیرا بالکلیه نور ایدی نورده کولکه
 اولماز و براسم شریفی متوکلد ر توراتده بویه مسمی اولمش
 و ذکر اولمشکه یا ایها النبی انا ارسلناک شاهد او مبشرا ونذیرا و حرزا
 للامیین انت عبیدی و رسولی سمیتک المتوکل لبس بفض ولا غلیظ
 ولا صخاب فی الاسواق ولا یجزی بالسبثة السبثة ولكن یعفو
 و یصفح ولن یقبضه الله حتی یقیم الملة العوجاء بان یقولوا لا اله
 الا الله و یفتح بها عینهم و اذا ناصحوا فلو با غفلا عبد الله بن سلام
 روایتیله امام بخاری تخریج ایلدی و الحاصل کتب سماویه تک
 جمله سنده مذکور و منعوت ایدی و جمیع انبیاء و مرسلین اکا ایمان
 ایدوب حق تعالی الوردن عهد آلمش ایدی وقتنده بولغنی مقدر
 اولسه ایدی جمله اکا اتباع و نصرت و امثال امر ایدر لرتسکم
 و اذا خذ الله میثاق النبیین آیتده مذکور در و امتلینه اکا ایمان ایله
 امر ایدر لر و براسم شریفی صاحب الحاتم در خاتم نبوت سائر پیغمبرک

صاغ جانب لرنده ایدی اما رسول النفلین صلی الله علیه وسلم
 حضرت لرنسک مبارک ارقه سنده ایکی آموز لری ارا سنده
 مکرر جین بمورطه سی قدر و ارا ایدی بومثللو خاتم و بومحلمده
 اولق رسول اکرم صلی الله علیه وسلم مختصدر و براسم
 شریفی جبار در زبورده حق تعالی جبار دیو تسمیه ایدی
 تنکم روایتده وارد اولدی فاضلت النعمة من شفیتک من اجل
 هذا بارکک الله الی الابد تقلد ایها الجبار سیفک فان ناموسک
 و شرایعک مقرونة بهیه و سهامک مستونة و جمیع الامم
 یخرون تحتک بو حطاب رسول اکرم صلی الله علیه وسلم در
 ودخی رؤف رحیم حبیب مختار و غیر یلر اسماء نبویه دندر
 و معناری معلومدر قدم صدق علماء سلفدن چوغی بونی
 اسماء شریفدن عد ایتدی لر حتی زید بن اسلم حق تعالی تک
 و بشر الذین آمنوا ان لهم قدم صدق عند ربهم کلام مترانده
 اولان قدم صدق محمد صلی الله علیه وسلم در دیدی و حضرت
 علی رضی الله عنه اولدخی بویه تفسیر ایلدی و قدم صدق
 شفیع مصدق معناسنه زیرا عادتاً شفیع امنی تقدیم ایدر
 و ابو سعید الخدری رضی الله عنه شفاعت ایله تفسیر ایدوب
 شفیع مصدق یا خود شفیع صدق معناسنه در دیدی و قتاده
 و حسن رضی الله عنهما بویله بیان ایتدی لر و بعضی لر سابقه
 رجته حضرت محمد صلی الله علیه وسلم ده و دیعه قلتمش
 معناسنه در دیدی لر و حکیم ترمذی امام الصادقین و الصدیقین
 الشفیع المطاع و السائل المجاب معناسنه در دیدی و الله اعلم
 فاتح و خاتم ابواب خیری و خزان رحمتی فتح ایدیجی و نبوتی

ختم و تکمیل ایدیحی معنای نه کلور مفتاح الجنة حدیث شریفه
 شویله در ککه باب جنت رسول اکرم صلی الله علیه و سلم
 اول برکسه به اچیز امام مسلم و امام احمد رجها الله تعالی
 تخریج ایتدیلر انیس رضی الله عنهدن رسول الله صلی الله
علیه و سلم بیوردی اتی باب الجنة جنت قیوسنه کلورم
فاستفتح استفتاح ایده رم فیقول الخازن من انت خازنک
رضوان سن کسک دیر فاقول بنده دیرم محمد محمد فیقول
خازن دیر بک امرت ان لا افتح لاحد قیلاک سکا اجمق ایله
امر اولند مکه سندن اول کسه به اجمام ولا اقوم لاحد بعدک
سندن صکره کسه به قیام اتم رسول الرحمة وما ارسلناک
الارحمة للعالمین آیت کرمه سی بوکاشاهد در و بالمؤمنین
رؤف رحیم بوکاجندیر عالم دیناده کفار و مشرکیندن
عذاب آخرته تأخیر اولندی زیرا ظهوری عالمه رحمت اولدی
جامع سائر انبیا و مرسلیندن متفرق اولان کالاتی جامع دیمکدر
ودخی امتده اولان علماء عاملین و صدیقین و سائر مراتب عالیه
اخرویه صاحبیری کالاتی جامعدر زیرا انلر رسول اکرم صلی الله
علیه و سلمک خلفاسی و نائبلریدر زیرا انقدر عالم و صدیق و سائر
اهل کالات و ارایسه جمله نور محمدی و ضیاء احدیدن اقتباس
ایتملردر و هر بریسی بحار علوم محمدیه سابع و قلزم معارف
احدیدن مستنددر فکیف جیع انبیا و مرسلین صلوات الله
وسلامه علی نبینا وعلیهما اجمعین حضرتلری بی استنباه
حضرت رسول معظم و روح اعظم و نور اقدم بعسوب الارواح
صلی الله علیه و سلمدن مستدل و ملتسلدر قصیده برده ده

ذکر اولنور * وکلهم من رسول الله ملتس * غرفا من البحر
اورشفا من الدیم * مال بیت بودر که رسول اکرم صلی الله علیه
و سلم بر دریای محبطدر که جیع انبیا و علما و صدیقین و سائر
ارباب سعدا و سعی مقصداری اول در یادن ملتس اولوب
نصیبلری آلدقلری قدر اتملردر بی التوبه و مؤمنلرک روحلری
غرفه به کلجه به دک توبه لری مقبول اولدیغی ایچون بی التوبه
تسمیه اولندی طیب رسول اکرم صلی الله تعالی علیه و سلم
حضر تارینک جسد شریفلری ظاهرا و باطنا طیب ایدی
فضلا تلری طیب ایدی فچان بر محله قضای حاجت واقع اولسه
ارض شق اولوب غائب اولوردی و اول محله مسک و عنبر
رایحه سی شم اولنوردی و برکسه اول خروج ایده نه مطلع اولدی
ام ایمن و غیر یلر بطوب بول شریفی ایچدیلا اصلا طعم بول
بولدیلا بلکه رایحه طیب بولدیلا عبد الله بن الزبیر رضی الله
عنه دم شریفلری ایچدی نه زمان آغزنی اچسه رایحه مسک
ظهور ایدردی و مبارک دست مقدسلرندن مسک و عنبردن زیاده
رایحه طیب ظهور ایدردی و برصینک باشنی اللریله منس اینسه
سائر صبیان اراستده اول رایحه طیب سبله ممتاز اولوب یلورلر
دیکه بونی رسول الله علیه السلام مبارک الیه اوخشامش دیرلر
ایدی مبارک اللری پنبه دن یومشق ایدی مبارک عرق شریفلری
الوب مسک و عنبر و سائر کوزل قحولی نشنه لردن زیاده رایحه
طیبه حاصله اولق ایچون انلره قنارلر ایدی و بریولدن مرور
ایتسه اول رایحه طیب دن مرور ایتدیکنی یلورلر ایدی برکسه
مصافحه ایتسه اول کون النده رایحه طیب قالور ایدی

جابر بن سمره رضی الله عنه شویله دیر که رسول الله صلی الله
تعالی علیه وسلم ایله صلوة ظهري قیلدم بعده صبیان رسول اکرمه
قارشو کلدیلر مبارک الیه برر بر صیبا نک یکا قلن اوخشادی
نخده یکاغمی اوخشا دی مبارک الی یومشق ایدی واولقدر
مسک وعبرقوقار ایدیکه کویا مبارک الی مسک وعبرقوقار
چقار مش کی بالاتفاق رایحه طیبه سنه مشابه بر رایحه طیبه
یوقدر * ودخی ماده خلقتی اولان نطفه بالاتفاق طاهر در
ودخی سائر انبیا دخی بویله در وروح تسایم ایند کدن صکره
انبیا طاهر لر در بالاتفاق لکن سائر خلق مر دار اولور لر بویله جه
اعتقاد ایتک لازمدر و سائر اسماء شریفه لی چوقدر * فصل
معلوم اولسونکه رسول الله صلی الله علیه وسلم مکه مکرمه ده
دنیا په کلتشدر فرق یاشنده مبعوث اولمشدر نظر عبرتله
اثبات نبوت ایتکده علماء ککاملین رحیم الله تعالی ابکی
مسلك بیان ایتدیلر مسلك اول شویله در که حضرت سید العالم
صلی الله علیه وسلم بعث اولنن دن اول قرق سنه مدته اصلا
عقلا و مروة و شرعا بر امر فیج ایشلدی غایتده کال صفاتده
وفصاحتده و بلاغتده ایدی و نهایت خیر و سماحتده و کال توکلده
اولدی و جمیع خلق امانت و صدقنی یقینا اعتقاد ایدوب
امین تسمیه ایتدیلر ایدی و جبل حرا ده خلوت ایدوب
رب العالمین جل جلاله یه تقرب اکتساب ایدردی و عبادت
ایدردی حتی از یکای عربدن نیچه لی رسول اکرم صلی الله
علیه وسلم حضرت تبریک بو حالته نظر ایدوب الا ان محمد اعشق
ربه دیرلر ایدی و مبعوث اولدقدن صکره تبلیغ رسالتده مشاق

عظیبه تحمل و صبر ایدوب اصلا کندویه فتور کلدی بلکه جد
وافر وسعی بلیغ ایدوب دعوة الخلق الی الحق اوزرینه
ثابت اولدی بعده اعداء الله اولنره جهاد ایدوب اوزرینه
غالب اولدقدن و حکمنی تنفیذ و امرنی اجرا ایتکده مرتبه علویه
و رتبه قصویه بالغ اولدی و اولکی حال شریفدن اصلا
متغیر اولوب انلره ذره قدر جه شائبه ظلم و رایحه غدر
ایتمزدی و نهایت عدالتده اولوب استقامت ایدردی و امتنه
غایت شفقتده و سخا و تده اولدی و دائما اصحابنه کمالات
تعلیم ایدوب تقربات عظیبه اوزرینه ترغیب ایدردی و رخارف
دنویه دن غایتده احتراز ایدوب اصحابی دخی تنفیر ایدردی
و فقرا و مساکین و غربا و یتامه غایتده تواضع ایدوب انبساط
ایدردی و اغنیاء اهل دنیا دن غایتده ترفع و تعظم ایدردی
و جله اصحاب و جهان پهلوانلرندن شجیع اولوب غزالده
و سائر مخاوفده انلرک هجوم ایده مدیکی محاربه بالذات کندوسی
هجوم ایدردی و علوم اولین و آخرینک منبعی ایدیکه تکلم
ایتدیکه ککلامک حقایق و دقایقندن افاضل علما و اکابر
حکما عاجز لر در پس امدی بو احوال شریفه مذکور نک
جمله سی نبوت و رسالت اوزرینه حج قاطعه و براهین ساطعه در
مسلك تاقی شویله در که حضرت رسول کائنات علیه الصلوة
والسلام شول قوم اراسنده بعث اولندیکه انلرک کابیری
و حکمتلری یوق ایدی و حقدن اعراض ایدوب باطل اوزرینه
اصرار ایتشلر ایدی مثلا جهله قریش کی و عبادة او ثان
ایدردی و فرس کفار عهر الامهات و تعظیم نیران اوزرینه

ایدیلر و ترک کفره سی ظلم عباد و تخریب بلاد ایدر لردی
وهند کفره سی عبادۃ البقر و تعظیم الاحجار ایدر لردی
و یهود کفره سی تزویرا کاذب و ترویج باطیل و کتم حقوق
ایدر لردی و نصاری کفره سی تثلیث معبود و اثبات ولد
و صاحب ایدر لردی پس رسول اکرم صلی الله علیه و سلم
بو ترک جله سنک اعتقادات باطله و اعمال فاسده و معاملات
کاسده لرینی تضلیل و ابطال ایتدی و اساس دولترینی هدم
و شوکتلرینی کسر ایتدی و کثرت عسا کر و قوت وافر صاحب لری
اولان ملوک اوزرینه قلیل اصحاب ایله غزا ایدوب انلری
مقهور و منهزم قیلار ایددی و اطراف دنیا بی نور ایمان و ضیاء
صلاح ایله طو ایدردی و دین اسلامی جمیع ادیان اوزرینه
عالی قلدی و اطراف بلده لده اولان عقلاء کاملین بعد
تأملات صادق فوج فوج ایمان کتور ب دین اسلامه اعوان
و انصار اولدیلر و بوتلرک امشالی نیجه معجزات باهراتلرک
جمله سی حضرت رسول الله صلی الله علیه و سلم نبوت و رسالتنه
شاهد و عادل لرد و برهان قاطع لرد در معراج بر کیجه ده
رسول اکرم صلی الله علیه و سلم جسم شریفیه مسجد
حرامدن مسجد اقصی به وارد یغی قرآن عظیم ایله ثابتدر
انکاری کفر در اندن سما جاننه عروج ایتدیکی احادیث
مشهوره ایله ثابتدر اندن صکره جنته یا خود عرشه یا خود عالمک
بر طرفنه وارد یغی احادیث ایله ثابتدر و وقوعی تکرار اولمشدر
عد دنی الله تعالی ییلور بعض روایتده او توز دورت معراج
معلوم اولمشدر بری جسمانی ماعداسی روحانی لکن بو قدره

حضر یوقدر حضرت عایشه صدیقہ و حضرت معاویه
رضی الله عنهما دن روایت اولنور که حضرت رسول اکرم
روحیه معراج ایتدی و جسدی غائب اولندی بور روایت
معراج روحانی حقنده در و کبار اصحاب بدن نقل اولنور که
ابو بکر و عمر و غیر یلر رضی الله عنهم یقظه حالنده جسمیه
معراج ایتدی دیدیلر بوروایت معراج جسمانی حقنده در
و این صمصمه نک روایتی که معراج حطیمدن اولدی
روحیه بوروایت معراج روحانی بی نقلدر و ابی ذرک روایتی معراج
پیغمبر یمزک خانه سندن اولدی یقظه حالنده جسدیه بوروایت
معراج جسمانی بی نقلدر و بعضیلر دیدیلر که معراج دخی ایکی کره در
بر یسی یقظه حالنده جسدیه مکه دن سمایه و بر یسی مکه دن
بیت مقدسه صکره سمایه در نیکم مشهور بودر و الله اعلم
ودخی علماء کرام رجهم الله تعالی اختلاف ایتدیلر
رسول اکرم صلی الله تعالی علیه و سلم رب العالمین جل جلاله بی
کورد کده بعضیلر قلب کوز یله کوردی دیدی و بعضیلر باش کوز یله
کوردی دیدی معراجک تفصیلی کتب مفصلا ده مذکور در
ودخی رسول اکرم صلی الله علیه و سلم معجزاتی چوقدر
ان شاء الله تعالی بعضیسی ذکر اولنور * تفسیر قرطبیده
مذکور در که رسول اکرم صلی الله علیه و سلم اصحاب کهم فی
کورمک مراد ایتد کده حق تعالی وحی ایتدی که عالم دنیا ده
سن انلری کوره مز سک لکن کبار اصحابدن دورت کسه ارسال ایله
اصحاب کهمه سنک نبوتکی تبلیغ ایتسونلر رسول اکرم صلی الله
تعالی علیه و سلم جبرائیل علیه السلام ایله مشورت ایتد کده

جبرائیل دیدیکه یارسول الله کسوه کی بسط ایله برطرفنه ابو بکر
و برطرفنه عمر و برطرفنه عثمان و برطرفنه علی رضی الله عنهم
او تورسونلر بعده دعا ایدوب سلیمان علیه السلامه مسخر اولان
روز **ک**اری طلب ایله الله تعالی انی سکا مطیع قبلار دیدی
بعده بویله ایتدی پس روز کار کلوب انلری کتوردی تا که
مغاره قیوسنه واردیلر بریوک طاش قلع ایدوب ایچرو کیردیلر
قطمیر بونلره قارشو کلوب تبصص ایده رک اصحاب کهفه
کتوردی و بو اصحاب رضی الله عنهم اصحاب کهفه سلام و یرب
السلام علیکم ورحمة الله و برکاته دیدیلر حق تعالی انلری او یاندیرب
جمله قلوب و علیکم السلام ورحمة الله و برکاته دیدیلر بعده اصحاب
رضی الله تعالی عنهم دیدیلر که یامعشر الفیة تحقیق نبی محمد بن عبد الله
صلی الله علیه وسلم سزله سلام ایلدی و انلردخی و علی
محمد رسول الله السلام مادامت السموات و الارض و علیکم بما ابلاغتم
دیدیلر دین اسلامی قبول ایدوب جمله سی مسلم اولدیلر بعده محمد
رسول الله بزدن سلام ایدیکر دیوبینه او یودیلر حضرت مهدی
زمانند او یازلر پس بوقصه بی جبرائیل رسول اکرم صلی الله
علیه وسلمه خبر و یردی و اول اصحاب رضی الله عنهم روز کار ایله کلدیلر
و پیغمبریمز انلره سؤال ایدوب اصحاب کهنی نه کیفیتده بولدیکر
دید کده انلر خبر و یردیلر بعده رسول علیه الصلوة و السلام
دعا ایدوب بنم ایله اصحابی تفریق ایتمه بکا و اهل بیت نبوته
محبت ایدلره مغفرت ایت دیدی بو معجزه شریفه سلیمان
علیه السلام **ک**وشکنی روز کار کتوردیکی معجزه سنه
نظیره در و شق قرامهات معجز اتدن بر معجزه عظیمه در که

انبیادن

انبیادن برینه واقع اولدی شیخ علامه ابن السبکی رحمه الله
تعالی شویله یوردیکه انشقاق قمر متواترا ثابتدر و قرآن عظیمه
مذکور در حق تعالی یورر اقتربت الساعة و انشق القمر
و قسط لانی مواهب لدنیه سنه بو آیت کریمه اول معجزه باهره
حقنه در دیو بیار و تحقیق ایتدی و جمیع اهل تفسیر و اهل
حدیث انشقاق قمر رسول الله صلی الله علیه وسلم ایچون واقع
اولمشدر و انجق رسول الله صلی الله علیه وسلمه مخصوص صدر
دیدیلر و انشقاق قمر حدیثی صحابه دن جماعت کثیره روایت
ایتمشدر در بعده تابعیندن جماعت کثیره بعده جماعتدن جماعته
شمذیکی زمانه کلجه روایت اولنور رضی الله عنهم ابن عباس
رضی الله عنهمادن روایت اولنور هجرتدن بش سنه اول مکه
مکرمه ده اولان مشرک لردن بر جماعت کلوب دیدیلر یا محمد
علیه الصلوة و السلام اگر سن دعوی نبوت کده صادق ایسک
قری شق ایت دیدیلر رسول اکرم صلی الله علیه وسلم
دعا ایتدی فی الحال قرائیکی شق اولدی برپاره سی طاشک
برطرفنده و برپاره سی برطرفنده کورندی و انس رضی الله عنه
روایت ایتدیکه اهل مکه بر کون رسول الله دن بر معجزه طلب
ایتد کده مبارک شهادت پرمغیله قره اشارت ایدوب قری ایکی
شق ایتدی امام قرطبی رحمه الله تعالی شویله یوردیکه رسول
اکرم صلی الله علیه وسلم حضرتلرینک مبارک پرمغندن
صواقدیغی تکرار واقع اولوب مواطی کثیره ده ظاهر اولمشدر
و مشاهد عظیمه ده صادر اولمشدر و روایات کثیره ایله روایت
اولمشدر در تواتر معنوی ایله متواتر در و بومثللو معجزه شریفه

غیری پیغمبر از دن ایشان شد حضرت موسی علیه السلام
 طاشدن صواقندی اما پرمقلندن آفتق که ات ودری وکک وقان
 وطمردن عبارتدر بویه اشیا مختلفه الطبا یعدن صواقتمی العجبر
 صحابه دن برجاعت رضی الله عنهم روایت ایندیلر شیخان
 ابن مسعود دن تخریج ایندی و امام احمد و بیهقی و ابن شاهین
 و غیر یلر نقل ایندیلر و صویک ظهوری کیفیتده ایکی قول
 وارد بریسی علماء کرام رحهم الله تعالی نک اکثری شویله
 پیوردیلر که صورسول اکرمک مبارک پرمقلندن ظهور
 ایندوب آقدی صحیح بود و بریسی دخی صور پرمقلری اراسندن
 طاشدی بو قول ضعیفدر علماء رحهم الله تعالی شویله پیوردیلر که
 مبارک پرمقلندن اقان صور نبیاده و آخرتده اولان صور دن
 افضل و اشرفدر بالاتفاق بعضیلر زمزم و ککوژ دن افضلدر
 دیدیلر جابر رضی الله عنه شویله روایت ایندیکه حدیبیه غزاسنده
 صوسزلق واقع اولدی اصحاب رضی الله عنهم کلوب دیدیلر که
 یارسول الله آبدست المغه و ایچمکه سنک مطره کدن غیری
 صویوقدر دیدیلر رسول الله صلی الله علیه وسلم مبارک البنی
 مطره اوزرینه قودی فی الحال پرمقلری اراسندن ایرمقلر کی
 صور اقدی جله مز ایچدک و آبدست الدق جا به قاج کشی
 ایدیکزدیو سوال اولند قده ییک در تیوز کشی ایدک لکن
 یوز ییک ککشی اولیدق جله مزه کفایت ایدردی دیدی
 روایات صحیحده شویله در که ابو جهل جله اهل مکه ایله
 چیقوب اون ییکدن زیاده کفار ایله بدره کلدی و رسول الله
 صلی الله علیه وسلم ایله محاربه طلب ایدوب مجموعی او چپوز اون

مقداری صحابه کزین ایله پیغمبر یمز مدینه منوره دن چیقوب
 بدره واردی آلات حربدن التی قلیج و برقاج اوق بای والتی قدر
 دوه لری وار ایدی و کفارک جله سی مسلح اولوب مؤمننه فی الجمله
 ضعیف طاری اولد قده پیغمبر یمز مبارک اللرینی قالدیروب دعا
 وتضرع ایندیکه جبرائیل امین کلوب پیور دیکه پردن برقبضه
 اوفاق طاشلر الوب شاهت الوجوه دیوب کفاره طوغری آت
 دیدی پیغمبر یمز بویه اتدی اول اوفاق طاشلر کفارک جله سنک
 کوزینه اصابت ایدوب هر کس کوزینه مشغول اولد قده
 اصحاب کرام انلرک اوزرلرینه هجوم ایدوب نیچه لری قتل
 و نیچه لری اسیر ایندیلر بو معجزه دخی متواتره در * و مارمیت
 اذرمیت و لکن الله رمی * شائنده نازلدر و روایت صحیح
 مشهوره ده شویله در که غزاه احدده و انشای محاربه ده ان نعمان
 حضرت تلرینک کوزی آقوب به دوشدی رسول الله صلی الله
 علیه وسلم الوب برینه قودی او لکندن زیاده کوردی عمری آخر
 او لنجه یه دیک این عمر رضی الله عنهم ایوردیکه پیغمبر یمز به اعرابی
 کلدی و پیغمبر یمز صلی الله علیه وسلم اعرابی به زویه مراد
 ایدرسک دیدی اول اعرابی دخی اهل رجوع مراد ایده رم دیدی
 پیغمبر یمز پیوردیکه هیچ سنک ایچون برخبر وار میدر اعرابی اول
 خبرنه در دیدی رسول الله صلی الله علیه وسلم شهادة ان لا اله
الا الله وحده لا شریک له و ان محمد عبده و رسوله در پیوردی
 و اعرابی دخی سنک ایچون بو کاشاهدک وار میدر دیدی پیغمبر یمز
 نعم شاهدیم وار پیوردی اول محنده بریسوک اغاح وار ایدی
 پیغمبر یمز اول اغاجی دعوت ایندی اول اغاج بری چفت سورر کی

شق ایدہ رک حضورینہ کلوب طور دی و شہادت کتورب
حق رسولک دیدی ویرینہ کندی اعرابی فی الحال ایمان
کتوردی بخاری تخریج ایتدی ابن مسعود رضی اللہ عنہدن
شویله یوردیکہ بز رسول اللہ صلی اللہ علیہ وسلم ایله طعام اکل
ایدردک طعامک تسبیحی اشدردک دیدی امام ترمذی و امام بیہقی
تخریج ایتدیلرکہ رسول اکرم صلی اللہ تعالیٰ علیہ وسلم بر مقدار
خسته اولدی جبرائیل علیہ السلام بر طبق ایچنده رمان و عنب
کتوردی و پیغمبریمز انلردن اکل ایتدی و انلر تسبیح ایدرلردی
یعنی بن مرۃ الثقی رضی اللہ عنہ شویله دیدیکہ سفرده بر محله
واردق اول محله رسول اللہ صلی اللہ علیہ وسلم خوابه واردقده
بر یوک اغاج یری شق ایدہ رک کلوب پیغمبریمز سایبان اولدی
بعده یرینہ کندی پیغمبریمز نقل ایتدم یوردیلرکہ
اول اغاج بکا ریسندن سلام و یرمکہ اذن استدی ریسی دخی
اذن و یروب کلدی بکا سلام و یردی بو حدیث شریفی امام بغوی
ذکر ایلدی جامع الازهار ده مذکور درکہ عقیل بن ابی طالب
رضی اللہ عنہ یوردیکہ پیغمبریمز ایله سفره کتدم بر محله قضای
حاجت مراد ایتدیلر بکا امرایدوب شو محله اولان اغاجلری
دعوت ایدوب ای اغاجلرکک سزی رسول اللہ دعوت ایدر
نقض وضوء مراد ایدر کلکیز پرده اولیکزدیدی بن دخی وارب
اغاجلرہ بو کلامی سویلد کده جملہ سی یرلندن قویدی
کوکلری اوزرینہ یروب یری شق اید رک کلوب اطرافه
حواله اولدیلر قضای حاجت ایتد کد نصرکہ هر ریسی
مکانرینہ کتدیلر بویله اغاجلرک کلدیکی موطن کثیره ده واقع

اولشدر

اولشدر تکم قصیده برده ده ذکر اولنور * جاءت لدعوتہ
الاشجار ساجدة تمشی الیہ علی ساق بلا قدم * دخی امام ترمذی
و دارمی و امام حاکم تسبیح ایتدیلر حضرت علی رضی اللہ عنہ
شویله یوردیکہ بن رسول اللہ صلی اللہ علیہ وسلم ایله یبلہ مکہ
مکرمہ تک بعض نواحینہ چیقدم قان براغاج یارطاش
قارشومزہ کلسہ رسول اللہ سلام و یرب السلام علیک
یا رسول اللہ دیرلر ایدی و عایشہ صدیقہ رضی اللہ عنہادن روایت
اولنورکہ رسول کائنات صلی اللہ علیہ وسلم یوردیلرکہ وقتاکہ
جبرائیل علیہ السلام بکا رسالت کتوردکده برطاشه و یار اغاجه
مرور ایتد کده السلام علیک یا رسول اللہ دیر ایدی و دخی
رسول اللہ صلی اللہ علیہ وسلم نیچہ اغاجلر سجده و رکوع
ایتدیلر در خواص و عوام کر و ب روایت ایتدیلر در لکن
اغاجلرک سجده سی میل ایتکدن عبارتدر یوخسه مؤمنلرک
کی باشی یرہ قیوب و جبهہ یی یرہ قومقله دکلدر سجده امت
محمدہ مخصوصدر تسبیح الحضا محمد بن یحیی رحمہما اللہ تعالیٰ
تخریج ایتدی ابوذر رضی اللہ عنہ روایتله کہ رسول اللہ
صلی اللہ علیہ وسلم یردن بر قبضه او فاجق طاشلرالدی مبارک
الندہ تسبیح ایتدیلر حتی سنکک آوازی کی آوازی ایتدیلدی بعده
ابو بکرہ و یردی رضی اللہ عنہ کذلک انک الندہ دخی تسبیح
ایتدیلر بعده یرہ قودی تسبیح ایتدیلرینہ الوب حضرت عمرہ
و یردی رضی اللہ عنہ کذلک تسبیح ایتدیلر وینہ الوب یرہ قودی
تسبیح ایتدیلر وینہ الوب حضرت عثمان بن عفانہ رضی اللہ عنہ
و یردی کذلک انک الندہ تسبیح ایتدی بعده یرہ قودی تسبیح ایتدیلر

امام بیهقی روایت ایلدی و مواهب لدینه ده مذکور در که
رسول الله صلی الله تعالی علیه و سلم صحابه دن رضی الله عنهم
بر جماعت ایله بر محله ایکن بر اعرابی بر ضرب یعنی کلر صید ایدوب
بیله کتوردی بعده سوال ایدوب بو ذات شریف کیمدر دیدی
صحابه جواب و یروب رسول الله در دیدیلر صید ایتدی کی کلری
میدانه قیوب بو کلر نبوتی تصدیق و اقرار ایتدی که اینانم دیدی
رسول الله صلی الله علیه و سلم کلره سوال ایدوب یا ضرب دید که
لسان فصیح ایله کلر لیک و سعیدک دیدی بعده رسول اکرم
صلی الله علیه و سلم کیمه عبادت ایدرسک دیدی کلر جواب و یروب
الذی فی السماء عرشه و فی الارض سلطانه و فی البحر سبيله
و فی الجنة رحته و فی النار عقابه دیدی و بعده رسول الله صلی الله
علیه و سلم سوال ایدوب بن کیم دیدی کلر جواب و یروب رسول
رب العالمین و خاتم النبیین سنی تصدیق ایلین فلاح بولدی
تکذیب ایدن خائب و خاسر اولدی دیدی اعرابی فی الحال
ایمان کتوردی و نیجه حیوانلر سن رسول الله سک دیو شهادت
ایتمشدر در تکلم حدیث شریفده مذکور در ابوهریره رضی الله عنه
شویله روایت ایلدی که بر دوه کلوب حضور رسول الله
صلی الله علیه و سلم سجده ایلدی دیدی بر حدیث شریفده
شویله در که جن ایله انس عا صیلرندن یعنی کافر لردن ماعدا
جمله اشیا بنم رسول الله اولدی یعنی یلور لر دیو یوردی و جوق
دوه لر سولشدر و یوم خیرده شاة مسمومه تکلم ایدوب مسمومه
اولدی یعنی خبر و یردیکی تواتر ایله منقولدر و ابو سعید الخدری
رضی الله عنه شویله روایت ایتدی که بر راعی غنم غنمی رعی ایدرکن

برقورد بر قیونی قایدی و راعی قیونی خلاص ایچون قورد ایله
قیون اراسنده طوردی قورد فصیح لسانله تکلم ایدوب یا چوبان
سن اللهدن قورقز مېسک بو قیون بنم رز قدر الله تعالی شوقیونی
بکا رزق و یردی سن بنم رزقه مانع اولورسک دیدی معهود
چوبان تعجب ایدوب العجب من ذئب یتکلم بکلام الناس
دید که قورد تکلم ایدوب ای چوبان آگاه اولکه بوندن اعجبی
سویله یم شوارا کزده اولان محمد صلی الله علیه و سلم
حق رسولدر که ناسه کچمشده یلدر کاری خبر لی بیان ایدر
دیدی چوبان فی الحال قیونی الوب رسول الله صلی الله علیه
وسلمک حضور عز و سعادت لرینه کلدی کند و سبيله قورد
اراسنده اولان ماجرای و قوردک کلامنی خبر و یرد که رسول الله
صلی الله علیه و سلم صدق ان من اقتراب الساعة کلام السباع
دیو یوردی یعنی قورد کرچک سویلدی و یوم القیامتک قریب
اولدی یغندندر بر تجی حیوانلرک انسا کلام ایتلری دیمکدر
امام طبرانی و امام بیهقی و ابو نعیم و حافظ مندری و حافظ
ابن حجر مخیر بیج ایتدیله و علامه سبکی رحهم الله تعالی دیدیکه
تسییح الحصاص و تسلیم الغزاة معنی متواتر در نیجه روایات کثیره ایله
منقولدر دیدی ام سلمه رضی الله عنها روایتده شویله در که
رسول الله صلی الله علیه و سلم صحرا ده کیمدر کن بر منادی
یا رسول الله دیو اوج کره ندا ایتدی اول طرفه نظر ایتد که
ناگاه کور دیکه رکبک بر اعرابی عندنده باغلو طور رکبک
دیدیکه بکا یقین کل یا رسول الله سکا سویلیه حکم واردر
دید که رسول الله صلی الله علیه و سلم سوال ایدوب نه در سوزک

دید که **صکک** دید که شواعرابی بنی صیدا یتدی شوطاغده
 بنم ایکی یاورم وارد در بنی قویو ویر واره یم انلری امزیره یم
 وکلیم دیدی رسول الله صلی الله علیه وسلم کرچک کلور مېسک
 دیدی کیک اگر کلز سم الله تعالی بکا کر کجیلر عذاب کی عذاب
 ایتسون دیدی بعده کیکی قویو ویردی کتدی و سود ویردی
 وینه کلدی رسول الله صلی الله علیه وسلم برینه با غلدی
 واعرابی یاتورایدی او یاندی رسول الله صلی الله علیه وسلم
 سنک بر مرادک وار میدر دیدی رسول الله صلی الله علیه وسلم
 وارد در دیدی بو کیکی قویو ویرسن دیدی اعرابی قویو ویردی
 وکیک سکر دب کیدر کن **اشهدان لا اله الا الله وانک رسول الله**
 دیرایدی اعرابی اهل اسلامدن ایدی و شویله روایت اولنور که رسول
 کائنات صلی الله علیه وسلم حضور سعادتنده بر دوه صاحبک
 براء تنه شهادت ایدوب **والذی بعثک بالکرامه یارسول الله**
ان هذا ما سرقنی ولا ملکنی احد سواه دیدی یعنی یارسول الله
 سنی کرامتله حق رسول بعث ایلین الله تعالی به قسم ایده رمکه
 شو صاحب بنی سرقه ایتدی و بوندن غیری برکسه بکا مالک
 اولدی دیمکدر و بومثالو نیجه دوه ل و سائر حیوانلر و جادات
 لسانه کلوب رسالت و نبوتنه شهادت ایتلدر در بخاری و مسلم
 و سائر کتب حدیثده و شرو حارنده تفصیلا ذکر اولمشدر
 و سائر معجزات دخی جو قدر از جمله اوزن بویلو کسینه یاننده
 اوزن بویلو اولق واورته بویلو یاننده اورته بویلو اولق کی
 بعض احیانده و کتدی قانتلری فی نفس الامر اورته بویلو دن
 اوزنیجه ایدی اوزن بویلو **دکک** ایدی و یوم خندقده جابر

رضی الله

رضی الله عنه برصاع اریه و برقوزی ایله طعام ایدوب رسول الله
 صلی الله علیه وسلم مبارک براق شر یفلر بنی اول طعامه القا و دعا
 ایتک سببیله ییک نفر اصحاب رضی الله عنهم اکل ایدوب اصلا
 اول طعامدن برلقمه اکسلدی دیوتواتر ایله روایت ایدرلر و سائر
 غزالرده نیجه در او معجزات صادره اولوب خاص و عام مشاهده
 ایتلدر در **کتاب مفصله ده مذکور در و امام بیهقی و قاضی**
زکریا الانصاری رضی الله عنهما تخریج ایتدیلر معقب یمانی
 رضی الله عنه شویله بیور دیکه حجة الوداع ایتدم بعده مکده
 براوه داخل اولدم اول خانه ده رسول الله صلی الله علیه وسلم
 کوردم و اندن عجب نسنه ل مشاهده ایتدم و اهل یمندن بر رجل
 کلدی یاننده اول کون دنیایه کلمش بر غلامی و ارایدی رسول الله
 صلی الله علیه وسلم اول غلام خطاب ایدوب یا غلام بن کیم
 دید که غلام سن رسول الله سک دیدی رسول الله صلی الله
 علیه وسلم **صدقت باریک الله فیک** دیو بیوردی و اول غلام
 بعده وقتی کلنجیه ده دک تکلم ایتدی و اکا مبارک الیمانی تسمیه ایدوب
 بو اسمله مشهور اولدی و رسول الله صلی الله علیه وسلم باذن الله
 تعالی احیای اموات ایتلدر ابن شاهین و خطیب بغدادی
 و دارقطنی و ابن عساکر رحمهم الله تعالی تخریج ایتدیلر
 وضعنه ذاهب اولدیلر و اهل حدیث باجمعهم ثابت الاصل
 اولد یغنه اتفاق ایتدیلر اختلاف انجیق ضعفنده در حضرت
 عایشه صدیقه رضی الله عنها دن روایت اولندیکه رسول الله
 صلی الله علیه وسلم دعا ایدوب باذن الله تعالی اناسی و باباسی
 حیات بولدیلر ایمان و اسلام ایدوب ینه آخرته کتدیلر رضی الله

عنهما ابو حنیفه رضی الله عنه حضرت تریک کتابنده مذکور
اولان کلام قلم ناسخدن واقع اولمشدر یا خود تأویل صحیح ایله
مأولدر و سائر قیل وقال ایدنلرک ایحات زائغه سی مردوده در
ودخی روایت اولنور که برکسه بی اسلامه دعوت ایتدی آنک
برقیزی اولمش ایدی احیا ایتک طلب ایتدی رسول الله صلی الله
علیه وسلم دعا ایدوب حیات بولدی و نبوته شهادت ایلدی
و جابر رضی الله عنه برقیون بشردی ایدی رسول الله صلی الله
علیه وسلم مبارک الی قیونک اوزرینه قودقده انسان کی تکلم
ایده رک قالقدی قوروغی ایله اوزرندن توز وکل سلکردی
حاضر اولنر تعجب ایدوب سبحان الله دیدیلر و اما رسول الله
صلی الله علیه وسلم و علی آله و صحبه و سلم مکاشفات و مشاهدات
و علومی تحت حسابده داخل و حد عدد نده متحصر دکلدن
لکن علی وجه الامجاز ذکر اولنور بتوفیق الله تعالی از جمله
مبارک ارقه سندن کورمک اوکندن کوردیکی کی و معراجک
صباحنده بیت مقدسک وصفی طلب ایلدیلر مکة مکرمه دن
حق تعالی بیت مقدسی کشف ایدوب سؤال ایدنلره تعریف
و وصف ایلدی و کاربانلرک احوالی بیان ایدوب فلان کون
طلوع شمس ایله کلور و عدد لرینی و کیفیتلرینی بالتام خبر
و یردی مکاشفه طریقله جنتی و جهنمی و بلکه جمیع ملکوت
سمواتی و ملکوت ارضی و عرش عظمی و سدره منتهایی
و لوح محفوظ و قلم اعلی و سائر ملائکه بی و الله تعالی بی
مشاهده ایدوب بالذات مکالمه ایتمشدر و یرده جن طائفه سنی
و شیاطینی کورمشدر و انبیاء کرام علیهم السلامی مشاهده

و مشافهه

و مشافهه ایدوب و امتلرینی مشاهده ایتمشدر و کند و امتنی
قیامتہ دک کله جک لرینی مشاهده ایتمشدر و غیری مکاشفهلر کی
و اما علومی مرتبه علیا و رتبه فصوده در اول کاشفاندن خبر
و یرمک و آدم علیه السلام و حوا قصه سنی بیان ایتک و سائر
قصص انبیاء علیهم السلام که مثلا نوح و طوفان و هود و لوط
و ابراهیم و کعبه بی بنیاد ایتدیکنی و نمرود قصه سنی و اسمعیل
و یعقوب و یوسف حکایاتی و موسی و قصه فرعون و عیسی
و سائر قصص و عبرتله و وقایع و غیری امور ماضیه بی بیان
ایتک کی که سائر کتب سماویه به مطابقی و کله جک زمانده
اوله جق نسنه لری خبر و یرمک کی حضرت انس رضی الله
عنهدن روایت اولندیکه رسول الله صلی الله علیه وسلم بنت
ملحانک خانه سنه داخل اولوب برنسته یه طیندی بعده تبسم ایتدی
بنت ملحان نیمچون تبسم ایتدی یکر یا رسول الله دیدکده بیوردیکه
بنم امتدن براز ناسلر بحرا حضرده سفینه ره بنوب ملوکلر
سریرلر اوزرنده اولدقلری کی فی سبیل الله جهاد ایتسه کرکدر
و بنت ملحان یانی الله دعا ایله الله تعالی بی انلردن قیلسون دیدی
و دعا ایتدی براز زماندن صکره یه تبسم ایتدی و بنت ملحان
اولکی کی سؤال ایتدی و رسول الله صلی الله علیه وسلم سن
اولکی غزاده بیله سنلر آخرنده دکلسک بیوردی بوندن صکره
عباده بن صامت رضی الله عنه بنت ملحان ترویج ایتدی اولکی
غزاده اصحابه بیله غزایه کتدی ابو موسی الاشعری رضی الله
عنهدن روایت اولندیکه رسول الله صلی الله علیه وسلم برستانه
کیروب بکا قیوی حفظ ایت دیدی بعده قیویه برکسه کلروب

کیرمکه اذن استندی رسول الله صلی الله علیه وسلم پیوردیکه
 اذن ویردم کیرسک واکامزده ایتکه اول اهل جنتدر دیدی ناکاه
 کوردمکه کلان ابو بکر الصدیق در رضی الله عنه بعده برکسه
 دخی کلوب کیرمکه اذن استندی وینه رسول الله صلی الله علیه
 وسلم اذن ویردم کیرسک و مزده ایتکه اهل جنتدر دیدی ناکاه
 کوردمکه کلان عمر الفاروق در رضی الله عنه و برکسه دخی
 کیرمکه اذن استندی ینه اولکی کبی اذن ویردم کیرسک و مزده
 ایتکه اهل جنتدر واکا بر مصیبت اصابت ایده جکدر و آنک
 اوزرینه جنتده مرتبه علیایه نائل اوله جقدر ناکاه کوردمکه
 عثمان بن عفاندر رضی الله عنه صکره اول مصیبت ظهور
 ایتدی خلافتده قصه سی چوقدر شروح بخاریده و غیر یلرده
 مذکور در * ودخی عدی رضی الله عنهدن روایت اولندیکه
 رسول الله صلی الله علیه وسلم پیوردیکه یاعدی اگر سنک ایچون
 حیات و عمر اوزن اولور سه کنوز کسرای کور رسک و مالک
 اولور رسک برمدتن صکره پیوردیغی کبی کنوز کسرای فتح
 ایتدک و صحابه عظام رضی الله عنهم کنوزی بربرلینه اتفاق
 ایتدیلر دیو پیوردی کسری دیو ملک فرسه دیرلر و قبصر دیو
 ملک رومه دیرلر و نجاشی دیو ملک حبشه یه دیرلر و فرعون دیو
 ملک مصره دیرلر و خاقان دیو ملک ترکه دیرلر و دخی رسول الله
 صلی الله علیه وسلم غزای حندقده بلده حیره و بلده حره و بلده
 صنعناک فتحیه اصحابه رضی الله عنهم مزده ایلدی و سائر
 نسنه اردن خبر ویردیکه کبی ظهور ایلدی و احوال قیامتدن
 و علامتلرندن مثلاً خروج مهدی و نزول عیسی علیهما السلام کبی

وقیامتک کیفیتدن خبر ویرمک کبی و میدان عرصا تده اوله جق
 حساب و سؤال و میزان و صراط و غیرى موقفلردن و احوال
 اهل جهنمدن و احوال اهل جنتدن و ابد الابدین نعلردن
 ولدنلردن خبر ویرمک کبی و نیجه حقایقدن و دقایقدن خبر
 ویردیکه کبی که ادراکندن عقول عقلا عاجزدر و حکمتدن
 حکیم تحریر قاصر در * و الحاصل حضرت رسول اکرم صلی الله
 علیه وسلم ده علوم الاولین و الاخرین جمع اولمشدر که قصیده
 برده ده ذکر اولنور * فان من جودک الدنیا و ضررتها * یعنی
 یا رسول الله صلی الله علیه وسلم سنک جود و سخاوتکدندر دنیا
 و آخرت زما رسول الله صلی الله علیه وسلم و جودکا ثناته باعث
 وحدوث موجوداته سبب اولمشدر نتکم بو حدیث شریفده
 اول ما خلق الله نوری و من نوری خلق کل شیء و بو معناده
 غیرى حدیث شریفار و در و کبار علما رحمهم الله تعالی
 شوبله بیان ایتدیلر که سائر ارواح انبیا علیهم السلام اول نور
 اعظمدن بر شعا عدرو ملائکه مکرمین اول شعا علردن اجزادر
 آتش شعله سنک قفلجملری کبی و من علومک علم اللوح و القلم
 یعنی لوح محفوظک علمی و قلم اعلی نک علمی سنک علمکدن بعضدر
 زیر اعلم خلقدندر و حضرت آدم علیه السلامه بو علومدن
 علم اسما ویرلشدر و قصیده برده ده ذکر اولنور که * کفاک بالعلم
 فی الامی معجزة * فی الجاهلیة و الاداب فی الیم * یعنی یا عاقل وقت
 جاهلیتده رسول امی که اصلا برکسه دن تعلم ایتماش آنده بو قدر
 علوم اولق و تملک ایله نشأت ایتمش ایکن ینه بو نیجه بی حساب
 آداب و کالات بولمق معجزة لکده کافیدر نظر عبرت ایله نظر ایدنلره

بر یونک معجزه در قرآن عظیم الشان اعظم معجزات در * فصل
شویله مذکور و مرید رکه جبرائیل علیه السلام حضرت رسول
کاشانه علیه و علی آله و صحبه افضل الصلوات و اکل الحیات
یکرمی دورت بیک کره نازل اولمشدر و حضرت آدم علیه السلام
اون ایکی کره نازل اولمشدر و حضرت ادریس علیه السلام دورت
کره نازل اولمشدر و حضرت نوح علیه السلام الی کره و حضرت
ابراهیم علیه السلام قرق ایکی کره نازل اولمشدر و حضرت موسی
علیه السلام دورت یو کره و حضرت عیسی علیه السلام
اون کره نازل اولمشدر تفسیر این عادلده و مواهب لدنیسه ده
و غیر یلده مد کورد ر این مسعود رضی الله عنه حضرت نلرندن
شویله روایت اولندیکه رسول الله صلی الله علیه و سلم جبرائیل
علیه السلامی کندی شکنده ایکی کره مشاهده ایتدی بر کره یرده
و بر کره لیله معراجده سماده کوردی امام احمد بن حاتم و ابو الشیخ
رحمهم الله تعالی روایت ایتدیله و دخی روایت ولندیکه اکبر و قنده
جبرائیل علیه السلام د حیه بن خلیفه الکلبی رضی الله عنه
شکنده کلوردی و جبرائیل علیه السلامی کند و شکنده غیری
پیغمبر لهج کوردی و روایات کثیره ده کلشد رکه حضرت
جبرائیل علیه السلام باذن الله تعالی و امره حضرت رسول اکرم
صلی الله علیه و سلم مبارک صدر منور ربی شق ایتشد و حکمت
الهییه و قوت مدسیه ایله طولد رمشدر و دفعات عدیده ایله واقع
اولمشدر و قلب شریفی جله قلوبک خیر لیسیدر امام بیهقی
تخریج و امام حاکم تصحیح ایتدیله حضرت عمر بن الخطاب
رضی الله عنهدن روایت اولنور که حق تبارک و تعالی آدم علیه

السلامه شویله بیوردیکه یا آدم لولا محمد ما خلقتک یعنی یا آدم
اگر محمد صلی الله علیه و سلمی خلق ایتبه جک اولیدم سنی خلق
ایتمز ایدم و ابن عساکر رحمه الله تعالی تخریج ایتدی حضرت
سلمان رضی الله عنه بیوردیکه هبط جبرائیل علیه السلام علی
النبی صلی الله علیه و سلم فقال ان ربک یقول ان کنت اتخذت
ابراهیم خلیلا فقد اتخذتک حبیباً و ما خلقت خلقاً اکرم علی منک
و قد خلقت الدنیا و اهلها لا عرفهم کرامتک و منزلتک عندی
ولولاک ما خلقت الدنیا یعنی جبرائیل علیه السلام رسول اکرم
صلی الله علیه و سلم حضرت نلرینه نازل اولوب دیدیکه ربک سبحانه
و تعالی شویله بیوردیکه بن ابراهیمی خلیل ایتدیسم سنی حبیب
ایتدم و بنم قائمده سندن اکرم کسه خلق ایتدم و دنیای و اهلنی
خلق ایتدم بنم قائمده سنک کرامتکی و فضیلتکی و منزلتکی انلره
بلد رمک ایچون خلق ایتدم اگر سن اولسک ایدی بن دنیای خلق
ایتمز ایدم دیو جبرائیل علیه السلام بو تبلیغی ایلدی صلوات الله
و سلامه علی نبینا و علی سائر النبیین و المرسلین و علی آلهم
و صحبهم اجمعین و الحمد لله رب العالمین * تمه * رسول الله
صلی الله علیه و سلم مکی المولد و مدنی الهجرة و الموطندر و مدینه
منوره ده دار آخرته انتقال ایتشد و تبلیغ رسالت و تأسیس شرایع
و تکمیل مراتب و تعلیم علوم و تأدیب امت و تقیم ملت و سائر اوامر
جزئییه و کلییه الهیه بی علی وجه الکمال بیان و ادا ایتد کدن
صکره دنیا ده اولمق ضروری دکلد ر پس جناب حبیب الله
صلی الله علیه و سلم که کماله عالی جناب و امام حضرت رب الارباب
اکا جله ارواح انبیا و ملائکه مشتاق و روایتلر شویله در که وقت

انتقال قریب اولدقدہ جبرائیل علیہ السلام کلوب یارسول اللہ
ربک سکا مشتاقدر دیدی بوندن بویله خد مات الهیه تمام اولوب
کمال بولدقد نصکره شویله ذات مقدسه بویله دارمخت و ملک
فناده اقامت ایتک مناسب اولدیغنه بناء سراى بقا وجوار کبریا
ورفیق اعلى به روح انور واعظم لری عروج ایتشددر صلی اللہ علی
روحه وجسده وسلم اول جسم مقدس دفن اولندیغی بقعه
مبارک کہ بالاتفاق زمین وسموات وجنات عالیات وعرش اعلى دن
افضل واشرفدر تنکم امام فاکهانی وابی عقیل حنبلی تصریح
وتحقیق ایتدیلر بعدہ جهور فقہار حنہم اللہ تعالی عندندہ
مسجد حرام ومکہ مکرمہ مدینہ نک قبرشریفنک ماعدا سندن
افضلدر زیر احق تعالی رسول اللہ صلی اللہ علیہ وسلم زیاده
تعظیم ایتشددر و ثنا ایتشددر المسجد الحرام البلد الامین
جعل اللہ الکعبۃ البیت الحرام قیاما للناس ان اول بیت وضع
للناس للذی بیکہ مبارکاً وهدى للعالمین فیہ آیات بینات مقام
ابراہیم ومن دخلہ کان آمناً وعهدنا الى ابراهیم واسمعیل
ان طہرا بیتی للطائفین والعاکفین والرکع السجود واذ بوأنا
لابراہیم مکان البیت ان لا تشرک بى شئاً وطہر بیتی للطائفین
والقائمین والرکع السجود واذ جعلنا البیت منابۃ للناس وامننا
وانتخذوا من مقام ابراهیم مصلی الایۃ وغیر یلرکی وحديث
شریفلرده واللہ انک خیرارض اللہ واحب ارض اللہ الی اللہ
ما اطمینک من بلد واحبک الی ولولا قومی اخرجونی منک
ما سکنت غیرک ودخی کعبۃ مکرمہ عبادتہ قبلہ اولیق واکا
حج ایتک فرض اولیق بونلرک جملہ سی مکہ مکرمہ نک افضل

اولدیغنه

اولدیغنه د لیللردر دیدیلر لکن امام مالک رضی اللہ تعالی عنہ
مدینہ منورہ بی مکہ مکرمہ اوزرینه تفضیل ایتشددر لکن اول
جسم شریفک دفن اولندیغی بقعه مبارک کہ جملہ یردن وسمواتدن
وعرش عظیمدن افضلدر بالاتفاق انس رضی اللہ عنہ روایت
ایتدی رسول اللہ صلی اللہ علیہ وسلم بیوردیکہ صلوة فی مسجدی
هذا تعدل بعشر الاف صلوة یعنی شوبنم مسجد مدہ نماز قلیق
اون یسک نمازہ معادل اولور صلوة فی المسجد الحرام تعدل
بمائة الف صلوة مسجد حرامده نماز قلیق یوز یسک نمازہ معادل
اولور والصلوة بارض الرباط تعدل بالنی صلوة ارض رباطده
نماز قلیق ایکی یسک نمازہ معادل اولور واکثر من ذلك کله الرکعتان
یصلیہما العبد فی جوف اللیل لایرید بهما الا ثواباً من عند اللہ
یعنی بونلرک کلپسندن شول ایکی رکعتد رکہ عبد کیجه ایچنده
اول ایکی رکعتی قیلار انلرایله مراد ایتمز الا اللہ عندندہ ثواب
وفضل مراد ایدرودخی رسول اللہ صلی اللہ علیہ وسلم مدینہ
منورہ به چوق دعا و ثنا ایتشددر برد عاسی بودر اللهم ان ابراهیم
عبدک وخلیلک ونبیک وانی عبدک ونبیک وانه د عاک لمکة وانی
ادعوک للمدینة بمثل ماد عاک لمکة ومثله معه وغیر یلرکی * تذیل
رسواللہ صلی اللہ علیہ وسلم خاتونلری وارددر خدیجه بنت
خویلد القرشیه سوده بنت ذمعه القرشیه عایشه صدیقہ بنت
ابی بکر الصدیق حفصه بنت عمر بن الخطاب زینب بنت خزیمه
الهلالیه ام سلمه بنت ابی امیه زینب بنت جحش جویریہ بنت
الحارث ام حبیبہ بنت سفیان صفیه بنت حی بن اخطب میمونہ
بنت الحارث وبریسى دخی ریحانه القرطیبه در لکن بعضیلر

جویریہ د نصکره توج ایلدی دیدیلر و بعضیلام حبیبه د نصکره
 در دیدیلر و بعضیلسریه در دیدیلر رضی الله تعالی عنهن و سراری
 دورتد و ماریه بعضک عندند و یحانه و جیله و بریسی دخی
 زینب بنت جحش رضی الله تعالی عنها در رسول الله صلی الله
 علیه و سلمه هبه ایتدی رضی الله عنهن و دخی رسول الله صلی الله
 علیه و سلمک اولادی اولمشدر اوغلاری قاسم قبل البعث طغوب
 قول صحیحده اون یدی آی تمام اولدقده قبل البعث آخرته کمشدر
 و عبد الله براسمی طیب و براسمی طاهر در عند البعض و بعضیلر
 طیب و طاهر عبد اللهک غیریدر دیدیلر بعد البعث طغوب
 کوچک ایکن مکه ده آخرته کتدی و ابراهیم رضیع ایکن آخرته
 کتدی یتیم کونلک یا خود زیاده اوله دیمشدر و قزلی فاطمه
 و رقیه و زینب و ام کلثوم رضی الله تعالی عنهن اجمعین جله سی
 حضرت خدیجه رضی الله تعالی عنهادن اولمشدر ابراهیمک غیر
 اول حضرت ماریه رضی الله عنهادن اولمشدر و جله اولادی
 او کجه وفات ایتشد در فاطمه رضی الله عنهادن غیر اول رسول الله
 صلی الله علیه و سلمدن الی آی صکره وفات ایتشد در حضرت
 علی رضی الله عنه به تزویج ایدوب حسن و حسین رضی الله عنهما
 اندن اولمشدر و جله قزلینک افضلیدر و رسول الله صلی الله علیه
 و سلمک سوکلبسیدر بر حدیث شریفده فاطمه بندن بر قطعه
 در برکسه انی اغضاب ایتسه بنی اغضاب ایتش اولور و دخی
 اکثر علما رحهم الله تعالی حضرت خدیجه رضی الله عنها
 حضرت عایشه رضی الله عنها دن افضلدر و زراحق سبحانه
 و تعالی جبرائیل علیه السلام واسطه سیله اکا سلام کوندرمشدر

و حضرت

و حضرت عایشه به جبرائیل علیه السلام واسطه سیله سلام
 کوندرمشدر دیدیلر و بر حدیث شریفده کل من الرجال کثیر
 ولم یکمل من النساء الامیریم و آسیه و خدیجه یعنی رجالدن چوق
 کسه لکامل اولدی و نسادن کامل اولدی الامیریم و آسیه و خدیجه
 کمال اولدی و فضل عایشه علی النساء کفضل الثرید علی الطعام
 سائر نسوان اوزرینه عایشه نک فضیلتی ثرید طعامک سا طعام
 اوزرینه فضلی کبیدر بو باده بعض علما توقف ایتشدر در
 مناسب بودر زرا تفاضل حقنده بحث لازم دکدر و خصوصاً
 ادله ده تعارض اندفاعی نه و جهله اولدیغی مبهم اولوب باب
 توفیق معلوم اولیه بوندن بویه سکوت البقدر دیدیلر و بعض علما
 رحهم الله تعالی حضرت فاطمه رضی الله عنهایه برکسه معادل
 اوله مز دیدیلر زرا رسول الله صلی الله علیه و سلمدن بر قطعه در
 مدت عمرنده حیض و نفاس واقع اولمشدر انکی چون فاطمه الزهری
 دینور ایکی رکعت نماز قضایه قالمغه سبب اوله حق نسنه صدور
 ایتدی کیچون و عبادتده کمال اوزره خشوع و خضوع ایدوب جناب
 حضرت الله المعبود الصمد عزشانه وجل برهانه به توجه کامل ایله
 توجه ایتدی کیچون بتول تسمیه اولندی حتی امام سبکی رحه الله تعالی
 شویله پیور دیکه بنم عند مده مختار بودر که فاطمه بنت محمد
 صلی الله علیه و سلم صکره خدیجه صکره عایشه رضی الله عنهن
 بویه ترتیدر دیدی و بعضیلر بو باید دخی توقف ایتدی جای
 سلامت بودر زرا مقام امر عظیمدر ادله متعارضده در هر بریسنده
 نیجه صفات جلیله واردر که عقول متحیره در حق تعالی انلر حقنده
 پیورمشدر یا نساء النبی لستن کا حدمن النساء ان اتقین و غیر آیت

کریمه را وارد در مثلا النبی اولی بالمؤمنین من انفسهم وازواجه
امهاتهم کبی و نیجه حدیث شریف را وارد در مثلا امام نسائی
روایتند فاطمه سیده نساء اهل الجنة * فصل * معلوم اولسونکه
انبیاء کرام علیهم السلامده خصال حمیده واحوال شریفه
وافعال جبیله واردر مقامات مغویه وارد رکن جله کمالاتک
اعلاسی واکلی مقام نبوت در جمهور اهل سنت عندنده بر پیغمبر
اولا ولایت کسب اید ر بعده اکا نبوت عطیه اولنور بونک تحقیقی
بودر که منصب نبوت تحیده جیع کالات علمیه و عملیه و اخلاقیه
وسائر قربات مندر جدر بلکه جیع کالات عینیدر مقام نبوت
وحی الهی و نزول جبریل امین اقتضای ایدر و مقتضای انام و متبوع
خاص و عام اولق استدعا ایدر و تأسیس شرایع و تبیین آیات
و تبلیغ وحی و سائر کالات علمیه و عملیه بیان ایتک و سائر امور عامه
و خاصه جهت نبوت ایله تبلیغ اولدیغی مقام نبوتک مقام ولایت نبویه
اوزرینه افضل و اشرف اولدیغنه برهان قاطع در مع هذا حق سبحانه
و تعالی انبیا علیهم السلامی قرآن کریمده وصف نبوت ایله
توصیف و مدح ایتشدر مثلا انبیاء الله و النبیین و رسل الله و المرسلین
کبی و بعضی را ولایت نبویه نبوت اوزرینه مفضلدر دیدیلر
بومذهب صاحبزادری اهل سنتند رکن جمهوره مخالفدر
و جنتلری سخیفدر نشکم مطولانده مذکور در اما
اولیا ده اولان ولایت انبیاده اولان ولایتدن ناقص اولدیغنده
اهل سنت عندنده هیچ اختلاف یوقدرزیر اولیا انبیانک توابعیدر
انبیا علیهم السلام متبوعلر و مقتدالردر معلوم اولسونکه ولی
لغنده محب و صادق و قریب معنا سنه کلور غالباً و شرعه

تعریفی بودر هو العارف بالله وصفاته و سائر العقائد اللازمه
بقدر الامکان المواظب علی الطاعات المجتنب عن السبئات
المعرض عن الانهماک فی اللذات و الشهوات المباحه یعنی ولی
شول کسه که حق تعالی به وصفاته معرفت تحصیل ایدوب
وسائر عقائد حقیه معتقد اولوب طاعات اوزرینه مداوم
سبئاتدن اجتناب ایدوب لذات و شهوات مباحه به انهماک
و اشتغالدن اعراض و احتراز ایدر اهل سنت عندنده شروط
معتبره غالباً دوردر اولکبسی عقائد اهل سنتی تفصیلاً بیلوب
معتقد اوله ایکنجیبسی احکام شرعیه لازمیه عالم اوله اوچنبیبسی
اخلاق حمیده ایله مهمما ممکن متصف اوله خصوصاً سخاوت
کنندنده موجود اوله دوردر نبیبسی اخلاق ذمیمه نک جله سندن
مهمما ممکن مجتنب اوله خصوصاً عجب و ریا و حب ماسوادن
غایتده بعید اوله بویله اولان کسه لره اولیاء الله دینور مقربون
واهل تقوی و صدیقون و اهل الله و السابقون دینور اللهم احشرنا
معهم امام ابوحنیفه و امام شافعی رجھما الله تعالی پیوردیلر که
اولیا علمادن اولمزسه اصلاً برولی بولنمق لازم اولور یعنی اولیا
اهل علمدن اولور غیریدن اولماز و کندینده بالفعل علی وجه الکرامه
خارق عادت ظهور ایتک شرط دکلد و حق سبحانه و تعالی
اولیا اولان قوللرنده عادت ناسه مخالف کرامات خلق ایدر
عندالله تعالی درجه رفیعہ لری اولدیغنه بناء انلره اکرام ایچون
اهل سنت عندنده کرامت وارد ر اهل اعتزال انکار ایتدیلر اهل
سنتک دلیلی بودر که کرامات اولیا تواتریله منقولدر نکم آصف
حضر تلمری بلقبسک کوشکنی اوج ایلق محلدن طرفه العینده

کتوردیکی قرآن کریمده حضرت سلیمان علیه السلام قصه سنده
مذکور در شواہت کریمه در قال الذی عنده علم من الکتاب
انا آتیک به قبل ان یرتد الیک طرفک الایه و حضرت مریم علیها
السلامده ظهور ایدن کراماتکه قبش وقتنده یازمبوه سی و یاز
وقتنده قبش مبه سی حاصل اولدیغی کبی نتکم قرآن عظیم
الشانده ذکر اولنور کلام دخل علیها زکریا المحراب وجد عندها
رزقا قال یا مریم انی لک هذا قالت هو من عند الله ان الله یرزق
من یشاء بغير حساب و دخی ابوالدرداء ایله سلمان فارسی رضی الله
عنهما طعام ایدرکن اوکلرنده قصه که سخن تسبیح ایدوب
سبحان الله دیدی وانلرا ایشدیلر و رسول الله صلی الله علیه وسلم
نقل ایتدیلمده رسول الله صلی الله علیه وسلم دخی الله عظیم الشان
جل شانہ نک بویله ایلدیکی سزله اکرامدر و تعظیمدر دیو
پور دیلرودخی روایت صحیحده شویله نقل اولندیکه حضرت
عمر بن الخطاب رضی الله عنه ایام خلافتنده ساریه رضی الله
عنهای سرعسکر ایدوب عسکرایله دیار بکر جابنه کوندردی
زمان مرور ایتدی بر خبر کلدی برکون حضرت عمر رضی الله
عنه خطبه او قورکن مدینه منوره ده علی طریق المکاشفه
کوردیکه حضرت ساریه ایله برطاغک قربنده قومشدر دشمن
دخی طاغک آردندن اوزرلرینه عسکر چیقروب غارات
ایده جکلر بو حالی حضرت عمر رضی الله عنه خطبه ائسانده کورب
اوج آیلق قدر یولدن یاساریه الجبل الجبل دیدی و ساریه
حضرتلری علی طریق المکاشفه حضرت نمری کوردی و سوزن
ایشدی و عسکرایله بیله دشمندن مقدم طاغده چیقوب دشمنه

غالب اولدی لررضی الله عنهم اجمعین * و دخی کراماتک حدی
و حصری یوقدرو نیجه سلف صالحین و متقدمین و متأخریندن
نیجه در لوکرامات و مکاشفات نقل اولنور تواتر طریقه که اصلا
انکاره مجال یوقدر و ولینک کرامتی تابع اولدیغی پیغمبرک
معجزه سیدر حق سبحانه و تعالینک و لقد کرمانی آدم و حنانه
فی البر و البحر الایه نظم کرمی کرامت اولیا حقنده
دکندر بلکه بنی آدمک سیار حیوانات اوزرینه مکرم
اولدیغی حقه در جاهلرک اکلدیغی کبی دکلدلر لسانلری
بیلمدکلری آیت کریمه دن و احادیث شریفه دن حفظ ایدوب
تفسیر و تعبیرون احتراز لازمدر زیرا مردود و مخالف معنایه
حل ایتدیکندن کفردن قورقلور و الحاصل آیت کریمه و احادیث
شریفه تفسیری و روایتی علماء کرام وظیفه سیدر همان جاهلر
سکوت و استماع لازمدر * فضل * معلوم اولسونکه نصب امام
مؤمنلر اوزرینه واجبدر شرعا جمهور اهل سنت عندنده و اکثر
معتزله و بعض شیعہ عندنده عقلا واجبدر و بعضیسنک عندنده
عقلا و سمعا واجبدر و خوارج عندنده نصب امام واجب دکلدلر
بلکه جائزدر و بعضیلمفته دن خوف عندنده عقلا واجبدر
و اکثر شیعہ و بعض معتزله عندنده الله تعالی اوزرینه
واجبدر عقلا بومسئله فروع شرعیه دندر لکن حقه مذاهب
مختلفه ده اختلافات کثیره اولدیغیچون مسائل اعتقادیه
الحاق اولندی شانته اهتمام اعلیچون زیرا بر حدیث شریفده
من مات ولم یعرف امام زمانه مات میتة جاهلیة وارد اولمشدر
یعنی کیمکه وقتک امامنی بیلمدن اولسه جاهلیت اولومبله اولور

دیکدر چونکه مذهب اهل سنته مؤمنراوزرینه شرعا واجب
اولدیکه بر خلیفه نصب ایدوب آندن بیعت ایده لر واکا شرع
شریفه موافق اولان امورده اتباع ایده لر حضرت رسول
کائنات علیه وعلی آله وصحبه افضل التحیات واشرف التسلیات
سرای بقایه انتقال ایتدکدن صکره کبار صحابه رضی الله عنهم
اجعین بنی ساعده نك سقیفه سنده جمع اولوب امر خلافتده
مشورت واجتهاد اولی و آخری اولانی تحریر ایتدیلر جمله سی
حضرت ابی بکری تقدیم ایدوب اصکاما بیعت ایتدیلر لکن
حضرت سید الکائنات صلی الله علیه وسلم حضرت ابی بکر
رضی الله عنه نك خلافتی خصوصنده تصریح ایتدیمی یوخسه
ایتمدیمی اختلاف اولندی جمهور اشاعره و بعض معتزله
وخوارج تصریح یوقددر دیدیلر لکه رسول علیه الصلوة
والسلام ابو بکر نك خلافتنه اشارت ایتدی دیدیلر و بعض
علماء تصریح واقع اولدی دیدیلر حتی حسن بصری رحمه الله
تعالی بیور دیکه حضرت رسول اکرم صلی الله علیه وسلم نص
خفی ایله نص ایتدی حتی آخرته تشریفندن برفاج کون مقدم
نمازه تقدیم ایدوب خلفنده نماز قلدی و بعض محدثین نص
جلی روایت ایتدیلر و بر حدیث شریف تخریح ایتدیلر حضرت
رسول کائنات صلی الله علیه وعلی آله وصحبه وسلم آخرته
تشریفندن مقدمه کبار صحابه به امر ایدوب * اثتونی بدوایه
و قرطاس لاکتین لابی بکر کابا لا یختلف فیہ اثتان * بیوردی
دیدیلر شیعه طائفه سی نص و اشارتی انکار ایتدیلر و حضرت
علی رضی الله عنه نك خلافتی حقنده برفاج حدیث موضوع

نقل ایتدیلر و خلیفه اول اولدی دیدیلر و الحاصل مذهب تحقیقده
شویله در جمله اصحاب مهاجرین و انصار سقیفهیه مجتمع اولوب
بعدا المشاورة والمراجعة حضرت ابی بکر رضی الله عنه نك خلافتنه
اتفاق واجماع ایدوب بالظنوع آندن بیعت ایتدیلر حتی حضرت
علی رضی الله عنه بیعت ایتدکدن صکره حضرت ابی بکر خلیفه
رسول الله صلی الله علیه وسلم دیولقب ایتدی و دخی معلوم
اولسونکه انبیا و مرسلین صلوات الله وسلامه علی رسولنا
وعلیهم اجمعین حضرت لرندن ماعداجله ناسک افضل ابی بکر
در رضی الله عنه جمله اولیاتک افضلیدر تاج اوایسادر انور
انور مسک از فرصدیق اکبر خلیفه اول شیخ اعظم
ابو بکر عبدالله بن ابی قحافه رضی الله تعالی عنه ایکی سنه دورت
آی بر روایتده الی آئی خلیفه اولدی و قناکه وفاق قریب
اولدقد حضرت عثمان رضی الله عنه بی دعوت ایدوب حضرت
عمر ایچون رضی الله عنه عهد خلافت فرمانی تحریر ایلدی شویله
امر ایلدیکه * اکتب بسم الله الرحمن الرحیم هذا ما عهد
ابو بکر بن ابی قحافه فی آخر عهده من الدنیا خارجا عنها
و اول عهده بالآخرة داخل فیها حین یؤمن الکافر و یوقن الفاجر
انی استخلفت عمر بن الخطاب فان عدل فذلك ظنی به و رأی فیہ
وان جار فلکل امری ما اکتسب و الخیر اردت و لا اعلم الغیب
و سبعم الذین ظلموا ای منقلب ینقلبون بعده بوکابی مهر لیوب جمله به
کابده مذکور اولانه بیعت ایلله امر ایلدی جمیع اصحاب مهاجرین
و انصار رضی الله عنهم اجمعین بیعت ایدوب خلافتنه اتفاق
ایتدیلر مدت اون سنه اولوب عدالت و استقامت اوزره اعدای

قهر و دین اسلامه و شریعت مصطفویه به زیاده نصرت
ایلدی حتی بلاد مشارقی قح و اکاسره بی قهر و قیاسره دن
اخذ خراج و بلاد لرینی هدم و اموال لرینی غارات و غنیمت
و اولاد لرینی اسیر و امور اسلامیه به حسن انتظام ایله ترتیب
و فقرا و مساکین اوزرینه غایتده مرحت و مزخرفات
دنویه دن غایتده احتراز ایدوب حتی ایام خلافتده کیدوکی
کوملکنده یقاسنه قریب محله اوج یماسی و ارایدی و آندن
غیری کوملکی یوغیدی و غایتده شجع اولوب امر معروف
و نهی عن المنکر ایتمکده متانت و صلابت صاحبی ایدی رضی الله
عنه و ارضاه وقتا که ابواؤ لوه نام غلام ایله جام شهادت نوش
ایتدکده بامر الله تعالی و حکمه انتقال وقتنده امر خلافتی برکسنه به
تعیین انیموب کبار صحابه دن الی صحابه یکننده که عثمان
و علی و زبیر و طلحه و عبدالرحمن بن عوف و سعد بن ابی وقاص
رضی الله تعالی عنهم بونلره تفویض ایلدی بونلر دخی عبدالرحمن
ابن عوفک اجتهاده تفویض ایتدیلر بعد اول دخی و ابوب
عثمان بن عفان رضی الله عنه دن بیعت ایتدکده جله سی حسن
رضایله بیعت و اختیار ایتدیلر و خلافتی اوزرینه اتفاق
ایتدیلر عثمان بن عفان رضی الله عنه سرای بقایه رحلت ایتدکده
جمع اصحاب مهاجرین و انصار رضی الله عنهم حضرت علی
رضی الله عنه دن بیعت ایدوب خلافتی اوزرینه اتفاق ایتدیلر
مدت خلافتی الی سنه در حضرت رسول کائنات و مقبر
موجودات صلی الله علیه و سلم حدیث شریفی که الخلافة
بعدي ثلثون سنة ثم يصير ملكا عرضا یعنی خلافت بند نصرکه

اوتوز

اوتوز سنه در بعده ملك عضوض اولور دیو اوتوز سنه حضرت
علی رضی الله عنه خلافتیه تمام اولمشدر و بعضیلر عندنده
حسن بن علی رضی الله عنهم انک الی آی خلافتی وارد و آنک ایله
تمام اولمشدر بوحديث شریفده خلافتدن مراد خلافت
حقیقه کماله در بونلر دن نصرکه اولان اماملره خلفا تسمیه
اولدی و فقهار حیم الله تعالی سلطان الوقت اوللره خلیفه
اطلاقی جائز دکلدر دیدیلر و الله اعلم بالصواب و عنده حسن المأب
* فصل * معلوم اولسونکده اصحاب شول انساندر که حضرت
رسول الله صلی الله علیه و سلم حال حیاتنده موجود اولوب
شرف اسلام ایله مشرف اولدقده اول رسولی کورمش اوله یا خود
رسول آتی کورمش اوله اگر علما عندنده بویله در امام بخاری
عندنده کورمک و اقلی مرتبه بر ساعت کورمک شرطدر و بعض
محدثین عندنده طول بحالسه لازمدر و بعض اصولیین عندنده
رؤیت لابد در شول مؤمنلر که اول وقتده موجود اولوب کورمک
میسر اولمش آنلره مخضرم دینور قول صحیحده تابعین زمره سندندر
و بعضیلر عندنده اصحاب ندر و بالجمله انیسادن ماعدا افضل
ابو بکر در رضی الله عنه حق سبحانه و تعالی نیک و سیجینها الاتقی الذی
یؤتی ماله بترکی و مالا حد عندده من نعمة تجزی الابغاء و جهر به
الاعلی و لسوف رضی نظم عزیزی حضرت ابو بکر مدحی
حقنده نازل اولمشدر و حق تعالی اکا صاحب تسمیه ایتمشدر
شکم پیورر اذ یقول لصاحبه لا تحزن ان الله معنا و دخی رسول الله
صلی الله علیه و سلم فی مدح حقنده پیورر و الله ما طلعت شمس ولا
غربت بعد البقیین والمرسلین علی احد افضل من ابی بکر یعنی والله

انبياء و مرسلين صكره ابو بكر بن افضل بر كسبه اوزر بنه
 كوشش طلوع و غروب ايتز ابن عمر رضي الله عنهما بيورديكه
 كان قول و رسول الله صلى الله عليه و آله النبي بعده ابو بكر ثم عمر ثم
 عثمان و حضرت علي رضي الله عنه بيورديكه خير الناس
 بعد النبيين ابو بكر ثم عمر ثم عثمان ثم علي و دخی جوق
 حديث شريف فرده مدح و ارد او لمشدر و ايام خلافتنده آثار
 جليله سي و ارد در جوق تأليف قلوب و اتباع فتوح و اهل ردی
 قهر و جزیره عربی شری کردن تطهیر و رومی شامدن اخراج
 و فرسی حدود سواددن طرد بونلرک زیاده سیله شوکت و شکمهری
 و ارایکن ابو بكر د نصكره افضل عمر بن الخطاب رضي الله عنه در
 شود کرا و عثمان حديث شريف فرده مذکور در و ايام خلافتنده
 ایلدیکی عدل و استقامت بوقار و ده ذکر اولندی بعده جمهور
 اهل سنت عندنده عمر رضي الله عنه د نصكره حضرت عثمان
 ابن عفان در رضي الله عنه ذکر اولنان حديث شريف فرده مذکور در
 و زمان خلافتنده جوق بلادی فتح ایتدی و جیوش مسلکی تجهیز
 ایتدی و مصحف شریفی جوق یازدروب اطرافه شایع قلدی
 و صاحب حساب ایدی شول مرتبه ده که حتی رسول کائنات
 صلی الله علیه و سلم انک حقنده بیوردی انی لاستحی من تسبی
 منه ملائكة السماء بر کسبه دن نقل اولندی بر پیغمبره ایکی کره
 داماد اوله عثمان رضي الله عنهدن غیری رسول اکرم صلی الله
 علیه و سلم قزی رقبه بی اکا تزویج ایتدی اول آخرته کتد کد نصكره
 قزی ام کلثومی تزویج ایلدی اول دخی آخرته کتدی رسول
 اکرم صلی الله علیه و سلم بیوردیکه اگر بر قریم دخی اولیدی

سکا تزویج ایدر ایدم بوندن صكره افضل علی بن ابی طالب
 رضي الله عنه در رسول الله صلی الله علیه و سلم قزی فاطمه بی
 اکا تزویج ایلدی و عمر وجه سی او غلبدر لکن بعض
 متأخرین حضرت علی حضرت عثمان دن افضلدر دیدیلر
 و بعضیلر توقف ایتدیلر و الحاصل علامات اهل سنتدن تفضل
 الشیخین و محبة الختین رضي الله عنهم بونلردن صكره سائر
 عشرة مبشره حديث صحیحده شویله در که عشرة فی الجنة ابو بكر
 فی الجنة و عمر فی الجنة و عثمان فی الجنة و علی فی الجنة و الزبیر
 فی الجنة و طلحة فی الجنة و عبد الرحمن بن عوف فی الجنة و ابو عبیده
 ابن الجراح فی الجنة و سعد بن ابی وقاص فی الجنة و سعد بن زید
 فی الجنة و بونلردن صكره اهل بدر و باقی اهل احد و باقی اهل
 بیعة الرضوان بالحدیث بونلر افضل اصحابدر ابن ماجه رحمه الله
 تعالی رافع بن خدیج دن روایت ایتدیکه جبرائیل یا خود بر ملک
 رسول الله صلی الله علیه و سلمه کلوب دیدیکه ما تعدون من
 شهد بدر فیکم قالوا خیارنا قال كذلك هم عندنا خیار
 الملائكة یعنی بدر غزاسنه حاضر اولنلری بینکرده نیجه
 عدایدن سز دیدی جواب و یروب انلریم خیر لیریمز در دیدیلر
 ملک دیدیکه كذلك انلریم عندیمزده دخی ملائکه دن
 خیر لیردر دیدی و اما اهل بیعة الرضوان حقننده حق تعالی
 بیوردی لقدر رضي الله عن المؤمنین اذ یبایعونک تحت الشجرة
 ابو داود روایت و امام ترمذی صحیح ایتدیکه رسول کائنات
 و افضل من فی الارض و السموات علیه و علی آله و صحبه
 الصلوات و التسلیمات بیوردیکه لا یدخل النار احد من بايع

تحت الشجرة یعنی تحت شجره ده مسایعه ایدنلردن برکسه ناره
کیر من جملة سی اهل جتدر و بالجملة السابقون الاولون
من المهاجرین والانصار غیرى صحابیدن افضلدر تکم الله
العزیز الحکیم العظیم الرحیم جلت جلالة وجهه الکرم و بهرت
آیات فضله العظیم بیورر * لایستوی منکم من اتفق من قبل
الفتح و قاتل اولئک اعظم درجة من الذین اتفقوا من بعد و قاتلوا
وکلا وعد الله الحسنی * و سائر صحابه افاضل اهل اسلامدر
رضی الله عنهم اجمعین * و دخی حضرت فاطمه رضی الله
عنها و امام حسن و امام حسین رضی الله عنهما اهل جتدر
و حضرت خدیجه و عایشه و سائر ازواج مطهرات رضی الله عنهن
اهل جتدر حدیث شریفلرده مصر حددر * و الحاصل جملة
اصحاب کربن رضوان الله علیهم اجمعین اهل خیر
و اهل سعادتدر حق سبحانه و تعالی قرآن عظیم الشانده مواضع
کثیره ده آنلری مدح ایتشددر * یا ایها النبی حسبك الله و من اتبعک
من المؤمنین * لقد تاب الله علی النبی و المهاجرین و الانصار *
لقد رضی الله عن المؤمنین اذ یسأعونک تحت الشجرة * و الذین معه
اشدء علی الکفار رجاء یدنهم تربهم رکعاسجدا * و لا تحسبن
الذین قتلوا فی سبیل الله امواتا بل احياء عند ربهم * الایة و سائر
آیات کریمه لدخی چوقدر و رسول الله صلی الله علیه و سلم مدح
ایتشددر اصحابی کالجوم بایهم اقتدینم اهتدینم لاتسبوا اصحابی
فلو ان احدکم اتفق مثل احد ذهب اما بلغ مداحدهم و لا نصیغه
اکرموا صحابی فانهم خیارکم الله فی الصحابی لاتخذوهم
غرضا من بعدی فن احبهم فحبی احبهم و من ابغضهم فببغضی

ابغضهم

ابغضهم و من اذا هم فقد اذانی و من اذانی فقد اذی الله و من اذی
الله یوشک ان یأخذه حق سبحانه و تعالی رسولنه صحابه اولسنی
اختیار ایدوب وقت سعادتنده آنلری دین اسلامه معین ایتشددر
و شرف صحبتله مشرف اولوب فی سبیل الله نیچه لری روحلری
حضور رسول الله ده بذل ایدوب اعداء الله ایله مجاهده ده جام
عماقی دست شهادتدن نوش ایتشددر خنهم من قضی نحبهم و منهم
من ینظر و مابدلوا تبديلا و نیچه لری دین اسلامی و شریعت
غرای صاحب شر یعتدن اخذ ایدوب غایبلره تبلیغ ایتشددر
امت محمدیه تک افضللر یدر و هر بریسی شفاعت ایتسه کرکدر
بر جملة سن سوارز و شفاعت لری اومارز رضوان الله تعالی علیهم
اجمعین * فصل * معلوم اولسونکه تابعین شول مؤمنلر در که
حال حیاتنده صحابه بی یاخود صحابه انی کورمش اوله
عند الاکثر و بعضیلر عتدنده طول ملازمت لایددر و بعضیلر
عتدنده صحبة السماع لازمددر و بعضیلر عتدنده سن تمیز شرطدر
صحابه دن صکره افضل بونلر در افضل تابعینده اختلاف
اولندی اهل مدینه سعید بن المسیدر دیدیلر اهل بصره حسن
بصریدر دیدیلر اهل کوفه اویس القریندر دیدیلر زبراحضرت
عمر بن الخطاب رضی الله عنه بیور دیکه بن ایشندم رسول الله
صلی الله علیه و سلم بیور دیکه ان خیر التابعین یعنی تابعینک
خیر لسی رجل برر جلددر که یقاله اویس انک اسمنه اویس
دینور و دخی حقتده حدیث شریفلر وارد در حتی آخرتده ابکی
قبیله قدر کسره شفاعت ایدر دیو خبر وارد اولشددر رضی الله
عنهم اجمعین و حسن بصری رضی الله عنه یتش قدر کبار

صحابیه ملاقی اولمشدر وزهد وتقواده کمال بولمشدر ولی کاملدر فضائل شریفه سی جوقدر رضی الله عنه ودخی معلوم اولسونکه معتقد اولمق لازمدرکه افضل الائمة المجتهدین واکل الفقهاء الفاضلین حضرت امام اعظم ومام اقدم سراج امة محمدیه چراغ ملت احمدیه نعمان حقایق عمان معانی ودقایق عارف وعالم امام جهان ابوحنیفه کوفی رضی الله عنه وارضاه حضرت تری افاضل تابعیندر علمده وعملده کاملدر درجه ولایتده ذروه علیایه واصل تاج العلماء المتبحرین رحمة الله علیه وعلیهم اجمعین غایتده فضائل شریفه سی و مناقب لطیفه سی جوقدر حتی حقننده کابلر تألیف اولمشدر بعده امام مالک رضی الله عنه علمده وعملده کاملدر وتقواده مرتبه قصویه نالدر بعده امام ذوالشرفین الشافعی رضی الله عنه بعده امام احمد بن حنبل رضی الله عنه و بونلرک نیجه تلامذری وارد و بونلر اتباع تابعیندندو بالاتفاق واقع شودرکه بعد الانبیاء والمرسلین صلوات الله وسلامه علی نبینا وعلیهم اجمعین اشراف الناس وفاضل اهل الاسلام علما وصدیقون عاملوندر زیر اصفت علم برصفتدرکه حق سبحانه وتعالی انی اصطفاه واختیار ایتدیکی قوللرینه اعطاوا احسان ایدر تکم قرآن کریمده بیورر ثم اورثنا الکتاب الذین اصطفینا من عبادنا الایة حق جل وعلا ایلر قوللر بیننده واسطه دردر احکام اللهی قوللره تبلیغ ایدر ل انبیاء کرام علیهم الصلوة والسلام و وارثلری و خلیفه لیدر طلب علم حالی اعتبار ایلر حدیث شریفده بیورر طالب العلم یستغفر له کل شیء حتی الحیتان فی البحر و حتی النملة

فی حجرها

فی حجرها یعنی طالب علم ایچون هرشی استغفار ایدر حتی در یاده بالقلرو یواسنده قرینجه لردخی اکا استغفار ایدر و بالفعل عالم اولنلر حقننده بیورر فضل العالم علی العابد کفضلی علی ادنا کم یعنی عالمک عالم اولبسان عابد اوزرینه فضلی سزک ادنا کم اوزرینه فضلم کیدر و سائر آیات کرمیه وحدیث شریفلر وارد و بونلر حدیث شریف مدح حقننده کفایت ایدر بونلردن صکره مرتبه شهادتدر بونلرک حقننده نیجه نالر وارد قرآن عظیمده وحدیث شریفده بونلردن صکره اهل جهاد مرتبه سیدر بونلردن صکره حجاج مرتبه سیدر بونلردن صکره عامه مؤمنلرک صالحلرینک مرتبه سیدر کتب مفصلا ده تفصیلا ذکر اولمشدر والله اعلم بالصواب وحسبنا الله ونعم الوکیل * تکمله * معلوم اولسونکه مبشر بالجنة اولنلردن ماعداد برکسه حقننده اهل جنتدر دیو حکم اولنماز الا صفت ایمان ایلر توصیف قبلنوب حکم اولنور مثلا اگر مؤمن اولدیغی حالده آخرته کیدر سه اهل جنت اولور کذلک جمیع اهل ایمان اهل جنتدر دینور و کذلک برکسه یه اهل جهنمدر دیو حکم اولنماز مکر الله تعالی یاخود رسول الله صلی الله علیه وسلم خبر و برمش اوله اما صفت کفر ایلر توصیف قبلند قدن صکره جهنمه حکم اولنور مثلا فلان کافر اگر آخرته کفر ایلر کیدر سه اهل جهنمدر دینور کذلک کافرلر اهل جهنمدر دینور بر مؤمن حقننده آخرته کفر ایلر کفسون دیو بد دعا ایتک جائز کلدن تقدیر فاسق و فاجر و ظالم اولور سه ده وحضرت موسی علیه السلام فرعونک وفومنک

حقنده دعا ایدوب ربنا اطمس علی اموالهم واشدد علی قلوبهم
فلا یؤمنوا حتی یروا العذاب الالیم الایة بویه دبیدیکی حاشا
مؤمنلر حقنده دکلدر و مؤمن ظالم حقنده ظلمدن اوتوری
عذابی دائم اولسون ایچون کفرله کنسون دیوبد دعا ایتک
جائر در دیوب بوآیت کریمه بی دلیل کنورمک فاسددر
وحضرت موسی علیه السلامه افزا ایتش اولور زیر حضرت
موسی علیه السلام والله العظیم مؤمنلره بودعایی ایتدی فرعون
وقومی کافر ل ایدی وانلری ایمانه دعوت ایلدی بونجه مدت
مدیده بوقدر معجزه کوسزدی ایمان کتور میوب دخی زیاده
استکبار وعناد ایتدیلمر و مؤمنلره درلودرلو جفا و اذا ایتدیلمر
بعده حضرت موسی علیه السلام بونلرک ایمانه کلمه جکلرینی
اکلیوب بویه جه دعا ایتدی نتکم کتب تفسیر ده قصص
انبیا علیهم السلامی مطالعه ایدن عاقللر بو کا شاهددر
ودخی برکسه حقنده لغت ایتکله امر بوقدر ابلبس حقنده
بیله اکالغت ایدی کوز دیو طرف شرعدن امر صادر اولدی
ادکر دیرسک حق سبحانه ونعالی ورسول الله صلی الله
علیه وسلم بعض طائفه به لغت ایتدیلمر کاب اللهه نسنه زیاده
ایدنلر وتقدری تکذیب ایدنلر واهل اسلام اوزرینه جبر و قهر
ایله مسلط اولنلر وحق تعالی نیک عزیز ایتدیکنی دلیل و دلیل
ایتدیکنی عزیز ایتک ایچون سعی ایدنلر وسنت رسول ترک ایدنلر
واسم اللهدن غیری اسمله ذبح ایدنلر وانا سنه و بابا سنه لغت
ایدنلر دین اسلامده بدعت سبئه احداث ایدنلر و با اکل ایدنلر
وایتدورن و کاتبی وشاهدی اولنلر واکنه ایله یوزینه دورتوب

اوزرینه برلون ایله نیک ایدن وایتدورن و صدقه وز کوتی منع
ایدن وشول عورت که زوجی اکا غضب ایتش اوله
وامور شرعیله ده اذان محمدیه بی ایشیدوب اجابت ایتیلر
ورشوت آلان و ویرن و خرسقان وصفدیرن و ایچن و ساقی اولان
وکتورن و کتوردن و صنان و آلان و هبه ایلین و اقمچه سنی اکل
ایدن و حله ایدن وایتدورن وشول کسه که انک امامتنی قومی
کریه عدا ایدوب راضی اولیه لر اولدخی دکلایوب انلره امام اوله
و غیریلر دخی وارددر بونلره جانب شریعتده لغت صادر
اولمشدر لکن بز امر اولنما دق بونلره لغت ایتکله الله تبارک
ونعالی ورسولی علیه الصلوٰة والسلام بونلره لغت ایتدکلرینک
حکمتنی ینه انلریلور برکسه ابلبس و غیر یسنه هیچ لغت
ایتسه اکاسن نیچون لغتی ترک ایتدک دیو آخرتده اصلا سؤال بوقدر
واما لغت ایتسه شاید سن بونکله امر اولنمش ایکن نیچون
ایتدک دیو سؤال اولنه مع هذا امام مسلم رحمه الله تعالی
ابوالدرداء رضی الله عنه دن تخریج ایلدی اولدخی بیوردیکه
بن ایشتم رسول الله صلی الله علیه وسلم یسور دیکه
ان الاعانین تحقیق لغت ایتدی کسه لر لایکونون شهداء
ولا شفعاء یوم القیمة یوم قیامتده انلر شاهد وشافعلر اولمازلر
ولغت کله سنی تکلم ایتک آفات لساندنر واما حضرت معاویه
رضی الله عنه نک اوغلی یزید حقنده سوز چوقدر بعضیلر
آل رسوله صلی الله علیه وسلم یزید اهانت ایتدی و قتل
ایتدردی مجرد ریاست دنیویه ایچون کافر اولدی ولغت ایده رز
دیدیلر نتکم سعدالدین شرح عقاید ده بونی اختیار ایتدی

وبعضی بقتل صحابی کفر دکلدر حلال دیمد بجه و تحقیر
ایتماد بجه بوضوئیده یزید حقننده توقف ایده رزیدیلر و بعضی ب
یزید کافر بیله اولدیسه ینسه لغت ایتموز دیدیلر و الحاصل
خلاصة الفتاوا ده شویله ذکر اولنور که یزید اوزرینه و حجاج
اوزرینه لغت ایتمک لایق دکلدر زیر رسول الله صلی الله علیه
وسلم نماز قیلانله و اهل قبله اولنله لغت ایتمکدن نهی ابتدی
و بالجمله کف لسان جای سلامتدر یا عجبا یزید ابلبسدن
اشد دکل ایکن ابلبس حقننده لغت ایله امر اولمقدق بوندن
عبرت آلا نه عبرت عظیمه واردر والله اعلم و احکم * مقام خامس
ایمان بالیوم الآخر بیاننده اولیجیدر اولا معلوم اولسونکه
دار اوجدر دارالدنیا و دارالبرزخ و دار الجزا و بعضی بوندن
دورتر بریسی دخی رجدر و بعضی بیکیدر دیدیلر الدنیا
والآخرة و بالجمله دارالبرزخدن مراد موت و قتلدن قیامت
وقتندک اولان زمان و مکاندر بومقامده عالم البرزخ عالم الآخرة
ملحق اعتبار اولنور مذهب تحقیق اوزره احوالندن بحث
اولنور باذن الله تعالی * فصل * سؤال قبر احوالی بیاننده
اولیجیدر معلوم اولسونکه سؤال قبر حقننده چوق حدیث
شریفلر و آثار کثیره ل واردر که اصلا انکار و توقف
ایتمکه بحال یوقدر سؤال قبردن مراد موتدن صکره قیامتدن
اول اولان سؤالدر مقبور اولیانلرا یچون دخی سؤال واردر تحقیق
بودر که روح بدندن چتمق ایله بالکلیه ادراک و شعور منقطع اولماز
بلکه روحک جسندنه تعلق اولق حسبیه جسده برنوع حیات
خفیه حاصل اولوب سؤالی استماع ایدوب جواب ویرمه قدرت

بولنور لذت نعمی والمی آنک سببیه ادراک ایدر سؤال روحله
جسدک مجموعنه اولور و بعضی بکیفیننده توقف ایتمیلر والله اعلم
بحقیقة الحال حدیث شریفلر ده ذکر اولنور اذاقبر المیت
میت قبره واردقده اتاه ملکان اسودان اکا ایکی سیاه ملک کلور
ازرقان کوزلری کونک یقال لاحدهما منکر وللاخر نکر * برینه
منکر و برینه نکر دینور * فیقولانه میته سؤال ایدرل * ما کنت
تقول فی حق هذا الرجل * شونبوت و رسالتله مشهور اولان
رجل که محمد صلی الله علیه وسلم در سن دنیا ده آنک
حقننده نیجه اعتقاد ایدوب سویلردک * فان کان مؤمنا * اگر میت
مؤمن ایسه یقول * سویلر * هو عبد الله و رسوله اشهد
ان لا اله الا الله واشهد ان محمدا عبده و رسوله * دیوب جواب
ویرر * فیقولان قد کنا نعلم انک تقول هذا ملکر دیرلر که
تحقیق بزسنک بویله جواب ویره جکیکی بیلوردک * ثم یفسح له
فی قبره سبعون ذراعا فی سبعین ذراعا * بوندن صکره آنک قبرنده
وسعت اولنوب یتمش ارشون اوزنلغی و یتمش ارشون انلولکی
اولور * ثم ینور له * صکره منور اولور * ثم یقال له نم * صکره
اویو دینور * فیقول ارجع الی اهلی فاخبرهم * میت دیر که
بن دنیا به واروب اهلله شوزوق و صفای خبر ویره یم فیقولانه
نم کنومة العروس الذی لا یوقظه الا احب اهلله * ملکر اکا
دیرلر که اویوشول یکی کویکو اویخوسی که انی انجق
زیاده سوکلی اهلی اویاندیرر * حتی یبعثه الله من مضجعه ذلك
اول مؤمن قبرنده بو حال ایله درتا که حق تعالی انی شول
مرقدندن بعث ایده نه دک * وان کان منافقا اگر میت

منافق کافر ابدی * فیقول * دیر که * سمعت الناس يقولون
بن ایشتم که ناس دیرل ایدی * فقلت مثله لا ادری * بنده
آنر کبی سولدم بيلم دیر رسول الله صلى الله عليه وسلم
حقنه * فیقولان * ملکر دیرل قد کا نعلم * تحقیق
بزیلوردك انك تقول ذلك تحقیق سن بيلم دیر سک فیقال
للارض التامی فلتتم علیه بیره امر اولوب ملتئم و مجتمع اول
دینور پس اول منافق کافرک اوزرینه مجتمع اولور * فختلف
اضلاعه * ایکی جانبده اولان مککری بری برینه کبر *
فلا يزال فيها معذبا حتی یبعثه الله من مضجعه ذلك * قبردن
بعث اولنه د کین عذابدن زائل اولمازل * وبالجملة قبرده
اهل طاعته نعمت و اهل فسقه عقوبت حقنه اول قدر
احادیث صحیحه وارده اولمشد که مضمون مشترکری مرتبه
تواتره بالغ اولوب شک و ترددی قبول ایتمز و بر حدیث شریفده
استز هوا من البول فان عامه عذاب القبر منه یعنی بولدن
اختراز ایدی کوززیرا تحقیق عامه عذاب قبر آنددر و بر حدیث
شریفده * القبر روضة من رياض الجنة او حفرة من حفرة النيران
یعنی قبر جنت باغچه لرندن بر باغچه در یا خود آتش چقور لرندن
بر چقوردر و بر حدیث شریفده * ان القبر اول منزل من منازل
الآخرة * تحقیق قبر آخرت منزل لرندن اولکی منزلدر
فن نجاته کیمکه آندن نجات بوله فابعدہ ایسر اندنصرکه که
منزل لر آساندر وان لم ینج فابعدہ اشد منه اکر قبردن
نجات بولمزه اندنصرکه اولان منزل لر اشد اولوب عذابی
زیاده اولور رسول کاشات و مفخر من فی الارض و السموات

علیه و علی آله الصلوات المبارکات و التسلیات الزاکات
برکون ایکی کسه لک قبرلری یانندن تشریف ایدر کن بیوردیکه
انهم ليعذبان تحقیق شو ایکی کسه لر عذاب اولنورلر
وما یعذبان فی کبره بولر کبره حقنه عذاب اولنورلر بل لان
احدهما بلکه تحقیق ایکسندن بریسی کان لایستززه عن البول
بولدن احتراز ایتمز ایدی والاخر کان یمشی بالنیمه اول اخر نیمه
کتورر دی یعنی قوغچیلق ایدر دی انکی چون عذاب اولنورلر
دیمک اولور و غیره حدیث شریفدر دخی قتی چوقدر و دخی
میت قبره وارد قدده قبر آتی صقار نقدر مؤمن کمال اولسه
نتکم کبار اصحابدن رضه سعد بن معاذ رضی الله عنه حضرتلری
بی حساب فضائل و کرامات صاحبی ایدی حتی آخرته کندکده
عرش الرحمن رعشه ایتمش ایکن قبره وارد قدده ارض انی صدی
نتکم حدیث شریفده لقد ضغطه الارض تحقیق ارض
سعد بن معاذی صدی ضغطه بر صغیر ایله که اختلف بها
اضلاعه ایکی جانبده اولان مککری بری برینه قارشیدی
لکن کافرلر حقنه قبرک صغیرلری عقوبتدر مؤمنلر
حقنه مر جندر مثلا بر والده ولدنی غیب ایدوب بعد زمان
بولسه نیجه سرورندن و مر جتندن ولدنی قوجاقلوب
محبته صدیق کبی اولور و کبار سعدا حقنه لطف
و تعظیله صقار والله اعلم بحقیقه الحال و الیه المآب و المال
بعض اهل علم شویله تحقیق ایندیله که سؤال ملکرینه منکر
ونکیر تسمیه اولندیغی انکی چوندر که بولرک صورتلری و خلقلری
انسانه و سایر حیوانه و سایر ملائکه به و جن طائفه سنه اصلا

بکره مزوانرايله انسبت اولساز کچکه ائله کورسه قورقار
هیتلرندن اوتوری امام قرطبی رحمه الله تعالی شویله بیان
ایتدیکه ایکی ملک جله خلقه سؤال ایدر لر زیر حق سبحانه
وتعالی آنله شویله خاصه وقوت ویرمشدر که اما کن متعدده ده
وقت واحد ده خلق ککیره اوقوتله سؤال ایدر لر و مخاطبیری
دخی ایشیدوب کننیدن غیري مخاطب اولانی ادراک ایتوب
همان کندی سؤالیله مشغول اولور لکن بعضیلر عنندنه سؤال
ملا ثکه سی چوقدر حفظه ملا ثکه سی کبی شافعیه دن
شیخ حلیمی بونی اختیار ایدوب منهاج اسمی کابنده شویله ذکر
ایتدیکه ملا ثکه السؤال جاعت ککیره در بعضیسی
منکر و بعضیسی نکیر تسمیه اولنوب هر میت ایچون ایکسی
کلور دیدی * فصل * سؤال انجیق الله تعالیدن و رسول الله
صلی الله علیه وسلم دن و دین اسلام دن اولور صحیح بو در
و بعضیلر عنندنه جیم عقائدن و بعضیلر عنندنه بعض عقائدن
و بعضیلر عنندنه عقائدن و بعض اعمالدن و بعضیلر عنندنه
انجیق توحید دن سؤال اولنور مؤمنلر بتوفیق الله تعالی جواب ویر
ودخی سؤال قبر امت محمدیه یه می مخصوص صدر یو خسه
زمان سابقده کذران ایدن امتلرده سؤال اولنور می ایدی
اختلاف اولندی بعضیلر عنندنه امت محمدیه مخصوص صدر زیر
امام احمد و ابوداود و امام بیهقی و امام طبرانی و ابن ابی الدنيا
رحمهم الله تعالی تخریج ایتدیلر حضرت انس رضی الله عنه
دنکه رسول الله صلی الله علیه وسلم پیوردی ان هذه الامة
تبتلى فی قبورها یعنی شوامت محمدیه قبورنده ابتلا اولنور یعنی

سؤال اولنور دیمکدر حضرت عایشه رضی الله عنها سؤال
ایدوب دیدیکه یا رسول الله تبلى هذه الامة فی قبورها شوامت
محمدیه قبورنده ابتلا اولنور فکیف بی وانا امرأة ضعیفة بن نه حاله
اولورمکه حال بو که بن ضعیفه خاتونم دید که قال رسول الله
صلی الله علیه وسلم پیوردیکه یثبت الله الذین امنوا بالقول الثابت
فی الحیوة الدنیا و فی الآخرة یعنی حق سبحانه و تعالی مؤمنلره
دنیا و آخرته یعنی عالم برزخده قول ثابت ایله که لا اله الا الله
قولدر ثبات ویرر دیمکدر فضلندن و لطفندن و رحمتندن
مؤمنلره اول مضطر حالده بالذات ککندوسی یاردم ایدوب
جوابه قدرت و یروب انی حیرته قوماز و بعضیلر عنندنه ام
سابقه یه دخی سؤال و ارایدی بو قول صحیحدر حکیم ترمذی
رحمه الله تعالی تخریج ایلدیکه چنان میت قبرده سؤال
اولند قد شیطان کورینور سنک ربک بنم دیر آنکیچون
رسول الله صلی الله علیه وسلم دفن وقتنده اللهم اجره ویر
روایتده اعذه من الشیطان ومن عذاب القبر دیوب امتنه
بودعایی تعلیم ایلدی ای عاقل حق سبحانه و تعالینک کمال رجعتی
وعظیم لطفی و غایت کرمی اکه که حافظ ابونعیم و امام بیهقی
و امام ابن ابی الدنيا رحمهم الله تعالی روایت ایتدیلر که حفظه
ملککرینه حق تعالی امر ایدوب پیورر که قوما ای ملککری
طور و کز علی قبر عبدي قولومک قبری اوزرنده فسبحانی
وهللائی و کبرانی الی یوم القيمة یوم قیامتہ دک بکاتسمیح و تهلیل
وتکبیر ایدیکر و اکتبه لعبدی ثوابی قولومک دفتر اعمالنه ککبت
ایدیکوز و دخی مرده و بشارت حدیث شریفلرنددر و امام

طبرانی و امام اصبهانی رحمه الله تعالى تخریج ابتدای حدیث
 شریف ابن عمر رضی الله عنهما در آنکه رسول الله صلی الله
 تعالی علیه وسلم پیور دیکه لبس علی اهل لا اله الا الله وحشة
 عند الموت ولا فی قبورهم ولا فی منشورهم یعنی اهل لا اله الا الله که
 اهل ایمان و اهل توحید اولتره موت وقتنده و قبورده و نشر
 وقتنده و حشت یوقدر بو حدیث شریفک مثلی عیون تفاسیرده
 و تفسیر ابی السعد ده سورة یس دن مقدّمه مذکور در
 اللهم یسر لنا کما یسر لنا نتکم بعض حدیث شریفله ده
 ذکر اولندیکه کافرله اعمال سیئه سی چرکن صورتده
 قبرلنده رفیق اولور و مؤمنله اعمال صالحه سی کوزل صورتده
 رفیق اولور بشیر بن حارث رحمه الله تعالی نعم المنزل القبر
 لمن اطاع الله دیو پیوردی یعنی حق تعالی به اطاعت ایدن
 ایچون قبری نه کوزل منزلدر و بعض تفسیرله ده مقاتل
 رحمه الله تعالی دن نقل اولمشکه قچان بر مؤمن آخرته کتد کده
 حق سبحانه و تعالی اکا رومان نامنده بر ملک کوندر اولدخی
 کلوب دیر که ای مؤمن شدی سکا ایکی ملک الله تعالی دن
 و پیغمبر دن و دین اسلام دن سؤال ایدر لر صقین خوف ایتمه
 دنیاده ایمان کتوردیکک کی جواب ویردیر بعده دعاهود
 ملکله کاور کشی عالم دنیاده نیجه عاقل ایسه سؤال وقتنده
 نه اویله در * فصل * روایات صحیحده ده شویله در که سؤال
 بر کره اولور صحیحده بودر و اولکی کونده اولور و بعضیلر اول
 کون اوج کره اولور دیدیلر و بعضیلر اوج کره اولوب کونده
 بر کره اولغله اوج کونده تمام اولور دیدیلر و بعضیلر عندنده

یدی کون سؤال اولنور و بعضیلر قرق کون سؤال اولنور
 دیدیلر اطفال مؤمنین ایچون سؤال یوقدر صحیح بودر
 بعضیلر واردر دیدیلر حتی انا قرنده طشره جقمش اناسیله
 بیله آخرته کیدنلر ایچون بیله سؤال واردر دیدیلر لکن رفیق
 و لطفله در دیدیلر و اطفال کافرین حقنده ده اختلاف اولندی
 حق بودر که انلره ده سؤال یوقدر * و دخی انبیاء کرام علیهم
 السلام حضرتلرینه قول صحیحده سؤال یوقدر و بعضیلر
 واردر دیدیلر لکن تعظیم و تکریم ایله نتکم بعض روایتده
 صالحله ملکله کوزل صورتده کلوب نعلیمله ایدر لر دیو وارد
 اولمشدر و انبیا نك اولاد کراملری حقنده قول صحیحده سؤال
 یوقدر بعض کاملر بونده توقف ایتدی شهدا حقنده بالاتفاق
 سؤال یوقدر علماء صدیقین ایچون سؤال یوقدر حدود اسلامیده
 جهادنیته مرابط اولنلر سؤال یوقدر و هر کیچه سورة ملک تلاوت
 ایدنلره سؤال یوقدر جمعه کیچه سنده یا خود کونده آخرته کیدنلره
 سؤال یوقدر اسهال دن و اسنسقار ضندن کیدنلره سؤال یوقدر
 طاعون دن کیدنلره و طاعون زماننده تقدیر غیر سیبیدن کیدر سده ده
 سؤال یوقدر وقت جاهلیته کیدنلره و مجنونلره و غایبده
 احق اولنلر حقنده توقف واردر و الله اعلم بالصواب بونلره ده
 سؤال یوقدر ملائکه و جن حقنده اختلاف واردر و الله اعلم
 بونلره ده سؤال یوقدر مرض موتنده سورة اخلاص تلاوت
 ایدنلره سؤال یوقدر نتکم حافظ ابو نعیم تخریج ایلدی عبدالله
 رضی الله عنه دن کک رسول الله صلی الله علیه وسلم
 پیور دیکد من قرأ قل هو الله احد فی مرضه الذی یعوت فیه

هر كيمكه قل هو الله احد سوره سني قرأت اينسه اولوم خسته لكنده
لم يفتن في قبره قبرنده مفتون اولماز فتنه القبردن مراد سوء الدر
ديمشلر وحلته الملا ثكة يوم القيمة اول كشي بي قيامت كوننده
ملكك با كفها اللري اوزرينه الوب حتى نجيزه من الصراط
الى الجنة صراطدن جنته بگوررلر امام سيوطي بو حديث
شريفني نقل ايلدي * فصل * معلوم اولسونكه حياتده اولنلر
برخير عمل ايدوب ثوابي مواتره هبه اينسدر بالاتفاق واصل اولور
امام طبراني اوسط نام كتابنده تخرج اينديكه حضرت انس
رضي الله عنه بيوردي كه بن ايشتم رسول الله صلى الله عليه
وسلم بيوردي مامن اهل بيت يموت منهم ميت فيتصدقون عنه
يعني هر كيمك اهل بيتده بر كسد آخرته كيتسه واندن اوتوري
صدقه ويروب ثوابي اكا بغشلسه ل بعد موته الاهداها
جبرائيل عليه السلام على طبق من نور جبرائيل عليه السلام
اني نوردن بر طبق اوزرينده ايصال ايدوب ثم يقف على شفير القبر
قبركارنده واقف اولوب فيقول ديركه يا صاحب القبر
العميق هذه هدية يا صاحب قبر شو هديه در اهداها
اليك اهلك سكا اهلك واحبايك اول هديه بي كوندردى فاقبلها
اني قبول ايت فتدخل عليه اول اكا واصل اولور فيفرح بها
ميت اول هديه ايله فرحلتور ويستبشر سرور وبشارت
حاصل اولور ويحزن جبرانه الذين لا يهدى اليهم شيء هديه
كوندرلين قوكشيلري محزون اولورلر ابن ابى الدنيا نقل ايتدي
عمرو بن جريردن شويله بيورديكه فبان بر كسه آخرته كمش
مؤمن قريداشي ايجون دعا وبرخير عمل ايدوب ثوابي باغشلسه

بر ملك آني الوب اول كسه يه كتورب ديركه احبايكدن فلان كسه
بوني سكا هديه كوندردى ديرامام مسلم ابوهريره دن رضي الله عنه
تخرج ايلديكه رسول الله صلى الله عليه وسلم اذا مات الانسان
بر مؤمن سراي بقايه انتقال ايند كده انقطع عنه عمله انك عملي
اندن منقطع اولور الامن ثلثة الا اوج نسنه دن عمل منقطع
اولوبوب دفتر اعمالنه حسنه يازيلور على وجه الخصوص
من صدقة جارية دنياه ايتديكي خيرات جاريه سندن
او علم ينفع به انكله انتفاع اولنور علمدن خلقه علم تعليم ايتك
وكتاب تأليف ايتك كي او ولد صالح يدعوله ولد صالح دنكه
اكا خير دعا ايدر معلوم اولسونكه شول عبادتلا رودعالر كه
آنده كافه مؤمنين ومؤمنات يادا اولنور على وجه العموم اندن
جميع اهل ايمانه حصه واردر رجة الله عليهم اجمعين ودخي
بر كسه بر مؤمنك قبرنه واروب اكا سلام ويرسه اول ايشيدوب
سلامني الور وآنك ايله انسبت ايدر انكي چون رسول اكرم صلى الله
عليه وسلم اهل قبوره سلام ويرمكي وزيارت ايتكي مشروع
ايدوب امته تعليم ايلدي تنكم بر حديث شريفده ابن عباس
رضي الله عنهما دن روايت اولنور كه حضرت سيد كا ثبات
عليه وعلى آله وصحبه افضل التحيات واكل التسليمات بيورديكه
مامن احمد مير بقبر اخيه المؤمن كان يعرفه في الدنيا فبسلم
عليه الاعرفه ورد عليه ابو محمد عبد الحق بو حديث شريفني
نصحيح ايلدي وبر حديث شريفده مامن رجل يزور قبر اخيه
ويجلس عليه الاستئناس به يعني بر كسه دين قريدا شتك
قبرني زيارت ايدوب ياننده اوتور سه انك ايله استئناس ايدر

و بویله حدیث شریف را چو قدر و دخی معلوم اوله که بر مؤمن
صلوات شریفه کتورسه فی الحال ملائکه اوصلو فی الوب
حضرت فخر المرسلمین صلوات الله و سلامه علیه و علیهم
اجمعین حضرتنه تبلیغ ایدرلر تنکم امام احمد و نسائی
روایت ایندیلر امام حاکم صحیح ایندی بولفظله که ان الله
ملائکة سیاحین فی الارض یبلغون عن امتی السلام یعنی
حق تبارک و تعالی نیک یرده سیاح ملائکه سی و اردر امتدن سلام
کتوررلر و بر حدیث شریفه ان احدا لن یصلی علی الاعرضت
علی صلوته حین یفرغ عنها یعنی برکسه بکا صلوات و یرمز
الا انک صلوتی بعد الفراغ فی الحال بکا عرض اولنور بالذات
یا خود ملک واسطه سیله و امام اصحاب فی روایت ایندی
شولفظله ان الله ملکا اعطاه سمع العباد کلهم فامن احد
یصلی علی الابلغنیها و اگر اول مبارک روضه مقدسه یاننده
صلوات و سلام کتورسه حضرت رسول کائنات صلی الله علیه
وسلم بالذات کندوسی ایشیدوب و سلامنی آور تنکم چوق
حدیث صحیح شریفه مذکوردر *فصل* معلوم اولسونکه
انبیاء صکرام علیهم السلام حضرتلرینک جسد شریفلری
چرومز حوق حدیث صحیح مذکوردر الانبیاء احياء
فی قبورهم و بعض علما عنده شهیدلرک جسد لریده
چرومز اگر آلات حرب ایله یاره لند یسه و امام قرطبی
ذکر ایلدیکه مؤمن صابر سالک آخرت اولان کسه لک جسدلری
چرومز و بعضیلر عنده اول جسد که گاه ایتما مش اوله
اول دخی چرومز و دخی علما عامللرک و حمله قرآن و رضاء

الله تعالی مؤذن اولنلر و اهل ولایت اولنلرک جسدلری چرومز
بلکه کفترلرینه طبراق دوقمزا نلره حق سبحانه و تعالی بدن
کرامتدر و سائر خلقتک جسدلری چرومز تنکم بر حدیث شریفه
بویله در که کل ابن آدم یا کله الزاب هر ابن آدمی طبراق
اکل ایدر یعنی جسد فی چرومز الا عجب الذنب عجب
الذنبدن غیری اول برککدر که مقصد ده اولور او چرومز
منه خلق و منه یرکب اول مککدن خلق اولندی و یوم بعثده
ینه اول مککدن ترکیب اولنور اجزای جسد انک اوزرینه بنا
اولنور بو حدیث شریفی چوق محدثلر روایت ایندیلر *فصل
معلوم اولسونکه روحک حقنه اختلافات کثیره و اردر
بعضیلر دیرلر که روحک حقنه بحث اولنماق صحیحدر زیر
حق تعالی و تبارک قل الروح من امر ربی دیو یورمشدر
دیدیلر اگر حدیث شریفه و اخبار صحیح ده وارده اولان
معانی و مضامین اوزره تفتیش اولنسه شویله تحقیق اولنور که
روح جسم لطیفدر بدنه سرایت ایتمشدر و جسده مشابک
و مشابهدر امدی بوندن ظاهر بودر که هر حیوانک روحی کندی
جسمی کبی اوله و جسد روحه محل اولمشدر بو قول صحیحدر
امام بیضاوی علیه رحمة القوی العزیز حضرتلری سورده بفرده
یوردیکه ارواح بنفسه قائمه در و بعد الموت کمال ادراک اوزره
علی حالها فالور اهل تصفیه مشربدر تابعیندن و صحابیدن
رضی الله تعالی عنهم اجمعین نیجه فضلاء کاملین بو کا ذاهب
اولمشدر لکن جمهور علما رجهم الله بومقامده سکوتی و توقفی
اولی و اصح کورمشدر در روح جسد دن مفارقت ایندکدن

صکره قنده قرار ایدر روایات عدیده و مذهب متخالفه وارد در
شرح جوهره ده ابراهیم اللفانی اقاویل کنیره نقل ایدوب
بعضیسی حقنده بعضیلردن تصحیح و بعضی آخر حقنده بعضی
آخردن ترجیح روایت ایلدی و امام سیوطی شرح صدورده
وثقات مخرجیندن ابن القیم شویله تحقیق ایتدیلر که روایات
متخالفه و اقاویل متعارضه بی محامل صحیح به حمل شو
وجهله در که اشقیبا وسعدا ایچون بر محل اولوب بلکه بویاکی
طائفه نك هر بر صنفی ایچون علی حده بر محل وارد در اهل شقاوتك
شقاوتنده در جاتی و اهل سعادتك سعادتنده در جاتی مقدار نیجه
ارواح اشقیبا عالم الآفات و دار العقوبتده در که اکا سچین دیرلر
اکا محبوس و معذب اولور قنقی طائفه دن ایسه انلر ایله جمع
اولور مثلاً یهود یهودی ایله نصاری نصاری ایله و مجوسی
مجوسی ایله العباد بالله تعالی وارواح سعدا عالم قدس و دار
الطافنده و طهارت صحرا رده و قدس باغچه لرده اولورلر که
اکا علین دیرلر معنای علو او سننه عنو و سعادت او سننه
سعادت دیمکدر شویله بر مکان عالی و مقدسدر که اصلا اندن
غنا کلز و انك شان و کیفیتنی عقل ایله ادراک اولما زریرا
عالم آخر در مشاهده اولنان عالم دنیا کی دکلدر قیاس دخی
اولماز امور آخرتک کیفیتنی انجق حق تعالی بیلور عقلا و نقل
ادراک اولنمیان قیلدندر همان اهل ایمان اوز ریشه واجب
اولان آخرته ایمان کنور مکدر کیفیتندن بحث و تفتیش لازم
دکلدر ایمدی سعدا صنف صنف اولق حسبیه هر بر صنف ایچون
علی حده مقرر وارد بر صنف ارواح اکا بر سعدا اعلاء علینده در

اکا ملاء اعلی تسمیه اولور حضرت رسول کائنات علیه و علی
آله و صحبه افضل الصلوات و اکمل التسلیات حضرت لری سرای
بقایه تشریف و قنده که روح لمعظم لری تسلیم ایدر کن آخر
دعایری بویادی اللهم اغفر لی وارحنی و الخفی بالرفیق الاعلی
اهل حدیث رفیق اعلا دن مراد ملا اعلا در دیدیلر انلر ارواح
انبیا علیهم السلام در بونلر دخی در جا تلرنده متفا و تدر
نیکم لیله معراجده حضرت حید الکونین صلی الله علیه و سلم
برنجی فلکده حضرت آدم علیه السلامی کوروب ایکنجهده
عینی ایله یحیی علیهما السلامی کوردی او چخی فلکده یوسف
علیه السلام ایله ملاقی اولوب دور دنجی سماده ادریس
علیه السلام ایله ملاقی اولمشدر بشخی فلکده هارون
علیه السلام ایله ملاقی اولمشدر آتخی آسمانده موسی علیه السلامی
کوروب یدنجی آسمانده ابراهیم علیه السلامه ملاقی اولمشدر
وساثر انبیا علیهم السلامک درجه لری علی مراتبهم اعلاء
علینده درودخی ارواح علما رحیم الله تعالی علی مراتبهم
ارواح انبیا علیهم السلامک قربنده در وارواح شهدا حقنده
صحیح مسلم حدیث شریفلردن بر حدیث شریفده شویله در که
ارواحهم فی اجواف طیر خضرلها قنادیل معلقة بالعرش تسرح
فی الجنة حیث شاءت ثم تأوی الی تلك القنادیل یعنی ارواح شهدا
جسدلردن مفارقت ایتدکدن صکره یشل قوشار جو فلرنده
اولوب اول قوشارک عرش عظیمده معلق قندیللری وارد در
جنتده استد کلری مکا نلرده سیر ایدوب بعده معهود قندیللر
رجوع ایدرلر دیمکدر ای عاقل صافن بو حدیث شریف مثللو

حدیث شریف کرده اولان قوشلر و قندیلر تعیرندن دییاده کی
 قوشلر و قندیلر کی نسنه ظن ایتمه سک زیرا بوشقه کیفیتر که
 حقیقی مشاهده اولو نمینجه ییلنر ابن ابی شیبه رضی الله عنه
 مسندنده شویله ذکر اولندیکه حضرت سید کائنات صلی الله
 علیه و علی آله و صحبه بیوردیکه الشهداء بنهر او علی نهر
یقال له بارق عند باب الجنة في قباب خضر يأتيهم رزقهم
منها بكرة وعشيا یعنی ارواح شهدا جنت قیوسی یا ننده بارق
 نامنده برار مق اوزرنده در که یشل قنبر تختنده اولوب انلره
 چنتدن هر زمان رزق کلور دیمکدر ار باب البابه خفی اولیه که
 انده اخشام و صباح یوقدر زیا اوعالم نورانیدر امدی بوحدیث
 شریفده ذکر اولنان بکره و عشی دوامدن کایه اولق کر کدر
 امام مجاهد رحمه الله تعالی شویله بیوردیکه ارواح شهدا
 جنت یمشلرنندن و طعنا ملرنندن اکل ایدر لر لکن جنته کیرمزل
 دیدی لکن بوسوز صحیح مسلم روایتنه مخالفدر مکر حافظ ابن کثیر
 رحمه الله تعالی توجیه ایتدی کی توفیق اولنه که بعض
 ارواح شهدا ایچون جنته دخول ایتمکه اذن و یریه و بعضیسی
 معهود نهر بارقده اوله بحسب مراتبهم این منده رحمه الله
 تعالی تخریج ایلدی ام کبشه دن شویله روایت ایندیکه
 برکون حضرت سید کائنات صلی الله علیه و سلم بزم یا نمره
 کلر کده ر و حدن سؤال ایلدک جواب و یروب بیوردیلر که
 ان ارواح المؤمنین فی حواصل طیر خضر تحقیق مؤ منلرک
 روحلری یشل قوشلر قور سا قلرنده در ترعى فی الجنة وتأکل
من ثمارها وتشرب من مائها جنت یمشلرنندن اکل و صوینندن

شرب ایدر و تأوی الی قنادیل من ذهب تحت العرش عرش
 التندہ التوندن قندیلر رجوع ایدر لر یقولون دیر لر که
 ربنا الحق بنا اخواننا و آتنا ما وعدتنا ای بزم ربیمز دین اسلام
 قنداشلریمز یزله الحاق ایت و یزله وعد و کرم ایتدو کلک
 نعملری و سعادتلری اعطا ایت دیمکدر امدی بوحدیث شریف
 جمله اهل ایمان اولنلره شاملدر لکن دین و انک مثلی نسنه سبیلله
 محبوس اولان ارواح مؤ منین همان بر مکانه محبوس اولور
 دیمشلر و دخی امام احمد مسندنده کعب بن مالک رضی الله
عنه دن مرویدر که نسمة المؤمن طائر تعلق ای تأکل
فی شجر الجنة حتى يرجعه الله الى جسده يوم یبعثه یعنی مؤ منک
 روحی طیران ایدیمچیدر او چار و جنت اغاچلرنندن اکل ایدر نا که
 یوم یبعثده حق تعالی انی جسده کوندنجه یدک امام قرطبی
 کعب بن مالک روایتنده همان نسمة المؤمن من طائر نقل ایتددر
 و روایت اخر اده فی صورة طیر یض وارد در و بر روایتده
 فی جوف و روایت اخر اده فی حواصل واقع اولمشدر چونکه
 حوصله اوزرینه جوف اطلاق شامل اولد یغندن روایتین
 یئیننده تعارض یوقدر بعض اهل علم عنده بومثالوا حدیث
 شریفه شهدا حقنده در سائر مؤ منلر حقنده دکلدر لکن ظاهر
 بودر که جمیع مؤ منلره شاملدر حتی حافظ ابن کثیر دیر که
 کعب بن مالک روایتنده هر بر مؤ مننه بشارت عظیمه و مرده لر
 وارد در نقدر شهید اولنر سه یله جنته کیروب کندویه حاضر
 و مهیا اولنان نعمتلری و درجه لری مشاهده ایدوب جنت
 نعمتلریله تنعم ایدوب مسرور اولور لر دیدی و ام کبشه روایتی

دخی بویه در و بونلر صکی دخی حدیث شریف وار در
 ان شاء الله تعالی بعضی بوند نصکره کی فصلده ذکر اولنور
 امام احمد رحمه الله تعالی تخریج ایلدی ابن عباس رضی الله
 عنهما دن رسول کا شهادت صلی الله علیه وسلم شهادت احد حقنده
 بیوردیکه قالوا شهدا دیدیلر بالیت اخواننا یعلمون ما صنع الله
 بنا لایذهلوا عن الجهاد ولا ینکلوا عن الحرب یعنی غزاه احدثه
 جام شهادتی نوش ایدن زمره صحابی رضی الله عنهم روحلری
 جسد لردن مفارقت ابتدا کدن صکره کندوره وعدا اولنسان
 نعمت ربانیه وعطایای الهیه انلره واصله اولوب اما کن
 علیه ده استقرار و قدس باعجه لرنده قرار ایدوب دنیای فانی دن
 خلاص بولدقلرینه قات قات شکر و حمد و ثنا ایلوب کندوره
 عطیه قیلنسان سعادت عظمی و دولت کبری محض فضل
 الهیدر لکن شهادت اکا سبب اولدیغی ایچون دیدیلر که دنیاده
 اولان دین اسلام قرنداشلریمزیم شویله سعادت عظمی به
 نائل اولدیغیزی بلیدیلر ده جهاد و محاربه دن ذهول و نکول
 ایتیدیلر دیدیلر قال الله تعالی انا ابلغهم عنکم حق تبارک
 و تعالی انلره بیوردیکه بالذات بن سرتک طرف کزدن دنیاده مؤمن
 قرنداشلریم کوزه سرتک سعادت کزی واحوا لکزی تبلیغ ایدرم
 دیوب بو آیت کریمه بی کوندردی اعوذ بالله ولا تحسبن الذین
 قتلوا فی سبیل الله امواتا یعنی صاقن فی سبیل الله مرتبه شهادته
 نائل اولنلری میت صانعه ظاهر جسد لرینی مجروح و بی روح
 کوروب همان بونلر میت اولشلردر صانعه بل احباء عند ربهم
 بلکه انلر ریلرینک حضرت مغویه سنده برطرز حیات طیبه

حقیقه ایلله اخیادر که حیات دنیا انک یا نینده برشی دکلدن
 برزقون فرحین انلره رزق و یریلور تنکم ابی شبه رواینده
 شهدایه هر زمان جنتدن رزق کلور دیو ذکر اولندی ایدی
 وانلر فرحنجی اولدقلری حالد بهما آتیه الله من فضله الله
 سبحانه و تعالی کندی فضلندن عطیه لر و نعمتلر احسان ایتک
 سبیلله و یسبشرون بالذین لم یلقوا بهم من خلفهم هنوز
 انلره لاحق اولمش مؤمنلره استبشار و مرده لایدلر الاخوف
 علیهم ولا هم یحزنون تحقیق عذاب خوفي انلرا وزرینه
 یوقدر و مطلوبه ظفر بو انما زمی دیو محزون اولملر زیرا
 مطالب عالییه مظهر اولدیلرالی اخر الایه و برر وایتده
 شویله در که حضرت شمس کونین و رسول ثقلین صلی الله علیه
 وسلم بیوردیکه یا جابر الاخبرک انه ما کلم الله احد اقط الامن
 وراء حجاب و انه کلم انک کفا حای ای مواجهه بلا حجاب کذا
 فی القاموس فقال سلنی اعطیک قال استلک ان ارد فاقتل
 فیک ثانیة فقال الرب عز وجل انه سبق منی ای فی علمه الازلی
 او فی اللوح المحفوظ انهم لایرجعون الی الدنیا قال ای رب
 فا بلغ من ورائی فانزل الله تعالی ولا تحسبن الذین قتلوا
 الایة یعنی رسول علیه السلام بیوردیکه با جابر سکا
 خیمه و یره یممی که الله تبارک و تعالی بر کسبه به هیچ اصلا
 بلا حجاب تکلم ایتمش ایکن سنک بابا که بلا حجاب تکلم ایدوب
 دیدیکه ایسته بندن سکا اعطا ایدیم سنک بابا دیدیکه ای کریم
 رحیم حضرت تکدن طلبم شودر که بن عبدیکی بردفعه دخی دنیا به
 کوندر که بر کره دخی سنک رضا ک طریقنده روحی فدا ایدوب

حضرت کده دخی زیاده مقبول اولوب زیاده مقرر بلردن اولایم
 دید کده الله تعالی بیوردیکه ازنده ولوح محفوظده بندن شویله
 حکم سبقت ایدیکه قوللر آخرته کله کدنصکره بودخی دنیایه
 رجوع ایتمزل بعده باباک دیدیکه ای رب العززه دنیاده اولنلره بزم
 سعادتتمزی ابلاغ ایله پس حق تعالی شوایت کریمه بی کوندردی
 شهدا حقنده ذکر اولنان ایات کریمه واحادیث شریفه جیع
 شهداء اسلامه الی یوم القیام شاملدر بالکر احدده شهید اولنلره
 مخصوص دکلدردخی برآیت کریمه ده ولا تقولوا لمن یقتل
 فی سبیل الله اموات یعنی فی سبیل الله قتل اولنان مؤمنلره میتلردر
 دیمکزیل احیاء عند ربهم ولكن لا تشعرون بلکه انلر بیلرینک
 حضرت معنویه قدسیده سنده حیات طیبه حقیقیه ایله جیلردر
 لکن سز انلرک حیاتی وکیفیتی بیلر سکر دیمکدر هیهات هیهات عالم
 دنیاده انلرک جسد زی یاره لنوب قان وطباق اراسنده قالوب
 رایحه کریمه ظاهره اولور وحیوانات جمع اولوب انلرک لحومنی
 اکل ایدلرونیچه شهیدلردر یارده دوشوب حیوان بحر یه یه لقمه
 اولورونیچه زی کافرالنده یاره یاره اولورونیچه زی درلودرلو
 مصیبتلره گرفتار اولورامدی دنیاده اولانلر شهدا نك بو ظا هر
 حاللرنی کوردر حقیقت حال بویله دکلدرد بلکه رسول کائنات
 صلی الله علیه وسلم بیان ایلدیکی کبیر امدی حق تعالی
 ورسول الله صلی الله علیه وسلم شهدایه احیادر انلر میتلردکلدرد
 دیدکده انبیاء کرام علیهم السلام حضرتلری بالطریق الاولی
 احیا اولمش اولور خصوصاً که اهل حدیث هر بریمبرده شهادت
 وارد دیدیلر و علماء کرام رحهم الله تعالی دخی احیادر حضرت

معنویه ده انلرده مکرملردر تشکم حضرت ابن عباس رضی الله
 عنهما روایت ایلدی رسول اکرم صلی الله علیه وسلم بیوردیکه
 من جاء اجله وهو یطالب العلم فی الله ولم یکن ینسب و بین التبتین
 الادرجه النبوه یعنی هر کیمکه اجلی اکا کلسنه حال بوکه او علم
 طلب ایدر ایدی اول کلسنه حق تعالی یه ملاقی اولور حال بوکه انکله
 پیغمبرلر اراسنده درجه نبوتدن خیری مرتبه بو قدر دیمکدر
 امدی علمادن بعید اولما ز حال بویله در که بو حدیث شریف
 طالب العلم حقنده در تقدیر خروف الهجاء طایبی اولور سه ده
 عثمان بن عفان رضی الله عنه روایت ایلدی رسول الله صلی الله علیه وسلم
 صلی الله علیه وسلم بیوردیکه یشفع یوم القیمة الانبیاء ثم العلماء
 ثم الشهداء یعنی یوم قیامتده اولانبیاء شفاعت ایدر صکره علما
 شفاعت ایدر بوندنصکره شهدا شفاعت ایدر دیمکدر و دخی
 حوق حدیث شریف صحیحلرده علما مدح و ثنا اولمشدر و انبیایه
 الحاق اولمشدر در عالم برزخده دخی ملحقلردر بعض اهل علم شویله
 بیوردیکه طاعوندن آخرته کیدنلرمعمر که ده شهید اولنلره ملحقدر
 تشکم بخاری و مسلم تخریج ایلدیلر انسدن رضی الله عنه مرفوعاً
 الطاعون شهادة لكل مسلم وارد اولمشدر تقدیر فاسق اولسه
 بیله امام احمد ابوهریره دن و امام طیبالسی عایشه دن رضی الله
 عنهم روایت ایلدیلر که رسول الله صلی الله علیه وسلم بیوردیلر که
 الطاعون شهادة و سائر حدیث شریفلردخی وارد و معلومدر که
 کشی یوم حسابده قنی طائفه ایله حشر اوله جق ایسه کذلک عالم
 برزخده دخی انلرایله جمع اولور قنی طائفه نك عمللرایله عامل
 اولدایسه انلرایله حشر اولور مثلاً عالم علما ایله شهید شهدا ایله

وغير يلو بو كافي اس ايله امام مالك رحمه الله تعالى شويله بيورديكه
بلغني ان الروح ترسل من سلة تذهب حيث شاءت يعني بكا شويله
بالغ اولديكه روح جسد دن مفارقت ايتد كد نصكره ارسال اولور
يعني قيسو و يريلور و ديلديكي محله كيسد رديمكدر و امام احمد
شويله بيورديكه ارواح المؤمنين في الجنة و ارواح الكافرين في النار
و بعض اهل علم شويله بيورديكه ارواح مؤمنينك كلبيسي
جنت المأودة در صكه اولدخي عرش عظيم تحتده در
جنت المأودة نك نعمت ليله منتم اولوب رايحه طيبه سيله ذوق
ايدرلر و حافظ بن حجر قنا واسنده شويله ذكر ايتديكه ارواح مؤمنين
علينده در و ارواح كافرين سجينده در نكتم بر روايتده شويله
در كه * ان ارواح بعض المؤمنين في اجواف طيور خضر و تاوي
الى قنا ديل معلقة تحت العرش و ارواح الكفار في اجواف طيور
سود في سجين * يعني بعض مؤمنينك ارواحي يشل قوشلر ايجلرند
اولوب جنت بمشردن اكل ايدرلر عرش التده معلق اولان
قنديلره رجوع ايدرلر و كافرلك روحلري سباه قوشلر ايجلنده
اولوب سجينده در ديمكدر و دخي خفي اوليه كه بعض ارواح
عصا تنور الناره معذبدر كه انلر شول كسدلدر كه زنايه مصر
اولديلر و بعض ارواح عصا قان ارمغنده معذبه اولورلر با و مال
يتم اكل ايدنلر و سائر كي و دخي ارواح سفليه ارضيه ملا اعلايه
واصل اولوب ارضده مقبره لرنده محبوس قالورلر ارواح سفليه
ارواح علويه ايله عالم دنيايه برابر اولديغي كي عالم برزخده و عالم
چنده دخي برابر دكلدر و بعض ارواح دخي حقوق عباد دن
برسنده سيبيله جنده محبوس اولور و بعض ارواح دخي سمايه

عروج ايده محبوب مقبره لرنده قالور علمده و علمده چوق
تقصيرات و بكاره اصرار و ظلم ايدنلر اولق كر كدر و ارواح دن
بر صنف دخي واردر كه روح تسليم ايدنلره قارشوكلوب اول وقتده
حاضر اولورلر اطفال مؤمنين حضرت ابراهيم عليه السلامك
كفا لنده و ساره رضى الله عنها نك كفا لنده در يوم قيا منده
صالح بابالرينه و صالحه انالرينه تسليم ايدرلر ديوخبرده وارد در
و بر صنف ارواح ميكائيل عليه السلامك كفا لنده و بر صنف
آخر آدم عليه السلامك كفا لنده و بر صنف دخي مطلقدر كه
استديكي محللرده كزدرلر قبورنده كو كده سني زيارت ايدرلر و سائر
صنف دخي واردر كه بونلرك حقيقي علم الهيه به مفوضدر
فصل * معلوم اوله كه مذهب اهل سنت شويله در كه ارواح
بري برينه ملاقي اولور و بري برينه زيارت ايدرلر و مكالمه ايدرلر
خصوصا جمعه كيجه سنده بر برلر يله كرو شوب مكالمه ايدرلر
عليين مقام لرنده و قدس با نچه لرنده امام احمد رحمه الله تعالى
تخريج ايلدي عبدالله بن عمر دن شويله روايت ايتديكه حضرت
فخر جهان صلى الله عليه وعلى آله وصحبه صلوات الرحمن
بيورديكه ان روي المؤمنين لتلقين على مسيرة يوم و ما راي
احدهما صاحبه قط يعني ايكي مؤمنلك روحلري بر صكه و نك
مسافه ده ملاقي اولورلر حال بو كه عالم دنيايه بري برلرني اصلا
صكورممش ايدى و امام بزاز تخريج ايلدي ابوهريره رضى الله
عنه دن من قوعا * ان المؤمن يصعد روحه الى السماء فيأتيه
ارواح المؤمنين فيستخبرونه عن معارفه من اهل الدنيا و اذا قال
تركت فلانا في الدنيا اعجبهم ذلك و اذا قال ان فلانا قدمات قالوا

ما جی به البنا * یعنی مؤمنان روحی سمایه عروج ایدر فی الحال
 ارواح مؤمنین اکا ککلوب دنیاده کی معلومی اولنلردن سؤال
 ایدرل اولدخی فلان کسه بی دنیاده ترک ایندم یعنی حیاته در دید کده
 بوسوز انلره نجیب و یررخان فلان اولدی ایدی دیسه انلردیرلر که
 اول بزم طرفزه کلمدی دیرلر بعض اهل علم شویله بیورمشلر که
 وصیت ائمه دن آخرته کیدنلر عالم ارواحده تکلم ائمه که اذن و یرلر
 سکوت ایدر سائر ارواح اندن بیلورلر که اول کسه وصیت ایتماش
 دیرلر تابعیندن محمد بن المنکدر رحمه الله تعالی حضرت جابر
 رضی الله عنه روح تسلیم ایدرکن یانه واروب بندن رسول الله
 صلی الله علیه و سلم سلام ایت دیدی و بر حدیث شریف طویله
 شویله وارد اولدیکه فاذا انتهى الى اخوانه سألوه روح مؤمن
 دین قرنداشلری اولان ارواح اهل ایمانه وارد قده اکا سؤال
 ایدرلر کا تسألون الرکب يقدم علیکم من بلادکم سزک بلده لریکزدن
ککلان را کبلره سزدر اهل و عیال و اقربا لریکزی سؤال
 ایتد و ککزیکی دیو بیوردی و دخی ابو الشیخ رحمه الله تعالی
 قبصریدن صر فرعا روایت ایلدی قبل یار رسول الله هل یتکلم
 الحق قال نعم ویزاورون یعنی سؤال اولدیکه یار رسول الله صلی الله
 تعالی علیه و سلم عینلر تکلم ایدر می جواب و یروب تکلم ایدرلر
 وری برینی زیارت ایدرلر بیوردی ابن سعد روایت ایلدی ام بشر
 رضی الله عنها دیدیکه یار رسول الله علیه الصلوة والسلام موتی
 بری برینی بیلور می جواب و یردیکه النفس الطیبة تطیر فی الجنة
 یعنی روح طیب جتده قوش کی اوچار فان کان الطیر یتعارفن
 فی رؤس الشجر فانهم یتعارفون یعنی چونکه قوشلر اغاچ باشلرنده

بیلشورلر

بیلشورلر کذلک ارواح مؤمنین دخی بر برلرینی بیلورلر و کروشورلر
 و دخی بو بایده چوق اخبار و آثار واردر بو قدرجه ذکر اولندی زیر
 بو مقدارده اولوالالبابه کفایت ایدر * تذیل سلف صالحین
 رضوان الله تعالی علیهم اجمعین حضرتلرندن بعض رؤیای صحیحه
 منقوله در اصحاب قبور حقیقه که ارواح مؤمنانک عالم برزخده
 سعادتلرینه دلالت ایدر و اول رؤیای صادق لری علماء کرام
 رحمهم الله ذکر ایتدیلر بناء علیه بعضی بو محله ذکر اولندی
 بشر بن غالب رحمه الله تعالی شویله بیوردیکه رابعة العدویه رضی الله
 عنها چوق دعا ایدر دم پر کیمه دوشمده کور دم بکا دیدیکه یا بشر
 سنک هدیه لک بکا کلور نوردن طبعلر اچنده اوزرنده حریردن
 مندیللر ابله مستور و ممهور واصله اولوردیدی عبدالرحمن بن عثمان
 رضی الله عنهما شویله بیوردیکه معاذ بن جبل رضی الله عنه
 آخرته کتد کدن اوج کون صکره دوشمده کوردم ابلق فرس اوزرنده
 و خلفنده چوق رجال وار که جمله سی ابلق فرسلره بنمشلر شویله
 دیدیکه * یا لیت قومی یعلمون بما غفرت لری و جعلنی من المکرمین
 صکره صاغ جاننده وصول جاننده باقوب دیدیکه الحمد لله الذی
 صدقنا وعده واورثنا الارض نبوء من الجنة حيث نشاء فتم
 اجر العاملين * دیوب بنله مصافحه ایدوب بکا سلام و یردی
 دیدی سفیان الثوری رحمه الله تعالی آخرته ککند کدن صکره
 رؤیا ده کوریلوب حق تعالی سکا نه معامله ایتدی دیو سؤال
 اولند قده جواب و یردیکه بریا غمی صراطه با صوب او برینی
 جتده با صدم دیدی صخر بن راشد شویله دیدیکه عبد الله بن
 المبارك آخرته ککند کدن صکره دوشمده کوروب دیدیکه سن

اولدکی اولدخی اولدم دیدی صکره حق سبحانه و تعالی سکا نه
معامله ابتدی دیدم دیدیکه بکا شول قدر معفرت ایتدیکه جله
کا همی محو ابتدی بن دیدمکه سفیان الثوری قنده در دیدیکه
پیغمبر رو صدیقار و شهدا رو صالحا ایله بیله در دیدی قیصه بن
سفیان شویله دیدیکه سفیان الثوری آخرته ~~صکره~~ کد نصکره
دوشمده کوردم و صوردمکه حق سبحانه و تعالی سکا نیجه معامله
ایلدی بکا بوشعری او قودی شعر * نظرت الی ربی عیبا یا
فقال لی * هنبثارضائی عنک ابن سعید * لقد کنت قواما اذا لیل
قد دجی * بعبرة محزون و قلب عمید * فدونک فاخترای قصر
تریده فزرنی فانی عنک غیر بعید * ابن عیینه دیدیکه
سفیان الثوری آخرته کتد کد نصکره دوشمده کوردم جتده
او چاردی براغا جدن براغا جه و دیرایدیکه * لمثل هذا فلیعمل
العاملون * آندن سؤال اولندیکه نه سبیدن جتده کیردک جواب
ویردیکه تقوی و ورع سببیله دیدی * علی بن عاصم قنده در دیو
سؤال اولند قنده بنانی یلد زکی یوکسک کوردم دیدی شعبه
بن الحجاج و مسعر بن کدام بویا یکسی کار محمد شنیدن ایدی آخرته
کتدیلر ابواحد زیدی شویله دیدیکه ایکسینده دوشمده
کوردم شعبه نک یا نه قریب اولوب دیدمکه حق تعالی سکا
نه لطف ایلدی بکا دیدیکه حق تعالی توفیق ایلسون سوزمی
دکله دیوب بوشعری سویله دی * حیاتی الهی فی الجنان بقیه
لها الف باب من الجن و جوهرا * فقال لی الجبار یا شعبه الذی
تبحر فی جمیع العلوم و اکثرا * تمتع بقربی انی عنک ذورضی * وعن
هبدی القوام باللیل مسعرا * کنی مسعر عزابان سزونی * واکشف

عن وجهی فید نولینظرا * و هذا فعالی بالذین تمسکوا *
ولم بالفوافی سالف الدهر منکرا * عاصم بن الجراز دیدیکه دوشمده
بشر بن الحارثی کوردم دیدمکه قندن کلور سک علیندن کلورم
دیدی احد بن حنبل قنده در دیدم دیدیکه عبدالوهاب ایله بیله
حضرت الهیده جنت طعاملری و شرابری ییوب ایچرار دیدی
بعض صالحا دیدیلرکه بشر بن منصور دوشمده کوروب مالندن
صوردم سکوت ایله معامله ابتدی ابن مالکدن صوردم شمده براقه
یینوب حق تعالی زیارته کتدی دیدی بعض صالحا لردن بر رجل
صالح دیدیکه بنم براو غلوم و ارایدی شهید اولدی عمر بن عبد
العزيز آخرته کتدیکی کیجه او غلومی کوردم دیدمکه ای بنم او غلوم
سن اولدک ایدی دیدیکه بن اولدم بکا طرف حقندن رزق کلور
بن دیدمکه نیچون کلدک دیدیکه اهلی سجاد منادی ندا ابتدی
نقد ر پیغمبر و نقد ر صدیق و نقد ر شهدا و ارایسه عمر بن عبد
العزيز نماز نه حاضر اولسون دیر بنده کلدیم و سزنی کورمک
و سلام و یرمک ایچون سرته او غرا دم دیدی امام یهقی و ابن
ابی الدنیا نقل ایتدیلر ابن ابی حاتم الحدریدت شویله بیوردیکه
عاصم الحدری رحمه الله تعالی آخرته کتدکده نیجه زماند نصکره
دوشمده کوردم و دیدمکه سن اولدک ایدی دیدیکه بلی اولدم بن
والله جنت باغچه لردن بر مفرح باغچه دهیم بن و بنم تلامذندن
و اصحابندن بر جاعت ایله هر ججه کیجه سنده و کوند زنده ابو بکر
عبدالله المرتینک مقاومتده جمع اولوب سزنی سوبلشوب خبر یگری
الورزدیدی بن دیدمکه جسملر یکر ایلهمی ملاقی اولور سر یوخسه
روحلر یکر ایلهمی دیدیکه هبهات جسملر چرودی ملاقی اولان

ارواحدر دیدم که بزم قبور بکره زیارتی پیلورمبسر دیدم که بلی
 جمعه اخشامی و کونی و جمعه ارته سی طلوع شمسه دك پیلورزدیدی
 دیدم که سببی نه در دیدم که جمعه نك فضیلتی و عظمتی سببیه دیدی
 ابو جعفر دیدم که بشر بن الحارث ایله معروف الکرخنی بی دوشمده
 کوردم دیدم که قندن کلورسر دیدم که جنت فردوسدن کلورز
 آنده واروب حضرت موسی کلیم الهی زیارت ایتدك دیدم که شیخ
 عمرانی سید شریف عبدالنور شیخ ابو العباس نقل ایتدی حضرت
 شیخ ابا عبد الله بن سلطانن اولدخی شویله بیوردیکه برلیله
 مبارکه ده دوشمده حضرت عین الاعیان و لسان حجه الله فی کل
 زمان و عروس مملکه الرحمن رسول آخر الزمان نبی انس و جان
 سلطان زمره انبیا و برهان فرقه اصغیا و اتقیاء حضرت احد
 حبیب مجتبی و محمد بنی مقتدی و رسول مختار مصطفی علیه و علی
 آله و صحبه و اتباعه افضل الصلوات و اکمل التحیات و اعلی
 التسلیات حضرتلرینك شرف مشاهده سبیه مشرف اولوب
 بیک یك اشتیا قلده اولمقام عالیشان سدره مکاتره واروب نور
 شمس جلالیه مشرف اولدم اول حالده خاطریمه کلدیکه حضرت
 جناب جنت اسارینه برنکته حکمت ربانیه سؤالی عرض ایدم که
 مبارک لسان معدن اسرار و احسان لرندن برکلام در مکنون
 وجوه مصون استماعیه قات قات شرفیاب اولام بو خاطر
 محض الهام الهی بیلوب بر مقدار صفوف اهل مجلس مقدسده
 حضرتك فلک جنابلرینه تقرب ایلدم و بالجملة موا جهه
 مقدسه لرینه دك قریب اولدم هله استحقاق ایده رک فتح کلام
 و صلوات و سلام ایدوب دیدم که ای حضرت رب العالمینک

بر دانه سی رسول ذیشان وای بن فقیرك و سائر خلقك سیدی وای
 کونین و ثقلین پیغمبری و انت مدد الملا ثکة والمرسلین جناب
 عالیشانك جمیع ملائکه و مرسلینک مددی و غوثینسن فقال لی
 حضرت سید کائنات صلی الله علیه وسلم بکا بیوردیکه ای شیخ
 طالب نکتہ حکمت انامیدد الملا ثکة والنبیین والمرسلین و سائر
 خلق الله اجعین * یعنی بن ملائکه و انبیا و مرسلین و سائر
 خلق الله اجعینک مددی یم بونلرک جمله شی بندن مدد طلب
 ایدرلر و انوار الهیه و اسرار ربانیه طلب ایدرلر و نور الانوار و معدن
 الاسرار دیمک معنا سنی مفیددر و انا اصل الموجودات سموات و ارض
 و انلرده نه که وار جفات و سائر امور ملکیه و ملکوتیه جمله سنک اصلی
 بنم و اشرفی بنم و المبتدأ مبتدأ بنم حق تعالی موجوداتی ایجاد
 ایتدیکه بندن بدأ ایتدی و المنتهی منتهی بنم نحن الاولون
 ونحن الآخرون حدیث شریفی معناسنی مفیددر خاتم نبوت
 بنده نهایت بولدی هر ارباب استعداد بخله کمال بولور
 بنم مددم و نورم ایلده مقصود نه نائل اولور وائی غایة الغایات
 و جمله کالات و تقر باتک غایتلر غایاتی بنده غایت بولور و لا یعدانی
 بنی کجمر هر نه دکلوا الله تعالی به تقرب کسب ایتسه کنی
 عاقبت بنده تمام و نهایت بولور انک ایشی صلوات مبارکات
 و تحیات متوالیات و تسلیات متوالیات اول حضرتك جنابلرینه
 اولسون و دخی آکنه و اصحابته و ازواجه و احبابنه و اتباعنه
 و امتنه اولسون دائماً ابدا * فصل * فی اقتراب الساعة
 و اشراطها بو محله قیامتک قریب اولدیغی و علامتلی ذکر
 اولنور بتوفیق الله تعالی حق سبحانه و تعالی بیورر * اقتراب

للناس حسابهم وهم في غفلة معرضون * يعني ناس ایچون
حسابلرینک زمانی قریب اولدی حال بوکه انلر غفلت ایچینده
اولوب حقدن وطاعتدن اعراض ایدیجیلر در امام بخاری
تخریج ایلدی ابن عمر دن رضی الله عنهما که رسول الله صلی الله
علیه وسلم یور دیرککه انما اجلکم فی اجل من خلا من الامم
ما بین صلوٰۃ العصر الی غروب الشمس یعنی امم سالفه نیک زمانلری
یاندی سزک زمانکز صلوٰۃ العصر ایلر غروب شمس ده اولان
وقت قدر چه در دیمک اولور یعنی عمر دنیا برکون فرض اولونسه
طلوع فجر دن صلوٰۃ العصر وقتنه نیک امم سالفه نیک زمانلری ایدی
صلوٰۃ العصر وقتدن غروب وقتنه نیک سزک زمانکز در غروب
وقتی یوم قیامتک اولیدر ودخی یوم حسابک قریب اولدیغنه
دلالت ایدر چوق آیات کریمه وچوق احادیث شریفه واردر
اما یوم قیامتی تعیین که نه زمان اولور بونک علمی انجق الله تعالی به
مفوض وامری اکاملسدر تنکم حق تعالی یورر * یسئلونک
عن الساعة ایا نمرسیها قل انما علمها عند ربی لایجلیهالوقتھا
الاھو ثقلت فی السموات والارض لانا نیکم الابغۃ ان الله عنده
علم الساعة الیه یرد علم الساعة یسئلونک عن الساعة ایا نمرسیها
فیم انت من ذکر یریهالربک منتهیها * وغیریلر کی
بر حدیث شریفده شویله در که * خمس من الغیب لایعلمھن
الا الله * یعنی غیبدن بش نسنه واردر که انلری الله تعالی دن
غیری برکسه کرک بشرو کرک جن و کرک ملک بیلزلر بو آینی او قودی
ان الله عنده علم الساعة وینزل الغیث و یعلم ما فی الارحام وماندری
نفس ما ذاکتکسب غدا وماندری نفس بای ارض تموت ان الله

علیم خیر * بو آیت کریمه ده اولان بش نسنه قیامت زمانی
ویغیمور یا غمی زمانی وآنه رجنده اولان نسنه ارککیدر قزمیدر
بو خسه بشقه بر نسنه میدر وکشی ارته کوننده نه کسب ایده جک
وقتی محله اجلی وقتی زمانده اجلی کله جک بونلری کسه بیلمز الله
تعالینک علمنه حواله اولمش امور دندر ودخی علامات قیامت ایکی
قسمدر بر قسمته صغری تسمیه اولور وقتی چوق قدر بر قسمته کبری تسمیه
اولور علامت صغرانک بره مقداری ذکر اولور بتوفیق الله تعالی
حدیث شریفدره مذکور در که امانت رفع اولمقدر واسافل
رفعت بولمقدر واما اربابی ولادت ایتک وقتنه چوق اولق
وفتال التزک و امور شدت بولق وعلوم رفع اولوب جهالت چوق
اولق وزنا چوق اولق وخرایجکمک و نسوان چوق اولوب رجال
قلیل اولق حتی قرق قدر نسوان بر رجله تعلق ایدر لر و مغنم
دولت اولق و امانت مغنم اولق وزکات منع اولنق وکشی
خاتوننه اطاعت ایلوب والده سنه عصیان ایتک واجباننه ایتک
وانقباد ایدوب باباسنه جفا ایتک و مسجدلر ده وجامعلر ده
اصوات رفع اولق تنکم فی زمانسا مؤذنلرک تغیلری واصوات
مهمله لری کی وادنی کسه لر مجلسلر ده سوز سو بیلک وکشی به
شرنی دفع ایچون اکرام اولنق وحریردن لباس کیمک و سفره
اوررینه حاجتدن زیاده اتمک قونق ولعب ولهو آلانلری
بین الناس استعمال اولنق و صکره کلنلر اول کلنلری تجهیل
وتحمیق ایتک ورجال ایلر نسا اراسنده حرامی واسطه اولنلر چوق
بولنق و امین کسه لر اقل قلیل اولق شویله که فلان محله
بر امین کسه وارا بمش دیوسو بیلنور وادنی ابن ادنی دنیاده اعلی

اولوب بن الناس معتبر اولمق بر حدیث شریفه شویله وارده
 اولدیر که فلان کسه زیاد عاقل و ظریف و چلی کشیدر
 دید کلرنده مثقال ذره قلبنده ایمان یو قدر بویله کسه لر جوق اولمق
 قتل جوق اولمق امام بخاری ابوهریره رضی الله عنه دن روایت
 ایلدیکه رسول الله صلی الله علیه وسلم پیوردیکه لاتقوم الساعة
 حتی تقاتلوا الترك صفارا لعین حر الوجوه * یعنی قیامت قوم عمر
 تا که سز کو چک و سز کو قزل یوزلو اولان ترک طائفه سیله
 قتال ایدرسز و بر حدیث شریفه * لاتقوم الساعة حتی تقاتلوا
 قوما کان وجوههم المجان المطرقة * بویله بیان اولمیشدر که
 املرک یوزلری قلقان کپی و کوزلری کوچک و قزل یوزلو دیمک
 اولور و دخی دنیا شدتدن اوتوزی ناس مقبره دن کچر کن کاشکه
 بن شوقیرک صاحبی اولیدم دیرلر تنکم بر حدیث شریفه * لاتقوم
 الساعة حتی یمرار جل بقبرال جل فیقول یا بنی مکانه *
 و بر حدیث شریفه شویله در که رسول کائنات صلی الله علیه
 وسلم پیوردیلر که * کیف بکم اذا فسق فیتانکم * یعنی سز لره
 نیجه حال ملابس اولور سز لرک کچلر یکر فسق ایتدیکی وقتده
 معلوم اوله که فسق لغتده طریقدن چقمغه دینور غلاملرده
 یعنی کچلرده نسوان صفاتی بولمق که مفعول اولمق حالیدر
 طریق رچالدن خارج اولمق حسبیه بو حدیث شریفه
 اولان فسق بونکله تفسیر اولنسه بعید اولمق کر کدر فسق
 بومعناجه شبان و فغان طائفه سنه حل ایتکده لوم زیاده
 ظاهر در و تخصیص باند کر ایتکه وجه واردر تنکم ذوق سلیم
 و ذهن مستقیم اصحابنه روشندر و تطغی نساؤکم و خاتونلر یکر

طغیان و حدود شرعیه بی تجاوز ایتدیکی وقتده نیجه اولور سز
 دیمکدر طغیاندن مراد فاحشه ارتکاب ایتک یا خود ما کولات
 و مشرو بانه و ملبوسانده اسراف و تکلیف مالایطاق و بغیر
 الاذن حرکت ایتک و زوجنه قارشو مخالفت ایتک و سایر اخلاق
 ذمیه و عادات قبیحه قالوا یا رسول الله وان ذلك لکائن حاضر
 و مستمع اولان اصحاب اولوا لاسباب رضی الله عنهم کمال غیرت
 اسلامیه دن ناشی تعجبانه دیدیلر که شواحوال تحقیقا اوله جقمیدر
 یا رسول الله صلی الله علیه وسلم قال نعم رسول الله صلی الله علیه
 وسلم بونسنه لر اولور و اشد بوندن اشد سنه لر اولسه
 کر کدر دیدی و کیف بکم اذا لم تأسروا بالمعروف و لاتنهون
 عن المنکر سز نیجه اولور سز امر بالمعروف ایتوب و نهی
 عن المنکر ایتدی ککر و قتده قالوا یا رسول الله وان ذلك لکائن
 دیدیلر که شول حال اولو جقمیدر قال پیوردیکه نعم و اشد بوا اولور
 و اندن اشد سنه لر اولسه کر کدر و کیف بکم اذا امرتم بالمنکر و نهیتم
 عن المعروف سز نه حالده اولور سز منکر ایله امر ایتوب معروفدن
 نهی ایتدی ککر و قتده قالوا یا رسول الله وان ذلك لکائن قال نعم
 و اشد کیف بکم اذا رأیتم بالمعروف منکرا و بالمنکر معروفا نیجه
 اولور سز معروفی منکر یلوب منکری معروف بلدی ککر و قتده
 بو حدیث شریفی ابو مالک الاشعری دن تخریج ایلدی جامع
 الاصولده مذکور در و دخی امام بیهقی رحمه الله تعالی
 شعب الایمان نام کابنده ذکر ایلدیکه حضرت علی رضی الله عنه
 روایتله رسول مکرم صلی الله علیه وسلم پیوردیکه یوشک ان یأتی
 علی الناس زمان یعنی قریب اولور که ناس اوزرینه بر زمان

کله که لا ینقی من الاسلام الا اسمه اسلامدن انجق اسمی قاله ولایقی
من القرآن الارسمه قرآن کریمک انجق رسمی قاله مساجدهم عامرة
مسجدل ظاهر حالده معمور در لکن وهی خراب من الهدی
هدایت وارشاد دن خالی و خرابدر تقوی اوزرینه مؤسس
اولیوب ایچنده عبادت ایلین جاعتلرک اکثری جاهل وغافل
میت کی وامام و خطیب و مؤنلر وظایف ایچون امامت واقامت
ایتمک حسبیله مسجدل و جامعلر فی الحقیقه هدایتدن بعید و خراب
اولمش اولور علماؤهم شر من تحت ادم السماء ناسک علماسی اول
وقته تحت آسمانده اولان کسه لک زیاده سیله شر لیدر
* من عندهم تخرج الفتنة و فیههم تعود * فتنه انلردن خروج
و ظهور ایدوب ینه انلره عود و رجوع ایدر و دخی بو علامتلر
علامت صغرادر که قتی چوقدر مثلاً بدعتلر ظهور ایدوب
سنت نبویه ترک اولمق و امانات شرعیه که قضا و امامت
و خطابت و مشیخت و تأذین اهل و ارباب اولیان کسه لره ویرلک
و دجالک و کیلری و خلیفه لری چوق اولوب ضعفای مؤمنینی
اضلال ایتمک و جبارلر ککوشه بکوشه ظهور ایدوب ظلم
و قهر اعباد اللهک اموالی غصب ایتمک و مواد اسلامیه محو اولمق
و ناطق بالحق اولنلری ناس دفع ایتمک که سعی ایتمک و بنی اسرائیل
وقتنده ظهور ایلین افعال قبیحه و احوال شنیعه و مادات خبیثه
ظهور ایلمک و خوف آخرت اولماق و غیر یلر کی بو ذکر اولشان
علامات صغرائک اکثری فی زماننا شایع و مستعملدر و بین الناس
معتبردر نیچه لری ظرافت و معرفت عد اولنوب افعال اهل
مذاقیدن معدود در نتمک ککوشه وحدتده منفرد اولوب

سم الخیاطدن بتون آفاق و بلکه افعال خفیه بی مشاهده و تجربه
ایلین عارف ذی المعارفه خورشید کی روشندر و علامات کبری
حضرت حذیفه بن اسید الغفاری رضی الله عنه شویله یوردیکه
اصحاب کر آمدن بر جاعتلر قیامتی سوبلشوردک حضرت
رسول اکرم صلی الله علیه وسلم یاغزه کلوب نه ذکر ایدر سرزیدی
انلر دیدیلر که قیامتی ذکر ایدر ز بعده رسول الله صلی الله علیه وسلم
یوردیکه انمالن تقوم حتی تر و قبلها عشر آیات یعنی قیامت
البته قویمز تا که اندن اول اون علامت عظیمه کورنجه به دک بعده
رسول الله علیه السلام دخان و دجال و دابة الارض و شمس
مغربدن طلوع ایتمک و عیسی بن مریم علیه السلام نزول ایتمک
و یا جوج و ما جوج خروج و اوج خسوف بری مشرقده و بری
مغربده و بری جزیره عربده و بونلردن صکره بر آتش یمندن
ظهور ایدوب خلق محشرلرینه طرد اینسه کر کدر امدی بو آیات
عشر بر حدیث شریفده مذکور در و سائر احادیث صحیحه لده
حضرت مهدی دخی مذکور در بو علامتلرک بر یسی ظهور
ایتد کده ماعداسی بر بری عقینده ظهور ایدر ابی سعید الخدری
رضی الله عنه یوردیکه رسول الله صلی الله علیه وسلم یوردی
المهدی منی * یعنی مهدی بنم ذر یتدندر * اجلی الجبهه اقنی
الانف یملاً الارض قسطاً * بتون دنیایی عدالت ایله طولدیر
* کما ملئت جوراً * ظلمله طولدینگی کی * یملک سبع سنین *
یدی سنه ملک اولور کندی اسمی محمد باباسی اسمی عبدالله در
حضرت فاطمه رضی الله عنها اولاندن بر امام عادل خلیفه
زمان ولی الله کامل و مجتهد مطلق حق سبحانه و تعالی مراد

ابتدیی و قنده خلق و ارسال ایندین اسلامه نصرت ایچون
ایلم خلافتده ایکی کئی و ایکی حیوان اراستده عداوت قالمسه
کر کدر هر مؤمن ولی صدیق اولوب ملحدل موحد و زندیقار
صدیق اولسه کر کدر و بونجه فتوح و غنائم ایله جله
اهل اسلامی اغنیایته کر کدر و حضرت عیسی علیه السلام ایله
جمع اولسه کر کدر و دجالی اولدرسه کر کدر و ذمیلردن جزیه بی
رفع ایدوب اسلامه کلنلرک ایماتی قبول ایدوب کلین کافر لری
قتل ایتسه کر کدر بونک تحقیقی بودر که حضرت فخر عالمیان
صلی الله علیه وسلم بیان ایلدیکه جزیه نک نهایت حکمی نزول
عیسی زماننده در چان عیسی علیه السلام نزول ایتدکده
جزیه بی آلبوب اسلام یاخود سیف اجرا ایدر سبی بودر که
یهودی و نصاری شریعت محمدیه سائر شریعتلری نسخ
ایتدیکنی و جمیع عالمه رسالتی عام و شامل اولدیغی حقهده اشتباه
ایتدیلر جانب شرع احدیه دن شهملر بی ازاله و مشکک لری حل
ایتملری ایچون مهمل و یریلوب و ممالک اسلامیه ده توطن و اقامت
ایتمکه استیذان ایدوب شوقدر درهم کومش بیت الماله و یرمکی
الترام ایدملریله بعده ذمیلرنده دیون اولق اوزره جانب شریعت
مطهره دن اذن و یرلمش ایدی وقتا که حضرت عیسی علیه
السلام سمدن نزول ایدوب شهملر بی ازاله ایدوب حضرت محمد
مصطفی علیه افضل الصلوات و اکمل التسلیات خاتم النبیین
وافضل الاولین و الاخرین اولوب کافه بی آدمه و عامه
کاشانه رسول مرسل اولدیغی تبیین و تحقیق و توثیق ایتدکده
بانکله اهل کفر و ارباب عناددن شهملری رفع اولدیغی ایچون

احکام جزیه زمانی نهایت بولوب اسلام یاخود سیف ایله عمل
اولنور و حضرت مهدی و حضرت عیسی علیهما السلام
شریعت محمدیه ایله عمل و دین اسلامی تأیید و امت محمدیه به
نصرت ایتملری و حضرت محمد علیه السلام خاتم النبیین و آخر
المرسلین اولدیغنی اثبات و تحقیق و شریعت محمدیه نک حکمی
باقی قیامتده انکله عمل لازم و واجب اولدیغنی تأیید و تقویه
و توثیق ایدن شاهد لر دندر و بوامت محمدیه مر حومه کمال
عنایت الهیه و تمام سعادت ربانیه دنکه حضرت حبیب رب العالمین
علیه افضل الصلوات و اوفر التسلیات حضرت لری و مبلغ دین
اسلام و معلم شریعت مطهره اولدی و نهایت آخر زمانده
حضرت مهدی و حضرت عیسی علیهما السلام خروج و ظهور
ایدوب اهل اسلامه نصرت و تأیید شریعت و تفهیم ملت و قهر
اعدا ایتسه کر کدر و اجتهاد ایدوب مذاهب ار بعده
تقلید ایتسه کر کدر کندی اجتهاد لریله عمل ایده لر قول مختار بودر
ابن عباس رضی الله عنهما دن روایت اولندیکه رسول اکرم
صلی الله علیه وسلم * اصحاب الکهف اعوان المهدی *
بیوردی یعنی انلر او یانوب حضرت مهدینک اعوان و انصاری
اولورلر اما حضرت مهدی حضرت عیسی علیه السلام نمازده
امامت ایتکه اشارت ایدوب اولدخی امتاع ایدوب حضرت
مهدی امامت ایدر مشهوری بویله در و بعضیلر حضرت
عیسی امامت ایدر دیمش لر ابن الجوزی رحمه الله تعالی تخریج
ایتدی ابن عمر رضی الله عنهما روایتله که حضرت رسول کائنات
صلی الله علیه وسلم بیوردی یئزل عیسی بن مریم الی الارض *

عيسى عليه السلام ارضه نزول ايدر فيزوج ويولد له تزوج
ايدوب برولدي دنيايه ~~كلور ويمكث~~ خمساً واربعين سنة
برده قرق بش سنه قاور ثم يموت فيدفن معي في قبرى صكره آخرته
كيدوب بنله بيله قبرمده دفن اولنور واقوم انا وعيسى بن مريم
من قبر واحد بين ابى بكر وعمر يعنى بن عيسى ايله بيله برقبردن قالقرم
ابى بكر ايله عمر اراسنده بو حديث شريف مواهب ادنيه ده
مذكور در تحقيق النصره دن منقولدر وبو حديث شريفده
صحیح مسلمدن يدى سنه وبررواينده قرق سنه مكث ايدر ديو
مذكوردر وابوداود طيالى رواينده قرق سنه مدت بعده وفات
ايدوب مؤمن نماز بن قيلار واقع اولمشدر امام طبراني وامام
احمد مسندنده وابوالشيخ وابن حبان كتابنده بونك مثلي ذكر
ايتديلر والله اعلم بحقيقة الحال * ودخى صحیح بخارى حديث
شريفلرندن ابوهريره رضى الله عنه رواينله شويله دركه لا تقوم
الساعة حتى يخرج رجل من قحطان يسوق الناس بعصاه يعنى
قيامندن اول قحطاندن برجل خروج ايلوب ناسى عصاسيله
سوق ايدر و صحیح مسلمده بنه ابوهريره رضى الله عنه رواينله
شويله دركه لا تذهب الليالى والايام حتى يملك رجل يقال له
جهجاه قحطاندن خروج ايدى جك رجل بو حديث شريفده
ذكر اولنان جهجاهدر ديمشدر واما دجال حقنده چوق
حديث شريفلر وارد اولمشدر امام مسلم وامام ابو داود شويله
تخريج ايتديلر كه انس بن مالك رضى الله عنه رواينله حضرت
رسول اكرم صلى الله عليه وسلم بيوردى كه ما من نبي الا وقد انذر
امته الاعور الكذاب الحديث يعنى زمان سابقده كلان انبيا

ومرسلين على نبينا وعليهم الصلوة والسلام شاشى وكور وكذاب
اولان دجالك فتنه كيره ومصيبت عظيمة اولديغنى خبر ويروب
شردن تحذير ايتديلر زيرا عليه السلام زمانندن يوم قيامته دك
انك ~~كبي بيوك~~ مصيبت اولودشمن كلمشدر نعوذ بالله تعالى
من شره بعض اهل حديث بيورمشركه دجالك اسمى يهود عندنده
مسجدد آخر زمانده ظهور ايدوب قره يه ودر يايه مالك اولسه
كر كدر وير حديث شريفده شويله دركه دجال كذابك مدق
قرق كوندرا اولكى كوني برسنددر ايكجنى كوني برآى قدر او چنجى
كونى برهفته قدر سائر كونلرى بنه سائر كونلر قدر در ودجالك
ياننده ايكي ايرمق اوله برى صووبرى آتش لكن صوكور بن آتش
وآتش كور بن صودر وير حديث شريفده شويله دركه سزدن
بريكز اكر دجاله يتشوب صوايحجك اسنه سه آتش ارمقندن
ايحسك زيراصواودر وابن مسعود رضى الله عنه بو حديث
شريفى بويله جه ايشندم ديو بيوردي امام مسلم صحیحده
انس بن مالك رضى الله عنه رواينله حضرت رسول اكرم
بيورديكه يتبع الدجال من يهود اصبهان سبعون الفا
عليهم الطيالة اصبهان يهود ندن يتش بيك طيلسانلى كسدر
دجاله تابع اولور امام ترمذى تخريج ايلدى ابو بكر الصديق
رضى الله عنه رواينله كه رسول كاشفات صلى الله عليه وسلم
بيوردي الدجال يخرج من ارض بالشرق يقال له خراسان
يعنى مشرق جانبندن خراسان نامنده محلندن دجال چقسه
كر كدر يتبعه قوم كان وجوههم المجان المطرقة اكابر قوم تابع
اولور انلرك يوزلرى يعنى قلعان كيدير بر كسه اتى قتل ايدى مر

عبدی علیه السلام مدین غیری اسکر حضرت عبسی حربہ
ایله ضرب ایتسه ده دجال توز کبی اری پیدی زیر نفس عبسی
کافرزی قتل ایدر وکوز منزلی محلدن اریشور حربہ ایله قتل
ایدوب حربہ اوجنده قاتی اهل اسلامه کوستر کتب حدیثه
تفصیلا مذکوردر ودخی صحیح بخاری ومسلم حدیث شریفانندن
ابوهریره رضی الله عنه روایتیله حضرت رسول الله صلی الله
علیه وسلم بیوردی * علی انقاب المدینه ملائکه * یعنی مدینه
منوره نك طاغربنك یوللری اوزرنده مؤکل ملائکه وارد
لاید خلها الطاعون ولا الدجال * انلر مدینه منوره بی حراست
ایدوب طاعون عسکری ودجال اکا کیرمز و صحیح مسلمده
انس بن مالک رضی الله عنه روایتیله حضرت فخر عالم صلی الله
علیه وسلم شویله بیوردیکه * لبس من بلد الاسبطوه الدجال
الامکه و المدینه * یعنی بر بلده یوقدر الادجال اکا یاغیله یا صسه
کر کدر الامکه ایله مدینه یه کله مز * ولبس نقب من انقابهما
الاعلیه ملائکه صافین تحر سهما مکه ومدینه یوللرنده
صف اولش عظیم ملائکه وارد انلری حراست ایدر لودخی
علامات کبرانک بریمی دخی کعبه مکرمه نك هدم اوله سیدر
صحیح مسلمده ابوهریره رضی الله عنه روایتیله حضرت رسول
اکرم صلی الله علیه وسلم بیوردیکه * یخرب الکعبه ذوالسویقتین
من الحبشه * بر روایتده * ذوالسویقتین یخرب بیت الله
عز وجل واقع اولمشدر یعنی کعبه مکرمه بی حبش طائفه سندن
ساقلری اینجه کسد خراب وهدم ایدر بومعاده جوق خبرلر
وارددر ابو سعید الخدری رضی الله عنه روایتیله حضرت سید

کائنات

کائنات علیه الصلوة والسلام بیوردیکه * اینجهن البیت
ولیعمرن بعد خروج یا جوج و ما جوج * یعنی یا جوج
و ما جوج جند نصره بیت الله حج وعمره اولور بوحديث شریفه
کوره خراب کعبه یا جوج و ما جوج جند نصره اواق کور بنور
والله اعلم بالصواب * ودخی یا جوج و ما جوج طائفه سنک
خروجی حقه آيات کریمه وارد که حق تعالی بیورر * حتی
اذا فتح یا جوج و ما جوج وهم من کل حدب ينسلون * یعنی
یا جوج و ما جوج سدی شق وهدم وفتح اولندقدده انلر هریر
یوکسک یرلردن سرعت ایده رک حیرلر اهل حق شویله
تحقیق ایتدیلر که یا جوج و ما جوج حضرت نوح علیه السلام
اوغلی یافت اولدلر یدر شولقدر جوقد که ساربتی آدم اوزرینه
طقوز قات اولور بر حدیث صحیحده شویله در که حضرت سید
کائنات صلی الله علیه وسلم او یخودن او یانوب مبارک یوزی
محر اولمشیدی اوج کره * لا اله الا الله * دیوب بیوردیکه
شمدی یا جوج و ما جوج سندن شوقدری فتح وهدم اولدی
دیوب باش بر مغنی ومسبحه بر مغنی جمع ایدوب اشارت ایتدی
حضرت زینب رضی الله عنها سؤال ایدوب دیدیکه یا رسول الله
یرده صالحلر وار ایکن هلاک اولور می یز جوبت یا صواب ایدوب
بیوردیکه * نعم ادا کر تحبب * یعنی حبیب جوق اولندقدده
هلاک جهله به شاملدر صحیح مسلمده شویله در که عبسی علیه
السلام دجالی قتل ایتدکد نصره حق تعالی اکا وحی
ایدر که بن بر طائفه ارسال ایلرم بتون دنیا یه که ترکسه انلر
نقتال ایده مز قوللری الوب طور طاغنده مکث ایدوب

قولریمی محافظه ایت پس حق تعالی یا جوج و ما جوجی
 اخراج ایدر انلردخی طاغلردن و صحرالردن سکر دیشوب آفاقه
 منشراولوب او کیجه ~~سکلان~~ طبریه دریاسنی ایچوب آردنجه
 کلانربونده بر زمانده صووار ایمش دیرلر و بر روایتده شویله
 در که بویا جوج و ما جوج شولقدر چوق جاعتلر و طائفه لردر که
 هر جاعت در تیوز بیک کسه در اقل مرتبه برینک بیک اولادی
 اولوردن بیک خرابات محلنه دیکیدرلر فرات و دجله و طبریه
 صولرینی ایچرلر تا که بیت المقدس اطرافنه کلورلر حضرت عیسی
 علیه السلام و اصحابی محصور اولوب فقط عظیم ظهور ایدر
 حتی بر او کوز باشی یوز التوندن قیملو اولور انلره صکره یا جوج
 و ما جوج امام ترمذی روایتده بیت المقدسده طاغلر اوزرینه
 چیقوب یرده اولنلری قتل ایلدک کوکده اولنلری دخی قتل ایده لیم
 دیوب دمر نلی اوقلر آتوب حق تعالی اوقلرک اوجنی قان ایلوبوب
 انلره کوندلر حضرت عیسی علیه السلام اصحابیله دعا ایدوب
 حق تعالی قبول یسورب یا جوج و ما جوج رقبه لرنده نغف
 یاره سی چیقوب همان جله سی دفعه واحده اولوب شخص
 واحد اولومی مکی و حضرت عیسی اصحابیله اشاغی اینزلر
 لکن یرده برقرش مقداری محل خالی قالمشدر انلرک لاشه
 خیشه لردن پس جناب حضرت الله تعالی به تضرع ایدرلر
 حق سبحانه و تعالی دوه بوینو کی بیوک قوشلر کوندروب
 انلرک لاشه لرینی الوب مراد اولنان محله طرح ایدرلر صکره
 بر یغمور کلوب بر یوزینی تطهیر ایدر پس بامر الله تعالی یرده
 شول قدر برکت اولور که قیاسدن خارج اوله شکم کتاب

مبسوطده مسطوردر و دخی طلوع الشمس من المغرب صحیح
 مسلمده ابوهریره روایتله رسول الله صلی الله علیه وسلم یوردیکه
 لا تقوم الساعة حتی تطلع الشمس من مغربها * یعنی قیامت
 قویمز کونش مغرب جانبندن طلوع ایدنجه به دیک * فاذا طلعت
 من مغربها آمن الناس کلهم اجمعون * مغربدن طلوع ایتدکده
 جمیع خلق یهود و نصاری ایمان کنورلر لکن فائده و بر مزینه
 صحیح مسلمده ابوذر رضی الله عنه روایتله شویله در که بر کون
 یوردیکه * تدرون این تذهب هذه الشمس یعنی شو کونش
 قنده کیدر بیلور مبسز دیدکده قالوا اصحاب دیدیلر که الله
 ورسوله اعلم قال رسول علیه السلام یوردیکه ان هذه تجری
 حتی تنتهی الی مستقرها تحت العرش * یعنی تحقیق شو کونش
 کیدر تا که عرش عظیم تحتده قرار ایده جک مکاننه وارد
 قنجر سجده * انده حق سبحانه و تعالی به سجده ایدر *
 فلا تزال كذلك * دائما بویله طلوع ایتکه اذن طلب ایدر و اذن
 و بر یلوب مشرقدن طلوع ایدر شکم ذکر اولنور * حتی یقال
 اها ارجعی من حیث اتیت فترجع فتصبح طالعة من مطلعها
 ثم تجری لایسنکر الناس منها شیئا * چونکه کونش
 امر اولنوب مشرقدن طلوع ایدر عادت اوزره ناس اندن
 بر نسنه بی اسنکار کور میوب دائما عادات مسنره به موافقت
 کورزلر * حتی تنتهی الی مستقرها تحت العرش تا که
 تحت العرش مکاننه واروب مشرقدن طلوع ایچون اذن
 استیوب سجده ایدر * فیقال اها ارجعی و اصبحی طالعة من مغربک
 فتصبح طالعة من مغربها * یعنی کونشه امر اولنور که کبرو

کیدوب مغربدن طلوع ایت دینور کونش دخی مغربدن
 طلوع ایدر * اندرون منی ذلکم * ییلور مینسز نه زماندر
 شو ذلک حین لاینففع نفسا ایمانها لم تکن آمنت من قبل
 او کسبت فی ایمانها خیرا شول زمان شویله وقتدر که مقدا ایمان
 کتور مامش کسه اول زمان ایمان کتور مک نفع ویرمز شویله
 تحقیق اولمشدر که بر جعه کیجه سی اولکی کی کونش غروب
 ایدوب اوج کون مقداری طوعیه عاقل و کامل اولنلر انجم
 سیری اکلیوب توبه و عبادات ایدر لر هر نمازک وقتنی قیاس
 ایلوب قیلارلر و اهل غفلت اولنلر بو کیجه صباح کج اولدی
 دیو حیوانات کی غفلت ایله او یخوده اوله لر چنانکه صباح اوله
 کوره لر که طلوع فجر جاب مغربدن واقع اولوب کونش قره
 ونوری کتیش مغربدن طوغه تا که وقت عصر یرینه کلوب ینه
 رجوع ایدوب اولکی کی مشرقدن طوغه و توبه قیوسی
 سد اولوب بر کسه نک ایمانی و توبه سی مقبول اولسه ودخی
 دابة الارض حقه آیت کریمه واردر حق سبحانه و تعالی
 یورر * واذا وقع القول علیهم اخر جلالهم دابة من الارض
 نکلمهم ان الناس کک انوا بایاتنا لایوقنون و جوق حدیث
 شریف واردر بر حدیث شریفده شویله در که عند الله تعالی
 زیاده سبيله معظم اولان مسجد دن خروج ایله بعض کار
 مفسرین دیشلر که مسجد حرامدن چیقرویدن چیه علماء
 تحقیق شویله بیان ایتدیلر که دابة الارض فصیح عریج سو یلر
 و بر حدیث شریفده کلدیکه انک یاننده موسی علیه السلام
 عصاسی و سلیمان علیه السلام خاتمی اوله مؤمنک یور ینه

عصا ایله دو قنوب بو کسه اهل جنتدر دیه وانک بتون یوزی
 نور اوله و کافر لک یوزینه خاتمی با صوب بو اهل جهنمدر دیه
 وانک یوزی بتون قره اوله ودخی دابة الارض بر یولک حیواندر
 بعض روایتده اوج کون چیه هنوز تمام جسدی چیه
 و انده هر حیوانک رنگ و مشابیهتی بولنه بر روایتده باشی او کوز باشی
 کی و کوز لری خنزیر کوز لری ککی و قولاغی قبل
 قولاغی کی و صدی ارسلان صدی کی اوله شولقدر قوتلوا اوله که
 کیمی مراد ایتسه ایریشه و کیمکه اکا قصد ایله ظفر بولیه
 وقصه سی طویله در کتب مفصله ده مذ کوره در و اما دخان
 حقه حذیفه رضی الله عنه روایتله که رسول الله صلی الله
 علیه وسلم دخاندن سؤال اولندی و بو آیت کریمه بی او قودی
 فارتقب یوم تأتي السماء بدخان مبین * صکره یسور دیکه
 مشرق ایله مغرب اراسی طلوسی دخان اولور قرق کون و قرق
 کیجه مکث ایدر اما المؤمن فیأتیسه منه الزکام و اما الکافر
 فکمزله السكران یخرج من مخزیه واذنیه و دبره یعنی مؤمنله
 زکام حالتی کی حالت عارض اوله و کافر لر سرخو شلر کی
 اولوب بورنلرندن و قولاً قلرندن و د برلرندن چیه دخی سار
 روایتلر واردر کتب حدیثده مسطور در و اما اوج خسف
 حدیث صحیحلر ده مذ کور در مسلم و ابوداود تخریج ایتدیلر
 حضرت حذیفه بن اسید الغفاری روایتله حضرت رسول الله
 صلی الله علیه وسلم یسور دیکه * یكون قبل قیام الساعة
 ثلث خسوف یعنی قیامتدن اول اوج خسوف واقع اولور
 خسف بالشرق و خسف بالمغرب و خسف یجزیره العرب

برخسف مشرق جانبند و بریسی مغربده و بریسی جزیره
عربده در ودخی چوق روایتلر وارددر علامتلك بریسی دخی
حیوانات و جاداتلك انسانه سویله سیدرتكم ابو سعید
الحدری رضی الله عنه روایتله که رسول الله صلی الله علیه
بیوردیکه والذی نفسی بیده لاتقوم الساعة حتی تکلم السباع
الانس و حتی تکلم الرجل عذبة سوطه و شرک نعله و یخبر
فیخذه بما احده اهل من بعده اما ارض حجاز دن نار ظهور
ایمه سی احادیث صحیحه ایله ثابتدر مسلم حدیثلرندن ابوهریره
رضی الله عنه روایتله شویله در که حضرت رسول کائنات
صلی الله علیه وسلم بیوردیکه لاتقوم الساعة حتی تخرج نار من
ارض الحجاز قضی اعناق الابل ببصری یعنی قیامتدن اولارض
حجاز دن برآتش پیدا اولوب بصری مملکتنده اولان دوه لك
عنقرینه ضیا ویرر یعنی ضیا سی اطرافه لك وارد و برروایت
صحیحه ده شویله در که آتش ظهور ایدوب خلق جمع ایدر انلر دخی
صف صف اولورلكی غایتده راغب وکی غایتده راهب ایکی کشی
بردوه اوزرنده اوج کشی و دورت و بش کشی بردوه اوزرنده
بنوب و بقیه لرینی دخی جله سنی آتش احاطه و حشر ایدوب
انلرایله بیله ککیدر صبا حده و اخشامده انلردن منفك اولماز
بعض اهل حدیث بو آتش جله علامتلك اخریدر دیدی
امام مسلم تخریج ابتدی ابن مسعود رضی الله عنه دن رسول الله
صلی الله علیه وسلم بیوردیکه * لاتقوم الساعة الا علی
شرار الناس * یعنی قیامت انجق شرار و کافرلر اوزرنده قوپار
صحیح مسلمده مذکوردر که حق سبحانه و تعالی بر مبارک ریح

طیبه ارسال ایدوب جله اهل ایمانك ارواح طیبه لی قبض
اولنوب همان اشرار و فجار و کافرلر قالورلر حیوانات کبی
و حمارلر کبی حرامی و حلالی فرق ایتیبوب همان شهوات
خیثه لرینه تابع اولورلر شیطان لعین انسان شکله کیروب
اصنامه عبادت ایتدیرر درلودرلو فسادلر و طغیانلر تعلیم ایلوب
یشون جهان کفر و ضلالت و فساد ایله طولو ایکن صوره
نفخ اولنور انلك باشلرینه قیامت قوپسه کر کدر امدی معلوم
اوله که بو علامتلر اجهالیدر و ترتیبه رعایت اولنمشدر زرا
روایات مختلفه در حتی بعض روایتده اول علامات دجالدر
و بعض روایت اخراده کونشك مغربدن طوغمه سیدر و بعض
علامتلر دخی وارددر مثلالین الناس قتال اولق و دجال مثللو
کذابلر و زندقلر چوق اولق و ناس علمایی ترك ایدوب جاهلله
اقتدا ایدوب انلر دخی جهالتر یله کذب و افترا قوالر و یروب
کندولری ضلالتده دوشوب خلقی اضلال ایلك و سفیانی
نامنده برعسکر صاحبی کسه ظهور ایدوب خلقله مقاتله ایلك
و غیر یلر کبی تفصیل لاتده مذکوردر و الله اعلم بالصواب و الیه
المرجع والمآب * فصل * معلوم اولسونکه یوم قیامت فلان
سنه ده و فلان ماهده اولور دیمکه دلیل عقلی و برهان یوقدر
العلم بالساعة عند الله تعالی لکن اندن مقدم اوله جق علامتلر
وجوده کلدیکه قیامت قوپم حضرت ابی هریره رضی الله عنه
بیوردیکه سؤال ایدوب دیدمکه یا رسول الله نیچون جمعه کونه
یوم الجمعة تسمیه اولندی جوابده بیوردیکه * لان فیها طبع
طینه ایلك آدم یعنی زرا یوم جمعه ده باباك آدمك جا موری

جمع اولدی * وفيها الصعقة نفخة اولی انده اولور والبعضة
نفخة ثانیة انده اولور * وفيها البطشة بطشة کبری وطامة
عظمی انده اولور والحاصل چان اهل جنت واهل جهنم
عددی تمام اولدوقده قیامت قویار بر حدیث شریفده شویله در که
کیف انعم وصاحب الصور قد التقمه واصنی سمعه وحنی جبهته
ینظر منی یوم یوم بالنفخ فیہ یعنی نیجه فرحتوب شاد اولور مکه
اسرافیل علیه السلام صوری اغزنده لقمه کبی طوتوب النبی
آجوب جناب حق تبارک وتعالی دن اذنه انتظار ایدر که نه زمان
صوری اوفور مکه امر اولنه امدی صور یوک بوینوز شکنده
برنسنده در چان وقتی کلد کده حق سبحانه وتعالی اسرافیل
امر ایلوب * انفخ نفخة الفزع * یعنی فزع نفخة سنی نفخ ایل
دیجک اسرافیل علیه السلام صوری اوفور ب آندن بر شدید
عظیم صوت حقیقه که دنیاده وسموانده اولنلر ایشیدوب غشی
اولوب جان ویره لور بکک نفخة الخراب دینور حق سبحانه
وتعالی یورور * ونفخ فی الصور فصعق من فی السموات ومن
فی الارض الامن شاء الله * یعنی صوره نفخ اولنوب عقبنده
کوکلرده اولنلر ورلرده اولنلر صعقه وغشی اولور لای الله تعالی
صعقه دن حفظنی مراد ایتدیکی غشی وصعقه دن خلاص
اولور و بر آیت کریمه ده * ویوم ینفخ فی الصور ففزع من
فی السموات ومن فی الارض الامن شاء الله * واقع اولمشدر
یعنی یارسول الله ذکر آیت شول کونیکه انده صوره نفخ اولنوب
کوکلرده ورلرده اولنلر فزع ایدر الله تعالی نک فزع دن حفظ
ایتدیکی قوللردن ماعدا اهل تفسیر شویله یور مشلدر بر آیت

کریمه ده اولان فزع نفخة اولاده جمله خلق مصعوق اولدقلری
وقتده ایلدکلی جزع وفزع عذر که جان ویرسه لر کر کدر
واستثنا اولنلر جبرائیل ومیکائیل واسرافیل وعزرائیل
علیهم السلام در امام ضحاک رحمه الله تعالی جنتده کی حور
وجهنم خازنلریدر وحلته عرش عظیمدر دیدیلر و سائر
روایتلر واردر بو نفخة ده جمله احوال عالم تغیر اولسد کر کدر
وبتون دنیا و کوکلر اضطراب و حرکت شدید ایدوب هدم
و خراب اولسه کر کدر نیکم حق تعالی یورور * یا ایها الناس
اتقوا ربکم ان زلزلة الساعة شیء عظیم * یعنی ای قوللر
ریکزدن قورقوب تقوی ایدیکر تحقیق قیامت زلزله سی شیء
عظیمدر زیر جمله زمین دریاده سفینه چلقنور کی حرکت
شدیده ایدوب یوجه طاغله هوا ده بولوتلر کی بر جانبدن بر جانه
کیدوب غبار کی طاغله لر کر کدر نیکم قرآن عظیمده
ذکر اولنور * وترى الجبال تحسبها جامدة وهی تمرمر
السحاب * یعنی سن یوجه طاغله کوروب مکننده جامد
صانور سک اما اول ایسه بولوتلر کی اوغرایوب بکربو وقتده
یرده اولان بنالر هدم اولور حلی اولان خاتونلر وضع ایدوب
اولاد لرندن عزلت ایدر لجن انسه قاریشوب وحشی حیوانلر
انسان یاننه جمع اولورلر چونکه بو نفخة وزلزله فجأة وبغته
اولدیفیچون بازارده اولنلر اولرینه کلیدلر وصیت ایتکه قادر
اولیدلر هر کس نه حالده ایسه اویله جه جان ویرر * لایستطیعون
توصیه ولا الی اهلهم یرجعون * یعنی وصیتیه قادر اولنوب
واهلرینه رجوع ایده مزله همان جان ویرلر حق تعالی نک

واذا البحار سجرت نظم شریقنده اهل تفسیر رحمة الله علیهم
 اجمعین حوق معنی ویریدیلر ابن عباس ووهب و سفیان و ابن عطیه
 و ابن زید جمیع دریار و دره را آتش اولور دیدیلر امام تعلی
 ابن عباسدن رضی الله عنهما نقل ایتدی که حق تعالی کونشک
 و قمرک و یلد زلزلک نورینی الوب دریاره القا ایدر صکره
 بر روز کار کوندروب دریار اوزرینه اسوب جمله دریار
 آتش اولور و بر وایتده ابن عباس رضی الله عنهما جهنم
 بحر اخضرده در کونش و آی او دریاه آتیلور دیدی امام مجاهد
 و امام ضحاک و مقاتل رحیم الله دریار بری برینه قاریشوب
 جمله بر اولور دیدیلر حضرت قتاده و حسن رضی الله عنهما
 جمله دریار چکیلوب بر قطره صو قلماز دیدیلر امام ربیع
 ابن حشم جمله دریار لطلوب اقلر زیر آیت کریمه ده
 واذا البحار فجرت * کلمشدر تفجیر بومعنایه در دیدی بر یوزی
 سوبله دوز اوله که براو جدن براو جی کورینور * و تری الارض
 بارزه * فوا سجد براعاج بیله قالمیوب جمله بر آشکاره اولور و دخی
 کوکلر حق تعالی بیورر * فاذا انشقت السماء فکان
 ورده کالدهان * یعنی کونک پاره لنوب کل کی قزاروب زیتون
 یاغی کی اریسه کر کدر و دخی بیورر * اذا السماء انشقت
 واذا السماء انفطرت * انشقاق و انفطار بمعنایه کلور
 پاره لنمک معناسنه در * واذا الکواکب انتثرت * یلد زل
 یره دو کلوب پریشان اولور * واذا النجوم انکدرت * دخی
 بومعنایه در و بر محله بیورر * یوم نطوی السماء کطی السجل
 للکتاب * حق سبحانه و تعالی کو کلمری کا غد کی دورر

و بر محله * والارض جیعا قبضته یوم القیمه و السموات مطویات
 بینه * یدی قات یرلری ویدی قات کو کلمری قبضه قدر تنده
 الوب شول جهان پادشاهی جمله مملکت دفترلر نی الینه و قبضه سنه
 الوره یثتنده حق سبحانه و تعالی خطاب ایدوب * لمن الملك الیوم
 یعنی شول کونده ملک و تصرف و کمال قهر و غلبه کی کدر قنده در
 شول جبار متکبرلر ملک بر مدردینلر * اللهم مالک الملك بنم بنم
 شریکم و نظیرم یوقدر دیوب ینه کندوسی جواب ویروب
 لله الواحد القهار * یعنی ملک و تصرف انجق بر اولان مبالغه ایله
 قهر اید یحیی الله کدر واکا مخصوص صدر دیه امدی بر مدت
 بر وایتده قرق بیل خراب و اصسر قلوب یوم البعث زمانی
 کلنجه حق سبحانه و تعالی بر یغفور و یروپ قرق کون قدر
 یغفور یا غوب بر یوزنده اون ابکی ارشون قدر صو جمع اولوب
 قرق ارشون قدر یره کچه طیراغه دو شمش جسد لاول
 یغفور سببیله تمام جسد اوله امام مسلم تخریج ایلدی ابوهریره
 رضی الله عنه روا یتله که رسول الله صلی الله علیه وسلم
 بیوردیکه * ان الله سبحانه و تعالی یزله من السماء ماء فینبتون
 کاینبت البقل * الحدیث یعنی الله تعالی کو کدن یغفور کوندروب
 جمله جسدلر بتوب هر اعضا یرنده قرار ایدر معلوم اوله که
 جمهور اهل کلام بیوردیلر که حشر اجزاء اصلیه متفرقه
 جمع اولنوب ارواحی اکا اعاده ایله اولور دیدیلر اجزاء اصلیه اکا
 دیرلر که اول عمرندن آخر عمره دک بر مانع اولسه جسدده قالور
 مثلاً باش و آنده اولنلر و ال و ایاق و طرنق و داخل جسدده اولان
 طمرلر و نسنلر کی که جسد ایله بیله قالور بر آفت انی قطع ایتسه

و بعضی را معدومی اعاده و جمع از و اخی اعاده ایله اولور دیدی
و غیره اقوال دخی وارد و الحاصل میدان حشره کلان بدن
و روح دنیاده کی بدن و روح در انده معذب اولان بدن و روح
دنیاده کفر و عصیان ایدن بدن و روح در انده جسته نعمت
بولان بدن و روح دنیاده ایمان و طاعت ایدن بدن و روح در
مثلا برکسه بی قور دیمش اولسه و قور دی قوشلیمش اولسه
و قوشلر آتسه یا توب کولی روز کار کنوروب دریاره
قاردرمش اولسه ینه حق سبحانه و تعالی هر جسده اجزاسنی
جمع ایدوب میدان حشره کنوروب بعضی تفسیرده مذکور در که
بر منافق الله بر انسان ککی آلوب اوفه لوب او فور دی دیدیکه
یا محمد سن دیر سکه جملہ اموات حیات بواوب محشره کلور
بو چرومش مک بردخی نیمه حیات بو اور دیدکده حضرت
رسول الله صلی الله علیه و سلم بیوردیکه تحقیق خلاق جهان اولان
الله سبحانه و تعالی انی احیا ایدر و سنی دخی اولدروب جهنمه
ادخال ایدر بیوردی و حق سبحانه و تعالی بوایت کریمه بی
تزیل ایدی * اولم یرالانسان انا خلقناه من نطفة فاذا هو خصیم
مبین * یعنی انسان ببلدیمیکه تحقیق برانی برقطره منیدن
خلق ابدل اول ایسه خصیم اولوب برمله اظهار خصومت ایدر
و ضرب لنا مثلا ونسی خلقه * بزه مثل ضرب ایدر و کندی
کیفیت خلقتنی اونودر اگر کندی خلقشده فکر مستقیم ایدی
حشری انکار ایده مردی * قال من یحیی العظام وهی رمیم
اول کافر دیدیکه ککری کیم احیا ایدر حال بو که کککر
چرومشدر * قل یحییها الذی انشأها اول مرة * یا رسول

ذیشان سن اول معانده جوابنده دیکه اول چرومش ککری
اول ذات عظیم الشان احیا ایدر که اول کککر اول مرده ده هیچ
یوق ایکن ایجاد ایدی * وهو بکل خلق علیم * اول الله تعالی
هر بر مخلوق لری ذره به ذره بلجیدر و دخی حشر جسمانی حفته
آیات قرآنیه قتی چوقدر * ثم انکم یوم القیمة تبعثون * الایة
فسبقواون من یعیدنا قل الذی فطرکم اول مرة * الایة
فاذا هم من الاجداث الی ربهم ینسلون * الایة ایحسب الانسان
ان لن یجمع عظامه بلی قادرین علی ان نسوی بنانه * الایة
وان الله یمیت من فی القبور و اذا القبور بعثرت * انا نحن
نحیی الموتی * قالوا یاویلنا من بعثنا من مرقدنا هذا ما وعد الرحمن
و صدق المرسلون * الایة * ثم اذا دعاکم دعوة من الارض
اذا انتم تخرجون * یوم تشقق الارض عنهم سراعا ذلك حشر
علینا ینسیر * الایة * زعم الذین کفروا ان ان یبعثوا قل بلی
وربی لتبعثن ثم لتنبؤن بما عملتم و ذلك علی الله ینسیر * الایة
الا یظن اولئک انهم مبعوثون لیوم عظیم * الایة * ذلك یوم
مجموع له الناس و ذلك یوم مشهود * الایة * و غیره آیات
واحادیث دخی چوقدر و الحاصل حشر جسمانی بی تصدیق
ایمکله منکر آخرتدن امتیاز حاصل اولور اگر تصدیق ایجاب
العیاذ بالله تعالی فلاسفه و زنادقه و سائر ملحدیه کی تکذیب ایدر سه
فی الحال کافر اولوب قتلی واجب اولور زیرا حق سبحانه و تعالی
قرآن کریمنده مواضع کثیره ده و سائر کتب سماویه ده تأکید
و تصریح ایله ذکر و بیان ایشدر و جمیع انبیا و مرسلین
صلوات الله و سلامه علی رسولنا و علیهم اجمعین اتفاق و اجماع

قطعی و کلی ایدوب امتارینه حشر اجسادك وقوعنی تبلیغ
وایمانله امر ایتمشردر و جمع مجتهدین و سائر مؤمنین یوم قیامتهدك
بونلرك جهله سی وقوعنه اتفاق واجماع قاطع ایتمشردر
ودخی عقل ایله وقوعنی ادراك اولنور زیر عالم دنیاده خلق ایکی
فرقه در مطیع و عاصی وقت اولور که مطیع ثواب طاعتی و ثمره
عبادتی دنیاده کور میوب بلکه زجت و مشقت و انواع
مصیبت ایله عمری کچر عاصی دخی عصیانك عقوبتی دنیاده
کور میوب بلکه رفاهیت و سلامت و صحت و عافیت ایله عمری
کچر ایمدی دنیاده بونلر مجازات اولدقده معلومدر که مطیع
ثمره طاعتی و ثواب عبادتی کور مکه و عاصی عقوبت عصبانی
کور مکه بر عالم لازمدر که حتی مطیع عاصیدن متمسک اولوب
هر کس سعی ایتدوکن بواه اول عالم آخرتدر و دخی معلوم اوله که
یوم قیامتك اسملری وارد یوم القيمة یوم الحساب یوم الواقعة
یوم الراجفة یوم الرادفة یوم الغاشية یوم الزلزلة یوم العاصفة
یوم الازفة یوم الحاقة یوم الطامة یوم الصاخة یوم التلاق
یوم الفراق یوم الميثاق یوم القصاص یوم الساعة یوم القارعة
یوم الفرع الاکبر یوم البطشة الکبری یوم العذاب یوم الموعود
یوم الوعيد یوم المعلوم یوم المشهود یوم الآخر یوم البعث
یوم الفصل یوم الجاثية یوم عظیم یوم النفخ یوم القرار
یوم التاد یوم الصراط یوم المیزان یوم کبر یوم ميعاد
یوم قطریر یوم محیط یوم مسیطر یوم عبوس یوم الدين
یوم القضاء یوم الجزاء یوم الناقور یوم النتح یوم الخلود
یوم الحق یوم الاشهاد یوم الخروج یوم المرصاد یوم البكاء

یوم البلاء یوم الحشر یوم النشور یوم الجمع یوم العرض یوم الثغابن
یوم عقیم یوم التدامة یوم الحسرة یوم الویل یوم دعوة
یوم نبور یوم السلام و غیرى دخی وارد * فصل * حق سبحانه
وتعالی بیورر * و نفخ فيه اخرى فاذا هم قیام ينظرون * یعنی
یوم البعث زمانی کلد کده صوره برکه دخی نفخ اولنورنا کهان
هر کس قبرلرندن قالقوب اول کونك کمال دهشتنه نظر ایدوب
متحیر اولورلر نتکم بر محله * کانهم جراد منتشر دیو بیور مشدر
یعنی خلق یوم قیامتده چکر که لر کبی پریشان اولورلر علمله
مفسرین رحهم الله تعالی شویله ذکر ایتدیلر که حضرت
اسرافیل علیه السلام صخرة بیت المقدسه صوره او فورب دیر که
ایتها العظام البالية والاوصال المنقطعة والحموم المنخرقة
والشعور المتفرقة ان الله یأمر کن ان تجمعن لفصل القضاء
یعنی ای چرومش کککرای قیرلمش طمرلر ای چرومش اتلر
ای طاغلمش قللر تحقیق الله تبارك وتعالی سزله امر ایدر که
جمع اولوب فصل قضا ایچون محشره کله سر معلوم اوله که
حق سبحانه وتعالی عقلا و محنونلری و صبیانی و ملائکه بی
و جمع جنی و شیطانلری و سائر حیواناتی و طیوری و الحاصل
کوکلرده ویرلرده وقرده ودریاده نه دکلویوک وکوجک جانلو
وارایسه جلا سنی میدان عرصاتده حشر ایتسه کر کدر حضرت
امام ابوحنیفه رضی الله عنه شویله تحقیق ایتدیکه هر بر مخلوق که
جانلو اوله حشر اولسه کر کدر اما شول جوجق که اتار چندن
جان ویرلرندن اول دوشوب تلف اولسه اول حشر اولماز زیر
جانلو قییلندن دکلدر اگر بر لحظه جان بد نه کلش اولیدی حشر

اولوردی حشر روح ایلله بدن جمع اولمقدن عبارتدر امام شعبی
وابن سیرین شویله ذکر ایندیله که چنان انا رجندن دوشن جوجحق
بعض اعضاسی بلوا اولد یسه تقدیر جان کلد یسه ییله میدان
قیامت کلود دیدیلر والله تعالی اعلم واحکم جمله خلق یالن ایاق
وباشی آجق عریان حشر اولورل صحیح مسلمده ابوهریره
رضی الله عنه روایتله حضرت سید کائنات صلی الله علیه وسلم
بیوردیکه * انا سید ولد آدم یوم القیمة واول من یشق عنه القبر
واول شافع واول مشفع * صدق رسول الله یعنی یوم قیامتده
جمع بنی آدمک سیدی واولوسی بنم جمله دن اول قبردن قالقرم
وجمله دن اول مقام شفاعتده شفاعت ایده رم وجمله دن اول
شفاعتیم کمال قبول ایلله قبول اولوب شفاعتته نائل اولنلر
عذابدن نجات بولورل اللهم یسر لنا بحرمة نیک دخی بویله
حدیثلر جوقدر ودخی امام ترمذی شویله تخریج ایلدیکه
ابوهریره رضی الله عنه روایتله حضرت حبیب الله صلی الله
علیه وسلم بیوردیکه * یحشر الناس یوم القیمة ثلثة اصناف یعنی
یوم قیامتده خلق اوج صنف اوزره حشر اولنور * صنف مشاة
بر بلوکی ایقلری ایلله یوردرلر بونلر شول مؤمنلر در که علملری و عمللری
قلیلدر و صنف رکبان * و بر بلوکی را کبلر در بونلر کبار اهل
سعادتدر و اهل رضا و اهل زهد و تقوی و اهل احسان و اکرام
اولنلر در تنکم فخر الدین رحمه الله تعالی حق تعالی نیک
یوم یحشر المتقین الی الرحمن وفدا * قول شریفنک تفسیرنده
ذکر ایلدی و حضرت علی رضی الله عنه شویله بیوردیکه
والذی نفسی یده ان المتقین اذا خرجوا من قبورهم استقبلوا

بنوق بیض لها الجنة علیهم ارحال الذهب * یعنی یمین ایده رم
اول عظیم الشانه که بنم روحم انک قبضة قدر تنده در متقبل
قبرلرندن چیققدده آنلره بیاض ناقلر و بنکلر قار شوکتور بلوب
اول ناقلر ک قنادلری وارد و اوزر لرنده التوندن بساطلر وارد
اول متقبلر کمال عزت و کرامتلرندن اوتوری میدان عرصاته دک
بیان یوریمزل * و صنف علی وجوههم * بر بلوکی دخی یوزلری
اوزرینه سورینور سوا یلق ایلله حشر اولنور بونلر کافر لر در
نتکم حق تعالی بیورر * و یحشرهم یوم القیمة علی وجوههم
الایة یعنی کافرلری قیامتده یوزلری اوزرینه حشر ایده رز
حدیث شریفلرده شویله در که ایکی ایاق اوزرینه یورودن
الله تعالی قادر در که یوزی اوزرینه ده یوریده و بعض احادیث
شریفلرده شویله در که عمل صالح ایلین مؤمنلر قبرندن قانقدده
حق سبحانه و تعالی انک اعمال صالحه سنی کوزل صورته
تصویر ایدوب صاحبنه قار شو کلوب رفیق اولدقدده اول مؤمن
سؤال ایدوب سن کسک ونه کوزل کشبک دیر اولدخی بن سنک
علکم دیوب اکا نور اولوب جنته کتورر و اما کافر قبرندن
قالقدده مردار اعمال خبیثه سی چر کن صورته کیروب اکا
رفیق اولدقدده اول کافر دیر که سن کسک ونه خبیث کشبک
اولدخی دیر که بن سنک علکم دیوب تاکه جهنمه دک کتورر
والحاصل اول کونده هر کس عملنی و جزاسنی کورسه کر کدر
و بومجلده نیجه حدیث شریفلر و آثار واردر بو مقامده ذکر
ایتمک کتاب بیوک اولسون ایچور همان اجمال ایلدک کفایت قدرجه
معلوم اولسون ایچون حافظ ابن حجر رحمه الله تعالی شویله

ذکر ایلدیکه هر کس دنیاده قامتی نقدر ایه یته قبردن محشره
اول قامت اوزره کلور لکن جنتده جله سی حضرت آدم
علیه السلام صورتنده وقامتده اولور که التمش ارشوند
حدیث شریفده شویله در که یحشر الناس علی قدمی یعنی
جیع ناس بنم قدمده حشر اولور بو حدیث شریفک بیاننده
اهل حق شویله تحقیق ایتدیلر که یوم قیامتده حضرت رسول
کبریا صلی الله علیه وسلم جیع اهل محشرک سیدی و سلطانیدر
وجیع خلق انک جناب عالی منزلت وفلاک جاهلیننه الجاه واجتماع
ایدلر وانک مقام محمود وجاه ممدود لرندن استمداد ایدلر
حتی حضرت آدم و حضرت خلیل علیهما السلام و سایر
انبیا و مرسلین و صدیقین و شهدا و صالحین و سعداء مؤمنین
و غیر یلر بونلرک جله سی اول حضرت افضل مخلوقات و اکل
اهل ارض و سکان سموات حبیب الله الملك الصمد محمد احمد
صلی الله علیه وسلم و علی سایر النبیین و المرسلین و علی آله
و صحبهم اجمعین حضرت لرینک لواء الحمدی تحتده حشر و جمع
اولسه لر کر کدر نسکم روایتلرده آدم و من دونه تحت لوائی
وارد اولمشدر یعنی آدم علیه السلام و اندن برونه دکلو خلق
و ارایسه جله سی بنم لوا مه حشر و جمع اولور لر * فصل
حق سبحانه و تعالی بیورر * فانما هی زجرة واحدة فاذا هم
بالساهرة * معلوم اوله که حق تعالی * یوم تبدل الارض
غیر الارض و السموات و برزوا لله الواحد القهار * نظم عزیزنده
کبار اهل تفسیر رحیم الله تعالی شویله تحقیق ایتدیلر که
حق سبحانه و تعالی یرلری بشقه یره تبدیل ایدلر این مسعود

و این جبر و کعب الاخبار رضی الله تعالی عنهم بویله بیور دیلر
حتی این جبر و محمد بن کعب دیدیلر که بریاض نکش کی
نسنه اولور و آنده طعمام اولغه صلاحیت یو لنور اهل ایمان
محشرده آندن اکل ایدلر این عباس رضی الله عنهما شویله
بیور دیکه ارضک صفاتی تبدیل اولور طاغلو و مرتفع مکا نلر
زائل اولوب دوز صحرا اولور عکا ظی سختیان کی مد و بسط
اولوب بر طرفنده ارتفاع قلماز وقت نیدیلده اختلاف اولندی
این مسعود رضی الله عنهما بیور دیکه حسابدن اول تبدیل
اولور بعضیلر دیدیلر که خلق صراط اوزرنده ایکن تبدیل اولور
ودخی یدی قات کو کلر قتاده رضی الله عنه شویله بیور دیکه
قرن التون کی اولور و غیرری روایتلردخی وارد ایدلر ارض
محشرک اسمی ساهره در شولقدر بیوک طولی و عرضی و اسعدر که
جیع اولین و آخرین حیوانات در یاده و قره ده یا جوج و مأ جوج
و جن و شیطا طین و یدی قات کو کلرک ملائکه سی و جمله عرش
و غیر یلر بونلرک جله سی اول میدانده زمان واحدده جمع اولسه
کر کدر زیرا شویله تحقیق ایتدیلر که برنجی قات کوک اهل
ارض محشری احاطه ایدلر که جله انسان و جن و شیطا طین
اورطه ده قالور بعده ایکنجی کوک اهل بونلرک جله سنی احاطه
ایدلر بو منوال اوزره تا که یدنجی قات کو که وارنجه اطراف محشرده
یدی صف اولور لر * فصل * صحیح مسلمده تخریج ایلدی مقدار
رضی الله عنه دن رسول الله صلی الله علیه وسلم بیور دیکه
تد نو الشمس یوم القيمة من الخلق حتی تکون منهم کفدار میل
یعنی یوم قیامتده اهل محشره کونش شولقدر قریب اولور که

حتی بر میل قدر قریب اوله و سائر روایتلرده کونشک حرارتی دخی
 زیاده اوله هر کس کاهی قدر در ایچنده اوله کی طبوغنه دك
 وکی دیزینه دك وکی کوکسنه دك وکی اغرنه دك وکی قولاغنه دك
 وکی باشنه دك وکی دریالر کی در ایچنده قاله و دخی یتش ارشون
 قدر یره کیم و دخی حق سبحانه تبارک و تعالینک * و یحمل
 عرش ربك فوقهم یومئذ ثمانیه * نظم عز برنده شویله بیان
 ایتش لکه شمیدی کی حالده عرش عظیمی دورت ملائکه حل ایدر
 لکن قیامتده سکن ملائکه او موزری اوزرینه الوب صوت
 حسن ایلله تسبیح ایدر ك ~~کتوره~~ و سائر ملائکه دخی کوزل
 صوت ایلله تسبیح ایلوب سبحان الملك ذی الملك و الملکوت
 سبحان رب العرش والجبروت سبحان الحی الذی لا یموت سبحان
 الذی یمیت الخلائق و لا یموت سبوح قدوس رب الملائکه و الروح
 قدوس قدوس سبحان ربنا الاعلی سبحان ذی الجبروت و الملکوت
 و الکبریا و السلطان سبحانه ابد ایدا بویله تسبیح صوتندن آفاق
 محشر طولوب اهل محشر متحیر قاله و کرسی دخی بر جانبه وضع
 اولنه حق سبحانه و تعالینک * و ازلفت الجنة للمتقین و برزت الجیم
 المغاوین * نظم کریمی شویله تفسیر او انمشدر متفیلر جنته
 قریب اولنور اهل غوایت و ضلالت اولنره جهنم اظهار اولنور
 صحیح مسلمده عبدالله بن مسعود رضی الله عنهما روایتیله رسول
 کائنات صلی الله علیه وسلم یوردیکه یونتی بجهنم یومئذ لها سبعون
 الف زمام مع کل زمام سبعون الف ملک یجرونها * یعنی قیامتده
 جهنم کتور یلور اول وقتده آنک یتش بیک زمامی وارد هر بر
 زمانده یتش بیک ملائکه یا شوب چکرلر حق تعالینک * و حی

یومئذ

یومئذ بجهنم یومئذ * آیت کریمه سی بویله تفسیر اولندی عرش
 عظیمک صاغ جانبته جنت و صول جانبته جهنم وضع اولنوب جهنم
 هجوم ایدوب حق تعالینک * انها ترمی بشرر کالفصر * نظم
 عزیزی و دخی * یسل علیکم ما شواظ من نار و نحاس فلا تنصرون
 * کلام شریفی فحوای لطیفه جهنم اعاذنا الله منها اولاجن
 و انسک عاصیلری اوزرینه سیاه تنون صاحب اوردنجه صافی
 یالن آتشلر صاحبه رق و کوشکلر و قزل دوهلر کی قفلجملر صاحبه رق
 اهل محشر اوزرینه هجوم ایتدکده هر عاصیلر جزع و فزع
 ایدرلر فزع اکبر حاصل اولدقده اهل ایمان و صلاح اولنره
 بر ضرر و خوف و حزن لاحق اولوروی یوخسه اولر می اختلاف
 اولندی امام فخر الدین الرازی رحمه الله تعالی نقل ایلدی حاصلی
 بوکه انلر سلامنده و راحتده در * فن اتقی و اصلح فلا خوف علیهم
 و لاهم یحزنون * یعنی کیمکه تقوی و صلاح ایلله انلر اوزرینه
 خوف بو قدر و محزون اولزلر و اما امام بخاری تخریج ایلدی کی
 حدیث شریفک حاصلی حضرت آدم و نوح و ابراهیم و موسی
 و عیسی علیهم السلام اهل محشر بونلردن فصل قضا ایچون
 شفاعت کبری طلب ایتدکلرنده بو پیغمبرلر جواب و یروب
 رب العالمین جل جلاله بوکونده شول مرتبه غضب
 ایلدی که بوندن اول یومئذ لو غضب ایتمش ایدی بزه نفسن کر کدر
 دیوب هر بریسی بری برینه حواله ایدوب نفسی نفسی دیوب
 آخر الامر اهل محشر حضرت خاتم النبیین و حبیب رب العالمین
 صلی الله علیه وسلم حضرت لرینه کلوب سن خاتم الانبیاسک ما تقدم
 و ما تأخری حق تعالی مغفرت ایتشدر بزلره شفاعت کبری ایت دیو

روایت اول نور لکن بور وایتده حاشا ثم حاشا انبیاء عظام ایچون
خوف و حزن حاصل اولسنه دلالت یوقدر چونکه عامه اهل
محشره فصل قضا ایچون شفاعت کبری که بعض علما رحیم الله
تعالی مقام محمود بودر دیمشدر حضرت حبیب الله صلی الله علیه
وسلم حضرت تریبده مخصوص اولدیغیچون سائر پیغمبرلر اهل
محشری نفسی نفسی دیمکله بری برینه دفع ایدرلر مقام محمود
صاحبنه کلنجیه ده دیک یوخسه نیجه خوف و حزن ملاحظه اولنور که
حق سبحانه و تعالی متقبل حقنده الا ان اولیاء الله لا خوف علیهم
ولا هم یحزنون * پیورر یعنی تحقیق اولیاء الله اوزرلرینه خوف
یوقدر و محزون اولمازلر * و بر محمله الاخلاء یومشد بعضهم
لبعض عدوا لا المتقین * یعنی دنیاده بربرلرله دوست اولنلر
آخرته بربرینه دشمن اولورلر لا متقبل آخرته بنه بربرلرینه
دوست اولورلر و بر محمله * ان الذین سبقت لهم منا الحسنی اولئک
عنهم بعدون * یعنی تحقیق شوقوللر که عالم دنیاده بزدن ایلره
خصلت حسنی سبقت ایلدی ایدی ایمان و تقوی و استقامت
خصلتلی کبی انلر قیامتده جهنمدن بعید لدر * لا یسمعون
حسبها * جهنمک صوتی ایشتمزلر * وهم فیما اشتهت انفسهم
خالدون * انلر نفسلری اشتها و طلب ایتدکلری ذوقلرده و لذتلرده
و نازنین قدس باغچه لرنده ابدی مخلد اولیجیلردر لایحزنهم الفزع
الاکبر * انلره فزع اکبر حزن و یرمز ای عاقل تأمل ایله انلره
حزن یله یوقدر قنده قالدی نفسی دیمک * و تلتقیهم الملائکة *
انلره ملائکة کرام استقبال ایلوب دیرلر که * هذا یومکم الذی کتم
توعدون شوکون شول کونکر در که سر عالم دنیاده سعادت

و کرامت

و کرامت و امن و راحت و دخول جنت و رضا و لقا و سائر نعمتلره
نائل اولور سر دیو و عدا و اندیغکر کوندر و بر محمله دخی *
لهم البشری فی الحیوة الدنیا و فی الآخرة * یعنی اهل تقوی ایچون
دنیا ده و آخرته بشارت و مژده وارد و بونلر کبی آیات باهرات
و بینات ظاهرات چوقدر آیات قطعیه به احادیث معارضه اوله من
مشهور یله اولسه قنده قالدی خبر واحد اوله نتکم اربابی اولنلره
خفی دکلدر معلوم اوله که عرش عظیم کولکه سنده عند الله مقرب
اولمش جماعتلر واردر که انلره محشر شدی و کونش حرارتی
ضرر و یرمز بخاری و مسلم حدیث شریفلرندن بر حدیث شریف
صحیحده ابوهریره رضی الله عنه روایتله حضرت رسول کائنات
و شفیع عرصات صلی الله علیه وسلم پیوردیکه * سبعة یظلهم الله
فی ظله یوم لا ظل الاظله * یعنی یدی طائفه بی حق تعالی عرش
کولکه سنده کولکه لندیرر بریسی امام عادل عدالت ایدن پادشاهلر
و بکر و بریسی * شاب نشأ فی عبادة الله * شول کچلر که الله
تبارک و تعالی به عبادت ایتکده نشأت ایلشدر و بریسی * رجل قلبه
معلق بالمساجد شول کسه لر در که قلبی مسجدلره مربوط اوله
یعنی نمازه و جماعته انتظار اوزره اوله و بریسی * رجلان تحابا
فی الله اجتماعا علیه و تفرقا علیه * شول کسه لر در که بری برلرینه
فی الله محبت ایدوب تا که موت و قشده دیک تقوی و صلاح اوزره
محبته اوله لر و بریسی * رجل دعت امرأة ذات منصب و جمال
فقال انی اخاف الله * شول کسه لر در که انی حسب و نسب و جمال
صاحبیه سی برعورت فعل شنیعه دعوت ایلدکه اولدخی انجق
الله تعالی خوفندن ایچون ترک ایده و بن الله تعالی دن قورقارم دبه

و بریسی دخی * رجل تصدق بصدقة فاحفها حتى لا تعلم شماله
 ما انفق يمينه * شول کسه لدر که چان صدقه و یرد کده اصلا
 ریا اینجه و کسه یه کوسزمیه صاغ الیه و یرد یکنی صول الندن
 صغلیه و بریسی دخی * رجل ذکر الله ففاضت عيناه *
 شول کسه لدر که الله دیدیکی و فته خوفدن کوزندن باش کله
 امدی بونلردن غیری اهل ولایت و ارباب قربات و اصحاب جهاد
 و خیرات اولنلرک جله سی عرش عظیم تحتند ذوقلر و صفال
 ایدرلر و انلره جنتدن نعمتلر و شر بتلر کلور و حله لروتا جلر کیوب بویه
 کرامتلره نائل اولورلر و دخی مسلم حدیث شریفلردن عبدالله
 ابن عمر رضی الله عنهما روایتله حضرت رسول کبریا و شفیع
 یوم الجزا صلی الله علیه و سلم یوردیکه ان المقسطین * تحقیق
 حکمسلرنده و اهللرنده و سائر والی اولدقلری نسنه لده عدالت
 ایدنلر * عند الله * الله تبارک و تعالی عندنده * علی منابر
 من نور * نور دن منبرلر و کورسلر و تختلر اوزرنده اولورلر *
 عن یمین الرحمن و کلتا یدیه حق تعالی نیک عرشک صاغ جاننده
 و دخی متقیلر حقنده حق سبحانه و تعالی یورلر * یوم نحشر المنقین
 الی الرحمن وفدا * قیامت کوننده متقیلری الله جل و علانک
 حضرت معنویه سنه جمع ایده رزوفده رکبان معناسی و یردیلر
 تکم ابن عباس رضی الله عنهما شویله یوردیکه اهل تقوی ناقدر
 و یراقلر اوزرینه بزلر التوندن سرج و بساط ایلر و زبرجددن
 زما ملرایله مزین حضرت علی رضی الله عنه یوردیکه * ما یحشرون
 والله اعلم علی ارجلهم الاعلی فوق رحائلها ذهب و نجایب
 سروجها بواقیت وان هو و ابها سارت وان نهموها طارت *

یعنی

یعنی متقیلر بیان حشر اولمازلر نازنین ناقدر و یراقلر اوزرنده
 التوندن ایرلر و یاقوتدن ایرلر و اربویله یراقلره و ناقه لره بزلر
 مراد ایتسه ل یورلر و مراد ایتسه ل اوجارلر و دخی هر کس کچلرک
 عملی عمل ایتسه انلرایله حشر اولنور و اهل طاعات پیغمبرلر
 و صالحلرایله حشر اولنور تکم حق سبحانه و تعالی یورلر * و من
 یطلع الله و ال رسول * کچکه الله تعالی یه و رسولنه صلی الله علیه و سلم
 اطاعت ایده * فاولئک مع الذین انعم الله علیهم شول اطاعت
 ایدنلر انلرایله بیلر در که الله تعالی انلر اوزرینه انعام ایلدی
 من النبیین و الصدیقین و الشهداء و الصالحین * پیغمبرلردن دخی
 علماء صدیقیندن دخی شهدالردن دخی صالحلردن * و حسن
 اوائک رفیقیا شودرت طائفه مقربین کوزل رفیق اولدی
 و الحاصل هر کس کندی صغلیه حشر اولنور معر کده شهید
 اولنلر حدیث شریفلرده شویله ذکر اولمشدر که * یبعثهم الله
 یوم القيمة بدم جروحهم و اللون لون الدم و الريح ريح المسک *
 یعنی شهداء معر که بی الله تعالی قیامتده شویله بعث ایدر که
 قانلری آقهرق لون قان لون قحوسی مسک کبی اوله مسلم عبدالله
 ابن عمر رضی الله عنهما روایت ایلدی حضرت رسول کبریا
 صلی الله علیه و سلم شویله یوردیکه * یغفر للشهید کل الذنوب
 الا الدین یعنی شهادته سبب اولوب شهیدک جله کاهلری مغفرت
 و عفو اولنور حقوق عباددن ماعداز یرا اول عفو اولماز لکن
 علمار حهم الله بو قرده شهید اولنلر حقنده در دیمشدر یرادر یا
 معر که سنده شهید اولنلرک حقنده ابن ماجه تخریج ایلدی امامه
 رضی الله عنه دنکه حضرت رسول کائنات صلی الله علیه و سلم

بیوردیکه * یغفر لشهداء البحر الذنوب كلها والدين * یعنی
در بانه که سنده شهید اولنلرک جمیع کاهلری مغفرت اولنور
حتی حقوق عباد اولان دین مال و قتل و طعن و سب و غیبت
و ضرب و غیره حقوق کی بونلردخی مغفرت اولنور و دخی امت
محمدیه ده شهادتی حوقدر از جمله برر و آئیده بش طائفه بیان
اولمشدر * الشهداء خمسة المطعون * شهدا بش صنفدر
بریمی طاعوندن کیدن حتی بونلرک حقهده چوق حدیث شریفلر
وارد اولمشدر از جمله امام بخاری رحمه الله تعالی تخریج ایندی
حضرت عایشه صدیقهدن رضی الله عنها حضرت رسول
رب العالمین صلی الله علیه وسلم بیوردیکه * الطاعون کان عذابا
یبعثه الله علی من یشاء من عباده * یعنی طاعون عذاب ایدی
الله تعالی مراد ایندی کی قوللره کوندر ایدی * فجعله الله رجعة
للمؤمنین * حق سبحانه و تعالی امت محمدک مؤمنلرینه طاعونی
رحمت قلدی * ما من عبد یكون فی بلدیكون فیه ویمکت فیه
لا ینخرج من البلد صابرا محتسبا یعلم انه لا یصیبه الا ما کتب الله له
الا کان له مثل اجر شهید * بو حدیث شریفی حضرت عایشه
رضی الله عنها طاعوندن سوال ایتدکده بیوردی حاصلی بودر که
هر کیمکه طاعون اصابت ایندی کی بلدهده مکت ایدوب چقمیوب
حق تعالیدن اجر طلبیله و یقینا بلسه که انجق بکا اصابت ایلرسه
الله تعالینک امریله و قضاسیله و تقدیریله و لوح محفوظه کاتب
ایتمسیله اصابت ایلر حذر و فرار فائده و یرمز اول کسه ایچون
حق تعالی خلوصی و صبری سیبیه شهید اجری احسان ایدر
و شهید دینور نقدر کندویه طاعون اصابت ایتمسه بیله حتی علما

رحمهم الله تعالی شویله بیوردیلر که اول کسه نقدر طاعون زمانندن
صکره و قرق ییلدن صکره و نه سبیدن آخرته کیتمسه بیله بند شهید
اولور الله تبارک و تعالینک فضلی و رحمتی بی حسابدر اعطاسنه
اصلا معارض یوقدر حقیقت طاعون حقهده * و خزاعه اشکم
من الجن * حدیث شریفی وارد اولمشدر یعنی سرک دوشمنلر یکر
وارد رجن طائفه سندن انلرک ضرب و دورتمه سیدر و دخی
امام طبرانی و امام احمد رحمهما الله تعالی تخریج ایندی لاری عیب
رضی الله عنه دیر که بر حدیث شریفک آخرنده * فالطاعون
شهادة لامتی و رجعة و رجز علی الکافرین * یعنی طاعون اتمه
شهادت و رجندر کافرله رجز و عقوبتدر و دخی امام نسائی
و امام احمد رحمهما الله تعالی تخریج ایندی لاری عیب بن ساریه
رضی الله عنه دن رسول کبریا و تاج انبیا صلی الله علیه وسلم
و علیهم و علی آل کل و صحبهم اجمعین بیوردیکه یختص الشهداء
و انتموفون علی فروشهم الی ربنا فی الموتی الذین یتوفون
بالطاعون * یعنی شهیدمه مر که ایله دوشکلری اوزرنده طاعونسر
کیدنلر یرمز جل ذکره حضرت معنویه سنده مر افعه اولورلر
طاعوندن کیدنلر حقهده * فبقول الشهداء اخواننا قتلوا
کما قتلنا * شهدا دیرلر که طاعوندن کیدنلر بزم قرنداشلر یرمزدر
بزم کبی نلرمقتول اولوب شهید اولدیلر * و یقول المتوفون
علی فروشهم اخواننا ماتوا علی فروشهم کما متنا * دوشکلرندن
کیدنلر دیر که طاعوندن کیدنلر بزم کبی دوشکلری اوزرنده تسلم
روح ایندی لار و الحاصل شهدا انلر بزم دیرلر دیرلر بری بری ایله
مخاصمه و مر افعه ایدر کن الله تبارک و تعالی امر ایدوب * فبقوله

الله تعالی انظر و الی جروحهم فان اشبهت جروح المقتولين فانهم
منهم * یورر ای ملائکه نظر ایدیکز اگر طاعوندن کیدنلرک
یاره لی معرکده یاره لئوب شهید اولنلرک یاره سنه بکرز ایسه
انلردخی انلردندر * فاذا جروحهم اشبهت جروحهم * فی الحال
نظر ایتدکده کوررلرک طاعوندن کیشلرک یاره لی شهیدانک
یاره لی ینه بکرزکده اندن دخی شهید کبی قان اقلر لکن لونی قان
لونی کیدر رایحه سی مسک اوله تنکم شهیدلرک بویه در و بر روایتده
بویه تصریح اولمشدر بوندن بویه زمره شهیدایه الحاق اولنوب
بیله جه جته کیدرلر و دخی شهیدانک بر قسمی المبطلون * یعنی
بطن وجعندن اسهال واسنشق کبی امراضدن وفات
ایدنلردر و بر یسی دخی * والغریق * صوبه غرق اولنلردر
* وصاحب الهدم بر یسی دخی اوزرینه بناود یوار کبی نسنلر
یقلوب وفات ایدنلردر * والشهید فی سبیل الله * بر یسی دخی
معرکده فی سبیل وفات ایدنلردر و دخی بومذ کورلردن غیری
شهیدلر واردر طلب علمده ایکن آخرته کتمک ناحق یره قتل اولنق
آتش یا نطق و غیر یلر کبی و دخی بکار علمار جههم الله تعالی شویله
تحقیق ایتدیلرک قیامتده زمره شهدا حضرت انبیادن
علیهم السلام حضرت ذکر باو یحیی علیهما السلام سنجاعنه
وامت محمدیه نک احد غزا سنده رؤسلیخی فی سبیل الله حضرت
رسول کائنات صلی الله علیه وسلم حضور زنده فدا ایدوب
جام شهادتی نوش ایدن زمره مقدسه که از جمله حقنده سید الشهداء
یوریلان حضرت حمزه رضی الله عنہک مجلسنه جمع اولورلر
وعلی بن ابی طالب دخی رئیس شهدادر و کذلک حضرت

حسین رضی الله عنه دخی اویله در والحاصل خلفاء اربعه که اعنی
ابابکر و عمر و عثمان و علی رضی الله عنهم اجمعین و سائر غزوات
رسول الله صلی الله علیه وسلمده شهید اولنلر زمره شهیدانک
افضللری و رئیسایدر و دخی اهل حق شویله تحقیق ایتدیلرک
هر یغیرده شهادت واردر حتی رسول اعظم و حبیب معظم نبی
مکرم صلی الله علیه وسلم دخی شهیددر لکن سیف و غیری
آله دکلدر بلکه شاة مسمومه دن اکل ایتدی ایدی بعد زمان
آخرته تشریف وقتنده سم اثری مقارن اولمشدر و دخی سائر
فاسقار و ظالمرو فاجرلر و دنیا ده علم و عمل کسب ایتوب ظلمات
جهالت ایچنده قالمشدر بر محله حشر اولوب ازدحام و مضایقه ده
اولورلر قیامتک شدتی انلر ککرلر * فصل * امم سالفه ایله
امت محمدیه اجتماع ایدوب قاریشورلر حتی رسول الله صلی الله
علیه وسلمدن سؤال ایتدیلر یا رسول الله کیف تعرف امتک بین الامم
فما بین نوح الی امتک یعنی نیچه ممتاز اولور سائر امتلر ارا سنده
حضرت نوح دن بوامته کانیجه امتلردن امت اسلامیه نه طریقله
یلنور قال علیه الصلوٰة والسلام یوردی * هم غر محجلون *
یعنی بنم امتک یوزلری و سائر آبدست عضولری بیاض و منوردر
من اثر الوضوء * آبدست اترندن * لبس ذلک لاحد غیرهم *
بوصفت امتدن غیر یله یوقدر * واعرفهم انهم یوتون کتبهم
بایمانهم * امتی یلورم انلر صاغ جانلرندن کابلریخی آلهلر
ککرلر * واعرفهم بسی ذریتهم بین ایدیهم * امتی یلورم
انلرایله کوچک اولاد جقلری اوکلرنده کذیشلرلر بو حدیث
شریفدن معلوم اولدیکه بوامت محمدیه سائر امم ایله بیله جه

وقوف ایدر لر ودخی تقدیر زمان توقف ایدر لر اهل تفسیرانده
 اختلاف ایلدی وکی توقف ایتدی ابن عباس وابن المسیب
 رضی الله عنهم توقف ایتدیلر قرآن کریمده بر محله * وان یوما
 عند ربك کالف سنة مما تعدون و بر محله * يدبر الامر من السماء
 الى الارض ثم يعرج اليه في يوم كان مقداره الف سنة مما تعدون *
 و بر محله تعرج الملائكة والروح اليه في يوم كان مقداره خمسين
 الف سنة * واقع اولدی یعنی آیات سابقه ده بر کون بیک ییل
 مقدار نجه اولدیغی و بو آیت کریمه ده بر کون الی بیک ییل مقدار نجه
 اولدیغی بیان اولندی تعارضدن اشتباه واندن توقف ایتدیلر
 وسائر علماء فاضلین شویله تحقیق و تدقیق ایتدیلر که آخرتک
 بر کونی دنیاتک بیک ییلی مقدار نجه در چونکه میدان عرصاتده
 الی محله اهل محشر توقف اولنوب هر برنده ایام آخرتک
 بر کونیکه دنیا زمانیکه بیک ییل ایدر بر کون توقفدن الی
 موقوفه الی بیک ییل ایدر و بعضیلر دیدیلر که الی بیک ییل
 کافر لر حقنده در امامت قبلر حقنده ایکی رکعت نماز قله جق قدر
 اولور * فصل * حق سبحانه و تعالی نیک * يوم تری المؤمنین
 والمؤمنات یسجی نورهم * الایة نظم عزیزنده علماء تفسیر
 شویله تحقیق ایتدیلر در که عرصاتده اهل ایمان و صلاح اولنلرک
 صلاحی مقدار نجه نوره نائل اولور بعض مؤمن صالح اوله که
 نوری کوزاریمی قدر اوله و بعضنک نوری ایکی فرسخ قدر
 و بعضنک نوری بر مبل قدر و بعضنک نوری بر ذراع قدر
 و بعضنک نوری بر قارش اوله و بعضنک نوری بر ساعت ظاهر
 اولوب و بر ساعت یوق اولوب ظلمات ایچنده قاله و اما کافر لر

ومنا فقلوبك اصلا نوری اولوب ظلمات ایچنده قالوب بر جانیدن
 بر جانبه کند و سنی القا ایدرک اغلیو اغلیو فریاد ایدرک
 کورشدیکی مؤمنلره دیرلر که انظر وانقبس من نورکم ای
 مؤمنلر یسز که دیساده کورشدک و اشتقاق ایدرک شمعی
 بو کونده بزی محروم ایتسوب توقف انتظار ایدیکز سزک
 نور یکزدن بزدخی ضیالنه لم یس مؤمنلر دیرلر که * ارجعوا
 وراءکم فالتسوا نورا * بزنوری دیسادن الوب کلذک سزدخی
 کیر و دنیا به واروب نور طلب ایدیکز دیوب علی طریق التجبر
 والاستهزاء جواب ویره لر وظالمیلر ظلماری قدر ظلماتده قالورلر
 نتکم خبرده * الظلم ظلمات يوم القيمة وارد اولمشدر و بر حدیث
 شریفک آخرنده * ابشر وایا معشر صعا لیک المهاجرین
 یعنی ای مهاجرین فقرا سی سز فرحلتکوز * بانور التام
 يوم القيمة * يوم قیامتده نور کامل الیه بو حدیث شریفده اشارت
 وارد در که اغنیاتک نوری فقراتک نورندن ناقص اوله * فصل
 معلوم اوله که علام الغیوب و غفار الذنوب تبارک و تعالی
 قوللرینه بالذات کند و سی سوال ایتسه کزدن شکم
 حق تعالی بیورر * وقفوهم انهم مسؤولون یعنی ملائکه لر
 اهل محشری حبس ایدیکوز تحقیق انلر سوال اولنسه کر کدر
 ابن مسعود رضی الله تعالی عنه دن امام ترمذی رحمه الله تعالی
 تخریج ایلدی رسول کائنات صلی الله علیه وسلم پیوردیکه
 لا تزول قدما ابن آدم يوم القيمة حتی یسأل عن خمس عن عمره
 فیما افناه وعن شبابه فیما ابلاه وعن ماله من این اکتبسه و فیما
 انفق و ماذا عمل بما علم حاصلی بودر که يوم قیامتده هر کس

بش نسنه دن سوال اولنور عمرندن وشبایندن نزه ده وقتی عمل ایچون
 صرف ایلدیکندن سوال اولنور ومانندن نزه دن الدی و نزه به
 صرف ایلدیکندن سوال اولنور وعلندن وعلندن سوال اولنور
 و بر حدیث شریفده * لا تزول قدما عبد حتی یسأل عن عمره فیما
 افناه وعن ماله من این اکنسبه و فیما انفقه وعن جسمه
 فیما ابلاه * بویله جه وارد اولمشد راندی بو حدیث شریفدن
 معلوم اولدیکه عمر و علم و مال و بدن حق تعالی طرفندن
 قوللرینه بر بولک سرمایه زدر انکله فوائد علیه وعلیه تحصیل
 ایدنلر لاجرم اهل سعادتک عظیملرندن اولور کاتب جامع
 الصغیر ده ابن عمر رضی الله عنهما روایتله بر حدیث شریفده
 شویله در که * اول ما یسئلون عن الصلوات الخمس * یعنی
 قوللره آخرته جهله دن اول بش وقت نماز دن سوال اولنور
 فن کان ضیع شیئا منها * هر کیمکه صلوات خمسندن
 بر نسنه بی ضایع ایتدیه * یقول الله تبارک و تعالی انظروا
 هل تجدون لعبدی نافلة من صلوة تمون بها ما نقص من الفریضة
 یعنی الله تبارک و تعالی بیورر که ای ملائکه نظر ایدیکوز
 قوالومک نافلة نمازنی بولور سکز قرضلرندن ناقص اوللری
 اتمام ایده سر بعده الله جل و علا ملائکه به دیه که * وانظروا
 فی صیام عبدی شهر رمضان * نظر ایدیکوز قوالومک
 شهر رمضان صیامنه * فان کان ضیع شیئا منه * اگر صیام
 رمضان بر نسنه بی ضایع ایتدیه * فانظروا هل تجدون لعبدی
 نافلة من صیام تمون بها ما نقص من الصیام * نظر ایدیکوز
 بولور سکز قوالومک نافلة صیامنی انکله فرض صیامنی اتمام

ایده سر * وانظروا فی زکوة عبدی * نظر ایدیکوز قوالومک
 زکوة * فان کان ضیع منها شیئا اگر زکوة تندن بر شیی
 ضایع ایتدیه * فانظروا هل تجدون لعبدی نافلة صدقة
 تمون بها ما نقص من الزکوة * نظر ایدیکوز قوالومک نافلة
 صدقه س بولور سکز کوتندن ناقص اولانی انکله اتمام
 ایده سر * فبئذ خذ ذلك علی فرائض الله * نافلة عبادتله
 بومنون اولزه فرضله ضم اولوب تمام اولور وذلک بر حجة الله
 وعدله * نافلة ایله ناقص اولان فرضلری تکمیل رحمت آلهیه
 وعدالت ربانییه در قان وجد فضل وضع فی میزانه وقیل له
 ادخل الجنة مسرورا اگر زیاده نافلة موجود اولسه بومنون
 اولزه میزان فرائضه وضع اولنور اول کشی به مسرورا جنة
 داخل اول دینور * وان لم یوجد شیء من ذلك * اگر نافلة دن
 بر شی بولمنسه * امرت به الزبانیة * زیانیه ملائکه سنه
 امر اولنوب * فاخذیدیه ورجلیه ثم قذف فی النار * اللرندن
 وایقارندن طوب جهنمه القا اولنور تعوذ بالله تعالی امام
 ترمذی ابوهریره رضی الله عنه دن تخریج ایلدی رسول کائنات
 صلی الله تعالی علیه وسلم بیورر دیکه اندرون من المفلس
 یعنی اصحابم یلور مبسر که مفلس کیمدر قالوا اصحاب
 رضوان الله تعالی علیهم اجمعین دیدیلر که * المفلس بیننا
 من لادرهم له ولا متاع متعارف اولان مفلس اولدر که درهمی
 و متاعی اولیه * قال رسول الله صلی الله علیه وسلم المفلس
 من امتی من یأتی یوم القیمة بصلوته وصیامه و زکوة و یأتی وقد
 شتم هذا وقذف هذا واکل مال هذا وسفک دم هذا وضرب

هذا فيجلس فيقتص هذا من حسنة فان فئت حسنة قبل
لهذا يقضى بما عليه من الخطايا اخذ من خطاياهم فطرح
عليه ثم طرح في النار * يعني رسول كائنات صلى الله عليه
وسلم بيوردي بنم امتدن مفلس شول كسه لر در كه عالم دنيا ده
صلات وصيام وزكات وسائر انواع عباداتي ايتش آخرته كلكده
انك خصم لري ظهور ايتد كده مثلا اول كسه بعضيله
شتم ايتش وقذف ايتش وبعضك مالن ظلم المش وبعضه سني
قتل ايتش وكني ضرب ايتش اصحاب حقوق انك حسنا تندن
حقاري مقدار نجه كه * يؤخذ بالدائق سبع مائة صلوة بالجماعة
حديث شريفي مضمون نجه بر بغدادى دانه سينك سدسي يا خود
ربعي مقداري حق مقابله سنده جماعت ايله ادا اولمش يدي
يوز ركعت نمازك ثوابي الوب حق صاحبه ويريلور حسنا تي
قالمدقه اصحاب حقوقك بحسب مقادير الحقوق كاهلري آنك
اوزرينه حل اولنوب جهنمه طرح اولنور نعوذ بالله تعالى
هر بر ظالم حقده ميدان عرصانده منادي ندا ايلوب شو كسه
فلان بن فلاندر بوكونده رب العالمين جل وعلا انك حضور
معنوي سنده حق صاحب لري كلوب بوندن حقني السون زيرا
بوكون عدالت كونيدر ديد كده اصحاب حقوق حقاري طلب ايدر
اولاد بابا لرندن وانا لرندن وانا لر اولاد لرندن وبابا لر اولاد لرندن
وقرنداش اخوانندن واقربا لر بر لرندن وسائر كسه لر حقاري
طلب ايتسه لر كر كدر وحيوانات بر لرندن وحق اولديغي
انساندن طلب ايتسه كر كدر علما رحهم الله تعالى شوبله
پسان ايتدبلر كه جله حقوقدن رضا واقتصاصي كوج اولان

حقار حيوانانك حقيله كافر لك حقيدر زيرا حيوانه وكافره ثواب
ويريلز كه حسنا تندن نسنه ويريلوب خلاص اولنه وكافر لك
كاهي كندندن منفك اولمق وكفرله اولان كاه مؤمن اوزرينه
حل اولمق ممكن دككدر حتى بو طريقله خلاص اولنه
فصل * معلوم اوله كه عالم دنيا ده بني آدم اوزرينه مؤكل
اولان كاتب ملائكة سي كابت ايتد كاري دفتر اعمال سوانندن
اولجه كتور يلوب نشر اولنور حق تعالينك * واذا الصحف
نشرت * يعني سؤال وحساب ايچون اعمال صحيفه لري
محشره نشر اولنسه كر كدر قوللري الزام ايچون تنكم بو آيت
كريمه ده حق تعالى بيورر * هذا كتابنا ينطق عليكم بالحق
انا كنا نستنسخ ما كنتم تعملون * يعني اي قوللر شويزم كتابم
اوزر يكره حق ناطقدرد تحقيق بزسر لك عمللر يكرزي كتابت
ايتدردك ودخني آيت اخرا ده بيورر * يومئذ تعرضون لا تخفى
منكم خافية * يعني قيامتده اي قوللر الله تعالى به عرض
اولنور سر بر كسه كزلي اولنوب عرض اولنسه كر كدر
بر حديث شريفده شوبله در كه * يعرض الناس يوم القيمة
ثلاث عرضات * يعني ناس قيامتده اوج كره عرض اولنور لر
فاما العرضتان بجدال وهما ذير * ايكي عرضده بري بر لريله
جدال وتزاع ايدوب ايتد كاري كاهلردن عذر ايدر لر * فعند
ذلك نظير الصحف في الايدي فاخذ بيمنه واخذ بشماله * شو عرضلر
وقتنده صحيفه لر هر كسك اللرينه كلور كيسي صاغ البله
وكيسي صول البله اخذ ايدر لر حق تبارك وتعالى موقف
عدالتده شولقدرد عدالت ايتسه كر كدر كه بر كسه نك بر كسه ده

ذره قدر حق اولسه الیورسه کر کدر ودخی مشهور بودر که
میران صراطدن مقدمدر لکن بعض روایت ضعیفه ده شویله
در که بعض صحابه دیدلریارسول الله این نطلبک یوم المحشر
یعنی بزنی یوم محشرده قنده طلب ایده لم * فقال علیه السلام
علی الصراط فان لم تجدوا فعلى المیزان فان لم تجدوا فعلى
الحوض * یعنی پیور دیکه صراط یاننده طلب ایدیکز انده
بولمز سکر میران قاننده طلب ایدیکز انده بولمز سکر حوض
کوترجا بننده طلب ایدیکز اندی بور وایتنده صراط
مقدم ذکر اولندی لکن بوروایت روایت مشهوره به معارضه
اولمازینه شویله اعتقاد ایده رز که میران صراطدن مقدمدر
امام ابو داود تخریج ایلدی حضرت عایشه رضی الله عنها
جهنمی فکر ایدوب اغلدى حضرت رسول کائنات صلی الله
علیه وسلم * ما یبیک * نه سیدن اغلدى دیوسوال پیوردی
قالت عایشه رضی الله عنها پیور دیکه ذکر التار فیکبت جهنمی
فکر ایدوب اغلدم فهل تذکرون اهلکم یوم القیمة سرار
قیامتده اهلکزی ذکر ایدر مبسر * فقال رسول الله
صلی الله علیه وسلم * اما فی ثلثة مواطن فلا ینکر احد احد
حضرت رسول کائنات صلی الله علیه وسلم پیور دیکه اوج
محلده برکسه برکسه بی یاد ایده مز مکر کیم یاننده حاضر بولنه
عندالمیزان حتی یعلم ایخف میرانه ام ینقل بریسی میران عندنده
تا که میرانی خفیفی اولور یاخود ثقیلی اولور ییلجده به دک
برکسه بی فکر ایده مز یوحیث شریفده اولان ترتیب مقصود
دکلسدر بلکه مواطن ثلثه ده اولان دهشتی وخوفی یساندر

وعند

وعند الکتاب حین یقال هاؤم اقرؤا کتایبه بریسی هرکسک
کتابی انه ویرلدیکی وقتنده که صاغ الیه کتابی التار
اطرافنده اولنله بنم کتایمی اوقویکز دیوب کمال فرح وتمام
سرور اولدیغی وقتنده * حتی یعلم این یقع کتایه فی یمینه ام
فی شماله اومن وراء ظهره * تا که ییلجده کتای صاغ الیه می کلور
یوخسه صول الیه می کلور یوخسه ارقه سی طرفندمی
ویریلور * وعند الصراط اذا وضع بین ظهري جهنم
وبریسی دخی صراط عندنده که جهنم اوزرینه وضع اولنسه
ککر کدر بواوج محلده کشی نجات بولمجنجه برکسه بی
خاطرینه کتور مز اللهم نجانک من هول وشدة لکن انبا
وعلماء صدیقین وسائر اهل درجات عالیات بودهشتدن
وخوفدن میرال در زیر * یا عباد لا خوف علیکم الیوم ولا اتم
تحرز نون * دینور اللهم اجعلنا منهم * فصل * اهل طاعت
اولنر کتایمی صاغ الیه الوب شولقدر فرح و سرور حاصل
اولور که یاننده اولنله هله بنم کتایمی اوقویکز بونجه ثوابلر
واحسانلریازلمش دیوب شاد وحرر اولسه ککر کدر
حق تعالی پیورر فاما من اوقی کتایه یمینه فیقول هاؤم اقرؤا
کتایه کندوسی اوقیوب فرحلتور ویاننده اولنله بنم کتایمی
اوقویکز دیر بر آیت کرمیه ده * فن اوقی کتایه یمینه
فاولئك یقرؤن کتایهم * و بر آیت کرمیه ده * فاما من اوقی
کتایه یمینه فسوف یحاسب حسابا یسیرا ویقلب الی اهله
مسرورا * حاضلی صاغ الیه کتایمی التارک حسابی
آسان اولسه ککر کدر تفسیر مکیده مذکوردر که ابن وهب

روایتیله حضرت عایشه رضی الله عنها سؤال ایدوب بیوردیکه
 یانی الله کیف بحساب حسابا یسیرا * یعنی حساب یسیر
 نیجه اولور * قال یعطی العبد کتابه بینه فبقراً سیئاته
 وبقراً الناس حسناته ثم یحول صحیفته فیحول الله سیئاته حسنات
 فیقول ما کان لهذا العبد سیئه * یعنی کتابی صاغ الیله الور
 سیئاتی همان کندوسی اوقور و حسناتی اطرافنده اولنلر
 اوقور صحیفه بی تحویل ایتد کده فی الحال الله تعالی سیئاتی
 حسناته تبدیل ایدر اطرافنده اولنلر دیرلر که شوکسه نک سیئاتی
 یوغیش و جنده اولان اهلنسه مسرورا رجوع ایدرودخی
 حساب یسیر مجرد عرضدن کایه در دیمنلر و اما کتابی صول
 الیله آکن اهل فجور و ظلم و اصحاب شرور و شوم و ارباب
 طغیان و کفران کابلربی صول الیله الدقه حاللری نیجه
 اولدقلربی بلوب مهلکات عظیمه و قبایح کامله و مجازی شدید
 و ورطات احوال عقوباته و ورود و مهلکه درکات عظیمه به
 ککفتار اوله لرینی محقق ییلوب اللرنده و بوغازلرنده
 اغلال و یتش ارشون سلاسل الیله بقلنوب شیطانلر الیله قرین
 بنس القرین قبلنوب قمر جهنمه مکان و قرار طوته جقلربی
 مقرر ییلوب و اثبور و اهلاک و او یلاه دیو فریاد ایدوب کندی
 نفسنه هلاکله دعوت ایتسه کر کدر تنکم قرآن کریمده
 ذکر اولنور * و اما من اوقی کتابه وراء ظهره فسوف بدعو ثورا
 ویصلی سعیرا * بعض کتب حدیثده شویله ذکر اولندیکه
 صاغ الیله کتابی آکن اصحاب یمینک قامتلری التمش ارشون اولوب
 یوزلری منور اوله و باشلرینه جنت تاجلرندن برانجودن تاج

قنوب

قنوب کندی اقرانلری یاننه کیدرکن انلر بعیددن کورب دیرلر که
 یارب شوکسه بزم الیله رفیق اولسون و اکا خیر کثیر و بر اولدخی
 انلره کلوب بشارت عظیمه و سرور دائم و صفای خالصده
 اولورلر و اما ککافرلر یوزلری سیاه اولوب جسمی التمش
 ارشون قدر اولوب باشنه آتشدن تاج قنوب لباس قطران الیله
 ملبوس اوله رایحه کریهه الیله مکروه و منفور اولوب سائر کافرلر
 کورب دیرلر که یارب شوکسه بزم طرفزه کلسون و بزم رفیق
 اولسون اولدخی انلره کلوب سر زده بویله اوله جقسر دیه
 پس انلر انواع غموم و غصه و احزانده اولوب عذاب لایزالده
 و عقاب الیمده ثابت اوله لر اما کتابی صول الیله الدقه شویله
 بیان ایتشلر که صاغ الی بوغازینه بند اولنوب وصول الی
 ارقه سنه چور یلوب ارقه سندن کتانی آلور تنکم ابن المسبب
 بویله یسوردی و بعضیلر دیدیلر که کوکسندن ارقه سنه دک
 شق اولنوب صول الی ادخال و ارقه سندن اخراج اولنوب
 ککتابی آردندن آلور و برمنادی ندا ایدوب دیه که ای اهل
 محشر یلیکوز که شونلر الله تعالی به و پیغمبرلرینه ایمان
 کتور محبوب عناد و تکبر ایدنلر در بونلرک مکانلری جهنم اولسه
 کر کدر نعوذ بالله تعالی * فصل * معلوم اولسونکسه
 انبیاء کرام و رسل عظام علیهم الصلوٰة والسلام علم و عمل
 و افعال و اقوال کبیدن سؤال اولنور می یوخسه اولنمازمی
 بونده تردد و توقف اولنور اگر بعضیلری حضرت سلیمان
 و داود و یوسف علیهم السلام ککبیلر سؤال اولنسه لطف
 و رفقه و تعظیمله سؤال ملاطفه و حساب اکرام الیله سؤال

اول نور لکن بالاتفاق امتزینند تبلیغ شریعت و تعلیم ملت و تفهیم معاش و احوال معاد ایند کارندن سؤال اول نماری محققدر نتکم الله تبارک و تعالی بیورر * ولنستلن المرسلین يوم یجمع الله الرسل فیقول ماذا اجبتکم * اما کافر لر پیغمبر لر بنی انکار ایدوب تبلیغ لر بنی تکذیب ایدر لر حضرت نوح علیه السلام امتی و غیر یلر بر لر پیغمبر کمدی و دعوت ایمان ایتمد یلر دید کلر ندہ امت اسلامیہ محمدیہ انبیاء کرام علیہم السلام تبلیغ و دعوت ایدوب صادق اولدقلرینہ شہادت ایتسه لر کر کدر و امت اسلامیہ نک شاهد صادق اولدقلرینہ حضرت سلطان کونین و رسول ثقلین صلوات الله و سلامه علیه و علی النبین والمرسلین و آلہم و اتبعاعہم اجعین شہادت بیورر حق جل و علا سر صادق سر سز دیہ جکدر و قرآن کریمدہ ذکر اولنور * لتکونوا شہداء علی الناس و یكون الرسول علیکم شہیدا * و غیر آیت کرمہ لر دہ واقع اولمشدر * فصل * اهل سعادت و اهل شقاوت ایریلوب حق تعالی نک * و اما تروا الیوم ایہا المجرمون یعنی ای مجرملرو کافر لر بلوکر ایریلوب جہنم اطرافندہ جمع اولوکر نتکم آیت اخر ادہ * ثم لتحضرنہم حول جہنم حیثا واقع اولمشدر بو خطاب کافر لر اشد کدہ دیزری اوزرینہ چوکوب فریاد ایدہ رک زبانی ملائکہ سی صاحب لرندن وصف اللرندن و اللرندن و ایقلرندن محکم اخذ ایدوب ناحیہ جہنمدہ حشر اولور لر و اهل سعادت اولان مؤمنلری حق تعالی حضور معنویہ سنہ الوب بالذات لطفله سؤال ایدہ جکدر نتکم حدیث شریفدہ شویله در کہ * ان الله یدنی المؤمن فیضع علیہ کفہ و یسترہ * یعنی الله تعالی

مؤمنی حضرت معنویہ سنہ تقریب ایدر و ستر ایدر * فیقول اتعرف ذنبا کذا اتعرف ذنبا کذا و بیورر کدای مؤمن فلان و قندہ و فلان محلدہ فلان کاهی اشدک ایدی ییلور مہسک * فیقول نعم * ای رب حتی قرره بذنوبہ مؤمن دخی ییلورم ای رب دیر و جلد کاهی تقریر ایدر * و رأی فی نفسه انه قد هلك * و کورر کہ کدوسنی هلاک اولمش زیر ابو نیجه مخالفندہ بولمش * قال سترتها علیک فی الدنیا و انا اغفرها لک * حق تعالی بیورر کہ بن اول سیثاق دنیادہ ستر ایتشم بو کوندہ مغفرت ایدہ رم * فیعطی کتاب حسناتہ * کتاب حسناتی صاغ الینہ و یریلور * و اما الکفار و المنافقون فینادی بہم علی رؤس الخلائق هؤلاء الذین کذبوا علی ربہم الا لعنة الله علی الظالمین * یعنی کافر لر و منافق لر جمیع اهل محشر حضورندہ شویله ندا اولنور کہ شونلر اول کسہ لر در کہ رب العالمین جل و علا اوزرینہ کذب و ہمتان ایتدیلر و ظالم اولدیلر ای اهل محشر ییلوکر کہ الله تعالی نک لغتی بویله ظالم و کافر لر اوزرینہ در و اعداء الله میدان عرصاتدہ جانب جہنمہ جمع اولنوب انلردن علی وجہ التو بیخ ایتدکری کفر و شرک و سائر معصیت سؤال اولندقدہ حق تعالی نک مؤمنلرہ کال رحمتی و منفرتی کور دکری ایچون انکار ایدوب یمین ایدہ رک * والله ربنا ما کما مشرکین * یعنی والله بز دنیادہ مشرک دکل ایدک دیدکرنندہ حضرت حق سبحانہ و تعالی بیورر * این شرکائی الذین کنتم تزعمون یعنی قندہ در اول نسنلر کہ ای مشرک لر سر انلری بکاشر کار عم ایتدیکر ایدی بعدہ اغزلرینہ مہر اور یلوب اعضا لری انلر کفر و شرک لرینہ و سائر معصیت لرینہ

شهادت ایدرلر نتکم قرآن عظیمده کلورال یوم نختم علی افواههم
 الایة ودخی روایتلرده شویله درکه کافرلر اعمال سینه لرینی
 انکار ایتدکده انلره دینورکه قوکشورک شهادت ایدرلر دیرلرکه
 انلریزه افترایدرلر وینه دینورکه اهلک وافر بالرک شهادت ایدرلر
 انلر دیرلرکه انلریزه افترایدرلر بعده اغزلری مهرلنوب جمله
 اعضاسی شهادت ایدرلر نتکم قرآن کرمده ذکر اولنور *
 و یوم یحشر اعداء الله الی النار فهم یوزعون حتی اذاما جاؤها
 شهد علیهم سمعهم وابصارهم وجلودهم بما كانوا یعملون
 * حاصلی اعداء اللهک علیدلرینه ایتدکلرینی کندی قولقلری
 و کوزلری و دریلری شهادت ایدوب ایتدکلری اعمال خبیثه یی
 خبر ویرسه لر کر کدر * وقانوالجلودهم لم شهدتم علينا * وانلر
 اعضاءلرینه ودریلرینه دیرلرکه نیچون علیه مره شهادت ایتدیکر
 بزم انکاریمز جهنمدن خلاص بولوب رحمته نائل اولق ایچوندلر
 سرنویله شهادت ایدیچک سرن دخی معذب اولور سرن بزم کتلمز
 سرنک حفرده فائده ایدی قالوا انطقنا الله الذی انطق کل شیء
 * شاهدلر دیرلرکه بزی شول الله عظیم الشان سوبلندیکه جمله
 مخلوقات سوبلنکه قادردر و بزرک حفرده افترایتمک ماروقع
 نیجه ایسه خبر ویردک اکبر بزخبر ویرمسک حق تعالی سرنک
 عمللر یکرری بیلور امدی الله تعالی ییلورکن شهادت ایتدیرمک
 قوللری اوزرینه حجت قائم اولوب عدالتی ظاهر اولسون
 ایچوندلر صکره کافرلر و منافقلره اهل محشر حضورنده منادی
 ندا ایدوب * هؤلاء الذین کذبوا علی ربهم الا لعنة الله علی الظالمین
 دیلر * فائده انس رضی الله عنه روایت ایدرکه رسول الله صلی الله

علیه

علیه وسلم یوردی * التائب من الذنب کمن لا ذنب له * کاهندن
 توبه ایدن کاه ایتمش کبیر امام اصهبانی رحمه الله تعالی انس
 رضی الله عنهدن تخریج ایلدی رسول کائنات صلی الله علیه وسلم
 یسور دیکه * اذاتاب العبد من ذنوبه * فبان عبد کاهلرندن
 توبه ایتدکده * انسی الله حفظته ذنوبه وانسی ذلک جوارحه
 ومعامله من الارض حتی یلقی الله یوم القیمة ولبس علیه شاهد
 من الله بذنب * یعنی حق تعالی حفظه ملائکه سنه و تائبک
 اعضای جارجده سنه وزمانه و مکانه کاهنی اونوتدوررتا که
 قیامته برنسنه کاهنه شاهد اولیه ودخی علی الفور هر برکاه
 حقنده توبه فرضدر و حق تعالی کمال رجندن قبول ایدر
 شرطی اوچدر معصیت اوزرینه ندامت فی الحال کاهی ترک
 کله جک زمانده قادر اولورسه بردخی ایتمکمه عزیمت و نیت
 ایتمکدر بواوج شرط بولنورسه توبه مقبولدر اهل سنت عندنده
 و بعضیلر حقوق عبادی اصحابنه و یرمک شرطنددر دیدیلر
 و بعضیلر کاهی فی الحال ترک ایتمکده داخلدر دیدیلر و بعضیلر
 حقوقی اصحابنه و یرمک علی حده فرض مستقیل ایکن توبه نک
 حقیقتنده داخل دکلدر دیدیلر و توبه صحیح ایتدکدن صکره
 بردخی مزبور کاهی اشلوسه توبه سابقه فی ابطال ایتمش اولمازیرا
 توبه عبادت مستقله در صکره کی کاه ایچون بشقه بر توبه دخی
 لازمدر سوال کبائر دن اجتناب ایدن عبدک صفایری بلا توبه
 مغفور اولورمی جواب بعضیلر دیدیلر کی کبائر دن اجتناب ایتمکله
 صفایر حقنده عقاب جائز اولور لکن حق تعالی نک * ان تجتنبوا
 کبائر ما تنهون عنه نکفر عنکم سیئاتکم نظم کسریمنده ظاهر

بود که اجتناب بکثر صفائی تکفیر ایدر و اعمال صالحه سیاق
تکفیر ایدر * ان الحسنات يذهبن السيئات * آیت کریمه لری
بوتی ناطق در سؤال کفر و شرک ایچون شرعه عفو و مغفرت محالدر
لکن عقل تجویز ایدر می جواب اشاعره عندند جواز عقلی ثابتدر
مازیده عندند محال عقلی حاصلدر اشراک و کفر دن ماعدا
اولان بکثری بلا توبه مغفرت و شفاعت اولی و قوعی حقه دلائل
سمعیه و براهین عقلیه و شرعیه وارد در ان الله لا یغفر ان یشرك به
و یغفر ما دون ذلك لمن یشاء ان الله یغفر الذنوب جمیعاً انه هو الغفور
الرحیم * کبی آیات قاطعه النزاع وارد اولشدر بعض اهل تفسیر
شویله بیان ایتشدر که ناس ایکی قسمدر مؤمن و کافر هله کافر
بالاجماع اهل جهنمدر مؤمن دخی ایکی قسمدر مطیع و عاصی
هله مطیع اهل جنتدر بالاجماع عاصی دخی ایکی قسمدر مرتکب
صفائ و مرتکب بکثر هله بکثر دن اجتناب ایدن مرتکب صفائ
مغفوردر و اهل جنتدر و مرتکب بکثر ایکی قسمدر تائب و مصر
هله تائب مغفوردر و اهل جنتدر بالاتفاق و مصر ایکی قسمدر
مستحل و غیر مستحل هله مستحل کافر اولدیغی ایچون اهل
جهنمدر بالاجماع و غیر اولان الله تعالی نیک اراده علیه سینه
مفوضدر مراد ایدر سه عفو و مغفرت ایدر و مراد ایدر سه کاهی
مقداری عذاب ایدر بعده جنته ادخال ایدر سؤال کفایت مقداری
اموالدن و متاعدن حساب اولنور می جواب کفاف کافی اوزرینه
سؤال و حساب یوقدر نیکم بر حدیث شریفده * والذي
نفسی بیده انکم تمحسون يوم القيمة في الماء البارد والماء الحار
الاخرقة تستر بها عورتك وكسرة خبز تردبها جوعتك و شربة

ماء یطنی به ساعطشک * بویله جه وارد اولشدر یعنی حاصلی
بودر که قدر حاجتدن زیاده کسک ما کولات و کسک مشروبات
و کسک ملبوسات اولسون جمله سنده حساب وارد در حلالده
حساب و حرامده حساب ایله عذاب ثابتدر بوندن معلوم اولسونکه
فقرا اغنیادن بشیوز ییل مقدم جنته کیرر زیر فقراتک اموری
سهلدر اغنیاتک حسابی کثیر و شدیددر و دخی بعض روایتده
شویله ثابتدر که حق تبارک و تعالی فقراء صالحین زمره سینه پیوره که
ای قوللرم بن سرزدن دنیای صقلادم سرنی دنیاتک فتنه سندن
صقلدم تا که فقر یکر سببیه انواع کرامات و درجات عالیاته نائل
اوله سرن و دخی کتاب جامع الصغیرده بر حدیث شریفده شویله
در که * اتخذوا عند الفقراء ابادی فان لهم دواء يوم القيمة یعنی فقرا
عندند نعمتلا اتخاذ ایدیکوز شول نعمتلاری و دیعه ایداع
ایدنلر کبی که زیر فقر ایچون یوم قیامتده دولت حاصلدر
سؤال حق تعالی مؤمنلری بر بویله رضا الشدیدر و اصلاح
ایدر می جواب بو وارد در حتی کتاب جامع الصغیرده مذکور اولان
احادیثدن بر حدیث شریفده بویله در که اتقوا الله و اصلحو اذات
بینکم فان الله تعالی یصلح بین المؤمنین یوم القيمة یعنی الله تعالی یه
تقوی ایدیکوز و ارا کزی اصلاح ایدیکوز زیر تحقیق الله تعالی
یوم قیامتده مؤمنلرک بینلرین اصلاح ایتسه کر کدر سؤال قلبه
کلن نسنه رده سؤال اولنور می جواب قلبه کلن اشیا بش درلودر
اولکی فعلی قصد ایمک قلبه کلور کسک بدر مکت ایتز بو کاهاجس
دیرر ایکنجی قلبه کلور و مکت ایدر لکن ایشلکده تردد ایتز
بو کاخاطر دیرر بوایکسی اختیاری دکدر و سؤال یوقدر

او چنانچه قلبه کلور وایشلمکده تردد ایدر بوکا حدیث نفس دیرل
 دورنجی قلبه کلور وایشلمک طرفنی ترجیح ایدر بوکا هم دیرل
 بشنخی قلبه کلور وایشلمک طرفنی جزم ایدر و قصدنی قوی ایدر
 بوکا جزم محکم و عزم مصمم دینور امدی حدیث نفس ومیل
 وهیجان شهوت امر اختیارنی اولمغله سؤال ومواخذة
 یوقدر زیر رسول علیه السلام پیوردیکه حدیث نفس مقوله سی
 اولان نسنه زی الله تعالی امتدن عفو ایلدی اما هم که اختیاری
 اولور و اضطراری اولور اختیارنی اولدقده سؤال ومواخذة اولمغ
 احتمالی غالبدر و تحت اختیارده داخل اولدیغیچون و اضطرار یانده
 علی الاطلاق سؤال یوقدر و اما عزم مصمم که اگر فعل بیجه
 عزیمت ایدوب عزیمتده قالب فعل وجوده کلز ایه اگر فعلی
 ترک ایتدیکی الله تعالی خوفندن اولورسه حسنه یازیلور عزیمتی
 سیئه اولوب اجتنابی حسنه اولدیغی ایچون عزیمتده نفس
 موافقت و شیطانہ متابعت ایتسیدی امتناع ایتمه سی الله تعالی به
 اطاعت نفس و شیطانہ مخالفت ایتکله مجاهده عظیمه و مکابده
 جسمیه اولوب لاجرم حسنه جلیله یازیلور و اما فعلی ترک ایتدیکی
 الله تعالی خوفندن اولوب حیاور یا ایچون اولورسه بو صورتده
 علماء شریعت محمدیه و فضلاء ملت احمدیه اختلاف ایتشلردر امام
 غزالی و امام فخرالدین الرازی مذهبلی بودر که صورت
 مذکورده سیئه یازیلور زیر حضرت رسول الله صلی الله
 علیه وسلم پیوردیکه ناس نیتلری اوزره حشر اولور مثلاً برکسه
 کیجه عزیمت ایدوب صباح اولدقده زنا یا خود قتل مؤمن
 ایتکله نیت ایلسه اولکسه کیجه آخرته کیسه نیتله حشر اولور

و بر حدیث شریفده وارد اولدیکه ایکی مؤمن سل سیف ایدوب
 بر بریله مقاتله ایدرکن بری برنی قتل ایلسه قاتل و مقتول جهنمده
 در سؤال اولندیکه یا رسول الله هله بریسی قاتلدر یا پیاره
 مقتولنه صوج ایتدی جوابده پیوردیکه مقتول دخی قاتلی قتل
 ایتکله حرص و مراد ایتدی ایدی امدی بو ایکی اماملر دیدیلر که
 مقتول مجرد اراده و عزیمت سببیه اهل جهنمدن اولدیغی دلیلدر که
 عزیمتدن صکره اجتناب اولسان فعل قبیح اوزرینه اتم ترتب
 ایدر ایش مجرد عزیمت سببیه امام قاضیخان و رازی و صاحب
 خلاصه دیدیلر که برکسه بر معصیتی قصد ایتسه لکن عزیمت
 ایتسه عاصی اولماز اکر عزیمت ایدر سه اتم اولور لکن صاحب
 رازی به دیر که مجرد عزیمت اوزرینه اتم اولور یوخسه فعل وجوده
 کلدیکی مرتبه اتم اولماز مثلاً زنا به عزیمت ایلسه بالفعل زنا به ترتب
 ایدن و بال یازلمز بلکه عزیمتک و بالی یازیلور و بعض علماء ک
 مذهبی بودر که عزیمت مرتبه سنده مواخذة یوقدر تکم ابوهریره
 رضی الله عنه روایتله امام بخاری تخریج ایلدیکه حضرت
 رسول الله صلی الله علیه وسلم پیوردیکه حق تعالی بنم امتدن
 عفو ایلدی اول اموریکه قبلرینه کلور مادامکه آتی تکلم ایتدیکه
 و یا خود عمل ایتدیکه بو مذهب مختاردر لکن بو اختلاف اول
 امور حقنده در که لسان و جوارح ایله اشلور و حاصل اولوب تمام
 اولور اما شول امور که مجرد عزیمت ایله تمام اولوب آلت جارحه به
 توقف ایتزلر حقنده بالاتفاق مواخذة و عقاب واردر کفر و اعتقاد
 بدعت و کبر و عجب ک امدی امام غزالی حجت چکدیکه اولکی
 حدیث شریفه جواب ویررز که ناس نیتلری اوزرینه حشر

اولنوردیك جائز كه نیت حسنه اولسون و اعمال صالحه به عزیمت لری
اوزره حشر اولنور دیمك اوله زیر ابوصورتده حسنه یازلمسی امر
محققدر و مطلق نیت اولدیغی تسلیم اولنسه معصیت جانبدن
عقاب اوله جغی لازم کلز استحقاقدن بالفعل وقوع کلدیکی کی
جائز كه عقاب طریقله مؤاخذه اولنه یا خود عفو اولنه کلام
ایسه عقاب حقنده در ایکنجی حجت كه قاتل و مقتول جهنمده در
حدیث شریفده شوبله جواب ویریلور كه چونكه مقتول قتل
اوزرینه عزیمت ایتدکده عزیمتده قالدی بلکه مبارزت
طریقله سل سیف ایدوب میدانده چقدی بلکه سیفله حمله و صوله
ایلدی افعال خارجه دن و اعمال جارجه دن اولدیغنه بناء معاقب
اولدی و دخی معلوم اوله كه کمال عبودیت اولدر كه کشتی قلبی
رذائلدن و عزائم فاسده دن و نیات کاسده دن و سائر صفات خبیثه
و طبیعت حیوانیه دن تطهیر ایدوب اخلاق حمیده و صفات جبيله
و نیات صالحه و عزائم شریفه ایله تعمیر ایتدکدر بوطر یقت
حضرت انبیا و مرسلین صلوات الله و سلامه علی نبینا و علیهم
اجمعین حضرت تلرینك طریققتیدر و سائر اصحاب کزین و تابعین و ابرار
و اخبار بر برلندن استفاده و تلقی ایتدککری میراث نبوی و طریقت
مصطفویه در بر حدیث شریفده شوبله در كه قیامتده اگر
فاسق و اگر صالح بونلرک جمله می نادم و پشیمان اولسه کر کدر فاسقلر
دنیا ده فسق ترک ایدوب استقامت و تقوی ایتدککری ایچون ندامت
و حسرت چکرلر و صالحلر دنیا ده طاعاتی و عباداتی زیاده ایتدککری
ایچون ندامت ایدرلر امدی ممکندر كه کشتی جمیع حرکات و سکنات
و احوال و سائر امورنی نوم و یقظه سنی و جمیع انفا سنی تقرب

الی الله اسبابه صرف ایدوب عبادات ثوابی آله بویله ایتدوب
بر ساعت عمری عبث کتسه عند الموت و بعد الموت اکا حسرت
چکلور الله عظیم الشان توفیقنی بو عبد حقیره و سائر اخوانه رفیق
ایدوب فعلمزده و ترکزده نیات خالصه ایله عمر می سعادت
عظمی به سرمایه ایدوب علماء صدیقین ایله حشر ایلیه و حبیبی
جمله مزه شفیع مشفع ایلیه آمین بر حجتک یار حم الراحمین
* فصل * اهل خیر آخرتده شفاعت ایتسدلر کر کدر کتاب
جامع الصغیرده مذکور در كه * یشفع يوم القيمة ثلثة الانبياء
ثم العلماء ثم الشهداء * یعنی يوم قیامتده اولاً انبیا بعده علماء بعده
شهاد شفاعت عظیمه ایتسه لر کر کدر لکن بونلردن ماعددا
شفیع وارد در شکم قرآن عظیمی تجوید ایله تلاوت ایدنلر و کعبه
مکرمه شفاعت ایدر و صبیان شفاعت ایدر و سائر صالحلر شفاعت
ایدر بواج طائفة مقدسه نك شفاعتی عظیم و کبیر اولدیغیچون
بو حدیث شریفده همان الی ر ذکر اولندی معلوم اولسونكه
جمله شافعلردن مقدم حضرت سید الاولین و الاخرین
و خاتم النبیین صلی الله علیه وسلم شفاعت ایتسه کر کدر شکم
حدیث شریفدره * انا اول شافع و اول مشفع * وارد اولمشدر
بن جمله دن اول شفاعت ایده رم و جمله دن اول حضرت اکهمده
شفاعتم مقبولدر دیمك اولور و دخی حضرت رسولك شفاعتنی
علماء کرام رحیم الله تعالی دن امام نووی بش قسم ایتشددر
اولکی محشرک شدت و ازدحامنی ازله ایچونكه عامه انس و جنه
شاملدر و بعض علماء مقام محمود بودر دیمشدر ایکنجی بر طائفتی
بغیر حساب داخل جنت ایلیمك ایچون ان شاء الله تعالی تفصیلی

کلور اوچنچی برقوم محاسبه اولنوب عذاب جهنمه مستحق
اولدقلری معلوم اولوب عذابدن خلاص ایدوب داخل جنت
ایتمک ایچون دوردنچی داخل جهنم اولمشلری اخراج ایچون
بشچی جنات عالیاته رفیع درجات ایچون قاضی عیاض التبی
قسم زیاده ایدوب ابی طالبدن عذابی تخفیف ایچون شفاعت
ایدر دیدی و بعضیلر یدنجی قسم زیاده ایتدیلر که اولاهل
مدینه بعده اهل مکّه بعده اهل طائف ایچون شفاعت وار در
دیدیلر و بر قسم شفاعت دخی روضه مطهره یی زیارت ایدلره
و بر قسم شفاعت دخی اذان محمدیه یه اجابت ایدلره ثابتدر دیدیلر
والحاصل بو عبد فقیرک عندنده شویله در که اقسام شفاعت بشده
وسکرده و اون بشده منحصره دکدر زیر کتاب جامع الصغیر ده
و غیر یلر ده شویله در که * انی لاشفع یوم القیمة لاکثر مما علی
وجه الارض من حجر و مدر و شجر * یعنی علی التحقیق قیامتده
بن بر بوزنده اولان طاشلر و مدرلر و اغاجلر عددندن چوق قوللره
شفاعت ایده رم و بالجملة شفاعت شریفلری بی حسابدر اما اول
طائفه که شفاعت اولنوب بلا حساب داخل جنت اولور حدیث
شریف صحیحده یدخل الجنة من امتی سبعون الفا بغیر حساب
* مذکور در یعنی امتدن یتش بیک کسه بلا حساب جنته کیرسه
کر کدر امام احدر و اینده ابو بکر الصدیق رضی الله عنه
روایتله شویله در که * اعطیت سبعین الفا یدخلون الجنة بغیر
حساب و جوههم کالغمر لیلته البدر قلوبهم علی قلب رجل واحد
فاستزدت رنی فزادنی مع کل واحد سبعین الفا * یعنی
امتدن بکا اعطا اولندی یتش بیک کسه بغیر حساب جنته

کیرسه کر کدر بونلرک یوزلری شولقدر منور در که همان
لیلته البدر ده کی ماهتابه بکر و وجهه سنک قلبلری اتفاق اوزره
در که کویا بر کسه قلبی کیدر ر بعدن دخی زیاده طلب ایدم
وریم زیاده ایدوب بو یتش بیک هر بر یسینک یا نتجه یتش بیک
دخی اولسه کر کدر دیمکدر بو کسه لک علامتی توکلدر * شفاعتی
لاهل الکبائر من امتی * بو حدیث شریف مشهور لر دندر
یعنی ینم شفاعت عتم امتدن اهل کبائر ایچوندر و دخی حق تعالی
شولقدر رحمت ایتسه کر کدر که کسه نک عقلنه کلمشدر نتمک
کتاب جامع الصغیر ده حدیث شریفده کلدیکه ابوهریره
رضی الله عنه روایتله * ان الله خلق الرحمة یوم خلقها مائة
رحمة فامسک عنده تسعا وتسعين رحمة وارسل فی خلقه کلهم
رحمة واحدة الحدیث یعنی حق جل و علا رحمتی یوز قسم
ایتدی طقسان طقوز قسمی عندنده صقلوب عالم دنیا یه
بر قسمی ارسال ایدوب انسانه و سائر حیواناته و یردی نتمک
بر روایتده * بها تعطف الوالدة علی ولدها والوحش والطیر
بعضها علی بعض و آخر تسعا وتسعين فاذا کان یوم القیمة اکملها
بهذه الرحمة * یعنی اول بر رحمت سبیلله والده لر ولدینه شفقت
و مر جت ایدر و سائر حیوانلر بر لرینه انک سبیلله مر جت
ایدر قبحان یوم قیامت اولدقده طقسان طقوز قسمه اول بر قسمی
ضم ایدوب قوللریته اعطا ایتسه کر کدر فائده امام بخاری
و امام مسلم تخریج ایتدیلر ابن عباس رضی الله عنهما روایتله
حدیث قدسی اولق اوزره رسول الله صلی الله علیه و سلم
حضرت رب العزة تبارک و تعالی دن روایت ایلدیکه ان الله

تبارک و تعالی کتب الحسنات والسیئات * تحقیق الله تعالی
 حسناتی و سببانی تقدیر ایلدی ثم بین ذلك بعده * حق تعالی
 انی بیان ایندی * فمن هم بحسنة فلم يعملها کیمکه برحسنة به
 نیت ایلسه عمل ایده ماسه * کتبها الله عنده حسنة کامله
 حق تعالی انی برحسنة کامله یازلمغه امر ایدر * وان هم بها فعلها
 کتبها الله عنده عشر حسنات الی سبعمائة ضعف اضعا فا
 کثیره یعنی اگر قصد ایدوب و عمل ایدرسه حق تعالی اول
 حسنه بی اقل مرتبه اور حسنه یازلمغه امر ایدر و بعض حسندی
 بدی یوزقات حسنه و بعض حسنه بی بغير حساب یازلمغه
 امر ایدر * وان هم بسبته فلم يعملها * اگر بر سبته بی قصد
 ایدوب ایشلمسه کتبها الله عنده حسنة کامله * حق تعالی
 کندی عندنده آتی برحسنة کامله یازار * وان هم بها فعلها
 کتبها الله سبته واحدة * اگر سبته بی قصد ایدوب ایشلمسه
 حق تعالی سبته بی واحده یازار امدی ای عاقل نظرایت
 حق تعالی نیک کمال رحمت و عظیم لطفنه که مجرد حسنه به
 قصد ایدوب ایشلمسه برحسنة کامله احسان ایلر اگر ایشلمسه
 اقل مرتبه سی اون قات یاخود بدی یوزقات یاخود بغير حساب
 احسان ایلر کان فضلندن ناشیدر و بر سبته بی ترک ایتسه برحسنة
 کامله ویرا کر عمل ایدرسه بر سبته ویررودخی صابر اولنلره
 بغير حساب اجر ویرسه کر کدر تنکم قرآن عظیم الشانده یورر
 انما یوفی الصابرون اجرهم بغير حساب * یعنی صابرلره
 بلا حساب اجر کامل ویریلور و بر حدیث شریفده * المصاب
 منایح من الله تعالی * یعنی مصیبتلر الله تعالی طرفندن صابر

قولره

قوللره نعمتلر و عطیه لر در که انک اوزرینسه اجر عظیم ترتب
 ایتدیکی ایچون و بر حدیث شریفده شویله در که اذا مات
 ولد العبد * بر مؤمنک ولدی آخرته کند کده * قال الله تعالی
 للملائكة اقبطتم ثمره قلبه * حق تعالی ملائکه به یورر که
 قولک قلبک میسوه سنی قبض ایتدی کوز می * فیقولون نعم
 ملائکه دیرلر که یارب سنک امر کله قبض ایتدک * فیقول الله
 تعالی ماذا قال عبدي * حق تعالی یورر که قولم نه دیدی
 صبر می ایتدی بوخسه بندن شکایتی ایتدی دیمکدر فیقولون جددک
 واسترجعک * ملائکه دیرلر که یارب سکا جد ایتدی
 و صبر ایتدی قضایه راضی اولدی * وقال انا لله وانا الیه
 راجعون * دیدی فیقول الله تعالی * الله تعالی یورر که
 ابنو العبدی بیتا فی الجنة وسموه بیت الحمد * قوله جتده
 بر بیت بنا ایدیکوز واکایت الحمد تسمیه ایدیکوزودخی طلب
 علمده ایکن آخرته کیدنلر مرتبه شهادت بولد یغندن ما عدا
 امام حسندن شویله منقولدر که * ان المؤمن اذا مات ولم يحفظ
 القرآن یعنی بر مؤمن طلب علمده ایکن آخرته کنسه حال بوکه
 هنوز قرآنک مبادی و معانی و نظم شریفک تجویدنی و حفظ
 ایتسنی تکمیل ایتمش اولسه امر حفظنه انک حفظه ملائکه سنه
 امر اولنوب ان یعلموه القرآن فی قبره اکا وجه سابق اوزره
 قرآن تعلیم ایدر لر قبرنده * حتی یبعثه الله تعالی يوم القيمة
 مع اهله * تا که قیامتده حق تعالی انی اهل قرآن و علما الیه بیله
 بعث ایدر و سائر روایت جو قدر اللهم احشرنا مع النبیین
 والصديقین والشهداء والصالحین واذقنا حلاوة شفاعه

حبیبك سید المرسلین آمین والحمد لله رب العالمین * فصل
 كوكبك صبیانلر وسقط یعنی دوشوك اولنلره آخرته مقام
 شفاعته شفاعت ایدرلر تكلم امام بخاری ابوسعید الخدری
 رضی الله عنه دن تخریج ایلدی حضرت رسول كاشات
 صلى الله عليه وسلم خاتونلره وعظ ایدوب بیوردیکه * مامکن
 امرأة تقدم بين يديها ثلثة الا كان لها حجابا من النار * یعنی
 ای خاتونلر سزدن برخاتون دكل الا كندن اول اوج ولد آخرته
 كوندرسه انلرا كا جهنمدن حجاب اولور فقالت امرأة منهن
 يا رسول الله او اثنين او اثنين ثم قال واثنين واثنين * یعنی
 خاتونلردن بریسی سؤال ایدوب دیدیکه ایکی اولادی اولور سه ده
 جهنمدن حجاب اولور می رسول علیه السلام جوابنده ایکی
 دخی اولسه نار جهنمدن حجاب اولور بیوردی وامام احمد
 معاذ رضی الله عنه دن تخریج ایلدیكه رسول الله صلى الله عليه
 وسلم بیوردیکه * مامن مسلمین * ایکی مسلم والد ووالده * يتوفى
 لهما ثلثة * انلرك اوج اولادی آخرته كینسه * الا ادخلهما
 الجنة * انلرك جنته كیرمسنه سبب قوی اولور بعض حاضرلر
 سؤال ایندیلر یا رسول الله او اثنان ایکی ولد دخی اولسه سبب
 دخول جنت اولور می قال جوابنده بیوردیکه * واثنان * ایکی
 ولد دخی سبب دخول جنت اولور قالوا ینه سؤال ایندیلر
 او واحد * و بریسی دخی سبب دخول جنت اولور می ثم قال
 بوند نصكره بیوردیکه * والذي نفسي بيده * بنم روجم قبضة
 قدرته اولان الله تعالى به قسم ایدرمكه * ان السقط ليجرامه
 بسرره الى الجنة اذا احسنه * یعنی تحقیق دوشوك والده سنی

كوكبك

كوكبك چكوب سبب دخول جنت اولور اكر والده سنی
 صابره اولوب حق تعالیدن انك سبیله اجر طلب ایدرسه ودخی
 ابن ماجه تخریج ایلدی حضرت علی رضی الله عنه دن كه
 رسول الله صلى الله عليه وسلم بیوردیکه * ان السقط يراغم
 ربه * تحقیق دوشوك ریسيله كویامنارعه ایدر کی الخاح
 وابرام ایلنه یاز و شفاعت ایدر * اذا دخل ابويه النار * فچنان
 حق تعالی انك اناسنی وباباسنی جهنمه ادخال مراد ایدرسه
 فیقال ایها السقط المراغم ربه ادخل ابويك الجنة * جانب
 حقندن اكا دینلور كه ای ریسيله اناسنی وباباسنی حقنده
 شفاعت ایلین دوشوك اناسنی وباباسنی جنته ادخال ایت
 فیجرهما بسرره * اناسنی وباباسنی كوكبك جنت جانبنه چكر
 وبوندن غیری حدیث شریفلر دخی وارد * فصل * معلوم
 اوله كه میدان حشرده میزان نصب اولنوب انكه بنی آدمك
 اعمالی وزن اولنسه كر كدر میزان اولدر كه انكه اعمالك مقداری
 بیلنور كه كیفیننی الله بیلور بعض روایتده دنیا میرانی کبیر
 وبعض روایتده هر بر مكلف ایچون بشقه میزانلر وارد
 بعضیلر دیدیلر هر بر كینك هر بر صنف عملی ایچون میزانلر اوله
 وبعض روایتده جبرائیل علیه السلام وزن ایتسه كر كدر
 مؤمنلرك وكافرلرك عمللری چكلسه كر كدر بعضیلر دیدیلر كه
 آخرتی انكار ایدن كافرلر ایچون میزان اولماز ساثرلری ایچون
 وارد و بر روایتده بر ذره منقال حسنه سنی زیاده اولسه نجات
 بولور حق تعالی بیورر * والوزن يومئذ الحق فمن نقلت موازينه
 فاوائك هم المفلحون ومن خفت موازينه فاوائك الذين خسروا

انفسهم بما كانوا بآياتنا يظلمون * یعنی يوم قیامتده میران ثابتدر
هر کیم که حسنی زیاد و ثقیل اولسه ایلر فلاح بولوب سعادت
نائل اولورل بولر مقر بلر واصحاب عین اولان مؤمنلردر
وهر کیم که سیئاتی و معاصیسی زیاد اولوب جانب حسنی
خفیف اوله یاخود حسنی هیچ اولیه انلر کندی نفسلرینه
خسران ایدنلردر بزم آیات عظاممزی انکار ایتک سبیله دیمکدر
بولر اصحاب شمال اولان کفاردر امدی بعض علما رجهم الله
تعالی صحائف اعمال وزن اولنور دیدیلر و بعض علما رجهم الله
تعالی اعمال حسنه اجسام نورانیه اعمال سیئه اجسام ظلمانیه
اولوب وزن اولنور دیدیلر صحیح بودر که کتاب جامع الصغیرده
انس رضی الله عنه دن حضرت رسول کائنات صلی الله علیه
وسلم پیور دیکه * یوزن يوم القيمة مداد العلماء ودم الشهداء
فیرجع مداد العلماء علی دم الشهداء * یعنی قیامتده علمانک
مرکی ایلر شهدانک قانی وزن اولندقدن علمانک مرکی ارجح
وغالب اولسه کدر امام فخرالدین شویله پیور دیکه
افعال قلوب ایچون بشقه میران معنوی اوله و افعال جوارح
ایچون واقوال ایچون بشقه میران اوله * فصل * میدان
حشرده هر انبیا علیهم السلامک حوضی وارد املر یله
دخول جنتدن اول اول حوضلردن ایچرل حضرت رسول
کائنات صلی الله علیه وسلمک حوضی جله سندن پیو کدر
چوق حدیث شریفلرده شویله در که * حوضی مسیره شهر
وزوایه سواء و ماؤه ابیض من اللبن و ریحه اطیب من المسک و کبرانه
اکثر من نجوم السماء من شرب منها فلا یظمأ ابدا * یعنی بنم

حوضمک

حوضمک برکوشه سندن برکوشه سنه ورنجه بر ایلر یولدر
و کوشه لری برابر در و صوبی سود دن بیا ضدر و ریحه طیبه سی
مسکدن کوزلدر و بارداقلری یلدزلردن چوقدر آدن
ایچن هیچ صوصا مز و سائر روایتلرده * مجراه علی الدر
والیاقوت * یعنی صوبی انجو و یاقوت اوزرندن اقلر * تریته
اطیب من المسک * طبرانی مسکدن کوزلدر * و ماؤه احلی
من العسل * صوبی بالدن طنلوردر * و ابیض من اللب قاردن
بیا ضدر و بر روایتده * انا فرطکم علی الحوض * یعنی بن سزدن
اول حوضده واروب سره انتظار ایده رم فن ورد علی الحوض
فشرب لم یظمأ بعده و من لم یظمأ دخل الجنة یعنی کیمکه بنم
اوزریمه حوضمه کلسه اندن ایچسه بعده صوصا مز کیمکه
صوصا مز سه داخل جنت اولور خیالیده ذکر اولندیکه
حوضدن ایچنلر معذب اولیه لریاخود عقاب اولنور سه
صوصا مایه لری تفسیر تعلید * انس رضی الله عنه دن روایتله
مذکوردر که حضرت رسول الله صلی الله علیه وسلم
پیور دیکه * ان لحوضی ارکانا کن منه فی ید ابی بکر و الصدیق
و الثانی فی ید عمر و الثالث فی ید عثمان و الرابع فی ید علی فن
احب ابابکر و ابغض عمر لم یسقه ابوبکر و من احب عمر و ابغض
ابابکر لم یسقه عمر و من احب عثمان و ابغض علیا لم یسقه عثمان
و من احب علیا و ابغض عثمان لم یسقه علی و من احسن القول
فی ابی بکر فقد اقام الدین و من احسن القول فی عمر فقد اوضح السبیل
و من احسن القول فی عثمان فقد استنار بنور الله و من احسن القول
فی علی فقد استمسک بالعروة الوثقی و من احسن القول فی اصحابی

فهو مؤمن ومن اساء القول في اصحابي فهو منافق * يعني بنم
حوضك دورت ركني واردر بریسی ابو بکر نظارتندہ ایکچی
عمر نظارتندہ اوچی عثمان نظارتندہ دوردنجی علی نظارتندہ در
کیمکہ ابو بکرہ محبت ایدوب عمرہ بغض ایتسہ ابو بکر اکا حوضدن
نصیب ویرمز وکیمکہ عمرہ محبت ایدوب ابو بکرہ بغض ایتسہ
عمر اکا صوو ویرمز کیمکہ عثمانہ محبت ایدوب علی یہ بغض ایتسہ
عثمان اکا بر اچم صوو ویرمز کیمکہ علی یہ محبت ایدوب عثمانہ
بغض ایتسہ علی اکا بر قطره صوو ویرمز کیمکہ ابو بکر حقندہ
حسن اعتقاد ایتسہ دینی تصحیح ایتسہ اولور کیمکہ عمر حقندہ
حسن اعتقاد ایتسہ طریق اسلامی آشکاره ایتسہ اولور کیمکہ
عثمان حقندہ حسن اعتقاد ایتسہ نور الہی ایلہ منور اولور
کیمکہ علی حقندہ حسن اعتقاد ایتسہ عروہ وثقی وطریق
علیایہ متمک اولمش اولور کیمکہ اصحاب حقندہ حسن اعتقاد
ایتسہ مؤمن صا اقدر کیمکہ سوء قصد ایدرسہ منافق
رضی اللہ عنہم اجمعین بر حدیث شریفہ شویله در کہ * انی
علی الحوض حتی انظر من یرد منکم * بن حوض یانندہ
طوبوب سزدن کلیری نظارت ایدرم * وسیوخذ اناس دونی
بر طائفہ بنم یانمہ کلور کن منع اولور * فاقول یارب منی ومن امتی
بن دیرمکہ یارب بوطائفہ بندن وبنم امتدندر * فیقال اما
شعرت ما عملوا بعدک * جاب حقندن بکا دینلور کہ سندن
صکرہ بونلر شویله عمل ایتدیلر کہ * واللہ ما برحوا بعدک
یرجعون علی اعقابہم * واللہ سندن صکرہ بوطائفہ شویله
عقائد خبیثہ واعمال سیئہ ایتدیلر کہ مرتد ومرتود اولمقدن

احتراز ایتدیلر کبسی اسلامہ مخالفت ایتدی کبسی مذهب بدعت
احداث ایتدی کبسی شتم اصحاب ایدوب کبسی ترک شریعت
ایتدی کبسی سنتی فوت قلوب درلو خیانت اجرا ایتدی ہر بری
برسمت طوتوب طریق جہنمہ کندی ابن ابی ملیکہ دعا سندہ
دیدیکہ * اللہم انی اعوذ بک ان ترجع علی اعقابنا ونفین فی دیننا
یعنی یا اللہ عز وجل برہانہ ولا الہ غیرہ سکا صغورم ککرو
کتمکدن ودیغز دہ فتنہ یہ مبتلا اولمقدن ربنا لا ترغ قلوبنا
بعد اذ ہدینا وھب لنا من لدنک رحمة انک انت الوھاب
فائدہ سؤال شفاعت یا خود مغفرت ایلہ عقابدن نجات بولوب
اولا داخل جنت اولور می جواب اولماز زیر اول من یدخل
الجنة رسول اللہ صلی اللہ علیہ وسلم بالاتفاق تنکم عمر بن الخطاب
رضی اللہ عنہ روایتیہ رسول اللہ صلی اللہ علیہ وسلم پیور دیکہ
ان الجنة حرمت علی الانبیاء حتی ادخلها یعنی سائر پیغمبرلر
بندن اول جنتہ داخل اولہ مز بن جہلہ سندن اول داخل اولورم
وحرمت علی الامم حتی تدخلها امتی * سائر امتلردن اول
بنم امتم داخل اولور بواامدن اوکیمہ ابو بکر رضی اللہ عنہ صکرہ
خلفا و صکرہ فقراء مهاجرین بعدہ سائر اصحاب وتابعین
علی مراتبہم وعلماء عاملین وصالحین وسائر مؤمنین فوج فوج
ھرکس تابع اولدیغی اماملر و عامللر اردنجہ باشلرندہ تاج واوزلرندہ
جلہ و براقلر اوزرینہ بنوب ھرکس علمدہ وعلمدہ رتبہ سنجہ مرتب
قبلنوب جنتہ کیرسہ کر کدر سؤال حقوق عباد سبیله
دخول جنتدن حبس اولنور می جواب اولنور تا کہ حقوق
اصحابی حقارینی التجدیدہ دک یا خود عفو یا خود حلال ایدنجہ بدک

و بعضی تفاسیر ده شویله در که عرش عظیم جا بنندن اوج کره
ندا اولنه که ای موحدل حق تعالی کاهلریکزی عفو ایتدی
سزل رخی بر بریکزدن عفو ایدیکوز اول زمانده هر کس حقنی
باغسلوب اجرنی الله تعالی نیک فضلندن الور این ماجه
تخریج ایلدی عبداللهدن رضی الله عنه حدیث مرفوع که
ان الدائن یقبض یوم القیمه * یعنی بر صاحب دین قیامتده
حقنی الور * الا من تدین فی ثلث حلال رجل یضعف قوته
فی سبیل الله ویستدین لیتقوی به عدو الله ورجل یموت عنده
مسلم فلا یجد ما یجهز به الا بدین ورجل خاف علی نفسه العزوبه
واستدان فیکف حشیه علی دینه فان الله یقضی من هو لایوم القیمه
اوج حلال نسنه حقنده دین ایلک که فی سبیل الله جهادده
اقجه سی قالمیوب دوشمنلردن یوز چورمیوب اکاغلبه ایچون
مدیون اولسه و بر مؤمن یاننده بر مسلم فوت اولوب انک تجهیز
وتکفینی ایچون کندنده اقجه بولنمیوب دین ایلسه و بر مؤمن که
زوجه سزایکن فاحشه ارتکا بنندن احتراز ایدوب الله تعالیدن
قور قسدیغی ایچون دین ایدوب تزوج ایتسه و بونلردیونی
ادایتمدن فوت ولوب ترک لری قالمسه قیامتده حق جل و علا
کندی فضلندن بونلرک حقلمرین قضا ایدر زیراز مانه
پادشاهنه واجب ایدیکه بوکسه لک دیوتی قضا ایده سؤال
هنوز بالغ اولمش چوجوق ابدست و نماز و حج و زکات و سایر
عبادات ایتسه مأجور اولور می جواب مأجور اولور لکن حال
صباوتده ایتدیکی حج بعده اوزرینه حج فرض اولسه فرضندن
کفایت ایتز تکرار حج ایدر زیرا فرائض بالغ اولمش کسه حقنده

نافله در اناسنه و بابا سنه فائده حاصل اولور سؤال میدان
عرصاتده چوجقلمر انالرینه و بابالرینه جنتدن شراب کتور ملری
قنقی موقوفده اولور جواب حرارت و ثقلت وقتنده اولور بعض
روایتلرده کونش حراره تندن اهل محشر در ایچننده ایکن بالغ
اولمه دن فوت اولان اولادلر انالرینه و بابالرینه جنتدن شربتله
کتور وب حرارتلری تسکین اوله عالم دنیاده هیچ تزوج ایتمش
یا خود کوچک اولادی فوت اولمش کسه لرحسرت چکه لرامام
غز الینک اولادک منفعتی عقیقه قر بانی ایلک شرطیله در دیدیکی
مناسب دکلدر زیر حدیث شریفلرده عقیقه شرطی یوقدر
مطلق ذکر اولمشدر سؤال اولاد مسلمین بالاتفاق اهل جنتدر لکن
اطفال کافرین قنده در جواب بوندن اول ذکر اولندی ایدی
لکن ینه ذکر ایدلم ان شاء الله تعالی انلر حقنده الی مذهب وارد
بعضیلر بر ایکی یننده درج ایتمشدر که بونلردر بیت * وفی
ولد الکفار قوم تشعبوا * و مبلغهم یعلو الی ست شعبه * توقف
ناس ثم علق بعضهم * بما علم الرحمن منهم بخصاله واتبعهم
بالوالدین جماعة * و ناس اضافوها باول فطرة * و اثبتهم
ناس مکانا متوسطا * لما بین نار عذت منها و جنة * و ناس یراهم
بالجنان مخلدا * و لکنهم للمسلمین بخدمة * یعنی علما الی فرقه
اولدی بفرقه توقف ایدوب بر نسنه دیمدیلر بفرقه دیدیلر که
اکر علم الهیده بالغ اولدیغی فرض اولنسه مؤمن اوله حق
ایسه اهل جنتدر بویله اولماز ایسه دکلدر و بفرقه
انالرینه و بابالرینه تابعلردر دیدیلر و بفرقه ایمان فطری انلرده
معتبر اولمق حسبیه داخل جنت اولور دیدیلر و بفرقه جنت ایله

جهنم اراستنده بر محل وارد رانده قالورل دیدیلر و بفرقه جنتده
مؤمنلره خادم اولورلر دیدیلر امدی صحیح بودر که انلر داخل
جنت اولورلر زیرا انلرده ایمان فطری ثابتدر * کل مولود یولد
علی فطرة الاسلام * فحوا سنجه وانلر اسباب عذاب و باعث
دخول جهنم اوله حق نسنه ارتکاب ایتدیلر بابا لینه و انالرینه
تبعیت مسئله فقهیه در مسائل اعتقادیه دن دکدر کشی باباسنه
تبعیت ایله کافر اولماز و معذب اولماز و حق ظاهر ایکن
توقف ایتمک یرنده دکدر ابوحنیفه رضی الله عنه توقف ایتدی
دید کلری صحیح دکدر زیرا ایمان فطری بی اثبات ایتشددر
ودخی جنت ایله جهنم اراستنده قالور سوزی مناسب دکدر
زیرا انده حبس اولمغه سبب یوقدر دخول جنت اولمغه سبب
وارددر که ایمان فطریدر و کاهدن مبرا اولقی یو سبب
راجع ایکن محبوس اولمغه باعث یوقدر زیرا اول محله محبوس
اولنر بفرقه عنندنه حسنائی و سیئاتی برابر کلوب مغفرت
و شفاعت اولیانلردر و بفرقه عنندنه زمان فترده وقت
جاهلیته فوت اولنلردر و سائر اقوال دخی واردلکن انلر عاقبت
داخل جنت اولورلر زیرا دارالخلید و مکان اید ایکدر بریسی
دار الثواب که جنتدر و بریسی دارالعقاب که جهنمدر ماعدا
مکانلرده ایدی قالنمز کتاب جامع الصغیرده ذکر اولندی
حضرت انس رضی الله عنه روایتله که رسول الله صلی الله علیه
وسلم بیوردی * سألت ربی فاعطانی اولاد المشرکین خدما
لاهل الجنة وذلك انهم لم یدرکوا مادریک آباؤهم من الشریک
ولا نهم فی الميثاق الاول یعنی ربمدن طلب ایتدم بکاعطا ایتدیکه

اولاد

اولاد مشرکین اهل جنت ایچون خادم اوله لر زیرا انلر بابا لری
کی مشرک اولمدیلر و میثاق اولده که ایمان فطری اوزره در
سؤال مؤمنلردن مغفرت و شفاعت اولمغوب داخل جهنم
اولورلر وار میسدر جواب قطعاً وارد و حدیث شریفلرده
مذکوردر بویله جه اعتقاد ایتمک واجبدر حافظ ابونعیم
وضیاء الدین کعب حضرتلردن تخریج ایتدیلر بر حدیث شریف
طویلک اولنده شویله در که رسول الله صلی الله علیه وسلم
بیوردیکه * يقول الله تعالى للزبانية انطلقوا بالمصرین
من الکبار من امة محمد صلی الله علیه وسلم الى النار فتأخذ الزبانية
بلحی الرجال وذوائب النساء فتطلق بهم الى النار * یعنی حق
جل و علا قیامتده بیورر که ای زبانیه ملائکه سی امت محمد
اسلامیه دن کبار اوزرینه مصر اولنلری جهنمه ادخال ایدیکوز
پس زبانیه رجالک صفاللرندن و خاتونلرک صاحبلردن محکم
اخذ ایدوب کتوره لر انس بن مالک رضی الله عنه روایتله
رسول الله صلی الله علیه وسلم بیوردیکه * مانع الزکوة يوم القيمة
فی النار * یعنی زکات و یرمینلر قیامتده نار جهنمه داخل اولورلر
ودخی امام بخاری تاریخنده و طیبالسی خالد بن ولیددن رضی الله
عنه تخریج ایتدیلر رسول الله صلی الله علیه وسلم بیوردیکه
اشد الناس عذابا يوم القيمة اشد هم عذابا للناس فی الدنيا * یعنی
قیامتده چوق معذب اولان عالم دنیاده قوللره چوق عذاب
ایدندر امام احمد تخریج ایتدی عبدالله بن عمر رضی الله عنهما دن
رسول کائنات صلی الله علیه وسلم برکون نمازک فضیلتی ذکر
بیور دقده ختم کلام ایدوب بیوردیلر که * من حافظ علیها

كانت له نورا وبرهانا ونجاة يوم القيمة * يعني كيمكه نماز اوزر يته
مداومت ايتسه نماز اكا نور وبرهان ونجات اولور قيامتمده
ومن لم يحافظ عليها لم يكن له نور ولا برهان ولا نجاة يوم القيمة
وهو كيمكه نمازه مداومت ايتيه اكا نور وبرهان ونجاة يو قدر
قيامتمده كتاب جامع الصغير ابو هريره رضي الله عنه روايته
مذكوردر * مامن امير عشرة لا ويؤتي به يوم القيمة ويده مغلوله
الى عنقه * يعني اون كسمه به رئيس اولان قيامتمده اللري بونونه
يند اولمش كتوررل اكر عدالت ايتديسه خلاص بولور اكر
ايتديسه حالي مشكل اولور كتاب من بوزده ذكر اولنديكه
بر حديث شريفده شويله در كه * تكون امرء يقولون ولا يرد
عليهم يته فتون في النار يتبع بعضهم بعضا * يعني امرا
وسلاطين ووزرا وحكام وضابطان ظهور ايدوب جانب شرع
احديه دن خارج نسنه تكلم واحداث ايدرل انلك ظلمدن وكثرت
اتباعندن ناشي براهل حق كلام حق تكلم ايده من انلر همان كندی
ز عمل نجه امور احداث ايدوب تعذيب عباد وتخريب بلاد ايدرل
ديتهم دراهمهم * فخوا سجد التون وكش جعي ايچون آخري
قار ميوب ظلم وعصب ايدرل اشته بونلر قيامتمده نار جهنمه
اغا چلر بير اقلري كبي دو كبلور بر بري اردنجه داخل جهنم
اولورل وغيري حديث شريفدرده واردر بو كلامه متعلق كلام
كلوران شاء الله تعالى انتظار اولنه سوال كشي مكروه ارتكابندن
شفاعتدن محروم اولورمي جواب مكروه ارتكابندن محروم
اولغه مستحق اولور لكن خيالده بو بحث توجه اولمشدر
اولا شفاعتدن مراد شفاعت ايتك اوله ودخي جميع مواقف

محشره شامل دكلدر بعض مواقفده اوله يا خود رفع درجه
ايچون شفاعتدن محروم اوله بودخي كلي دكلدر بعض وقتده
ديك اوله مع هذا استحقا قدن بالفعل حرمان لازم كلز زيرا
نيجه كسه ز واردر كه عذابه مستحق اولور لكن عفو اولور
نجات بولور جامع الصغير بر حديث شريفده شويله ذكر اولنديكه
استكروا من الاخوان فان لكل مؤمن شفاعه يوم القيمة * يعني
چوق كسه لر ايله آخرت قرنداشي اولكوز زيرا هر بر مؤمن
ايچون قيا مته شفاعت ايتك حاصلد * فصل * ميدان
حشرده بوذ كر اولان امور تمام اولدقدن صراط چاقمه
جمله خلق سوق اولنوب هر كس دنيا ده طيديغي معبودنه
تابع اولور نتكم صحيح مسلمده ابو هريره رضي الله عنه روايته
ذكر اولنديكه * يجمع الله الناس يوم القيمة فيؤمر من كان يعبد
شيئا فليتبعه فيتبع من كان يعبد الشمس الشمس ويتبع من كان
يعبد القمر القمر ويتبع من كان يعبد الطواغيت الطواغيت
يعني الله تعالى جمله خلق قيامتمده جمع ايتدكده هر كس
عبادت ايتديكي تسند ره تابع اولسون ديوامر اولندقدن كونه
طيان اكا تابع وقره طيان اكا تابع اولوب وسائر آلهه باطله
اوتان واصنام وصورتلر وحيوانات مقوله سي تسند ره طيانلر انلره
تابع اولوب انلك اردنجه جهنمه توجه ايدرل * وتبقى هذه الامة
فيها منافقوها * همان شوامت محمديه منافقلر ايله بله قالورلر
منافقلر شونلردر كه عالم دنيا ده ظاهر حالده اسلام كوستروب
قلبنده دين اسلامي وشريعت محمديه بي تكذيب وبغض
ايدنلردر وغيري روايتلرده شويله در كه * فيكشف عن ساق

یعنی الله سبحانه و تعالی انلره تجلی ایدوب ای قوللر بیکزه
سجده ایدیکوز دیوندا اولندقدن تنکم قرآن کریمده ذکر اولنور
یوم یکشف عن ساق ویدعون الی السجود * عالم دنیاده کندی
اختیار یله سجده ایدنلر جمله سی سجده ایدر لر جمله دن اول
حضرت رسول اکرم صلی الله علیه وسلم سجده ایلله
وشول منافقار که عالم دنیاده سجده ایتمز ایدی و هجو وریا
ایجون سجده ایدنلر بونلرک جمله سی ارقه ری طاش کی اولوب
سجده یه قادر اولله لر بعده جهنم اوزرینه بر جسرمد اولنور
بعضیلر دیمشله که صراط جهنم خلق اولندقدن خلق اولندی
و بعضیلر دیمشله که آخرتده خلق اولنور امام مجاهد و ضحاک
دیدلر که صراط اوج بیک یلاق یولدر بیک ییل دوز و بیک
ییل یوقاری و بیک ییل اشاغی کیدر و قلبدن کسکندر و قلدن
انجه در هر بر امت پیغمبر لیه بکه لر و پیغمبر لر دن غیری کسه
تکلم ایتمز و انلردن دعا ایدوب اللهم سلم سلم دیسه لر کر کدر معناسی
یارب بزه و امتلریمزه سلامت ویر دیمکدر زیر جهنم علوی
وقفلجمی صراط اوزرینه صعود ایدر و دخی جمله دن اول
حضرت رسول اکرم صلی الله علیه وسلم امتیله کچر لر و جمله
خلق اندن بکسه لر کر کدر تنکم قرآن عظیمده ذکر اولنور
وان منکم الا واردها کان علی ربک حتما مقضیا * یعنی سزدن
دکل ای آدمیان الا جهنم اوزرینه اغرا یجیدر یا محمد صلی الله
علیه وسلم ربک اوزرینه بوورود مرتبه و جوبده کی اولدی
قضای الهی بویه تعلق ایلندی امدی هر کس علمده و عملده
استقامت ایتدیکی قدر مرور ایدر مثلاً کیمی بلدرم کی ائبیا

علیه

علیهم الصلوة والسلام و سائر علماء عاملین کی و کیمی اسریل
و شدید روز کار کی شهدا و صالحلر کی و کیمی سکر درآت کی
عمل آخرتی عمل دنیا اوزرینه تقدیم ایدنلر مثلاً و کیمی یوردرآت کی
تقواسی آنا و لنلر و کیمی کاهنی ارقه سنه باغلمش امکرو کیمی ایاقلری
طیبا نمبوب دوشلر کافرلر اصلا طیبا نمبوب فوج فوج طبقات
نار جهنم و درکات عذاب الیه ساقط اولسه لر کر کدر نعوذ بالله
تعالی * تمثیل وارشاد * هواده قوشلر برنسنه یه یا شمیدن
هر جانبیه کیدر لر کلور لر کیمی زیاده سرعت ایلله و کیمی اندن
آز سرعت ایلله و دخی هواده صفحه آسمانه قریب طیران ایدن
هما قوشی اصلا یره تنزل ایتمز بهر کتور و ب اطراف دنیا یه
سقالق ایدن عظیم طاغیر کی بولوتلر طرفه العینده
برجانبیدن بر جانبیه کیدر امدی بونلر واقع اولوب مشاهده اولنور
فکذلک صراطدن عبور دخی امر ممکندر حق جل و علا
اهل ایمانی سهولت ایلله کچرمک احسان ایدر علی الخصوص
بعض روایتلرده شویله در که نیجه قوللر صراطدن کچدیکنی
یتلیوب ملائکه یه سوال ایدر لر که صراط و جهنم قنده قالدی
بز انلردن کچدیکنی دیه لر و ملائکه جواب ویروب دیه لر که
سز جهنم اوزرینه صراطدن کچدیکوز لکن نار جهنم سزک
نور بکزدن مغلوب و مخفی اولمش ایدی دیه لر و کتاب جامع
الصغیرده حدیث شریفده شویله در که تقول النار للمؤمنین
یوم القیمة جز یا مؤمن فقد اطفأ نورك لهی * نار جهنم
مؤمنلره دیه ای مؤمن تر کچ اوزریندن زیر سنک نوزک
بنم آشی و علوی سیوندن و دخی سائر روایات وارددر سوال

بومثالو انچه وکسکین نسنه اوزرندن مرور وعبور ایتمکده
 انبیا علیهم السلام و سایر مقررین و صالحین حقنده تعذیب
 وایذا حاصل اولمازی جواب اولماز بلکه اکرام حاصل
 اولور تنکم انلر عالم دنیاده علمده وعبادته لذت ولایت پیدا
 ایدوب زهدده واستقامتده نه قدر راحت تحصیل وپیدا
 ایتدکری کی مع هذا یلدرم کی بجمکده و طرفه العینده مرور
 ایتمکده نه زجت تصور اوانه اما سقوط خوفله کچنلر حقنده
 بوخوف بعض کاهلرینه کفارت اولور یاخود رفعت درجه لرینه
 سبب اولور و دخی زبانیه ملائکه سی کافر لری آتشدن
 قانجه ایله چکه ارندن صانجوب قعر جهنمه القا ایدر لر درلو
 عذاب لر واذیت لر ایدر لر نعوذ بالله تعالی * فصل * معلوم
 اولسونکه دارالعقاب یدیدر بویدی دره که بربر لری اوزرنده
 اولوب یدی طبقه درالتنده کی اوسننده کندن شدید و آتشی
 غالبدر امام فخرالدین ابن جریمندن شویله نقل ایلدی طبقه
 اولی جهنم طبقه ثانیه لظی طبقه ثالثه حطیه طبقه رابعه سعیر
 طبقه خامسه سفر طبقه سادسه جحیم طبقه سابعه هاویه لکن
 امام غزالی احیاسنده شویله ترتیب ایلدی جهنم بعده سقر بعده
 لظی بعده حطیه بعده سعیر بعده هاویه بعده جحیم صاحب
 کشف و امام ثعلبی و امام فخرالدین دیدیلر که طبقه اولی اهل
 ایماندن بر طائفه کاهلری مقدار نجه معذب اولوب بعده چیقارلر
 و جنته کیرر لر طبقه ثانیه نصاری ایچوندر طبقه ثالثه یهود
 ایچوندر طبقه رابعه صابین ایچوندر طبقه خامسه مجوس
 ایچوندر طبقه سادسه مشرک لری ایچوندر طبقه سابعه منافق لری

ایچوندر

ایچوندر درک اسفل بودر تنکم قرآنده ذکر اولور ان المنافقین
 تحقیق اسلامی اظهار کفری اخفایدن کافر لر * فی الدرك
 الاسفل من النار * جمله طبقه لردن اسفل اولان یدنجی طبقه ده
 معذب و مغلد اواسه لر کر کدر نعوذ بالله تعالی منها طبقه
 اولی ده معذب اولنلر اهل ایماندن بر طائفه در که انلر کاهلرینه
 مغفرت و شفاعت اولوب کاهدن تطهیر ایچون عذاب اولور
 صکره چیقارلر و جنته کیرر لری امدی عذاب انتقام و عقاب مهین
 و مقیم انجق کفاره مخصوصدر اهل ایمانک عاصیلرندن بر طائفه
 معذب اولدیغی انتقام ایچون دکلدر بلکه تطهیر ایچوندر
 صحیح مسلمده ابو سعید الخدری رضی الله عنه روایتله شویله در که
 رسول الله صلی الله علیه وسلم پیور دیکه * اما اهل النار
 الذین هم اهلها * یعنی شول اهل نار که انلر مغلد فی النار در
 فانهم لا يموتون ولا يحبون * انلر ایچون اولوم یوقدر و راحت ایله
 حیات بولمز لر دائما غم و غصه و عذابده قالور لر * ولكن ناس
 اصابتهم النار بذنوبهم * لکن مسلیندن بر طائفه یه کاهلری
 سیبیه نار جهنم اصابت ایدر راوی شک ایلدی * اوقال
 بخطایاهم یاخود بذنوبهم یرنده بخطایاهم وارد اولمشدر
 مالی بر در فاماتهم اما تة عقینده حق تعالی انلره موت
 مسلط ایدر امدی بوسه کلامده اقوال وارد در بریسی بودر که
 حق تعالی انلرک روح لرینی قبض ایدر تا که انلر عذابی حس
 ایتیمه لر زیر انلر دنیاده * لا اله الا الله محمد رسول الله * دیدیلر ایدی
 چونکه انلر تقصیرات ایتمکدن فارغ اولما یحقی حق تعالی انلری
 دخول جنتدن اول بر مدت جهنمه حبس ایدوب عقاب ایلیه

عالم دنیا زنده و دار عذابده مجنون و مجوس اولان
کسه لکبی ایکنجی بودر که موتدن مراد نوم اوله زیر نومده
دخی شعور قطع اولور صاحب مفاتیح الافهام بونی اختیار ابتدی
و بر حدیث شریفده شویله در که * اذا ادخل الله الموحدين
النار اما هم فيها ثم اذا اراد ان يخرجوا منها امسهم الم العذاب
تلك الساعة * یعنی حق تعالی اهل توحید دن بر طایفه بی
نار جهنم ادخال ایند که انلری قبض و توفی ایدر صکره اخراج
مراد ایند که اول ساعتده الم عذابی انلر اشعار و امس اس ایدر
اوچنجی بودر که موتدن مراد انلر شعور لینی قطع و تغیب اوله
و المی دیورمقی اوله لطف ایچون و فضیلت توحید ایچون بر حدیث
شریفده کلدیکه انها تزوی و تقول مالی لاهل بسم الله نصیب
یعنی نار جهنم مزوی اولوب دیه که بسم الله اهلنده بکانه صبب
یوقدر و بعض روایتده بونلرک بعضی طوغنه دك و بعضی
کو کسه دك و بعضی بوغازینه دك آتشه داخل اوله
و بونلردن آخر و صکره چیقانلر بر روایتده طقوزیل مکث ایده
صاحب مفاتیح الافهام بونی اختیار ایلدی لکن شیخ غزالی
و غیر یلرک اختیار لری بودر که بونلرک کبسی بر مقدار معذب اوله
و کبسی بیک ییل معذب اوله و غایتی یدی بیک ییلدن ارتق قالمیه
حق بودر امدی ظاهر بودر که بو طبقه اولانک اهل که انلر
اهل ایمان اولق حسبیه جیفقد قد نصکره خالی اوله و انده
کسه قالمیه * حتی اذا كانوا خفا * تا که طبقه اولی اهل بسی
کور کبی اولد قد * اذن بالشفاعة * انلر حقنده شفاعة
اذن و بر یلور فقی بهم * انلر کتور یلور * ضبار ضبار * جماعت

جماعت

جماعت * فبشوا علی انهار الجنة * جنت ارمقاری اوزرینه بشقه
بشقه وضع اولنورلر * ثم قبل یا اهل الجنة افیضوا علیهم *
صکره دینور که یا اهل جنت بونلرک اوزرینه جتدن صواجرا
ایدیکوز فینتون کاینیت الحبة تکون فی جبل السبل * اوتلر
تازه بترلر سرعتله که سبل حبه بی جبل ایدوب صومجرا سنده
قرار اینسه بر کون بر کیجه ده نبات حاصل اولد بقی کبی کذلک
انلر دخی تیز جک تازه لحم و لحم بتسوب حاصل اولور ل امدی
معلوم اولسونکه نار جهنمده بر کره یانوب ینه تازه لنوب کل اولوب
ینه تازه لنوب تکرار یانقی بو منوال اوزره عذاب کافرله در
مؤملره بویله عذاب اولماز بلکه بر کره یانوب کور اولور بعده
شفاعت اولنوب خلاص بولور * یکتب علی جباههم هؤلاء
عتقاء الرحمن * و انلرک الننده هؤلاء عتقاء الرحمن دیویاز یلور
معنای شولر رحمتک ازا دلی قوللرنددر دیمکدر سائر اهل
جنت انلرک جهنمده معذب اولدقلرینی یلورلر بعده الننده کی
باز یلر محو اولور * فصل * اما سائر کافرله نه دکلور وار ایسه
بونلرک بوغازلنده واللرنده یتش ارشون زنجیر ایله کندی
شیطانلری ایله باغلنوب کوزلری کورک و یوزلری قاره و یوزلری
اوزرینه سور ینوب چارلر کبی فریاد ایده رک صحیح مسلمده
ذکر اولندی ابوهریره رضی الله عنه روایتله حضرت
رسول کائنات صلی الله علیه وسلم پیور دیکه * ضرر
الکافر فی النار مثل احد و غلظ جلده مسیره ثلثة * انتهى
و بر روایتده * ما بین منکبی الکافر فی النار مسیره ثلثة ایام
لراکب المسرع * یعنی ناره داخل اولدقد نصکره کافرک ازو

دیشی احد طاعی قدر اولور ودریسی قائلغی اوچ کونلک قدر
بول اولور وایکی اموزی اراسی سرعتله یوین آطلو اوچ کون
برویه و بوندن کوده سی نقدر اولور قیاس اولنه ارقه لرینه
قطر اندن لباسلر کیله رنتکم قرأنده ذکر اولنور * سرابیلهم
من قطران و تغشی و جوههم النار * یعنی اهل جهنمک لباسلری
قطر اندن و یوزلری آتش قبلر و برآیت کریمه ده * قطعت
لهم ثياب من نار * یعنی اهل جهنم آتشدن لباسلر بچلمشدر
چان جهنم قریب کله لر اندن برقی صوت اشیده لر که سرخوش
کبی اوله لرنتکم قرآن عظیمده کلور سمعوا لها تعیظا و زفرا *
وزبانیه ملائکه سی انلرک صاچلرندن و صقاللرندن و ایقلرندن
محکم طوتوب چکه لر قرآن عظیمده ذکر اولنور و نسوق المجرمین
الی جهنم وردا * یعنی بز مجرملری و کافرلری جانب جهنم آج
وصوسن اولدقلری جالده سوق اید * رز و برآیت کریمه ده *
وسیق الذین کفروا الی جهنم زمرا * یعنی کافرلر جهنم جماعت
جماعت زمره زمره سوق اولنسد ککر کدر مثلاً برزمره یهود
و برزمره نصاری و برزمره مجوس و سائر فرقه لر تابع اولدقلری
مقتدای کفری و امام ضلاللری اوردنجه کیده لر * حتی اذا جاؤها
* تا که جهنم کلدکلری و قتده مکث ایدرلر قبول کندولره فتح
اولنجه یه دک انلره اهانت و مذلت ایچون کلدکلرندن صکره آچلور
* فتحت ابوابها * جهنم قبولی فتح اولنور * وقال لهم خزنتها
الم یأتکم رسل منکم یتلون علیکم آیات ربکم و ینذرونکم لقاء یومکم
هذا جهنم خازنلری و زبانیه ملائکه لر دیرلر که ای کافرلر عالم
دنیا ده سزله پیغمبر کلدیمی و الله تعالینک آیات عظامنی سزله

قرأت

قرأت و تبلیغ ایتدیلری و بوقیامنی خبر و یروب جهنم عذابنی
خبر و یرمدیلری * قالوا * کافرلر دیرلر که * بلی * بولری بتون
خبر و یردیلر لکن بز ایمان کتورمدک و قبول ایتدک هوای نفسه
و شیطانیه تابع اولدق کفر و شرک ایلدک کسبج ایله عفا به
لا یق اولدق * و لکن حقت کلمه العذاب علی الکافرین *
حق تعالینک کافرلری نار جهنم ادخال و تخلید حکمی صادر
و واقع اولدی کافرلر اوزرینه دیوب کندی اختیار و کسبلریله
معذب و مخلد فی النار اولملری آشکاره اولدی امدی بوندن
معلوم اولسونکه آخرتده هر کس نائل اولدیغی نسنه لره کندوسی
سبب اولدیغی کونش کبی ظاهر اولوب اصلا برطر یقله بهانه
قالما سه کر کدر بعض روایتلرده شویله در که روح جسدیه مجادله
ایده حق تعالینک * یوم تأتی کل نفس بمجادل عن نفسها * آیت
کریمه سنده ابن عباس رضی الله عنهما یور دیکه * لا تزال
الخصومة بین الناس یوم القیمة حتی یتخاضم الروح والجسد فیقول
الروح یارب الجسد منک وانت خلقتنی لم یکن لی ید ابطش بها
ولا رجل امشی بها ولا عین ابصر بها ولا اذن اسمع بها ولا عقل
اعقل به حتی جئت فدخلت فی هذا الجسد فخلد علیه العذاب
ونجی منه فبقول الجسد یارب انت خلقتنی کالخشب لبستلی
ید ابطش بها ولا عین ابصر بها ولا اذن اسمع بها ولا رجل امشی بها
فجاء هذا الشعاع النور فدخل فی فیبه نطق لسانی و به ابصرت
عینی و به مشر جلی فخلد علیه العذاب ونجی منه قال فیضرب الله
سبحانه و تعالی لهما مثلاً باعنی و مقعد دخلا خائطافیهما ثمار فالاعی
لا یبصر الثمرة و المقعد لا ینالها فتادی للاعی اثنتی حتی تحملنی

قرأت

فدنامه فقال من الثمر فعلى ايهما العذاب قال عليهما قال فعليكما
العذاب * يعنى اهل عذاب و احواب عقاب بر بيله مجادله ايتكدن
خالى اوليله تا كه روح كندى جسديله مجادله ايدوب ديه كه
يارب جسدى سن خلق ايتدك اندن اول بنم معصيت اولان اموره
وضع بد ايتدم و ياق بصدم و كوردم و ايشتم و تصور ايتدم
وقتا كه بوجسده داخل اولدقده معصيته مباشرت ايدر اولدم
امدى بو كاجسد سبب اولدى عذابى و عقابى آكا حواله ايدوب
بكناجيات و برديه و جسديله كه يارب سن بنى خلق ايتدكه بن
اغاج كى ادرا كه و حركته قدرتم بو غيدى نگاهه وضع بد ايتدم
و كوردم و ايشتم و بوزم و بوزم و بوزم و بوزم و بوزم و بوزم
لسانم تكلم ايتدى و كوزم كوردى و اياغم بوزدى چونكه بو نگاهه
جان سبب اولدى اكا عذاب و عقاب ايله و بكناجيات و برديه
ودخى حق تعالى بونلرى الزام و اسكات همچون بر مثال ذكر
ايدوب بيوره كه براعى و براعرج بر بفرجه كى روبر ميوه سندن
سرفه ايتك مراد ايتدكه اعرج اعلى به ديه كه بنى ارقه كه الوب
كیده لوم بعده اعرج اعلى ارقه سده كيدوب ميوه سرفه ايتدكه
قنفسى عقوبه مستحق اولور بو صورتده ايكسیده عقابه
مستحق زرا اعلى اياق اولدى و اعرج جسم اولدى فكذلك
جسد اعلى كى اياق و اسبب اولدى و روح اكا كوز و قولاق
و سائر حرکات و سكهانه سبب اولدى برگاه ايشلكده ايكسینك
مدحلى اولدقده عذابده مشترك اولدیلر اكر خير ايشلسلر
ثوابده مشترك اولورلر امدى بو وجهله الزام ايدوب * قبل
ادخلوا ابواب جهنم خالدين فيها * كافرله دينور كه جهنم

قبولندن

قبولندن ايجرو كيريكوز نار جهنمده ابدى مكث ايدى اولا بغير
حالده * فبئس منوى المتكبرين * جهنم متكبرلر بچون خيبت و قبيح
مكثدر نعوذ بالله تعالى منها * فصل * جهنمك مكانده
اختلاف اولدى بعضيلر تعين ايتيوب توقف ايتديلر و بعضيلر
شمديكى حالده يدى قات يرالتنده درديدیلر و بعضيلر شوبله
ديدیلر كه يدى قات يرالتنده اولان آنشى حق تعالى يوم قيامت
اولدقده دنيايه اخراج ايتيوب يدى دريا آتش اولوب دارالعقاب
اولور ديدیلر * مسئله * معلوم اولسوكه جنى ايكى قسمدر بريسى
شياطين تسميه اولنور و بونلر كافرلر در و انسانك كافرلر بيله
زنجيرلره باغلنوب بچيمده معذب اولورلر و بر قسمى دخى
مؤمنلر در غالباجن اسميله تسميه اولنور امام فخرالدين بونى
اختيار ايتدى و بعضيلر شياطين جن جنسندن دكلدر ديمشدر
لكن بو صحيح دكلدر امام حسندن نقل اولنديكه جن طائفه سنك
مؤمنلرینه عذابدن خلاص اولمقدن ماعد ثواب بو قدر سائر
حيوانات كى طبراق و محو اولورلر ديدى ابو حنيفه حضرتلرى
دخى بويله ذاهب اولدى و اما سائر علما رجهم الله تعالى ديدیلر كه
انلر انسانك مؤمنلرى كى سيئات حقنده مؤاخذه اولنورلر
و حسنة لرنده مأجور اولوب داخل جنت اولورلر امام مالك
و امام شافعى و ابن ابى لیلی بويله ذاهب اولدیلر و اما ضحاک ديديكه
انلر داخل جنت اولوب اكل و شرب و سائر نعمتلر ايله متعم اولورلر
و امام قشیری ديديكه صحيح بودر كه احوال شريعتده بيان
اولنمشدر و دليل بو قدر حقنده توقف اولنور العلم عند الله تعالى
سؤال كافرلر اعمال فرعيه بى ترك ايتدكلرى همچون معاقب اولورمى

جواب بالاتفاق ایمانله و یسوع و عقوباتکه حدود کبی و سائر
عباداتک فرضینی اعتقاد ایلمکله صلات و زکات کبی مأمورلر در
لکن عباداتی ادا ایله مأمور اولدقلرنده اختلاف واردر مذهب
صحیح بودر که ادا ایله مأمور دکلدر اهلینی اولمدیغی ایچون امدی
بو صورته عباداتی ترک ایچون عقاب یوقدر و بر مذهبده
عباداتی ادا ایله مأمورلر در و ترک ایچون عقاب واردر تنکم کتب
اصولده مذکور در و بعض محققین عننده زنا و سرقه کبی
حراملر ایچون معاقب اولورلر و اهل اسلام اوزرینه استیلا
ایدوب ماللرینی اخذ ایتدکلری ایچون دخی معاقب اولورلر سؤال
کافرلر دن عذاب تخفیف اولنور می و حال کفرلر نده
صورت حسنه ده نسنه ایتدکلری انلر فائده و بر می جواب
کافرلر کفری ایچون اولان عذاب اصلا تخفیف اولماز
بالاتفاق بو عذابده کفر تفاوتی اعتبار ایله کافرلر متفاوتدر
لکن کفر دن ماعدامعصینلر ایچون اولان عقاب انلر عالم
دنیا ده حال کفرلر نده صورت حسنه ده ایتدکلری نسنلر بالذات
یا خود بالواسطه که شفاعت کبی سبب اولوب بعض وقتده
عذابلری بر مدت تخفیف اولنور می اولمازی اختلاف اولندی
اولا معلوم اوله که حسناتک صحتده و مقبول اوله سنده عمل
وقتده اسلام و نیت شرط دکلدر بلکه موده که نه زمان اولور سه
اولسون وجود ایمان شرطدر بعضیلر بویه تحقیق ایلدی
ابن الملک بونی اختیار ایدوب شرح مشارقه * انما الاعمال بالنیات
* حدیث شریفی تفسیرنده دیدیکه نیات صحیحه اعمال تکلیفیه نیک
شرطیدر و لکن مولى خسرو مرآت کتابنده مجاز بختنده

دیدیکه

دیدیکه آخرته متعلق اولان ثواب یا خود عقاب نیته محتاج اولان
اعمال حفته در اعمال صالحه شونلر کبی مثلا اعتناق و صدقه
وضیافت و صله و انجاء الغریق و الحریق و فک اسیر و رقیق امدی
تخفیف واقعدر دیو ذاهب اولنلر مذهبلرینی اثبات ایچون حجت
چکوب دلائل سمعیه ابراز ایتدیلر از جمله فاضل کرمانی شارح
نقاری شویله ذاهب اولدیکه کافرلر صورت حسنه ده نسنه
ایتدکلری نفس تخفیف ایچون سبب اولوب بلکه بر امر آخر
وساطت سبب اولور مثلا شفاعت کبی بعده اول امر آخر
نفس تخفیفه باعث اولور و امام زرکشی و غیر یسی اویله بیان
ایتدیکه انواع شفاعتدن بر نوع واردر که ابولهبدن تخفیف
ایچون اولور تنکم ابولهب حضرت رسول الله صلی الله علیه
وسلم ولادت ایچون مسرور اولوب ثویه نامنده بر جاریه سی
وارایدی خبر ولادتی مرده ایتک سببیه اعتناق ایتدی ایدی
بو کاججازات ایچون هراثنین کیجه سی باش بر منی چقور یله
صو و بر یلوب الم عذابدن بر مقصدار خفت حاصل اولور شیخ
ابراهیم اللقانی شرح جوهره ده ذکر ایتدی و اوزرینه بحث
ایتدی و دخی امام قرطبی و غیر یسی ابی طالبدن عذاب تخفیف
اولور حفته حدیث شریف نقل ایتدیلر که حضرت عباس
رضی الله عنه سؤال ایدوب یوردیکه یا رسول الله صلی الله علیه
وسلم * ان اباطالب کان یحوطک * و فی روایة و یغضب لک
فهل ینفعه ذلک * یعنی ابوطالب یا رسول الله جناب شریفک
خدمت علیه سنده سعی ایدوب دشمنلره مانع اولوردی و عداوت
ایدنلره غضب ایدوب جناب شریفه محبت ایدردی کندوسی

غیرت جاهلیت و حجت باطلیندن خلاص بولمبوب جانب مخالف
اوزره آخرته کندی ایا بو خدماتی اکا آخرته نفع و برری
جواب بیورب * اولانا انکان فی الدرك الاسفل * قبل ای
الهاویة مع آل فرعون * فی روایة * وجدته فی غر النارالی
ضحاح * بدل ولولانا و جاء فی روایة عن عباس رضی الله عنه
قال قلت یارسول الله هل نفع اباطالب بشیء فانه کان یحوطک
قال نعم هو فی ضحاح من النار ولولانا انکان فی الدرك الاسفل
من النار * یعنی روایت اولی شو دیمکدر که بنم جانمیدن اکا
شفاعت اولسه ایدی درک اسفله قالور ایدی بعضیله دیدیلر که
درک اسفل هاویه در آل فرعون ایله انده معذب اولور ایدی روایت
ثانیه دیمک اولور که بن ابوطالبی نار بحیمک زیاده سیله شدید محلدن
اخراج ایدوب آتشی قلیل اولان محله وضع ایدرم و روایت ثالثه نک
معناسی بودر و بعض روایتلرده شویله در که آتش طوغنه دک
بالغ اولوب دماغی غلیان ایدوب ایاغنه سیلان ایتسه کرکدر
نعوذ بالله تعالی من ثقیلها و خفیفها و الحاصل بو روایتلر دلالت
ایدر که شفاعت سیبیه تخفیف عذاب واقع اوله و بو شفاعت
حضرت رسول الله صلی الله علیه و سلم خصلت صندن معدود
اولدی تکم شرح مشارقه و مواهب لدنیه ده و شرح جوهر ده
مذکور در لکن شویله روایت اولندی که حق سبحانه و تعالی
اذن و یروب حضرت رسول کائنات صلی الله علیه و سلم دعا ایدوب
ابوطالب حیات بولدی بعده ایمان کتورب آخرته ایمان ایله کندی
تکم رسول اللهک اناسی و باباسی حقنه دخی روایت وارد
مواهب لدنیه صاحبی امام قسطلانی حقوق بحث ایدوب شویله

تحقیق

تحقیق ایتدی که بونلر حقنه توقف و سکوت لازمدر قبل و قال
واختلاف وجدال مردود و مطرود در والله اعلم بحقیقه الحال
وینده مقالید الحال و المال امدی بومذهبک اهل البسی عندنده
اعمال کافرین باطلله در و انلر خاسر لر در آخرته اعم اللرینک
منفعتنی بولمزل دیمک جتده اوله حق درجه لری انلره ویرلر
و دخول جنت و وصول درجه مناسجه منفعتنی بولمزل دیمکدر
یوخسد درکات دار عقابده تخفیف عقاب و تنقیص عذاب ایله
منفعتنی بولمغه منافی دکلدر دیدیلر و تخفیف عذاب قائل
اولمیانلر شویله ذاهب اولدیلر که کافر لک حال کفر لنده ایتدکلری
خیرات و حسنات بالکلیه مضحکه و باطلله در آخرته اصلا
فائده سی یوقدر تخفیف عقوبت و تنقیص الم ایچون سبب اولر
و عذاب لری اصلا تنزل و تخفیف اولماز بلکه وقتا فوقتا زیاده
اولوب انواع عقوبات و اقسام نحو سات و اصناف نکبات و آلام
و اکدار و احزان و غصه لری بومافیوماترقی بولور و بعض محققین
بونک اوزرینه انعقاد اجماع نقل ایتدی و بومذهبک اصحابی
دیدیلر که کافر لر صورت حسنه ده ایتدکلری نسنه لک مکافاتنی
انجیق عالم دنیاده کور لر تنعمات و ترفهات دنیویه ایله
مجازات اولتور لر و اثبات مدعی ایچون امام مسلمک حضرت
انس رضی الله عنه دن تخریج ایتدی کی حدیث شریفی حجت
چکدیلر حضرت سید کائنات صلی الله علیه و سلم * ان الکافر
یثاب فی الدنیا بالرزق علی ما یفعله من حسنة * یعنی کافر لر ایتدی کی
حسنة اوزرینه عالم دنیاده رزق ایله مجازات اولتور و دخی *
و کذلک یریم الله اعمالهم حسرات علیهم * کی آیت کریمه ارده

اهل تفسیر شویله دیدیلر که عالم آخرتده کافرله دنیاده ایتدکلی
 حسنات و کسب ایتدکلی درجات کوستریلوب وانلره دینور که
 ای کافر ار **ا** کرسز عالم دنیاده ایمان واسلام ایدیدیکر
 بومقامات رفیعیه و درجات بهیه شریفه به نالی اولور دیکر
 و صکره مؤمنلره تقسیم اولور پس اول وقتده کافرله زیاده سبله
 خسران و ندامت چکوب فریاد و فغان ایتسه لر کر کدر کفر و شرک
 و سائر معاصیله معذب و معاقب اولسه لر کر کدر و امام مؤمنلر
 سیئاتی مغفور کورد کده زیاده فرحناک اولوب حسناتیله قات قات
 مأجور اوله لر **ن** کم * فن بعمل منقال ذره خیرایره و مز بعمل
 منقال ذره شرایره * آیت کریمه سنده ذکر اولمشدر و ابن عباس
 رضی الله عنهما دن بر روایت نقل اولندیکه * واما الکافر
 فیری حسناته تحسیر او یعذب بسیئاته * یعنی کافره حسرت
 ایچون حسناتی کوستریلور و سیئاتی ایله معذب اولور بوبانده
 سائر روایات و نقول چوقدر طالب تفصیل تفاسیردن و حواشیدن
 طلب ایلسون و دخی شرح الجواهر ده امام مسلم تخریجه ذکر
 اولندی حدیث شریفده که * ان الله لا یظلم مؤمنا حسنة یطعم
 بها فی الدنیا و یجزی بها فی الآخرة واما الکافر فیطعم علی ما
 عمل الله فی الدنیا حتی اذا قضی الی الآخرة لم تکن له حسنة یجزی
 بها * انتهى حاصلی بودر که مؤمن صدق نیت و حسن طوبیت ایله
 حسنه ایتد کده انک سبیلله عالم دنیاده نعمت جلیله و رفاهیت جزیلله
 ایله مشتم و مترقه اولور و عالم آخرتده جنات عالیه دخیل و درجات
 رفیعااته وصول و عزت ابدیه و سعادت سرمدیه ایله معزز و مسعود
 فی دار الخلود اولور واما کافر صلا و عقی کبی نیته محتاج اولمیشق

رضاء الله ایچون عمل ایتسه جمیع مکافات دنیاده اولور تا که آخرته
 کتد کده مجازات اولنه جق بر حسنه سی قالمسبوب نار حیم و بئر
 سفردن غیری اکا جای قرار اولماز تکمله بر مؤمن حال اسلامنده
 انواع عبادات و اقسام طاعات و اصناف قربات و سائر حسنات
 و وجوه میرات و خیرات ایلسه صکره العیاذ بالله تعالی دین اسلامدن
 مرتد اولسه جله اعمال صالحه سی و سائر حسناتی بالکلیه قطعا
 باطل و مضمحل اولور بعده عنایت توفیقله اسلامه کلسه
 ابو حنیفه رحمه الله تعالی عنده حسناتی کیر و کلز و آخرتده
 فائده سی **ک** و رمز سیئاتی باقی اولدیغنده اشتباه یوقدر لکن
 مذهب شافعی دن منقولدر که حسناتی موقوف باطل اولق حسبله
 اسلامه کلد کده حسناتی کیر و کلور و آخرتده ثوابی بولور بر کافر
 ایام کفرنده حسنات و صالحات ایلسه بعده جانب قدوس هادیدن
 جل جلاله توفیق صمدانی کلوب شرف اسلام ایله مشرف اولسه
 بالاتفاق ماتقدمدن ایتدیکی سیئاتی قلیل و کثیر و صغیر و کبیر
 بالکلیه محو اولور لکن معهود حسناتی فائده ایدرمی و آخرتده
 ثوابی بولور می اختلاف ایتدیلر بعضیلر شویله دیدیلر که حال
 کفرنده اولان حسنات اسلامه کلد کدن صکره فائده ویرمز برا
 کفر سبیلله لغو و باطل و ساقط اولوب صحیح اولغه اصلا
 قابلیتی یوقدر دیوب اعمال **ک** کافرین هبلاء منشور و سراب
 و رماد کی مردود و مضمحل و باطل اولدیغنی تصریح و اشعار
 ایلین ظواهر نصوص قرآنییه بی حجت چکدیلر لکن محققون
 شویله تحقیق و توفیق ایتدیلر که بر کافر زمان کفرنده اعمال جزیلله
 و افعال جیلله ایدوب صکره توفیق اکار فبق اولوب نور اسلامه

منور اولسه و آخرته ایمانی بولداش ایتسه معهود حسنا تیله
 مأجور اولوب ثوابه واصل اولور زیرا صحیح بخاریده
 مذکوردر که حکیم بن حزام علیه رضوان العلام سوال ایدوب
 یا رسول الله صلی الله علیه وسلم * رأیت اشیاء اتخنت بها
 فی الجاهلیة من صدقة او عتاقة او صلة فهل فیها من اجر
 یعنی دیدیمکه بن اسلامک ظهورندن اول صدقه و عتاقه و صله
 ایلک کبی عبادت ایدردم عجباً اندن مأجور اولور می و آخرته
 فائده و یرمی دیدیمکه حضرت رسول کائنات صلی الله علیه
 وسلم پیور دیکه * اسلمت علی ما اسلفت من خیر * حاصلی
 بودر که تقدیم ایتدیکک خیر اوزرینه اسلام ایدوب مقدم
 ایتدیکک اعمال صالحه هنوز مقبول اولدی نتکم بر روایتده
 ان حسنات الکفار مقبولة بعد اسلامهم * وارد اولمدر یعنی
 کافر لر ایام کفر لرنده ایتدیککی حسنات اسلامه کلد کد نصکره
 مقبول اولوب یوم جزاده جزای خیر و ثواب جمیل ایله مأجور
 اولور و ابوسعید الخدری رضی الله عنه روایتیله بر حدیث
 شریفده شویله در که * اذا اسلم العبد فحسن اسلامه کتب له
 حسنة ازلها و محبت عنه ککل سیئه کان ازلها * حاصلی
 بودر که برکسه اسلامه کلوب قلبی نفاقدن طاهر اولوب اسلامنده
 مخلص اولسه مقدم ایتدیککی حسنه لر یازیلور و ایتدیککی سیئات
 بالکلیه محو اولور بو حدیث شریف شعب الایمانده مسطوردر
 و بر روایتده کتب یرینه تقبل الله عنه واقعدر و الحاصل شول
 کافر لر که آخرته کفر ایله کتدیلر انلر ایچون اصلاً عذابدن
 تخلص یوقدر و عذاب کفر منقطع اولوب تخفیف اولماز

اما سائر ذنوب لر ایچون عذاب حسنات کفریه سبیلله
 تخفیف اولور مذهب صواب بودر اما شول کافر لر که اسلامی
 قبول ایدوب دار آخرته ایمانله رحلت ایتدیلر انلر زمان کفر لرنده
 ایتدیککی ذنوب و سیئات بالاجماع معفو اولور * الاسلام یجب
 ما قبله * حدیث شریفی فخواستجه اسلام اندن اول اولان
 سبئانی سیف محمد کبی قطع ایدر و حسنا تیلله مأجور اولور
 حکیم صوابدر و مذهب اصوب و طریق احسن و انسب بودر
 والله تعالی هو الموفق الخیر والسداد وهو الوهاب الهادی
 الی الرشاد اللهم یا منان امن علینا بسبحال الغفران فحمدک علی
 توفیقک لانوار الایمان ونشکرك یا الله علی دوام الاحسان وتثنی
 علیک بحمیل لطفک بابتهاج ازهار ریاض العرفان فیامقصود
 کل قاصد من ملک و بشر و جان و یا محمود کل جامد بلسان
 وار کان و جنان و یا معبود کل عابد فی کل مکان و زمان اجعل لنا
 رضاک مقصداً یا رحن و جنة الفردوس نزلاً بمنک یا منان
 و نتوسل البک فی هذا الشان بحناه حبیبک و رسول انس و جان
 و بآله و اصحابه اهل القرآن و الرضوان و آتائهم امنافی الکوین
 یا رحیم یا رحن وصل وسلم و بآله علی افضل رسلک شفیع الامم
 یوم المیزان و علی آله و صحبه اصحاب الخیرات و ارباب الاحسان
 و امته اجمعین یا حنان * فصل * دار العقابک آتشنک حرارتی
 و یاقه سی دنیاده اولان آتشدن یتش قات زیاده در بالاتفاق
 حدیث شریفده شویله در که * نار که هده جزء من سبعین جزءاً
 من نار جهنم * یعنی سترک شو دنیاده طعام پشور دیکگر
 آتش جهنم آتشدن یتش بلوکدن بر بلوکدر دیمکدر

ودخی بعضی را دیدیلر که طبقات دار عذاب قرآن قدر و آتشی
 سیاهدر و بعضی را توقف ایندیلا آلات عذاب و کیفیات عذاب
 وز بانیه ودخی معلوم اوله که حق تعالی جهنم اوزرینه ملائکه
 مؤکل قیامدر * تنکم قرآن عظیم الشانده ذکر اولنور * علیها
 ملائکه غلاظ شداد * یعنی جهنم اوزرینه ملائکه مؤکل
 اولنور اولنورده اصلا مرتبت بوقدر و شولقدر قوت صاحبیدر که
 بر جماعتی بر الیه بحیمه را غور و شولقدر اولودر که باشلری
 بوجه طاعنر کی اوله و بر آیت کریمه * علیها تسعة عشر
 یعنی بوملائکه اون طغوز در جله سنک اووسی مالکدر کن
 علمدن نیجه لری دیمشدر که بونلر یسدر در بونلرک توابعی قتی
 چوقدر ودخی آتشدن و قطراندن لباسی اوله ابلهسه کبدوره
 صکره سائر شیطانلره و کافره کبدوره ل و حق تعالی بیورر * انا
 اعتدنا للکافرین سلاسل و اغلالا و سعیرا * یعنی تحقیق بز کافرلر
 ایچون زنجیرلر و بوقغولر و سعیر حاضر ایتدک و بر آیت کریمه ده
 ولهم فیها مقامع من حدید یعنی کافرلر ایچون تیسور دن مقامع
 واردر مقعده نک جمعدر بوبر آتدر که آنکله کافرلرک ایلرینی
 قوبارلر ترکیجه کریدن دینور و ابن جبر شویله بیان ایتدیکه
 جهنمده اوزن خرما اغاجی قدر یسلانلر واردر ودخی دوه ل
 و قاطرلر کی عقر بلر واردر اهل جهنم بونلر ایله عذاب اولنور
 قان حرارت عذابدن صومزلق واقع اولسه صوطلب ایتسدر
 انلره اسی صوویریلور تنکم قرآن کریمه * وان یستغیثوا
 یغاثوا بماء کالمهل * الایة اغزلرینه کتورر کن یوزلرینی
 بشورب کباب ایدر و بعضی تفسیرلرده شویله در که فینار صوی

دیه سندن دوکوب جله کوده لرینی یا قسه کر کدر طمرلرینی
 و سکرلرینی قطع ایدر تنکم قرآنده بیان اولنور * و سقواماء
 حمیا فقطع امعاء هم * یعنی انلره اسی صوایچر یلور ایچلرنده
 طمر و سکر و جکر و سائر نسنه لری بالکلیه قطع ایدر و بر آیت
 کریمه * یصب من فوق رؤسهم الحیم یعنی باشلری اوزرندن
 اسی صود و کیلور و بین و سائر لحم و شحم و طمرلری بشوب ایتلری
 التینه دو کیلوب بدنلری قفس کی قالد قسده کبر و حق تعالی
 تازه دن خلق اینسه کر کدر تنکم قرآن عظیم الشانده ذکر اولنور
 کما انضجت جلودهم بد لنا هم جلودا غیرها لیدنوقوا العذاب
 یعنی هر نه زمان که دریلری و اتلری پریان اولسه بز انلره تازه
 دریلر و اتلر خلق ایده رز عذاب طاسونلر و عذابلری دائم
 اولسون ایچون ودخی نیران بحیمه حطب برینه کافرلر و طاشلر
 وضع اولنور تنکم قرآن عظیمده ذکر اولنور و قود ها الناس
 و الحجاره یعنی آتش جهنمی یاندران نسنه لر کافرلر ایله طاشلردر
 کبار مفسرین کبریت طاشلر بدردیدی زیر کبریت آتشی
 کسکین و غایتده متصل اولور کافرلرک کوده لرینه زیاده سیله
 یابشور ودخی انلرک طعاملری زقومدر تنکم قرآن کریمه
 ان شجرة الزقوم طعام الاثیم * یعنی تحقیق زقوم زیاده سیله کنهکار
 اولان کافرلرک طعامیدر و بر محله * انها شجرة تخرج فی اصل
 الحیم * یعنی شجرة زقوم بحیمک قعر نده ثابت اولور اگر
 بر قطره زقوم دنیایه چقسه جله طعام دنیایی افساد ایدردی
 ودخی بر نوع طعاملری ضرر یعدر که قوری دوه دیکنیدر تنکم
 قرآن کریمه کلور * لیس لهم طعام الا من ضریع * یعنی

کافر را همچون جهنمده طعام یوقدر الاقوری دوه دیکنددن
طعام ویریلور چکرلری و سائر عروقلری پاره پاره اینسه کرکدر
ودخی اهل جهنمک شرابلری غسلیندر یعنی اهل جهنمک
بدنلرندن اقان مردار صور وایرین و جراحنلرندن اقان مردار
نسنه لرنلره شراب ایچوریلور تفسیر تعلیمده مذکور در و امام
ضحاک و امام ربیع غسلین جهنمده براغاجدر آندن اهل جهنم
اکل ایدرلردیدی و دخی اهل تفسیر شویله یوردیلر که جهنمده
بردره واردرا کاویل دره سی دینور چقان اهل جهنمی اکا
براقده قرق یسلده قعرینه واصل اولیه لردخی نیموردن
تابوتلر واردر کافرلری و متکبرلری آنلرک ایچینه قیوب اوزرینی
محکم قیایوب سفر قبولیند براقورلر قات قات عذابلری
زیاده اولسون ایچون و دخی دار عقابده بر مکان واردر که
اکازمهر یر دینور یعنی صغوق جهنمدر شولقدر صغوقدر که
بر لحظه اکا تحمل اولمز کا هیجه اولور که اهل جهنم صغوق
تمنی ایدرلر اول وقتده صغوق جهنم قیوسی اخیلوب اکا سکر
دیشرلر اکا داخل اولدقه جمله سی جامد اولوب یسه آتش
طرفنه کلوب زبانیه ملائکه سی انلری زنجیرلره باغلیوب جهنم دینه
القا ایدرلر بومنوال اوزره کاه اسی جهنم و کاه صغوق جهنم
کیدرلر و کلورلر درلودر لو عذابلر و عقابلر ایه معذب اولورلر
ودخی جهنمده یوجه طاعلر واردر کافرلرک باشلرندن
زنجیرلری صلیب و براوجی دیرلندن چیمز زبانیه ملائکه سنیدن
نیجه سی معهود طاعلر باشنده و نیجه سی ایشا غیسنده طوروب
یوقاروده اولنلر کافرلرک باشلری طرفندکی زنجیرلر ایه مزبور

آتشدن

آتشدن طاعه یوقاروشدت ایه چکوب یوقارویه واصل اولدقه
اشاغیده اولان ملائکه کافرلرک دیرلندن اولان زنجیراوجندن
اشاغی چکرلر و دخی جهنم آتشی کافرلری تجره ایچنده
صووات قینارکی قینادوب آتشک اوزرنده ایکن طسره چقمغه
قصده ایدر کده زبانیه لرنده آتشدن کورزلر و قبحالر ایه
آتشک دینه چکرلر و دخی نیجه خاطره کلمش نسنه لرایله
عذاب اولنورلر نعوذ بالله تعالی منها * دعاء الکافرین و تأسفهم
علی ما فرطوا فی الدنیا و تمنیهم الفداء و الاسلام و اعنة بعضهم
بعضا و الزام الشیطان و اقامة الحجة علیهم و دخی کافرلر
دعایده لر که برکونلک عذاب انلره تخفیف اولنه نسکم قرآن
عظیمده ذکر اولنور * قالوا یا مالک ادع لنا ربک یخفف عنا یوما
من العذاب الایه دیرلر یا مالک حق تعالی یه دعایله که بزدن برکونلک
عذابی تخفیف ایلله * و ما دعاء الکافرین الا فی ضلال * فغوی
لطیفجه اصلا مستجاب اولیوب * انکم ما کثون * یعنی
ای کافرلر سرلر بو عذاب الیمده مکث ایدیمیلر سرلر و تخلص
دیوجواب و یریلور * فلن تزدکم الا عذابا * یعنی ای اهل
جهنم بزسرلره زیاده ایتمیوز الا همان عذابی زیاده ایدر
دیو خطاب اولنورلر و دخی کافرلر تمنی ایدرلر که * یالیتنا زرد
ولا نکذب با آیات ربنا و نکون من المؤمنین * یعنی دیه لر که
کاشکه بزبرکره دنیایه رجوع ایدیدک ربمک آیات کریمه لرینی
تکذیب ایتمیوب مؤمنلردن اولیدق دیه لر و دخی دیه لر که * ربنا
ابصرنا و سمعنا فارجعلنا نعمل صالحا انا موقنون الایه یاربنا
آخرتی کوردک و ایشندک بزنی دنیایه چقار عمل صالح ایدر لیم

تحقیق بریقین و ایمان ایلدک دیه لرودخی صحیح مسلمده ابن مالک
رضی الله عنه روایتله حضرت رسول کائنات صلی الله علیه
وسلم بیوردیلرکه یقال للکافرین یوم القیمه لوکان لک ملاً الارض
ذهباً کنت تفتسده به فیقول نعم فیقال له قد سئلت ایسر
من ذلك * یعنی آخرتده کافره دینور که اگر برطلوسی
التونک اولیدی عذابدن خلاص ایچون انی فدا ایدرمی ایدک
اولدخی ایدردم دیسه کر کدر بعده بوندن آسان اولان ایمان
سندن طلب اولندی نیچون دنیاده شرف ایمان ایله مشرف
اولدک دینوب درلودرلو عقاب اولنورلر ودخی کافرلر بربرینه
لغت ایدرلرنتکم قرآنده ذکر اولنور کما دخلت امة لغت اختها
الایة برجماعت جهنمه کیردکده انده اولان جماعته لغت ایدر
امام ثعلبی رحمه الله تعالی دیدیکه مشرکلرینه کندی کیلره
وکذلك یهود ونصارى هرکس کندی جنسته لغت ایدرلر
ودخی کندی ریسلرینه و بطریقارینه ورهبان وقسبسلرینه
اشد لغت و شتم ایدرلر سر سزری طریق کفره وضلالت عظیمه به
ایصال ایتدیکوزا کرسر اولمیدیکوز بزمؤمن اولور دق دیه لر
وبربرلرینه نیچه درلودن منازعات و مخاصمات و مجادلات ایدوب
تابعلر متبوعلره ینه سر سزری اضلال ایتدیکوز دیوب لغت ایدرلر
بواثناده زبانه ملائکه سنه امر اولنوب شیطانی بوغازنده
زنجیرلر والیری قفاسنه باغلنش کتورلر و آتشدن بریوکسک
زردبان وضع اولنوب شیطان اوزرینه چقه نتم قرآن
عظیم الشانده ذکر اولنور * وقال الشیطان لما قضی الامر
ان الله وعدهکم وعد الحق و وعدتکم فاخلفتکم الایة * یعنی دیه که

ای کافرلر تحقیق حق تعالی سر زله ایمان ایتک شرطله وعد
حق ایتدی بن سرزی کفره وسوسه ایدوب وعد باطل ایتدم
واکاخالفت ایتدم بنم ایچون سرک اوزر یکره قوت غلبه یوغیدی
الاهمان کفر و شرک و عصیان و فسق و طغیان جانبته دعوت
و وسوسه ایدردم ودخی سر زب العالمینه عصیان ایدوب
اختیار یکوز ایله بکا اطاعت و دعوتمه اجابت ایتدیکوز امدی
صاقنوب بکاهانه بولوب لوم ایتدیکوز کندی نفسلر یکوزه
لوم ایدیکوز زیراسر کندی اختیار یکوز ایله کافر اولدیکوز بن
سر زله نجات و یرمکه قادر دکلم و سر زلر بکا نجات و یرمکه قادر
دکلم سر بن سرک بکا ایتدیکوز شرک و بهتان بن انکار ایتدم
دیو ختم کلام ایتدکده زبانه شیطانک باشنه بر آتش کورز
ضرب ایدوب قعر جهنمه دک ساقط اوله امدی کاهیجه بربریه
جدال ایدرلر و کاهیجه بومنوال اوزره شیطان انلری الزام ایدر
جهنمدن هیچ چیقمز لر و عذابلری هیچ دو کتمز وانلر ایچون
اولوم یوقدر قنابولمق یوقدر نعوذ بالله تعالی ودخی حق تعالینک
یوم نقول لجهنم هل امسلات و نقول هل من مزید * آیت
کریمه سنده شویله بیان اولمشدر که جهنمه کافرلر فوج
فوج ادخال اولندقدده جهنم دخی زیاده طلب ایله تاکم جمیع
اهل جهنم تمام اولوب جهنم دخی زیاده طلب ایله بعده
حق جل و علا صفت قدمی جهنم اوزرینه حواله ایتدکده
جهنم اول وقتده قط قط دیه یعنی کفایت ایدر دخی استم دیه
نکم شرح مواقفه و غیریده ذکر اولندی * فیضع الجبار
قدمه فی النار فتقول قط قط بعزتک ای حسبی حسبی * و برروایتده

حتی یضع رب العزة فیها قدمه فیزوی بعضها الی بعض وتقول
 قط قط بعزتک وکرمک وبرر وایت آخراده * یقال لجهنم
 هل امثلأت وتقول هل من مزید حتی یضع الرب قدمه علیها
 وتقول قط قط * انس رضی الله عنه دن روایت اولئان حدیث
 شریفده * واما النار فلا تملی حتی یضع الله رجله علیها
 واقع اولشدر بوجه روایتلر شرح مواقفده الکهیات مجتده
 مقصد ثامنده مذکوردر * تذیب * بعض علماء رجهم الله
 تعالی جنت و جهنم ایچون مکان تعیین ایتدیلر و بعضیلر تعیین
 ایتدیلر امام فخرالدین شویله بیوردیکه جنت یدی قات کوکلر
 فوقنده کرسینک اوستنده و عرشک التند در نیکم بر حدیث
 شریفده * سقف الجنة عرش الرحمن * وارد اولمشدر انس بن مالک
 رضی الله عنه دن بویله جدمنقولدر ودخی جهنم اسفلده در
 بعضیلر یدی قات بر التند در دیدیلر ودخی شمدیکی زمانده
 موجود لدر حضرت آدم علیه السلام جنته کیروب چقد بیغی
 و حضرت رسول کائنات صلی الله علیه وسلمک لیلہ معراجده
 جنتی و جهنمی کوردیکی دلیل قطعه میدر که جهنم و جنت خلق
 اولمشلر در لکن حدیث شریفلرده ذکر اولندیکه برکسه
 سبحان الله والحمد لله ولا اله الا الله والله اکبر * دیسه جتده
 انکیچون براغاج خلق اولنور بونک کبی حدیث شریفلر دلالت
 ایدر که دنیاده مؤمنلر اعمال صالحه ایتدیکه جنت ایچنده
 درجه لرو باغچه لرو سیرایلر و حور عین و سائر نعمتلر خلق اولنور
 کذلک کافر لرو فاسقلر کفر و فسق ایتدیکه جهنم ایچنده درلو
 عذابلر و آتشلر و سیلا لرو و عقربلر و سائر عقابلر و مصیبتلر

خلق

خلق اولنور نعوذ بالله تعالی * فصل * معلوم اولسونکه
 حق تبارک و تعالینک و علی الاعراف رجال * آیت کریمه سنده
 اهل تفسیر رجهم الله تعالیدن چوق اقوال منقوله در اول
 حقیقت اعرافده اختلاف ایتدیلر امام بیضاوی دیدیکه عرفک
 جمعیدر عرف الفرس و عرف الیدیکن مأخوذ در مرتفع
 معنایست در بوتقدیرجه جنت ایله جهنم اراستنده حجاب اولان
 دیوار که * فضررب بینهم بسورله باب * آیت کریمه سنده
 ذکر اولنور اول دیوارک اطراف عالییه وجوانب مرتفعه سی
 دیمکدر اکثر مفسرین حتی امام فخرالدین بویله تحقیق ایتدیلر
 و ترجیح القرآن سلطان المفسرین حضرت عبدالله بن عباس
 رضی الله عنهما دن بویله جه مرویدر ودخی حسن بن فضل
 اعراف صراطدر دیدی و امام زهری دیدیکه احد طایفه
 حتی بر حدیث شریفده شویله در که * ان احد جبل یحبنا ونحبه
 وانه يوم القيمة یمثل بین الجنة والنار یمتس علیه اقوام یعرفون
 کلابسیاهم وهم ان شاء الله من اهل الجنة * یعنی احد بر مبارک
 طاغدر که اول بزه محبت ایدر و بزا کا محبت ایده رزوقیامتده
 جنت ایله جهنم اراستنده اولوب نیجه طاغده لرانده محبوس اولورلر
 و انلراهل جنتی و اهل جهنمی سیمالریله بیلورلر و انلراهل جنتدر
 ودخی حسن بصری و امام زجاج شویله بیوردیلر که حق
 تعالینک * و علی الاعراف رجال * نظم کریمک معنای لطیفی
 شودر که علی معرفه اهل الجنة و اهل النار رجال یعرفون کل واحد
 من اهل الجنة و النار بسیاهم یعنی اهل جنتی و اهل جهنمی بيلمک
 اوزرینه تعیین اولمش رجال وارددر که هر بر اهل جنتی و اهل

جهنمی بیلوب فرق ایدرلر بواشاده برکسه سؤال ایدوب عجا
 املر حسانیه سبائی برابر اولنلر میدردید کده شیخ حسن بصری
 النی دیزینه اوروب املر بر قومدر که حق تعالی انلره اهل جنت
 و اهل جهنم اولنلری یسلدر مشدر و تمیز و فرق ایدرلر بیلیم
 انلر کیملر در احتمالدر که انلردن بعض کسه لزالان
 یا نمزده حاضر اوله و دخی اهل اعراف حقننده اهل
 تفسیر اختلاف ایتدیلر حاصلی شویله در که ایکی فرقه اولوب
 بر فرقه سی دیدیلر که اهل اعراف اهل طاعتک افضلریدر و اهل
 درجاتک اشرفلریدر و بر فرقه دیدیلر که اهل اعراف اهل جنتدندر
 لکن طاعتده قصور ایدوب درجه سافله اهلیدر اما اولکی
 فرقه اختلاف ایتدیلر بعضیلر دیدیلر که انلر ملائکه در رجال
 صورتنده و بعض آخر عنندنده انلر انبیا و مرسلوندر حق تعالی
 انلری اعلی حجاب اوزرینه تعیین ایتدیکی اهل محشر دن ممتاز
 اوللر از دحامده اولیه ل تا که انلرک علوم مرتبه لری و ارتفاع
 منزلت لری ظاهر اوله و اهل جنت وجهنم احوالنه و مقدار لینه
 و عقابلرینه بالمشاهده مطلع اوله لر فخر الدین و ابن عطیه
 و امام زجاجدن بویله جه نقل ایتدیلر و بعض آخر عنندنده انلر
 شهدا در امام مهدوی بویله جه دیدی و نتیجه اهل تفسیر بوکا
 ذاهب اولمشدر و بعض آخر عنندنده انلر یوم قیامتده عدالت
 ایله شهادت ایدنلر در که خلقک عملرینه شهادت ایدرلر علمادن
 بر جاعتدن امام زهری نقل ایتدی و بعض آخر عنندنده انلر
 صالحلر و عالملر و فقهالردر امام مجاهد بویله دیدی و بعض آخر
 عنندنده انلر حضرت عباس و حزه و علی و جعفر ذوالجناحیندر

رضی الله

رضی الله عنهم اجمه بن بونلر اهل ایمان و اهل کفر و عداوتی
 سیمالزندن بیلورلر امام ضحاک بویله دیدی و اما اهل اعراف اهل
 جنتک درجه سافله اصحابیدر دیو ذاهب اولنلر اختلاف ایتدیلر
 بعضیلر دیدیلر حسانی و سبائی برابر اولنلر در بر مدت حبس
 اولنوب بعده بفضل الله و رحمته داخل جنت اولورلر حدیفه و ابن
 مسعود و ابن جبر رضی الله عنهم دن امام ضحاک و ثعلبی نقل ایتدیلر
 و بعض آخر عنندنده انلر شهیدلر در که باباری و اناری اذن
 و یرمدن غزایه کیدوب شهید اولدیلر و آخرتده حبس اولنورلر
 شرحیل بن سعد و امام فخر الدین و غیرلر نقل ایدوب حقننده حدیث
 روایت ایتدیلر و بعض آخر عنندنده انلر شول غازیلر در که بابارینه
 عصیان ایتدیلر و شهید اولدیلر و آخرتده جهنمدن خلاص
 بولدیلر لکن عصیانلری مقابله سنده اعرافده حبس اولنورلر
 جمله دن صکره جنت کیرلر بونی امام فخر الدین عبدالله بن الحارثدن
 نقل ایتدی و بعض آخر عنندنده انلر شول قومدر که اهل صلات
 و اهل عبادتدر لکن انلرک ذنوب عظامی اولدیغی ایچون اعرافده
 حبس اولنورلر و بعض آخر عنندنده انلر ولدالزنا اولنلر در
 و بعض آخر عنندنده انلر شونلر در که انلردن باباری راضی اولدی
 لکن اناری راضی اولدی آنک ایچون اعرافده حبس
 اولنور و بعض آخر عنندنده انلر زمان جاهلیتده موجود اولان
 توحیدرب العزه ایدوب انبیا به ایمان و آخرتی تصدیقندن منفک
 اولدیلر و بویله جه آخرته کتدیلر و بعض آخر عنندنده انلر اول
 قومدر که حق تعالی انلرده دخول جنت ایتمکه زیاده طمع خلق
 ایتدی انلره اکرام و شوقلری زیاده اولسون ایچون ابوالعالبه

بویله دیدی و بعضی آخر عندند انلر اطفال کافرین
 و اولاد مشرکیندر بوقدر اقوال و مذاهب بولدق اطلاق کوره
 احتمالدر که دخی زیاده اقوال اوله والله اعلم بالصواب والیه
 المرجع والمآب * فصل * امدی اصحاب الحیم و سائر جهنمه
 دخول ایله حکم اولنلر جزالری بولدقده میداند همان صافی
 اهل سعادت و اصحاب جنان قالوب ینلرنده اولان حقوق و سائر
 اخذ و ایستاکبی نسنلر بالتام اصلاح و استیصال و مقاصده اولنوب
 برکسه نک برکسه ده مثقال ذره حتی قال یحیی امر ربانی ایله جانب
 جنت و طرف سعادت الایده سوق اولنورلر امام ترمذی معاذین
 جبل رضی الله عنه دن تخریج ایلمدی رسول کائنات
 صلی الله علیه وسلم پیوردی * یدخل اهل الجنة الجنة جردا
 مردا انباء ثلث و ثلثین * یعنی اهل جنت بدنلرنده و باشلرنده
 قل اولیوب او توز اوج یاشنده اولدق قیلری حالده جنته کیررلر
 صغیر ایکن بیله آخرته کیدنلر بویله اولوب اول سنده قالورلر و کوزلرنده
 قدریدن سورمه و غایتده حسن و جمال صاحب لری اولورلر تنکم
 حدیث شریفلرده شویله درکه * ان اول زمرة تدخل الجنة
 علی صورة القمر لیلة البدر * یعنی جملة دن اول داخل جنت
 اولنلرک یوزلری لیلة البدرده اولان قرصورتی کیدر بونلر بغیر
 حساب داخل اولان زمرة درکه بر حدیث آخرده کلدی *
 ان الذین یدخلون الجنة بغیر حساب و جوههم علی صورة القمر
 لیلة البدر * یعنی شول کسهلر که حسابدن خلاص بولوب جنته
 کیررلر انلرک یوزلری منور اولمقده لیلة البدرده قرصورتی کیدر
 * والی عقیبهم تلها * و شول زمرة که اولکی زمرة نک عقیبنجه

داخله

داخله اولور علی اضواء ککوب دری فی السماء انلرک یوزلری
 آسمانده کی بولک یلدزلرک ضیاسی کی اولور و دخی جنت حله لری
 وقفنلر لری کینوب و براقلره بنوب جماعت جماعت جنته قریب
 اولدقلرنده انلره قرشوجنندن خادملر و غلمانلر استقبال ایلیوب
 هر برینه دولت ابدیه و سعادت سرمدیه لری تعریف ایدوب
 الله تعالی سرلره شویله و شوقدر نعمت سرمدیه و سعادت ابدیه
 و ملک دائم و نعم مقیم احسان ایلمدی دیوتوصیف ایدرلر و هر نه که
 استر سکر حاضر اولور و کوزلر یکر ایله نظر ایتدکده سرور
 حاصل اوله حق تحفه ل و سلطنت حاضر اولمشدر دیومژد ایدرلر
 و بش یوزیللق بولدن جنتک مبارک رایحه طویه سنی فحولوب
 بهجت و نصرت و سرور عظیم ایله قبولره قریب کلوب بعض
 اهل تفسیر حضرت علی رضی الله عنه دن نقل ایلدیلر که *
 یساقون الی ابواب الجنة فیمجدون عند بابها شجرة ینخرج
 من تحت ساقها عینان یعمدون الی احدیهم سافیتطهرون فخرت
 علیهم نضرة النعم فلی تغیر نضارتهم بعدها ابدانهم یعمدون
 الی الاخری فیشربون منها فاذهب ما فی بطونهم من اداء و قضاء
 و تلقتهم الملائكة علی ابواب الجنة یقولون سلام علیکم طیم
 فادخلوها خالدين انتهى یعنی انلر جنت قبولرینه سوق اولنوب
 قیودن طشره قریبده بر مفرح اغاجه مصادفه ایدرلر اول اغاجک
 ساقی التنده ابکی ارماق چبقار بر یسندن غسل و تطهر ایتدکده
 انلرده سرور نعمت و بهجت جنت و تازه لک و سیمای نورانی کمال
 اوزره حاصل اولور و باشندن ایاغه و ارنجه نوره غرق اولورلر
 بو حالت و بونضارت انلردن متغیر اولماز ایدا بعده برارمقدن

ایچرلر بطارنده تقدر فضلات و قلیلرنده اخلاق ذمیه و سائر
اغراض فاسده و ارایسه جمله سی زائله اولور و ملائکه انلره
قارشو کلوب سلام و یررلرتکم قرآن عظیم الشانده ذکر اولتور
* و سیق الذین اتقوا ربهم الی الجنة زمرا * یعنی کفردن اجتناب ایدن
اهل ایمان میدان حشرده مصلحتلری کور یلوب تمام
اولدقدنصکره فوج فوج کبسی قبل الحساب و کبسی بر مقدار
حساب اولدقدنصکره و کبسی چوق حساب اولدقدنصکره
هر کس حالنه مناسب بحسب مراتبهم مصلحتلری تمام اولدقدده
جانب جنته سوق اولنسلر کر کدر * حتی اذا جاؤها * تا که
جنته کلدکلری وقتده * و فتحت ابوابها * جنتک قبولری
انلر کزدن اول اچلسندر امام رمذی روایتده بر حدیث شریفده
شویله در که * باب امتی الذی یدخلون منه عرضه مسیره لراکب
ثلثا * یعنی امتک جنته کیردیکی قبولک عرضی اتلو کسه نک
اوج کونلک یولی اولور دیمکدر و سائر روایتلردخی واردلرتکم
آیت کریمه ده * مفتحة لهم الابواب * و اقعدر قبولری اچق
بولدقلرینک حکمتی بودر که تا کیم اهل سعادت قیوده انتظار
ایتمسلر انلره کمال اکرام ایچون قبول اول آچیلور و برخانه ده
ذوق و سرور اولسه قیوسی قیامت دارقطنی امام زهریدن نقل
ایندی و اول دخی عمر بن الخطاب رضی الله عنه دن رسول الله
صلی الله علیه وسلم بیوردی * ان الجنة حرمت علی الانبیاء کلهم
حتی ادخلها و حرمت علی الامم حتی تدخلها امتی * مالی بودر که
جبع بنی آدم دن اول علی الاطلاق رسول الله صلی الله علیه وسلم
داخل جنت اولور و امت محمدیه نک اول داخل اولانی اصحاب

کرام بغیر حساب اولان یتمش بیک اهل سعادت بعده علی مراتبهم
داخل اولورلر * و قال لهم خزنتها * جنت خازنلری اولان
ملائکه دیرلر بونلرک رئیس لرینه رضوان دینور * سلام علیکم
طبتم * یا اهل الجنة سلامت سمرک اوزر یکره در سر ذنوب دن
ظاهر و طیب اولدیکوز * فادخلوها خالدين * امدی جنات
عالیه ابدی و سرمدی باقی اولدیغکز حالده داخل اولیکز امدی
اهل جنت کندولره و عداوانسان نعمتلری و سعادتلری و باغ نعیم
و کلزار بستان قدسی و نازنین سرای عالی بنیان و سائر سلطنت
عظمی و دولت کبری بی مشاهده ایتدکلرنده صفای
قلب و ذوق و صالدن ناشی * و قالوا الحمد لله الذی صدقنا و وعده
* حمدوشنا اول الله عظیم الشان تبارک و تعالی به در که عالم
دنیا ده ایکن بزره کابلرو پیغمبرلر کوندروب ایمان و طاعت
اوزرینه بو مشلو نعیم مقیم و جنت کریم و عدا ایتدی ایدی اول
وعدی انجساز و امضا ایدوب * و اورشنا الارض * ارض
جنته بزی مالک قبلدی * تنبوت من الجنة حیث نشاء * جنتدن
مراد ایتدی بکمز مکان مسیرگاه و مرتفع قدس باغچه لرینه مسک
و عنبر و کافوردن صحرالده و یوجه باغله و مفرح ارمقلر
کارنده بنیاد اولنان کوشکلر و سائر سرایلره نزول ایده رزونه
قنق طرفه کتلو اولسه بر مانع بو قدر دیوب حمدوشنا ایدرلر
حق تبارک و تعالی بو نعمتلری کندوسی بالذات مدح ایدوب
بیوردیکه فتم اجرا عاملین * عالم دنیا ده ایمان خالص
و عمل صالح ایدن قوللریمک نائل اولدقلری اجر عظیم و جنت
مقیم نه کوزلدن زهی سعادت زهی دولت زهی سلطنت اوله که

رب العالمین و خلاق علیم الله عظیم الشان جل جلاله و عز
شانه و تبارک اسماءه اكانه كوزلدر ديه حقنده آیات بینات تنزیل
ایله بعض آیت **كريمه** ده شویله در كه * الحمد لله الذی اذهب
عنا الحزن ان ربنا الغفور شکور * یعنی اهل جنت ديه ار كه
حدوثنا شول الله تعالى به در كه بزدن حزنی و سائر غم و غصه بی
محو ایتدی و زم زم بمباغه ايله كاهلری باراغایچیدر و عمل قلیل
فانی مقابله سنده اجر كثیر باقی و یریحیدر * الذی احلنا
دارالمقامه من فضله * شویله مولای متعالدر كه ابدالابدين
اقامت اولتان جنت اوینه كندی فضلیله بزى ادخال ایتدی
* لا یمسنا فیها انصب و لا یمسنا فیها الغوب * جنته بزله تعب
و مشقت عارض اولماز و یورغونلق و فتور دخی عارض اولماز
* اللهم اجعلنا من الذین لا خوف علیهم و لا هم یحزنون الذین
هم فی جنات **مكرمون** * و بخطاب * ادخلوا الجنة اتم
واز واجکم تحبون * مخاطبون بحرمه من نحن به مهتدون وآله
وصحبه الذین نحن بهم مقتدون آمین یا معین یا مجیب الداعین
* فصل * معلوم اولسون كه مجرد دخول جنت انجق
حق تعالیك رحمتیه و فضلیله در عمل صالح رفعت درجه به
سبب اولور نكتم مسلم حدیث لرندن ابوهریره رضی الله عنه روایتیه
رسول الله صلی الله علیه و سلم پیور ديكه * لن یجى احدنا عمله
* یعنی سزدن بریکره عملی نجات و یرمز قال ولا یتكلم یارسول الله
بر صحابی سؤال ایدوب دیديكه یارسول الله سنك عملك دخی بویله
میدر * قال ولا یای الا ان یغمدنی الله برحمته * جوا بنده پیور ديكه
بنم علم دخی بویله در لکن حق تعالی و تبارك بنی كال رحمتیه

انعام ایلدی و سائر کمالات ايله اكرام و تفضیل ایلدی و نبوت خاتم
و رسالت شامله و ولایت **كامله** و سائر خصایص و خصال جبه
احسان ایلدی بونلر جنتك سبب مفضیلسیدر اهل ایمان داخل جنت
اولدیغی حق تعالیك رحمتیه و فضلیله در اما اعمال صالحه
درجات عالیاتك سیدریدر صحیح مسلمده حضرت جابر رضی الله
عنه روایتیه رسول كائنات صلی الله علیه و سلم شویله پیور ديكه
لا یدخل احدنا منكم عمله الجنة ولا یجیر من النار ولا انا الا برحمة الله
تعالی * یعنی ای مؤمنلر سزدن بریکزی عمل صالح جنته ادخال
ایمز وجهمندن نجات و یرمز بنم علم دخی بویله در دخول جنت
انجق الله تعالیك رحمتی سببیه اولور ایمان بوجنته سیدر
* ربنا آتانا من لدنك رحمة وهی لنا من امرنا رشدا * فصل *
دارالثواب بعض اهل تفسیر عندنده سكر در و بعض آخر عندنده
یدیدر حتی تحقق بیضاوی رحمة الله علیه حضرت سلطان
المفسرین عبد الله بن عباس رضی الله عنهما دن نقل ایدوب یدی
عدایلدی جنت عدن جنت فردوس جنة النعیم دارالخلد جنة
المأوی دارالسلام علیون شرح مشارقه ابن الملك **ذكر**
ایلدیر **كه** جنت عدن جله جنتك اشرفیدر شول شهر ایچند
پادشاه سرایی کبی و انك اطرافنی سكر دیوار احاطه ایتمشدر
و هرایکی دیوارك اراستده بر جنت وارد و وسیله درجه سی جنت
ایچنده در وجله درجاتك اعلا سیدر رسول الله صلی الله علیه
وسلم سرایی اولدر امام طبرانی روایتند جنت عدنه انبیا
و صدیقون و شهدا داخل اولورل غیرى كسه کبر مز بعده
اشرف جنات فردوسدر حضرت نجم الدین الغبطی رحمة الله

تعالی رساله سنده شویله بیوردیکه فردوس سائر جنتلر اوستیدر
بعده جنت الخلد بعده جنت النعیم بعده جنت المأوی بوکا
جبرائیل و میکائیل داخل اولورل امدی بوندن معلوم اولدیکه
بری بری اوستنده دکدر بلکه بری بری یاننده واقع اولوب جمله دن
اعلی جنت عدن و جمله نک وسطنده جنت فردوس بو ترتیب ایله
واقع اولمشدر شرح مشارقه ابن الملک روایت ایلدیر که
بر حدیث شریفده شویله در که از جنان فردوس اربع * یعنی
تحقیق فردوس دورتر متن مشارقه ابو موسی رضی الله عنه دن
بخاری و مسلم تخریجه اتفاق ایتدکلی حدیث شریفکه
* جنتان * یعنی ایکی جنت وارد که * من فضة آیتها وما
فیها النور ایچنده اولان بنار و صحن و ابریق و کاسه و برداقلی
وسائر نسه کشدن خلق اولمشدر * و جنتان من ذهب آیتها
وما فیها * و ایکی جنت دخی وارد که انلر دخی صحنلری
و کاسه لری و برداقلی و ابرقلی و مشربه لری و اولرینک بنالری
آکتوندن خلق اولمشدر ابن الملک بو جنتلری فردوسدر دیدی
شیخ نجم الدین الغیطی رحمه الله تعالی رساله سنده شویله
مذکوردر که جنت اها البسی اعتباریله اوج قسم اولور
بر قسمی شول بالغ اولمش اطفال ایچون خلق اولمشدر وصیت
اسلامی ایشتمش نظر صحیح ایله معرفت صحیح ایلر ایچوندن
بر قسمی میراندنر که کافرلر ایمان ایتسملر ایدی اکا داخل اولورل
ایدی لکن ایمان کنورمک حسیله اول جنت و درجه آنره
ویریلوب جمله اهل ایمانه تقسیم اولورل و بر قسمی جنت
الاعمالدر که هر بر مؤمن عملی قدر اکانائل اولور تقدیر فرض

و واجب

و واجب و سنت و نافله و سائر عمل و فعل خیرات و ترک محرمات
و ارایسه هر بری ایچون علی حده علی حده جنتلر و نعمتلر حاضر
اولمشدر مثلا بر مؤمن تهجد نمازی قیسه و بر مؤمن دخی قوشاق
نمازی قیسه تهجد قیلان آنک جنتی الور و قوشلق نمازی ایچون
اولان جنتی و نعمتی اله من کذلک شهید اولور مرتبه شهادتی
بولور غیر بسی ایدی بوله من و سائر لرینی بوکا قیاس ایله هر کس
عملی جنتندن جنت بولور ایتدیکی عَمَلْکَ جنتی بوله من * فصل *
معلوم اولسونکه جنت و انده اولان نسنلر عالم دنیا کی دکدر
مثلا عالم دنیا عالم حکمتدر و هر اموری تدر یجیدر اما عالم آخرت
عالم قدرتدر و اموری دفعیدر و عالم دنیا سفلیدر طاشدن و طبراقدن
عبارتدر و ایچنده کی نعمتلر دخی ترابی و هوایی و مائی و ناریدر
و دیاده صور تابدن ظهور و یغفور نزل ایدر و سود حیواندن
ظهور ایدر نباتدن حاصل اولور و عسل برضعیف حیواندن
ییدا اولور ماده سی نباتدنر و قس علی هذا اما عالم جنت حاشا
بویله دکدر انده اولان صومجور قدرت اکهیه ایله حاصل اولور
و اولمشدر و کذلک سود حیواندن حاصل اولوب مجرد
تکوین صمداتی ایله ایجاد اولمشدر و عسل دخی بویله در و جنتده
اولان اغاچلر و نباتات و چیچکلر دیاده کی کبی چکر دکدن
و تخمدن بیومش دکدر سائر اموری بوکا قیاس اولنه لکن ملاحظه
طائفه سی فهی کبی فهم اولنیه زیر احق بودر که مثلا جنتدن
برطاس سود کتوروب دیاده کی سودک یانسه کتوروب خلق
اکا نظر ایتسملر بوا یکسی سوددر دیرلر لکن دنیا سودی آنک
یاننده خلیف و خشین اولوب غایتده ادنی اولور امدی جنتک

طیراخی مسک از فردر رایحه سی آفاق جنتی طولدر مشدر
 و دیوار لرینک کر پی التون و کشدندر و چاقل طاشلری انجو
 و جواهر و یاقوتدندر و اغاچلرینک کوکی دالترینه و ارنجه خالص
 کشدندر و دالری التوندرو و پراقلری یشل ز برجدندر حق تعالینک
 فیهمامن کل فا کهه زوجان * آیت کریمه سنده شویله در که
 اغاچلرده ایکی در لومیه حاصل اولور و طساتلو اولور انده اجی
 نسنه اولماز حتی ابن عباس رضی الله عنهما دن مرویدر که تقدیر
 اجی و طساتلو اغاچلر و ارایسه جنتده موجود در لکن
 جمله سی طساتلور و بعضیلر دیدیلر که هر اغاچده میوه نک یاشی
 و قروسی بیله حاصل اولور تفسیر قرطیده مذکور دروینه انده ذکر
 اولندی حق تعالینک * ولن خاف مقام ربہ جنتان * آیت
 کریمه سنده یعنی حق تعالیدن خوف اوزره اولنلر ایچون
 آخرتده ایکی جنت وارد رابن عباس دن رضی الله عنهما رسول الله
 صلی الله علیه وسلم یوردیکه بوا یکی جنت یوک بستانلر در هر بریسی
 یوز یلاق یولدر و هر بر بستانک و سطنده نور دن بر سرای
 وارد و اول بستانلرده در لوفعتلر و یشیل نباتلر حاصل اولور
 دائمًا قراری تابندر و در لودر لومیش ویرر اغاچلر وار در
 ذواتا افنان * و اول ایکی جنتک اغاچلرینک دالری وارد
 هر بریسی یوجه و در لومیه سی اولور و دالری التنه عظیم
 کولکه اولور و یشیل چن و کونا کون چیچکلر و کلی
 صندبرک و سنبل و ریحان و غیریلر کی و دخی بوا یکی جنتدن
 ماعدا ایکی جنت دخی ذکر اولنور * و من دونهما جنتان
 آیت کریمه سنده و یولنر * عدها متان * یعنی یولنرک باغ

و بستانلری و کلزارلری و قدس باغچه لری شولقدن نازنین
 التوندن اغاچلر و یشیل زیرجد دن پراقلر و ساریشیل نور دن
 چیز ارایله مزیندر که نظر ایدنلره صافی یشیل کورینور * فصل
 جنتک ارمقلری دنیا رمنی کی چقوردن اقا ز براوزرندن اقا و اهل
 جنت نه طرفه اقمق مراد ایتسه اول طرفه اقا و اگر انلر ایلله
 کتمکی مراد ایتسه انلر ایلله اقا کبیدر و یوجه مفرح اغاچلر
 التنه و ارا سنده جریان ایدر کتاب جامع الصغیرده ذکر اولندی
 و امام ترمذی دخی تخریج ایلدی حدیث شریفده شویله در که
 ان فی الجنة بحر الماء و بحر العسل و بحر اللبن و بحر الخمر ثم
 تشقق الانهار بعد * یعنی جنت ایچنده دورت دریا وارد
 بریسی صودر یاسی و بریسی عسل دریاسی و بریسی سود دریاسی
 و بریسی خرد دریاسی بعده یولنردن ارمقلر بولنوب اهل جنتک
 درجه لری اطرافنه اقا امدی هر درجه نک یاننده بودورت
 ارمق حاصلدر امام مسلم حدیثندن بر حدیث شریفده شویله در که
 سبعان و حیجان و الفرات و الدجلة کل من انهار الجنة * یعنی
 بوا رملر جنتدن دنیا یه چقمشدر و جنتده ارمقلر ایچنده قزل
 یاقوتدن و یشیل زیرجددن افاق طاشلر وارد و طیراخی بیاض
 کافوردن و مسک از فردندر و ارمقلرک اطرافنی زعفران ایلله بنیاد
 اولنمشدر و دخی جنت ایچنده عیون وار در یعنی پکارلر که ذکر
 اولنور بری کافور در که قرآن کریمده ذکر اولنور * ان الابرار
 یشربون من کأس کان مزاجها کافورا * یعنی صالحلر کافور
 پکارندن مزج اولنمش طلسم نور کاسه لردن شربتلر ایچرلر
 عینا یشررب بها عباد الله عین کافوردن الله تعالینک مقرب قوللری

ایجر * یفجرونها تفجیرا عین کافوری محالرینه و کوشکریم
 و سار است کتری محالره اقدیرل و بری دخی سلسبیلدر نتکم
 قرآن عظیمه ذکر اولنور * عینا فیها تسمی سلسبیل
 عین سلسبیل معناسنده اختلاف اولندی قتاده رضی الله عنه
 شویله بیوردیکه استد کتری مکانره کتوررل دیمکدر و امام
 مجاهد رحمه الله تعالی عندنده سرعت ایله و لطافت ایله جریان
 ایتک معناسنه در و بعضیلر عندنده مطلق اسمدر و ابوالعالیه
 و مقاتل رحمه الله عند لرنده شویله در که عین سلسبیل جنت
 عندندن و عرش عظیم التندن ظهور ایدوب ایکی بلوک اولور
 بر بلوکی زقاقلرده و جاده طریقلرده جریان ایدر و بر بلوکی
 جله جنت اهلینک سرایلری ایچنده جریان ایدر و بریسی دخی
 تسنیدر نتکم قرآن عظیمه کلور * و مزاجه من تسنیم عینا
 یشررب بها المقربون * بو عین تسنیم عایتده یو کسکدن
 چاغلیوب اقد یغندن تسنیم تسمیه اولندی و بریسی دخی
 رحیقدر حق تعالینک * فیهما عینان تجریان * آیت
 شریفه سنده سلطان المفسرین ابن عباس رضی الله عنهما
 شویله بیوردیکه بو ایکی عین حق تعالی و تبارک طرفندن اهل
 جنته زیاده کرا متلایله جریان ایدر امام مکی شویله
 بیوردیکه انلرک اوافق طاشلری قزل یاقوتدن ویشیل
 زبرجدندر و طیراغی کافور دندر مسک ایله امتزاج ایلشدر
 و اطراف زعفران ایله بنیاد اولمشدر و اهل جنتک شرابی بودر
 لطافتده کافور طبعنده در و طعمی زنجبیلدر و رایحه طیبه سی
 مسکدر امام تعلی بیوردیکه مسکدن بریوک طاغدن چاغلیوب

افار و بو ایکی عینک اسمی تعیین ایتکده اهل تفسیر و رحمه الله
 تعالی نیچه روایت عدیده نقل ایتدیلر بعضیلر دیدیلر که بریسی
 عین تسنیدر و بریسی سلسبیلدر و بریسی وایتده بریسی ذلال
 صویدر اصلا جریاندن منقطع اولماز و بریسی خیر لذیذدن
 و حق تعالینک فیهما عینان نضا خنان * آیت کریمه سنده
 اهل تفسیر شویله بیوردیلر که بو ایکی عین فواره لدر که غایتده
 سرعتله ظهور ایدرلر حضرت ابن مسعود رضی الله عنه بیوردیکه
 انلر مسک و کافور شریلریدر و حضرت انس رضی الله عنه
 بیوردیکه اهل جنتک خانه لرینه بو ایکی عیندن مسک و عنبر
 جریان ایدر شادروان فواره سی کی و دخی معلوم اولسونکه
 حضرت رسول کائنات صلی الله علیه وسلم میدان حشرده
 حوض ککوثری اولدیغی کی کذلک جنت ایچنده دخی
 واردر علماء تفسیر و ائمه حدیث شویله تحقیق ایتدیلر که جنت
 ایچنده کی حوض کوثر اصلدر اندن طشدرده کی اولان حوض
 کوثره جریان ایدر امام ترمذی رحمه الله تعالی عبدالله بن عمر
 رضی الله عنهما دن تخریج ایلدیکه رسول کائنات صلی الله علیه
 وسلم بیوردی * الکوترنهر فی الجنة حافظه من ذهب و مجراه
 علی الدر و الباقوت تربته اطیب من المسک و ماؤه احلی من العسل
 و ابيض من الثلج * مالی بودر که کوثر بریوک ارمقدر جنت
 ایچنده طرفلری قزل التوتندن بنیاد اولمشدر صوی جریان
 ایتدیکی محل انجور و یاقوتندر طیراغی مسک و زیاده کوزل
 رایحه سی واردر صوی عسلدن طالتودر و قاردن بیاضدر
 اللهم اسقنا من حوض نیک کا سابعه کا س یارب العالمین

آمین بحرمه النبی القریشی الهاشمی الامین * فصل قرآن عظیمه
وتفسیر لده وحديث شریف لده بیان اولندیکه جنته یاقوتدن
وانجودن وز برجیدن و قزل التوندن اولوسرایلر و کوشکلر ایچنده
سندس واستبرق و دیبا جلردن مندر لر و دوشکلر و یصدقلر
واردر التوندن و لطیف شبشه کبی نوردن و خالص کشدن
قولیسر مشربه لر و برداقلر و ابر یقلر و کاسه لر واردر و صحن
وسائر طباقلر واردر کبسی التوندن و کبسی نوردن ایجاد اولمشدر
قرآن عظیمه ذکر اولنور * فیها سرر مرفوعة * یعنی جنت
ایچنده یوکسک سر بر لر و تختلر واردر تنکم ذکر اولنور * علی سرر
موضونه متکئین علیها متقابلین * آیت کریمه سنده اهل
تفسیر رحهم الله تعالی شویله بیان ایتدیلر که اهل جنت یاقوت
و جواهر و انجوز و برجدا یله مزین تختلر اوز رنده بر بر لرینه قارشو
مکالمه ایدر لر * و غارق مصفوفة * صف اولمش دوزلمش
یصدقلر واردر * و زر ابی مبثوثة * فاخر سندس واستبرق
و حریر قومشلردن مندر لر و دوشکلر و قالیجه لر واردر و بونلر
شمه دیکه حالده دوشمشدر و بر آیت کریمه ده * متکئین علی
فرش بطائشها من استبرق * واقعدر یعنی اهل جنت طبیانجیلردر
شولد و شکلر و مندر لر اوز رینه که انک اشاغی طرفلری قالدیجه
دیبا جلندر خبرده شویله در که * ظواهرها نوریتلاؤ * اول
دوشمه لک اوزری ضیا و برر نوردن مسلحدیت شریفلردن
بر حدیث شریفده شویله در که * ان المؤمنین فی الجنة لحیمة
یعنی جنت ایچنده مؤمنلر ایچون مقدار عالی و بشاسی لطیف
و بوجه کوشکلر واردر * من لؤلؤة واحدة مجوفة * مجوف

انجودن

انجودن ایجاد اولمشدر * طولها ستون میلا * اشاغیستندن
یوقارویه التمش مبلدر و بر روایتده * عرضها ثلثون میلا واقعدر
یعنی برجا بنندن برجانی اوتوز میل اوله و حق تعالی نک * وهم
فی الغرفات آمنون * آیت کریمه سنده اولان غرفه لر که
اکالسان ترکیده چارداق اوطه لری دینور انلر شول یوکسک
کوشکلردر که جهنم نما اولوب اندن اطراف مملکت تماشا
و مشاهده اولنور علماء محدثیندن ابن القیم رحمه الله تعالی شویله
بیور دیکه بو ذکر اولنان خیمه لر غرفه لک و کوشکلرک خیریدر
زیرا بو خیمه لر بستانلر و گلزارلر ایچنده ارمقلر کنارنه قرولور
عالم دنیاده پادشاهلر اوتاقلری و چادرلری کبی و بر حدیث
شریفده شویله در که * ان الرجل فی الجنة لیتکى سبعین مسندا
من قبل ان یتحول * یعنی کشی جنت ایچنده یمش طره بوز نلره
طیانور که هر بری درلوزینت ایله مزین کبسی یکپاره قزل
یاقوتدن اوز رینه یشیل زبرجد لر و انجولر و سائر جواهر ایله
زینت و یرلمش و کبسی قزل التوندن اوز رینه یاقوت و زمرد
و الماس و لعل ایله بزغش و کبسی یکپاره جواهردن و قزل التوندن
ذر نشان اولوب زمرد و مر جان و صاری یاقوت ایله اوز رینه
نقش اولمش امدی بو مثل لوطره بوز نلر ایله بنیاد اولنان کوشکلر ده
وصفه لده شلته لر و دوشکلر واردر که بر برندن یوکسکدر تنکم
حق تعالی نک * و فرش مرفوعة * آیت کریمه سنده
شویله تفسیر ایتدیلر که اول بر بری اوز رینه دوشمش اوله بعض
تفسیر لده ابوسعید الخدری رضی الله عنه روایتله مرویدر که
یو دوشکلرک ارتفاعی بشیسوز یلاق یول اوله حضرت علی

رضی الله عنه فرش مرفوعه بی نازنین کوشک و انجودن خیمه
ایچنده انجودن و یا قوتدن تختلر اوز رنده اوتور مشلر حور عین
ودنیا خاتونلری دیمکله تفسیر ایلدی و دخی * متکشین فیها
علی الاراک * آیت کریمه سنده اکثر مفسرین رحهم الله
تعالی ارانک سریرلر و تختلر دراطیف جهان نمالوصفه کر خیمه
ایچنده امام مجاهد رحمه الله تعالی انجودن و یا قوتدن ایجاد
اولمشدر دیدی و دخی * علی سرر موضونه * آیت کریمه
سنده ابن عباس رضی الله عنهما صف اولمش بویله سریرلر
و تختلر دیدی و امام ابو عبید انواع زینت ایله ایشلمش دیدی
و عکرمه دن شویله منقولدر که بو تختلر انجو و یا قوتدن بر برینه
درع خلقه سی کی داخل اولغله حاصل اولمشدر دیدی و بعضیلر
بونلرک ارتفاعی یوزار شوندر دیدی و دخی جنده برکونا منزللر
و مقاملر وارددر که انلره عبون تسمیه اولنور انلر یوجه صحرا زده
در یار کارنده مفرح بانجهلر ایچنده ارمقراطرافنده کوشکلر و خیمه
و فوقانی جهان نمار وارددر کتاب جامع الصغیرده مذکوردر که
* ان اهل الجنة لیتراؤن اهل الغرف کما تراؤن الکواکب فی السماء
یعنی سائر اهل جنت غایتده یوکسک چارداقلر و جهان نمار
صاحبلری شویله یوکسک کوردرلر که تنکم دنیاده آسمانده کی
یلدزلری یوکسک کوردرسکز * فصل * جله اهل جنتدن
دره جه سی کوچک اولان اون دنیا قدر منزله نائل اولسه کرکدر
* لک مثل الدنيا عشرة امثالها * روایتله ثابتدر و امام ترمذی
رحمه الله تخریج ایلدی ابو سعید الخدری رضی الله عنه دن
حضرت رسول کائنات صلی الله علیه وسلم بیوردیکه * ادنی

اهل الجنة الذی له ثمانون الف خادم * یعنی اهل جنتک ادناسی
وجه دن مرتبه سی اشاعی اولانک سکسان بیک خادمی وارددر
انلر غلماندر حق تعالی انلری اهل جنته خدمت ایچون براتمشدر
انسان دکلیله بشقه برنوع مخلوقدر نوردن خلق و ایجاد اولمش
چوانلر درو کافرلرک اولاد جقلری اهل جنته خدمتکار و پر یلوب
بر وایتده انلر غلماندن ماعدادر و قول حق بودر بعض
روایتلرده شویله در که بو غلمان هر بریسی در لوقفتانلر کینوب
قولقلرنده منکوش مجوهر کوبه لر اوله و باشلرنده یا قوتدن
وز برجد و الماس ایله مجوهر سور غوچلر اوله حق تبارک
و تعالینک * بطوف علیهم ولدان مخلدون اذا رأیهم حسبتهم
لؤلؤا منثورا * آیت کریمه سنده اهل تفسیر رحهم الله
تعالی شویله بیوردیکه بو غلمان هر بریسی بر خدمته تعیین اولنوب
کبسی کاسه لره شراب و کافور و کبسی زنجیل و کبسی عین
سلسیلدن نازنین نوردن مشرب به لر و قولسرن بر داقلر ایله
شربتلر کتوردرلر و کبسی نوردن صحنلر و طبقلر ایله کونا کونا غنیمت
ورمان میوه لری و نازنین قوش اتندن بشمش کبابلر و سایر نفیس
طعاملر کتوردر و خدمتلر ایله هر بریسی بر طرفه سعی ایتدیکی
ایچون حق تعالی انلری نظامندن طاعلمش و پریشان اولمش
انجولره تشبیه ایلدی * واثقان و سبعون زوجة * وجه دن
ادنی سی ایچون بشمش ایکی زوجده وارددر ابو هریره رضی الله
عنه روایتله رسول الله صلی الله علیه وسلم بیوردیکه مافی الجنة
احدا لاله زوجان انه لیری من ساقها من وراء سبعین حلة مافیها
عزب * یعنی جنده هر کسک دنیا خاتونلردن ایکی خاتونی وارددر

شویله لطافتده و کالده در که اوز لر زنده یتش قات حله قفتانلری
 وار ایکن حسن و جالی زوجنه هر وجهله آشکاره اولوب
 حتی ساقی ایچنده کی ایلکی کورنمک مرتبه سنده لطافتده اولور
 ودخی جتده تزوج ایتمش بیکار کسه یوقدر امدی علی وجه
 العموم ایکی دنیا خاتونی یتش حور عین جاریه سی و بریلور
 لکن بواقیلدر اکثر مرتبه سنه حد یوقدر زیر اکبسی وارد که
 یوز حور عین الور و کبسی بشیوز و کبسی دخی زیاده الور علمده
 و علمده نه مرتبه به واردی ایسه اکا کوره درجه به و ثوابه نائل
 اولور ودخی بوملاو حدیث شریفلر دلالت ایدر که کوچک
 ایکن آخرته کیدن قزلر وار ککلر تزوج ایدر لر زیر جتده تزوج
 ایتمش کسه یوقدر دیو حدیث شریفلرده علی وجه العموم
 ذکر اولمشدر شیخ نجم الدین الغبطی رساله سنده بویله جه
 پیمان ایلدی اما شول عورتکه دنیا ده براق کسده زوجده اولسه
 آخرته کینه وارر اختلاف اولندی بعضیلر دیدیلر که صکره
 کینه وارر و بعضیلر عنده عورت مخیره در مراد ایتدیکی
 زوجنه وارر و بعضیلر عنده اخلاق حیده و معاشرت حسنه
 صاحبنه وارر و غیره اقوال دخی وارد * وینصب له قبه
 من لؤلؤة و یاقوت و زبرجد * واول مؤمن ایچون برانجودن
 یوقزل یاقوتدن ویشیل زبرجد دن قبه لر و کوشکلر بنیاد
 اولنور که کابین الجایه و صنعا انک اوزنلغی و وسعتی بلیده
 جایه ایله بلده صنعا ارا سنجه اوله که جایه شامده در و صنعا
 یمنده در * وعلیهم النیمان * باشلرنده تاجلر وار در * وان کل
 لؤلؤة لتضی * اول تاجک هر برانجوسی بلندلر ککی ضیا

ویرای عاقل اهل جنتک ادناسی بویله اولنجه کبار سعاد که
 صالحلر و شهیدلر و صدیقلر و پیغمبرلر مرتبه لری اصلا لسانله
 تعیر اولماز و عقل ایله ادراک اولماز بر حدیث شریفده شویله
 در که * اعددت لعبادی الصالحین مالا عین رأی ولا اذن
 سمعت ولا خطر علی قلب بشر * یعنی حق تعالی بیورر که
 صالح قوللرم ایچون شویله نعمتلر و لذتلر و سعادتلر حاضر
 ایلد مکه انی اصلا برکوز کورمدی و بر قولاق ایشتمدی و بر انسانک
 قلبنه خطور ایتدی ودخی اهل جنت لباسلری اوج نوعدر
 بریسی سندس قالنجه دیبا جدر و بریسی استبرق انجه دیبا جدر
 و بریسی حریر در جلله الوانک اشرفی یشل رنگ اولدیغیچون
 یشلر کینورلر و سائر در لودر لور نکلو لباسلر دخی وارد
 و جتده رجال و نسوان کشدن و التوندن و انجودن بلاز کلر
 و یوز کلر و سائر خلخال ککی زینتلر ایله مزین اولورلر
 کتاب جامع الصغیرده مذکور اولان احادیث شریفه دندر که
 طوبی شجرة فی الجنة لا یعلم طولها الا الله فیسیر راکب تحت
 غصن من اغصانها سبعین حریفا و ورقها الحلل یقع علیها الطیر
 کما مثال البخت * داللری اوزرینه دوه ارکبی بیوک قوشلر
 قوز طوبی جتده بر اولو اغا جدر که اوزنلغی انجق الله تعالی
 یلور داللرندن بردالی تحنده آتلو کسه یتش ییل یورر وانک
 یراقلری حله لر در و تنبت بالخلی و الحلل وان اغصانها لزی
 من وراء سور الجنة * طوبی اغا جندن درلوز یشلر و قفتانلر
 حاصل اولور وانک داللری جنت دیوارنک طشره سندن
 کورینور و بر روایتده * ثیاب اهل الجنة تخرج من الکامها

وارد اولمشدر یعنی اهل جنتك قفتانلری طوبی دن حاصل
اولور چیچكلر غنچه لرندن اچلدیغی کی و بعضی اهل العلم شویله
تحقیق ایلدیلر که جنت عندند رسول الله صلی الله علیه وسلم
وسیله سراینده در طوبی نك کوکی و داللری سائر اهل جنتك
سرایلرینه و جهان نمالرینه واصل اولمشدر نقدر چیچكلر و لطیف
رنكلو نقشلر و میوه لر و ارایسه انده موجود در سیاه لون ایله آبی
میوه دن غیری و انك التند ایکی اولوپكار جریان ایدر بریسی
کا فور شرابی و بریسی عین سلسیلدر و دخی تفسیر تعلیمده
ابوهریره رضی الله عنه دن منقولدر که جنتده شویله اغاچلر واردر که
کوکلری التوندن و میوه سی انجو و زبرجد در حق جل و علا
بر لطیف روزگار اسدیروب داللری و پیراقلری بری برینه ضرب
ایتد کده شویله لطیف نغمه ایله صوت حاصل اولور که اصلا
نظیری ایشیدلمش اوله حق تعالی نك * فاما الذین امنوا و عملوا
الصالحات فهم فی روضة یحسرون * آیت **کرمه** سنده
بعضی اهل تفسیر ای یتلذذون دیمکله تفسیر ایتدیلر یعنی شول
قوللر که مؤمن اولوب عمل صالح ایدلر آلر آخرتده جنت
باغچه لرندن صوت حسن و خوش نغمه لر استماعیله تلذذایدلر امام
یحیی بن کثیر و اوزاعی و غیریلر بویله تفسیر ایدوب دیدیلر که
اهل جنت خوش نغمه و صوت حسن استماعی طلب ایتدکده
قوشلر و اغاچلر کونا کونا فریاد و صدا و یروب تسبیح و تقدیس
و تهلیل و تکبیر ایدلر استماعنده لذت عظیمه و شوق حاصل
اولور امام اوزاعی شویله دیدیکه حضرت اسرافیل علیه السلام
جمله خلقدن زیاده صوتی کوزلدر فغان تسبیحه شروع ایتدکده

یدی فات کوکلك ملائکه سی تسبیحلرندن سکوت ایدوب اتی
استماع ایدرلر و دخی حور عین صوت حسن ایله تغنی ایدوب
زوجلری حضورنده ذوق استماع ایدرلر معلوم اولسونکه حور
هورانك جعبدر شول عورتکه انك لونك کش کی صافی بیاض اوله
اكا امرأة حوراء دینور و عین عینانك جعبدر شول عورتکه
انك کوزی بویك و قره سی زیاده قره و بیاضی زیاده بیاض اوله
اكا امرأة عیناء دینور کذلک جنت خاتونلرینك لونی بیاض
و کوزلری بویك و لطیف اولدیغیچون حور عین تسمیه اولندی
حق جل و علا انلری وصف ایدوب قاصرات الطرف اتراب
یورمشدر یعنی نظرلری کنیدی زوجلرینه قصر ایدوب غیری به
نظر و محبت ایتمزلر همان زوجلرینه عشق ایتمشدر و سنلری
برابر اوتوز اوج یاخود یکر می یاخود اون الی یا شنده اوله لر
و کواعب اترابا آیت کریمه سنك معناسی یعنی تورنج ممه لی
جمله سی براقران حور عین قزلری نه زمان زوجی جماع اینسه
قره بولورنکم * فجعلناهن ابكارا * یعنی بزحور عینی بکرلر
خلق ایلدك دیمکدر حدیث شریفلرده شویله در که **يعطى قوة مائة**
رجل * یعنی اهل جنته اكلده و شربده و جماعده یوز كسه نك
قوتی حاصل اولور و الخاصل غایبده تازه و حسن و لطیف ایله
زوجلرینه معامله ایدرلر حتی ابن زید رحمه الله تعالی شویله
یور دیکه حور عین هر زمان زوجلرینه عرض محبت ایدوب
دیرلر که رب العزتہ یمین ایدلر امله جنتده سنندن احسن كسه
کور مدم الحمد لله که سنی بکا و بنی سکا نصیب ایتدی دیرلر
و قرآن **کرمه** * حور مقصورات فی الخيام * ذکر اوانور

یعنی اهل جنت ایچون حور عین حاضر اولمشدر انلرخیمه لر
ایچنده و سرایلرده حبس اولنوب طشره چقمزلر امدی جنتده خاتونلر
ایچون زقاعه وغیری برلره چقمق بوقدر * فصل * حق تعالی
قرآن عظیمده بیورر * وز عنامانی صدور هم من غل * یعنی
اهل جنتك قبلرندن غل وغشی وسائر اخلاق ذمیه بی نزاع
وازاله ایده رزجاله قرنداشلر کی برلرینه سوکلو و برلرینک
دیدارینه وملاقاتنه مشتاق اولور لر تنکم حدیث شریفلرده
ذکر اولنور * لا اختلاف بینهم ولا تباعض * اهل جنتك اراسنده
اختلاف و بغض و عداوت و کبر اولماز * یسبحون الله
بکرة وعشیا * هر زمان حق تعالی به خوب صوت ایله تسبیح او قورلر
و برروایتده یلهمون التسبیح والتحمید کما یلهمون النفس یعنی انلره
تسبیح و تحمید الهام اولنور تنفس ایتمکله الهام اولندقلری کی
یعنی مشقت و تکلیف دکادر بلکه لذت و ذوق ایچون ذکر و تسبیح
ایدرلر قرآن عظیمده ذکر اولنور * لا یسمعون فیها لغوا ولا کذابا * یعنی
اهل جنت لغو سوزایشلر لر بر ائده لغو بوقدر و برلرینی تکذیب
ایتمزلر بر ائده کذب بوقدر جله سی صادقلر در و بر آیت کریمه ده
* لا یسمعون فیها لغوا الا قیلا سلاما سلاما * ذکر اولمشدر
یعنی جنتده لغو ایتمزلر لکن بر برینه سلام و یروب لطفله کلام
سویلرلر یا خود ملائکه انلره کلوب سلام و برلر تنکم بر آیت کریمه ده
* والملائکه یدخلون علیهم من کل باب سلام علیکم بما صبرتم فنعیم
عقبی الدار * ذکر اولنور یعنی ملائکه اهل جنته هر برقبودن
کیروب حق تعالی نیک سلامی سزك اوزر یکزه در عالم دنیا ده
طاعات اوزرینه دوام و نگاهدن اجتناب ایتدی ککر سیبیله نه کوزل

سرایلر یکنز

سرایلر یکنز واردر وابدی بوند * قالور سزد برار تفسیر تفسیرده
وغیر یلرده شویله در که جنت سرایلر ینک یتش قیوسی واردر
هر برنده قیوچی ملائکه سی واردر پس حق تعالی طرفندن
ملائکه لر کلوب هر مؤمنه هدیه و مکتوب و سلام ~~ک~~ نور و
بوقیو جیلردن اذن آکوب سرای صاحبك حضورینه آدابله
کلوب رب العالمین جل شانہ سندن راضیدر و سکا سلام
و شو هدیه ایله بو مکتوبی ارسال ایلدی دیو مکتوب ایچنده
شویله مذکور : که * من الحی الذی لایموت الی الحی الذی
لایموت * یعنی بو مکتوب حی لایموت اولان الله تعالی بدن
حی لایموت اولان مؤمنه ارسال اولمشدر ای بنم قولم مشاهده مه
وضیافته دعوت ایده رم دیو کتب اولمشدر اللهم یسر لنا
هذه الذیة الباقیة ضرب مثال مثلاً قافله ده رحلت اثنای طریقده
کیچه کیدر کن بر سهل وادی به وارسه لر ائده بیوک و کوچک
براق طناشله راست کلسه لر بوقافله ده بعضی دیسه لر که
اولور دن مسعودر که بو مثالو طناشله منافع عظیمه و فوائد
جسمیه واردر و خواص لطیفه سی اولوب اهلی قنده غایتده
مقبول و مرغوب و قیمتلوردر پس بوندن المق لازمدر دیوب
کندیسی آلوب وغیر یلره ترغیب ایدوب مزبور قافله خلقی ایکی فرقه
اولوب بر فرقه سی دوشروب مشقته کتور دکده و بر فرقه سی
مشقندن اجتناب زعمیله المیوب انلری سخریه ایله طعن ایدوب
دیسه لر که بونه جهالت و حماقتدر که بونک کی صعب وادیده
وز جملو طریقده را حلق و خفت ایله کید لمکده تعب و ارایکن
بو مثالو نفی مجرد قوری استماعله مظنون طناشلی جل ایدوب

حمار مثالی کتورب زحمت چکر ل دید کلرنده انلر دخی جواب
 و یروب آدم اولدر صکه عاقبتی ذوق و سعادت اولان اموره
 مردانه دیر یلوب غایتی رحمت اوله انسانمی دیر سئ اکا که
 نفسی راحتکین اختیار ایدوب انجا منده منافعدن محروم قاله
 بوا یکی فرقه بویه محاوره ایده رک خیلی منزل قطع ایتد کندن
 صکره صباح اولوب کونش جمله جهاتی روشن ایتد کده
 کورسه ل که معهود کتور دکلری طاشلرک هر بریسی بر جواهر
 علیه و یواقیت غایبه و در یم و نازنین ز بر جدایمشکه ادنی سنک
 ادنی بهاسی بیک التون ایش پس انلر نیچون زیاده المدق دیو
 ندامت چکسه ل کر کدر اما شونلر که هیچ المدیلر بطا لتلرین
 راحتک اکلیوب زعم فاسدلرینه تابع اولوب انلری حاقته نسبت
 ایشلرایدی آتش ندامت و احزان ملامت و حرمان سعادتدن
 نه و جهله احراق ایده چکر بعده اول جواهرلر ايله صاحبلی
 نازنین مملکتلر و بوجه سرایلر صا تون الوب و نیجه حسنا
 جاریه لر و ممتاز غلمان و اتباعه مالک اولوب انواع متاعلر
 و مزین لباسلر و نفیس اطعمه و اشربه ايله تلذذ و تمتع ایدوب
 اول جواهرلری المیائلر ذلیل قالوب و محتاج خلق اولدقده نه
 مرتبه آتش حسرت انلری احراق ایده چکدر آتش حرمان
 آخرت یوندن اشد اوله جقدر نعوذ بالله تعالی * شرح مثل
 بو تمثیلک بیانی بودر که کیجه ده قافله تک اوغرا دقلری وادی
 دنیادر که جمله خلق اکا قافله قافله اوغرایوب عزیم دیار آخرت
 ایدر ل و اول جواهر عالییه و یواقیت غایبه علوم نافع و طاعات
 و عباداتک مثالیدر که حضرت رسالتیناه صلی الله علیه

وسلادن

وسلادن قالمشدر و کونش طوغدینگی وقت حالت موتدر که
 احوال مستوره انده عیان اوله جقدر نیکم دینلشدر * الناس
 کلهم ینامون اذ ماتوا و انتبهوا * یعنی دنیاده خلق نوم غفلتده در
 اولوم وقتنده او یانورلر اعماللرین و احواللرین کورر لر دیمکدر
 و اول طاشلری النرمو منلر در که انیسادن و علملادن استماع
 ایدوب مشقت ارتکاب ایدوب المیشلرایدی و اول جواهر دن
 المیائلر کافرلر و ملاحد طائفه سیدر و اول جواهر ايله الدقلری
 مملکتلر و سرایلر ملک جنندر و درجات سعادتدر که اعمال
 مقابله سنده اهل ایمانه و یریلور انک ایچوندر که عرصه عرصاتده
 منافقلمو منلرک عبادات نوریه قیامت ظلماتنده بر مقدار اردلر نیجه
 کیدوب مؤمنلر اراقلشدقده کند واره نفاق و معصیتلری
 ظلماتنده قالدقلری عیان اولیچق چاغره لر که یامو منلر لطف
 ایدوب بزه بر توجه ایدیکر تا که سزک نور یکر ايله یسه جه
 کیده لم جواب و یرر لر که وارک دنیایه دونک انده نور طلب
 ایدیکر که زیر ایز بوتوری دنیاده که ایتدیکیمز عبادتله بولدق
 مؤمنلر جنته کیرد کدنصکره کافرلر جهنمدن ندا ایدر لر که
 اقبضوا علینا من الماء او ماریز قکم الله * یعنی یامو منلر بزه احسان
 ایدیکر صودن دخی الله تعالی سیره و یردیکر رزق دن مؤمنلر
 جواب و یروب دیه لر که * ان الله حرمهما علی الکافرین * یعنی
 یا کافرلر مراد ایتدیکر صو و رزق حق تعالی کافرلر
 حرام ایشدر سر انلر دن محروملر سر پس حالت محرومیت
 کافرلر قلبلرینه بالکلیه تأثیر ایده چکدر و نه کبفت ايله
 آتش ندامت احراق و بحر حسرت اغراق ایتیه که مؤمنلر

ویریلان انواع عزت واصناف سعادت و کونا کون نعمتی
مشاهده ایده لر که جنته آخر کیره نك ادنی نعمته بتون دنیا نك
اولندن آخرینه نك اولان نعمتلی مقابل اولیه زیرا جنت
اهلندن ادنی مؤمنه ویریلان نصیب اون بودنی قدر اوله
رزقنا الله ملکاً عظیماً ابدیاً انه هو الجواد الکریم * فصل * امام
ترمذی رحمه الله تعالی تخریج ایلدی عبادۃ بن صامت رضی الله
عنه دن رسول کائنات صلی الله علیه وسلم شویله پیوردیکه
ان فی الجنة مائة درجة ما بین کل درجتین کما بین السماء والارض
یعنی تحقیق جنتده یوز درجه واردر وهر ایکی درجه اراسی
برایله کولک اراسی قدر اوله کده بشیوز بیللق بولدر وافر دوس
اعلی الجنة * فردوس جنتلرک یوجه سبدر ومنه نبعث انهار الجنة
الاربعة * جنتلرک دورت ارمقلری فردوسدن جریان ایدر
ومن فوقه یكون العرش * وعرش اعلا فردوسک اوزرنده در
فاذا سألتهم الله فاسئلوه الفردوس فچان حق تبارک وتعالیدن
جنت استمد کده فردوسی طلب ایدیکز بعض اهل تفسیر
رحم الله علیهم پیورمشلردر که عالم درجه سی شهید درجه سندن
بدرجه اعلا درو شهید عابدن بدرجه اعلا درودخی ابن ماجه
روایت ایلدی ابوسعید الخدری رضی الله عنه دن رسول الله
صلی الله علیه وسلم پیوردیکه * یقال لصاحب القرآن
اذا دخل الجنة اقرأ واصعد فیصعد بكل آیه درجة حتی یقرأ
آخر آیه معه * یعنی دنیاده قرآن عظیم الشان صاحتی اولوب
تجوید اوزره تلاوت ایدنلر آخرتده جنته کیرد کده کادینور که قرآن
کریمی اوقو ودرجه لره صعود ایت هر برایقی اوقو ودرجه بدرجه به

واصل

واصل اولور تا کده معلومی اولان آیتلرک اخرنی اوقو ودرجه به نك
رفت بولمقدن خالی اولماز و برر وایتده شویله دینور که سنک
منزلک جمله دنصکره اوقو ودرجه آیت کریمه عندنده در
امدی بعضیلر دیمشلر که درجات جنتک عددی قرآن کریم
آیاتک عددنجه در اهل قرآن درجه سی جمله دن یوجه در کتاب
جامع الصغیر ده مذکور در ابو سعید الخدری رضی الله عنه
روایتله که رسول کائنات صلی الله علیه وسلم پیورمشدر
ان اهل الدرجات العلی لیراهم من هو اسفل منهم * تحقیق درجات
عالیات صاحبیرینی انلردن اشاغی اولنلر شویله یوکسکده
کوردر که * کاترون الکوکب الطالع فی افق السماء * سزل
عالم دنیاده افق سماده طلوع ایتش یلدزی کوردیککز کبی
وان ابابکر وعمر منهم وانهما من افضلهم * و تحقیق ابو بکرایله
عمر حضرتلری رضی الله عنهما درجات عالیات اصحاب سندن
وانلرک افضللرندندرامدی درجات عالیات اصحابی شول کسه لر در که
مسلمه سلام ویرلر و فقیره صدقه و طعام ویرلر و کجه ایچنده
خلق او یقوده ایکن نماز قیلارلر و دخی یابان جماعت ایله نماز قلمغه
کیدرلر و ایدستی کمال اوزره الورلر مساجد ده نماز
قلدقدن صکره بنه نمازه انتظار ایدرلر نیکم حدیث شریفلرده
مذکور در و دخی اهل جنت یوزیکرمی صف اولور سکسان
صف امت محمدیه در و قرق صف ماعدا امتلردن اوله نیکم
بهر بن حکیم روایتده کلدیکه * اهل الجنة عشرون ومائة
صف اتم منها ثمانون صفاً * یعنی اهل جنت یوزیکرمی
صف اولور و سزل اول صفلردن سکسان صف اولور سزل

و دخی معلوم اولسونکه جنتده رفعت درجه ایچون شفاعت
وارد در الله سبحانه و تعالی پیور دی اعوذ بالله * والذین امنوا
شونلر که مؤمن اولدیلر * واتبعتهم ذریعتهم بایمان * وانلره
اولاد لری ایمانله تابع اولدی یعنی انلرمؤمن اولدقلری کبی
اولاد لری دخی مؤمن اوله * الحقنا بهم ذریعتهم * انلره اولاد لری
الحاق ایده رزیعی درجه لری برابر اولور * وما التناهم من عملهم
من شیء * وانلرک عمللرندن برسنه نقصان ایتموز همان
فضل الهی ایله اولاد لرینسک درجه لری انلره واصله اولور
حضرت ابن عباس رضى الله عنهما دن مرویدر که * اذا دخل
اهل الجنة الجنة یسأل عن ابویه و زوجته و ولده * یعنی مؤمن
جنتده داخل اولدقده اتاسندن و بابا سندن و زوجه سندن
و اولادندن سوال ایدوب انلرک مرتبه سی قنده دردیور * فیقال
انهم لم یدرکوا ما ادرکت * جواب ویریلور که سنک بالغ
اولدیغک مرتبه یه انلر بالغ اولدیلر * فیقول لقد عملت لی
ولهم * شویله دیه که بن کندم ایچون وانلر ایچون عمل ایتدم
انلره شفاعت ایده رم دیه فیؤمر بالحقهم پس حق تعالی طرفندن
امرکله که استدیکی اقرباسی انک درجه سنه برابر اولسون لکن
انک درجه سندن برسنه نقصان اولوب همان الله تعالیکن
فضلیله الحاق اولنور اهل تفسیر رحیم الله پیور مشلر در که
بیوک و کوچک اولاد بابا لینه و اتا لینه و بابا لری دخی اولاد لری نه
برابر اولوب درجه لری مساوی اوورتا که بربر لری نه ملاقات
ایده ایدوب سرور دائم حاصل اولور و دخی عبون تفاسیرده
مذکور در که ولد کیر مسلم صالح باباسنه ملحق اولور اگر عملی

باباسنک

باباسنک عملی قدر یوق ایسه ده باباسنه اکرام ایچون الله تعالیکن
فضلیله ملحق اولور امدی بوندن معلوم اولور که صالحلرک اولادی
صالح اولیانلرک اولادندن افضل و درجه سی اعلا در خصوصاً
علماء عاملون و صدیقون و شهدا اولادی اولنور و دخی سادات
کرام اولنور تقدیر مرتبه لره نائل اولسه لکر کدر و دخی انبیاء
عظام و علماء کرام علیهم الصلوٰة والسلام اهل جنته رفعت
درجه ایچون شفاعت اینسه لکر کدر اللهم اکرمنا بفضلک
وارزقنا بشفاعتک آمین * فصل * معلوم اوله که حق تعالیکن
امر یله اولوم قیون شکنه کیروب جنت ایله جهنم اراسنده یوکسک
مکانه قنوب ندا اولنه که یا اهل جنت و یا اهل جهنم ییلور مسرور
بونیه در وانلردیه لکر که ییلور ز اولومدر بعده اتی بوغز لیه لروندا
اولنه که یا اهل جنت ذوق سعادتده ابدی قالدکوز و یا اهل
جهنم عذاب ایچنده غم و غصه ده سر لری دخی ابدی قالدکوز
پس اهل جنت کمال سرور و تمام ذوق و راحت بوله لره و اهل
جهنم کمال غم و غصه و ابدی عذابده اولوب و فریاد ایدوب
اغلشه لکر کوز لرندن صودن و قانندن در یار حاصل اولوب کبیر
چریان ایتسک ممکن اوله نیکم یحیی بن معاذ رحیم الله تعالی
شویله پیور دیکه ایکی مصیبتدن قنقیسنه تحمل اولنور جنتدن
محروم اولق بر مصیبت و جهنمده معذب اولق بر مصیبت عظیمه
فوت نعمته تحمل اولنور و نار بحیمه طاقت کلر نعوذ بالله من کل
مصیبة پس بهر حال معذب اولق نعمتدن محروم اولمقدن
اشد در اگر کافر لکر عذابی نهایت بولیدی انلره غم اولماز دی
و مسرور اولور لری ایدی و اگر ذوق جنت منقطع اولیدی اهل

جنت محزون اولوب جنت انلره زندان و ظلمات اولور ایدی
ربنا اصرف عنا عذاب جهنم ان عذابها کان غراما انها
ساعت مستقرا ومقاما * و دخی امام بخاری و امام مسلم
رحمهما الله تعالى تخرج ایندیلا رابی سعید رضی الله عنه دن
رسول الله صلی الله علیه وسلم بیوردیکه * ان الله تعالى يقول
لاهل الجنة يا اهل الجنة يقولون لبيك ربنا وسعديك والخير
في يدك * يعني الله تبارك وتعالى اهل جنته ديه که یا اهل
جنت وانلردیه لر که لبيك وسعديك يا ربنا جميع خير
سنتك قدر نكده منحصر در * فيقول هل رضيت * حق تعالى
بیوره که سر بنیدن راضیمس * فيقولون مالنا لا نرضى
وقد اعطينا ما لم تعط احدا من خلقك * وانلردیه لر که نیجه
راضی اولیسا لمکه مخلوقاتدن برکسه یه اعطا ایتدو کلک جنت
وسعادتی و بی حساب نعمتلی و بلا نهیایه ذوق و لذاتی بزه اعطا
ایتدک * فيقول الا اعطيكم افضل من ذلك * وحق تعالى
بیوره که بو عطیه لر که جله سندن افضلنی سرزه اعطا ایده یممی
فيقولون يا رب اي شيء افضل من ذلك * وانلردیه لر که یارب
بوندن افضل نه شی واردر * فيقول احل عليكم رضواني
ولا اسخط عليكم بعده ابدا * یعنی حق تعالى بیوره که
بن رضای سرزه حلال و تنزیل ایتدم شمدن کیروسرزه اصلا
ابدا غضب ایتدم علی الدوام رضامده سر و دخی کونا کون ذوق
وسعادت ايله * وفيها ما تشتهي الا نفس وتلد الاعين
مصداقته جانلری استدلکری نعمتلی و کوزلری کوردیکه
لذت و سرور حاصل اوله حق حور عین و غلمان نازنین

و بوجه

و بوجه سرایلر و نورانی صحرالر و کونا کون مقدس باغچه لر
و باغلر و کوزلر کورممش و قولاقلا استماع ایتمش و برکمه نک
خاطرینه کلمش نعمتله وسعا دتله نائل اولوب هر کس مرتبه سنی
بولدقد نصکره حضرت ابن عباس رضی الله عنهما نک تقریرینه کوره
حق سبحانه و تعالی حضرت جبرائیل علیه السلامه حظیره
القدس که ضیافتخانه درانی کتورمه سبله امر ایدوب قوللریمه
ضیافت ایتسم کر کدر دیه اولدخی جله جنتک اطرافنی و گوشه لرنی
طوان ایدوب بولیه بعده رب العزتک حضور معنویه سنده سجده
ایدوب یارب سکر جنتلری طواف ایتدم بولدم دید کده رب العز
سبحانه و تعالی بیوره که یا جبرائیل جنته اخلد ایچنده بولور سک
بعده اکاداخل اولوب اطرافنی سیر ایدر کن بر جنت پیدا
اوله که اتی جبرائیل هیچ کورممش اوله قیوسنده بر عظیم هیئتلو
ملك قائم اولمش جبرائیل اکا سلام و یروب اولدخی آلدقده دیه که
من کسک اولدخی دیه بن جبرائیل اولدخی دیه که سبحان الله
یواسمی عمرمه ایشتم قندن کلور سک دیه جبرائیل علیه السلام
دیه که جتدن کلورم اولدخی دیه که بوندن غیری جنت وارمیدر
جبرائیل علیه السلام دیه که بو محللرده حظیره القدس وارمیدر
اولدخی دیه که اشته منظر کده در پس جبرائیل علیه السلام منظر
ایتد کده انده شولقدر گوشکلر وار که عددی بی حساب اوله
اول ملک دیه که بونی نیدر سک جبرائیل دیه که آکوب حق تعالینک
حضور معنویه سنه کتورسم کر کدر اولدخی دیه که نیجه
کتوره بلور سک اولدخی دیه بقدره الله کتورم اولدخی دیه که
بوصورته کتورمک اولور پس جبرائیل حظیره القدسی جل

ایدوب ایچنده بی حساب مملکتلر و سرائلر و انهار و اشجار
و اثمار ایله الوب مکان مأموره کتورر پس بامر الله تعالی جبرائیل
لرمرتفع مکانه چیقوب صوت اعلی ایله اولاندا ایده که یا محمد سن
وسائر انبیا و مرسلین رب العالمینک ضیافته کله سر دیه پس
حضرت حبیب الله و سائر انبیا و مرسلین صلوات الله و سلامه
علیه و علیهم اجمعین براقله بنوب بونجه ملائکه و غلمان ایله
بعده جبرائیل علیه السلام برکته دخی ندا ایدوب * یا اهل الجنان
هلموا الی ضیافة رب العالمین جیبعکم * یعنی یا اهل جنت جله کن
رب العالمینک ضیافته کلو کز دیدکده بعید و قریب جله
اشیدوب مملکتلرندن و خانه لردن و جهانتلارندن اینوب براقله
بنوب بونجه ملائکه و غلمان ایله جله سی برصف اولوب فغان
اغاچلره راست کلسه لراغاچلر مکابلرندن قالقوب صفلرینه خلل
کلز اولاکشدن بی حساب کوشکلره مرور ایتدکده یلدرم کی
کیدرلر ثانیاقزل التوندن بنیاد اولمش کوشکلره و یوجه سرائلره
راست کلوبانی دخی یلدرم کی بکه لرتالسا یاقوتدن مملکتلره
و سرائلره راست کلوبانی دخی یلدرم کی کچه لرابعامسک
ازفردن و بیاض کافوردن صحرالوطاغلر و دریار و باغ نعیم
و سائر مسیره دن مرور و عبور ایدوب و انجودن خلق اولمش
مملکتلر و خانه لری و یوجه جهانتلار مرور ایدوب بکشدکده
حظیره القدسک نوری کورینه که مابینی اون بیک یلق یول قاله
پس بومنوال اوزره سیر ایده رک حظیره القدسه داخل و نازل
اولوب حق سبحانه و تعالینک انلره حاضر ایتدیکی کرامتله
و سعادتله نظر ایده لرنوردن و التوندن و کشدن کوشکلره

چیقوب

چیقوب مفرح و مزین سرائلر اوزرینه جلوس ایده لر و مسک
ازفردن دیه لراوزرلنده سیران ایدر لر بعده حق سبحانه و تعالی
کروب نامنده بر ملا ککه امر ایدوب سفره بی میدانه کتوره اول
سفره لاجور دیاقوتدن اولوب طولی اون بیک یلق یول و عرضی
دخی اولقدر اوله و اوزرینه درلو طعاملر چکله اصلا آتشد
یشمش اوله زیراجتشد آتش یوقه در همان محض قدرندن
حاصل اولور بعده حق سبحانه و تعالی بیوره که ای ملائکه
قوللریم ی اطعام ایدیکز بعده ملائکه التوندن صحنلر و کاسلر
و طاسلر کتورب هر برنده یش درلو طعام اوله جانلری استیوب
حظری قدر اکل ایده لر بعده حق سبحانه و تعالی بیوره که
یا ملائکه قوللریم درلو شرابلر حاضر ایدیکز پس ملائکه
قوللریم برداقلر و نازنین مشربلر و اربقار ایله جنت ارمقارندن
طولدروب اللرینه صونزلر بعض تفسیر کتابلرنده شویله درکه
اول زمانده کبار اهل سعادت نیاز ایدوب دیه لکه نیچه زماندرکه
ملائکه و غلمان اللرنده شربتلر ایچرز ریمزدن طلب ایده رز که
همان بالذات قدرت انهییه ایله نوش ایده یز همان یلدرلردن
چوق نوردن کاسلر و برداقلر شراب طهور طوللرینه و یریلور
بو معنایه در * و سقا هم ربهم شرابا طهورا * دیمسلر بعده
حق تعالی بیوره که یا ملائکه قوللریم جنت میوه سی کتور بیکز
همان ملائکه دریا قوت و زبرجد ایله مزین طبقلر ایچنده درلو
میوه کتورلر مرادلری قدر اکل ایدوب تلذذ ایده لر
بعده حق تعالی امر ایدوب یا ملائکه قوللریم حله ار و قفتانلر
حاضر ایدیکز دیه پس ملائکه همان درلومزین قفتانلر

کتورب هر بر مؤمن یتش حله کیوب اصلا اکا ثقلت و یرمه
بعده حق تعالی بیوره که یاملا ئکه قوللر یمک قوللرینه بلازک
و خلخال و خاتم کتور بکز پس ملا ئکه انجودن و انتوندن و کشدن
بلاز کلر و خلخال و خاتم کتورب جمله سی مزین او اهل بعده
حق تعالی بیوره که یاملا ئکه قوللر یمه تاجلر کتورب حاضر
ایدیکز پس ملا ئکه انجودن و باقوت و زبر جدایله مزین تاجلر
کتورب باشلرینه قویهل اول تاجلرک هر بر طاشی کونشدن
زیاده منور اوله بعده حق تعالی بیوره که یاملا ئکه قوللر یمه
طیب و رایحه طیه حاضر ایدیکز همان ملا ئکه سرعت ایله
جنت قوشلرینی الوب مسک از فر و طیب و عنبر جزیره لرینه
طلدروب بعده اهل جنتک باشلری اوزرینه کلوب قناد قناده
و یروب جمله اهل جنتک باشلرندن ایقلرینه دک طیب ایله مطیب
ایدهلر بعده حق تعالی امر ایدوب تقدرا غاچلر و ارایسه جمله سی
کونا کون صدایله درلو نغمه لر ایده لر که جمله اهل جنت
ذوق و صفالرندن حیران اولهل بعده حق تعالی بیوره که قوللرم
دخی بندن مر ایدیکز و ارمیدر پس بر لرینه نظر ایدوب عجب
دخی نه طلب ایلسک دیوب علمارک مجلسنه کلوب عجب دخی
نه مر ادا قالدی و کابلرده یازلمش مر ادا قالدیمی دیه لر علمار حهم
الله تعالی دخی مشاهده طلب ایدیکز جمله مر ادا تک اعلی سی
بو در دید کده جمله دیه لر که بار بناسندن انجق مظلوم
مشاهده در کرم قبل بزی نعمت کبری ولدت عظمی ایله مسرور ایله
دید کلر نده همان کبریا جابلری رفع اولوب رب العزه جل شانه
تجلی ایدوب جمله اهل جنت نظر ایتد کده شول مرتبه ذوق

ولدت

ولدت حاصل اوله که سائر لذات نعمی اونودوب سجده ایدهلر
پس جنتده نه دکلوشی و ارایسه جمله سی سجده ایدهلر و جمله سی
دیه لر که یار بناسن علوار تفاع و عز و عظمت کبریا ایله موصوف
رب العزه سک ملک و ملکوت سکا مخصوص در سنک شریکک
و نظیرک یوقدر حد و شکر سکا مخصوص در جمله نعمت قوللر بکه
سندن ککلور و فضل و کرم سنکدر سندن غیری بر التبحا
ایدوب معبود قلینا جق بر نسنه یوقدر جمله اشیا یی یوق ایکن
و ارقیلان سنسک جمله جانلور ی میت ایدوب ککیرو
جانلوایدن سنسک سنک قدرت قاهره ک جمله اشیا یی مغلوب
ایتشدن دیوب انواع تقدیس و تسبیح و حد و شکر و ثنا ایده لر
پس انلرده شولقدر انوار و حسن و جمال ظاهر اوله که اصلا عقل
انی ادراک و تصور ایده مز پس حق سبحانه و تعالی انلره سلام
و یروب السلام علیکم یا عبادی السلام علیکم یا احبابی السلام
علیکم یا اولیائی دیه تنکم قرآن کریمده بیورر * سلام قوللا
من رب رحیم * و اهل جنت دیه لر که یار بناسکالایق عبادت
ایده مدک شمدی بزه اذن و یررمبسک سکا سجده و عبادت ایدهلیم
حق تعالی بیوره که قوللرم جنت شویله بر مکاندر که بونده زحمت
و مشقت اولماز و عبادت و طاعت اولماز بر سر نی انجق
ضیافتمه و اکرامه دعوت ایلدمکه ذوق و صفا ایده سر من بعد
سر نر ایچون عبادت و سجده و سائر تعب یوقدر ابد الابدین
ذوق و صفا ککرز یاده اولمقددر بعده حق تعالی اذن و یروب
هر کس مکانلرینه رجوع ایدهلر حق تعالی و تبارک اذنبه بر منادی
ندا ایده یا اهل جنت مکانلر بکره رجوع ایدیکز رب العزه سرندن

راضی در بعد هر کس سر ایلرینه کلوب ازواجلری قارشو کلوب
 دیلر که نه کوزل منور اولدیکنز و جالکنز نه عجب زیاده اولمشدر
 پس جواب و یروب دیلر که برب العزه جل وعلایی مشاهده
 ایتدک انک ایچون نور مز و جمالز زیاده اولدی دیوب هر زمان
 حسن و جمال و ذوق و صفای زیاده اوله اللهم ربنا کرنا بمشاهدتک
 فی جوارک الکریم * تذیل * معلوم اولسونکه جند اهل
 جنت رب العزه جل وعلایی مشاهده ایملری اهل سنت اعتقادنددر
 آیات و احادیث ایله ثابتدر برآیت **کریمه** * وجوه یومئذ
 ناضرة الی ربها ناظرة * یعنی عقی ده اهل سعادت سرور
 و بهجت و نصرت و جمال ایله ممتاز و مکرم اولوب رب العزه
 جل شانه انلره تجلی ایدوب انلر دخی نظر ایدیمیلر در و برآیت
 کریمه ده * للذین احسنوا الحسنی و زیاده * یعنی عالم دنیاده
 اسلام و ایمانده صادق اولوب و کوزل عمل ایدوب قوللر ایچون
 عقی ده کوزل جنت و دخی زیاده نعمت حاضر اولمشدر حضرت
 رسول الله صلی الله علیه وسلم لفظ حسنی بی جنت و لفظ زیاده بی
 مشاهده و رؤیت ایله تفسیر یورمشدر و دخی بی حدیث شریفده
 * انکم سترون ربکم کازون القمر لیله لیدر * واقع اولمشدر
 و یکریمی برکار صحابه رضی الله تعالی عنهم روایت ایلشدر
 براسی حضرت صدیق اکبر ابو بکر رضی الله عنه در
 و احادیث مشهوره دندر معناسی یا معشر الاسلام علی التحقيق
 سرلر ریکزی عقی ده کرر سر شک و شبهه و ازدحام اولیوب
 تشکم عالم دنیاده لیله لیدر ده قری کور سر بلا شهده قرده
 شک و مشاهده سنده ازدحام اولدیغی کبی و مشاهده نک وقوعی

اوزرینه اجماع امت منعقد اولمشدر اما معتزله طائفه سی مشاهده بی
 انکار ایدوب دیدیلر که مشاهده نک بش شرطی وارد اولدی
 مشاهده اولسان نسنه مکانه اولقی ایکنی جهته اولقی
 اوچنخی مقابله ده اولقی دور دخی افراط اوزره بعید و قریب
 اولیوب متوسط اولقی بشنخی قوت باصره دن شعاع اکاتصل
 اولقی ناظر ایله منظور اراسنده ضیا اولقی شرط ایله امدی
 یوشروط حق تعالی حقنده محالدر و مشاهده دخی محال اولور
 دیدیلر اهل سنت نصرهم الله تعالی جانبدن جواب و یریلوب
 اولوب یوشروط عادیه و نیایه در امور آخرت عالم دنیایه قیاس
 اولتماز و بو امور مذکورده ک شروط اولدیغی فی الدنیا
 و الاخرة هنور ثابت کلدر انجق مشاهده حق تعالی و تبارکک
 اراده و ایجاد ایله اولور ممکندر که دیار مغربده اولان اعمی ده
 حق تعالی مشاهده ایجاد ایلسه مشرقده اولان قریجه بی
 مشاهده ایدر بو مثالو نسنه لر امور ممکنه دندر قدرت ربانیه
 اکانعلق ایتدک **صحیحدر** سوان مشاهده ایچون وقت معین
 وارمیدر جواب تجلی ایکی قسمدر عام و خاص تجلی عام هر جمعه
 کونی مقدارنده اولور تشکم جامع الصغیرده انس رضی الله عنه
 روایتله شویله در که * ان الله تعالی یجلی لاهل الجنة فی مقدار
 کل يوم الجمعة علی کتب کافور ایض * یعنی تحقیق الله تعالی اهل
 جنت هر جمعه کونی مقدارنده تجلی ایتسه کر کدر انلر بیاض کافور دن
 دیلر اوزرنده قعود ایدیجی اولدفلری حانده و تجلی خاصده اهل
 جنت مساوی دکلددر علمده و عملده کای کسب ایتدیکی قدر
 مشاهده ایدر جله اهل سعادتک کباری هر زمان مشاهده ایدر

وکیسی اوج کون مقدارنده وکیسی دورت کون مقدارنده
 مشاهده ایتسدر کرکدر سؤال مشاهده امت محمدیه ایچونمیدر
 یو خسه سائر امم سالفیه دخی اولورمی جواب امت محمدیه
 حقده اتفاق وارد و سائر امت حقده اختلاف وارد لکن
 ظاهر اولان انلردخی مشاهده ایدرل سؤال مشاهده انسانیه
 مخصوصدر یو خسه جن و ملائکه دخی مشاهده ایدرل می جواب
 انام ابوالحسن الاشعری و امام بیهقی و حافظ علامه ابن القيم
 ملائکه دخی مشاهده ایدرل دیدیلر صحیح بودر و امام بلقینی
 جن طائفه سی مشاهده ایدرل دیدی سؤال نسوان مشاهده
 ایدرل می جواب حقده اقوال کثیره و نقول عدیده وارد و بعضیلر
 انلر ایچون مشاهده یوقدر دیدیلر لکن بوقول ضعیفدر
 و بعضیلر انلر رجال کی مشاهده ایدرل دیدیلر بو ظاهر در
 و بعضیلر بیرام کونلری مثالی مقدارنده که مثلاً سنده ایکی کره
 مشاهده ایدرل دیدیلر و الله تعالی اعلم و احکم سؤال جتده
 اکل و شرب و جماع اولندقد فاضلات و غسل و سائر اذی واقع
 اولور می جواب جتده بو مثالی نسنه اولماز چان اکل و شرب
 ایتدکه انلردن مسک و عنبر رایحه سی کی بدنلرندن در ظهور
 ایدر و غسل کی نسنلر انده اولماز سؤال جتده کیجه و سائر
 ظلمت اولور می جواب عالم جنت نورانیسدر و عرش عظیم نوری
 جله جنانی احاطه ایلشدر و جناتک هر بر ذره سی کونشدن زیاده
 ضیا و پرانده شمس و قمر و کواکب و سائر چراغ باقعه احتیاج یوقدر
 و انده زجت و مشقت ویره جک نسنه اولماز و لباسلری کهنه لئمز
 و عجز و قنور و کسل کی نسنه انده اولماز ذوق و لذت و صفا و راحت

محلیدر

محلیدر اللهم ادخلنا الجنة مع الابرار تنمّه عالم دنیا ده یقظه حالنده
 حق تعالی بی مشاهده ایلیمک انجق حضرت رسول کائنات
 علیه شرائف الصلوات والتحيات جناب عالی منزلت لرینه
 مخصوصدر لیلۃ الاسراده واقع اولمشدر مع هذا باش کوز یله می
 یو خسه یا لکز قلب کوز یله می واقع اولدی دیوسلف و خلف
 اختلاف ایتلشدر و سائر مرسلین صلوات الله وسلامه علی نبینا
 وعلیهم اجمعیندن برینه واقع اولمشدر از جمله حضرت موسی
 علیه السلام تمی ایدوب مضمون نظم عزیزم صدافنجه * رب
 ارنی انظر الیک * یعنی یارب العزه ذات جلاله الصفات کی اراءت
 و کشف ایله سنی مشاهده ایده یم دیو نیساز و ضراعت بیورد قدده
 وراء حجاب کبریادن * لن ترانی * خطاب هیبت ربانیه و فرمان
 عظمت صمدانیه صادر اولمشدر برابو منصب عالی منزل متعالی
 منازل لذات جنانیه نک اعلاسی و افضلیدر و حضرت مفرج
 العالمین و حبیب رب العالمین صلی الله علیه وسلم عالم سمواته اسرا
 اولنوب تا که جناب حضرت ذات احدی به مخصوص قلبیان
 سرقاب قوسین اوادنی به ارتفاع و وصول حالنده واقع اولمشدر
 اولمقام عالیشانده دنی او مافیها تحت اقدامنده القا اولمشدر
 و بالجمله مشایخ سلف و علماء خلف رحیم الله تعالی بو بابده نیجه
 مدونات و سائر جمع و تألیف ایلوب شویله تحقیق ایتلشدر در که
 بو مقام لیلۃ معراجده انجق حضرت سید کائنات علیه
 الصلوة والسلامه عطیه اولمشدر هر کیجه بودعوایی ایدوب حال
 یقظه ده بکا واقع اولدی دیرسه اول کسه ضلالت و غوایت
 مهلکه نهنده واقع اولمشدر و بر اعتقاد باطل ایتلشدر و حق

تعالی بی اصلا بلمشدر و حاکم الوقت اولنر اول کسه بی تعزیر
 شدید ایلمک لازمدر و بعضی اول کسه نک کفریله فتوی ویرمشدر
 و زندقه سیله حکم ایلمشدر و مشایخ صوفیه دن ابوسعید الخراز
 و جنید بغدادی رسائل تألیف ایلیوب بومقوله کسه لر الله الملک
 المتعالی اصلا بلیوب اهل ضلالتدنردیو تصریح ایلمشدر
 و اما رؤیاده مشاهده ایلمک حقینده دخی مشایخ سالفه دن
 اختلاف و بعضی لرندن نفی و انکار منقولدر لکن صحیح اولان
 منع و انکار اولمقدردر زیرا نقول صحیح ایله سلف صالحینک
 بعضی بکارندن وقوعی نقی اولمشدر حتی حضرت امام اقدم
 و هم ام افخم و مقتدای اعظم ابوحنیفه رضی الله عنه و ارضاه دن
 نقل اولنور که عالم منامده رب العزه جل شانہ بی طفسان طقوز کره
 مشاهده بیرر مشدر صکره بر کره دخی واقع اولوب تمام یوز کره
 مشاهده وقوعی ثابتدر و امام احمد رحمه الله بیور مشکه رب العزه
 جل اسمہ بی دوشمده کور دم و سؤال ایدوب دیدمکه یارب العزه
 سکا کسب تقرب ایدن قوللر نه سبیلہ تقرب ایدر لر شویله جواب
 بیوردیکه یا اجد کلام و قرآنم تلاوتیله ایدر لر و بن سؤال
 ایلد مکه یارب معناسنی فهم ایله می یوخسه مجرد تجوید ایله
 نظم شریفی تلاوت ایله می جواب بیوردیکه معناسنی فهم ایلده
 و فهم ایلده دن ایلده تقرب ایدر لر و سائر صالحاردن دخی منقولدر
 لکن کمال تقوی و تمام زهدار بایندن اولنلره در یوخسه اهل
 جهل و اصحاب عصیان بومنصبیدن مردود و معز و لر در
 اللهم ثبنا علی دینک و احشرنا مع الذین انعمت علیهم من النبیین
 و الصدیقین و الشهداء و الصالحین و حسن اولئک رفیقاً آمین

بحرمة

بحرمة حبیبک النبی الامی العربی القریشی الامین * مقام سادس
 ایمان بالقضاء و القدر بیاننده اولیجیدر معلوم اولسونکه
 حق تبارک و تعالی هر شیئی قضاء ایلمشدر و قضا اهل سنت مذهبده
 ارادت ربانیه نک تعلقاتدن عبارتدر امدی جمیع کائنات وجوده
 کلزدن مقدمنه وجه اوزره ونه کیفیتله ونه زمانده اوله جغنی
 بیلوب اراده علیه سی تعلق ایدوب لوح محفوظه یازلمشدر نتکم
 امام ترمذی عبادۃ بن الصامت رضی الله عنه روایتده شویله در که
 حضرت رسول کائنات صلی الله علیه وسلم بیوردیکه * ان اول ما
 خلق الله القلم * یعنی تحقیق حق تعالینک اول خلق ایلدیکی
 نسنه قلمدر ابوهریره رضی الله عنه روایتده * اول شیء خلق الله
 القلم ثم النون و هی الدوات * یعنی حق تعالینک اول خلق ایتدیکی
 قلمدر صکره کی نوندر یعنی دواتدر * فقال له اکتب * یعنی
 حق تعالی قلمه کتبت ایله امر ایلدکده قال ما اکتب * قلم نه شیئی
 کتبت ایدیم دیدی حق جل و علا بیوردیکه اکتب انقدر
 مقدوراتی و مخلوقاتی علی وجه التفصیل کتبت ایت دیدی
 فکتب ما کان و ما هو کائن الی الابد * پس قلم شمدیکی
 زماندن مقدم اولنلری و ابد الابدین اوله چقلری یازدی و برر وایتده
 قلم هر کسک عملنی و اثرینی و رزقنی و اجلنی و سائر امورنی علی حده
 یازدقد نصکره * ثم ختم علی فم القلم فلم ینطق و لاینطق
 الی یوم القیمه * یعنی فمک اوزرینه حق تعالی ختم ایلدی بردخی
 تسطیر ایتدی و الی یوم القیمه هیچ برنسنه یازماز دیمکدر
 امدی بوندن معلوم اولدیکه لوح محفوظ محو و اثبات قبول ایتز
 نتکم حضرت علی رضی الله عنه و اکثر علما رجهم الله تعالی

بویله تحقیق ایتدیلر و اما * یحیو الله ما یشاء و یثبت و عتده
ام الکتاب * کبی آیت کرمه لری امور دنیا ک اختلا ف
وتبدل * و کم اهلکنا من القرون و انشأنا من بعدهم قرناً آخرین
کبی آیت کرمه لره جل و تفسیر ایتدیلر تکم ارشاد البشر
الی طریق القضا و القدر آدور ساه مزده تفصیل ایلدک و دخی
حضرت امام اعظم ابو حنیفه رضی الله عنه فقه اکبر کابنده
شویله بیور دیکه * لایکون فی الدنیا و لا فی الآخرة شیء الا بمشیته
یعنی دنیاه و عقی ده ذره قدر نسنه بولماز الا حق تعالی
و تبارکک ارادتیله بولنور و قضاه حکمنه و امرنه مقارن بولنور
و قدره مقدار معین و زمان و مکان معین و وصف معین اوزرینه
تقدیر و تعیین ایتدیکنه مقارن بولنور و کتبه فی اللوح المحفوظ
اونسنه ک وجودندن مقدم لوح محفوظ کاتب ایتدیلر بولنور امدی
بو تقریردن شویله منفهم اولدیکه جله مخلوقاندن برسنه و هیچ
اثر یوق ایکن حق جل و علا نلری ذره به ذره علی وجه التفصیل
پیلور کبسنه ک وجوده کله سنی و کینک یوق اولمه سنی خبر لری
و شر لری و فائده لری و ضرر لری کافر لک کفر و شر کلر دخی
و فاسق لک فسق و عصیان لری مراد ایدوب لوح محفوظه یازمشدر
پس بو تقدیر جه قوللر انک حکمنه و قضاسنه مخالفت ایتدیکه قادر
دکدر هر کس فعلنده و سائر حرکات و سکناتنده مجبور و مضطر
اولق لازم کلور دیوسئال توهم اولند یغیچون پس ابو حنیفه رضی الله
تعالی عنه بو سؤالی دفع ایچسون دیدیکه لکن کتبه بالوصف
لایحکم یعنی حق سبحانه و تعالی لوح محفوظه وصف طریقله
یازدی یعنی هر شی حقه ده فلان نسنه شویله اولور و فلان کیمسه

کافر

کافر اولور ل اختیار لریله و فلان کیمسه لرمؤمن اولور ل اختیار لریله
و سائر اشیا شویله اولور ل دیو هر نسنه لک اوصافی و احوالی
و قوللرک اراده لری و قصد لری ایجاده سبب اولور دیو کاتب
اولمشدر یوخسه فلان کیمسه ل شویله اولسونلر و فلان نسنه
بویله اولسونلر دیو حکم امر و نهی طریقله دکدر بوضورنده
جبر و اضطرار لازم کلر و دخی قضا ایکی قسمدر بریسی مبرمات
و بریسی معلقات اما مبرمات اولدر که بر شرط ایله مشروط
و بر سببه مر بوط اولمشدر بلکه قطع و جزم طریقله حکم
و مراد اولمشدر مثلاً فلان نسنه ل البته شویله اولسه کرکدر
دیو حکم اولمشدر بویله قضا دن احتراز اصلاً فائده و یرمز اما
معلقات که حکم الهی بر شرط اوزرینه تعلیق یا خود بر سبب
ایله مر بوط اولمشدر مثلاً قوللر تزوج ایلدکده اولاد حاصل
اولور تزوج ایلینلر اولاد دن محرومدر و فلان مصیبتلر قوللرک
دعاری سببیه دفع اوله جقدر و فلان مراد ل دعاری سببیه
حاصل اوله جقدر دیو قضا اولمشدر امدی تزوج شرطدر
اولاد مشروطدر و تزوج اولدجه اولاد حاصل اولماز کذلک
دعا سببدر مصیبتک دفعی مسیدر و سائر مراد ل دخی مسیدر
امدی بویله قضای معلقدن احتراز و مراد معلق طلب نمکندر لکن
قوللره اولاً لازم اولان بودر که شرطه و سببه اولاً تثبت ایدوب
بعده مراد طلب ایده ل و الحاصل چونکه قضا قوللره کوره
امر مجهول اولوب کیفیبنده معقول اولند یغیچون هر
بر عموم و خصوصده سبب و شرطه تثبت امر لازمدر
شاید مراد ل اول سبب و شرط واسطه سببیه حاصل اولور

بازن الله تعالى سوال امور اخرويه غير متناهيه در امدی نيجه
لوح محفوظه مجموعی تحریر ممکن او اور جواب حقیقت لوح
سائر نسنه لکبي دکدر و کاتب دخی مجهول الکيفدر
بو مثللو اموره ايمان واجيدر کيفيتندن بحث ممکن دکدر حتی
بعض اهل العلم شويله يسور مشدر که معلومات عالم عندنده
نيجه من تسم و منتقش ايسه کذلک جميع اشيا دخی لوحده
اويله جه من سومدر يوخسه کاغد اوزرينه کاتب کبي دکدر
ديمشرو الله تعالى اعلم واحکم * فصل * قدر مقدوره دينور
مخلوق معنا سنه در خارجه بولسان اشيا قضاء سابقه موافق
ظهور ايدرامدی قدر لاحقدر وقضاء الهی سابقدر و برلرينه
موافق و مطابقدر مخالف اولمق محالدر والحاصل هر نه که
عالمده بولنور حق تعالينک ارادتيله ولوح محفوظه يازميسله
و يرا تمسيله بولنور امام بخاري وامام مسلم رحمهما الله تعالى
تخریج اينديلر عبدالله بن مسعود رضي الله عنه دن رسول کائنات
صلى الله عليه وسلم بيوردیکه * ان احدکم يجمع خلقه في بطن
امه اربعين يوما نطفه * يعني تحقيق سرنک بريکز مثلاً اناسي
قرننده قرق کون نطفه اولديغی حالده خلقتي جمع و ترتيب
اولنور * ثم يكون علقه مثل ذلك * بعده قرق کونده براويوشمش
قان اولور * ثم يكون مضغه مثل ذلك * بعده قرق کونده
برپاره ملايم ان اولور وصورت انسانيه آنده حاصل اولور ارکک
ياخود عورت تام الخلقه ياخود ناقص الخلقه هر اعضاسي
برلوريننه ترتيب اولنوب روح کلکه قابليت حاصل اولدقده
ثم يرسل اليه الملك فينفخ فيه صكره اکابر ملک ارسال اولنوب

اکاروح نفخ ایده * ويومر باربع کلمات * ملک دورت نسن
يازمغله امر اولنور * يکتب رزقه واجله وعمله وشقي اوسعيه
انک رزقني وعمرني وعملني واهل جهنميدر يوخسه اهل
سعاد تدنميدر بوتلرک جمله سني يزار امدی بر حديث شريفده
شويله واقعدر که * السعيد من سعد في بطن امه والشقي من شقي
في بطن امه * يعني سعيد اولدر که اناسي قرننده اهل سعادت
اولديغی يازلمش اوله وشقي اولدر که اناسي قارنده اهل شقاوت
اولديغی حالده يازلمش اوله ديمکدر بعض اشاعره دن منقولدر که
مؤمن شول کسه در که عمری ايمانله ختم اوله نقدر طول عمرنده
کفر وعصيان ايدرسه ييله کافر اولدر که العياذ بالله تعالى عمری
کفر ايله ختم اوله نقدر طول عمرنده طاعت وايمان ايدرسه ييله
لکن ماتريديه مذهبنده شقاوت وسعادت متبدل اولور نيجه
کسه لواردر که صورت اسلامده مقر اولور آخر عمرنده مرتدا ولوب
کفر ايله ختم اولنور و نيجه کسه لواردر که طول عمری کفر وضالانده
کچر آخر عمرنده توبه ايدوب ايمان و هدايت اوزده ختم اولنور و دخی
رزق ايله عمر ييله تمام اولور و عمر زياده و نقصان قبول ايتمز زيرا
اجل ديوشول زمانه ديرلر که حق تعالى موقی اول وقتده قضا
ايتمشدر تاخر و تقدم قبول ايتمز عمرک زياده اولمسنی مشعر بعض
حديث شريفلر تاويل اولنمشدر برکت و رفاهيت و طاعانه
توفيق اولنمغله وغيری وجهله ده و دخی معلوم اوله که بنی آدم
اوزرينه مؤکل ملائکه وارد در عددنده اختلاف اولنمشدر
بعض روايتده شويله در که بر ملک انسانک صاغ جانبنده ايلديکي
حسناتی يزار و یری صول جانبنده ايلديکي سيئاتي يزار و بوصول

جانبند اولان فرشته نك رئيس در جهان برگاه ايلسه صاغ
طرفند اولان ملكه يازه يمي ديو سوال ايدر اول يازمه بلكه
استغفار ايله وتوبه ايله ديرو بر مقدار توقف ايدر اكر توبه
واستغفار ايتزه كابت ايت ديو امر ايدوب حق تعالى بزي
بويله عاصيدن خلاص ايله خيبت كسه به مقارن اولدق
حق تعالى نيك عذابني خاطر ينه كك تور مز وحقني محافظه
ايلز حق تعالى دن او تنزاد بسز كسد در ديرل و بر ملك دخی
مواجهه سنده و بر ملك خلفنده در مضرتدن حفظ ايدرل
و بر ملك دخی آلي جهنده در اكر توضع ايدرسه اكارفت
وشان ويرر و اكر كبر ايدرسه اكارهلاك و دناءت ويرر و ايكي ملك
دخی اغزي مقابله سنده در انجق رسول الله صلى الله عليه وسلم
صلات ويرد كده تبليغ ايدرل و بر ملك دخی اغزنه مؤكلدر يلان
وسار مضر حيوانلر او بخوده و غفلت حائنده ضرر ايتيهلر
ديو محافظه ايدرل و ايكي ملك دخی كوزلري مقابله سنده در
جمله سي اون ملائكه در هر انسان او زر ينه مؤكلدر كشي
صالح كسه لردن نيجه حيا ايدرسه بونلردن دخی او بلجه حيا ايله
وانلره اذيت ايله امدى بوملائكه تبديل قبلور زيرا كك و نذر
اون ملائكه اخشامه دك محافظه ايدرل اخشام انلر صعود
ايدرل اون ملائكه سعادن نزول ايدرل صباح اولنجديه دك
محافظه ايدرل بومنوال اوزره اون ملائكه كوندن كلور و اون
ملائكه كيجه كلور و دخی زياده ملائكه مؤكلدر ديو بعض
علما ذاهب اولملر در حنى بر روايتده هر مؤمن قنده اوجبور
الشمس ملك وارد در ديو واقع اولمشدر بر حديث شريفده

شويله

شويله در كه * ان الله تعالى نهاكم عن التعري فاستحيوا من
ملائكة الله الذين معكم الكرام الكاتبين الذين لا يفارقونكم
الا عند احدي ثلث حاجات الغائط والجنابة والغسل * يعني
تحقيق الله تعالى سزى چلاق اولمقدن نهى ايلدى و حيا
ايديكز شول الله تعالى نيك ملائكه سندن كه سز كله بيله در
وشويله ملائكه كه عند الله مكرملر و اعمال واقوال كرى يازميجلر در
شويله ملائكه قدسيه كه اصلا سز دن مفارقت ايتزلر
اوج حاجت وقتدن ماعد ابريسى تخطو ايدر كن و بريسى
مجامعت ايدر كن و بريسى غسل ايدر كن بواج حالده بر مقدار
مفارقت ايدرل و بعض روايتده شويله در كه كشي روح
تسليم ايلد كده كندويه مؤكل اولان ملائكه بي كور را كرا اول
كشي خشيات و لغويات و سائر فحشياتي مر نكب ايسه اول
ملائكه اول كسه به ديرل كه الحمد لله سندن خلاص اولدق
بزه در لو در لو اذيت ايدر دك و خشيات و غيبت سويليوب بزه
ايتد يرر دك و قبيح عملره بزي واقف ايدوب متاذى اولور دق
قبيح مكالمده او تورب در لو در لو خباثت ارتكاب ايدوب بزمالم
ويرر دك الحمد لله تعالى شمدى سنك كي خيبت رقيقدن قور تولدق
ديرل و اكر اول كشي بر صالح كسه ايسه ملائكه اكا ديرل كه
حق تعالى سكا خير و رحمت ايلسون و سندن راضى اولسون
سن كوزل رقيقمز ايدك بزه خيرلى كلاملر ايتد يرر دك خيرلى
عمللر ايدوب بزي شاد ايلدك و خيرلى مجلسلره كيدوب بزي
مستريح ايلدك حق تعالى سندن راضى اولسون ديرل * اللهم
انا نعوذ بك من شرور انفسنا و سيئات اعمالنا وان تقف

في قبورنا وان نخزى يوم الحشر بين اقراننا اللهم ارحمنا
والحقنا بزمره حبيبك الابرار والاخيار والمقربين الاطهار
واغفر لنا ولوالدينا ولاساتيدنا ولاقربائنا والمؤمنين والمؤمنات
الاحياء والاموات برحمتك يا ارحم الراحمين وصل وسلم
وبارك على سيدنا وشفيعنا رسولاك وحبيبك
محمد وعلى سائر النبيين والمرسلين
وعلى آل كل وصيهم

اجمعين والمجد لله

رب العالمين

آمين

م

قد تم طبع هذا الكتاب المستطاب بعون الله الملك الوهاب
المتعلق بالايمان والاسلام المشتمل على الاصول والفروع
فهو على الحق حقيق بان يحرق بماء التضار فرحم الله
لمن الفه ودونه وفي روضة جناحه اسكنه واحسنه
بمعرفة ابراهيم صائب مدير دار الطباعة العامة
في القسطنطينية العلية صانها الله عن الافات والبليّة

في اواخر محرم الحرام لسنة اربعة واربعين
وماثين والفا من هجرة من له

العز والشرف والمجد لله

على اتمامه بلطفه

اللطيف

*

SÜLEYMANİYE G. KÜTÜPH.			
Kisim	Sıfıf	Yeni Kevit No.	Eski Kevit No.
	34		
Tasnif No.	4973		